



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>













DACTYLIOTHECA  
SMITHIANA

---

Volumen Alterum

HISTORIAM GLYPTOGRAPHICAM

A U C T O R E

ANTONIO FRANCISCO GORIO

E X H I B E N S.



V E N E T I I S.  
C I D I C C L X V I I .

---

EX·TYPOGRAPHIO·J·B·PASQUALII.  
*SUPERIORUM·VENIA·AC·PRIVILEGIO.*

R.3033



T Y P O G R A P H U S L E C T O R I  
B E N E A G E R E.

~~decorations~~

Q UAM in prioris voluminis Anteloquio spopon-  
deram *Historiam Glyptographicam*, tibi jam in ma-  
nus legendam lubens, volensque contrado. Tanta pro-  
fe~~c~~to ex artium omnium historia enascitur utilitas ,  
ut qui varias illarum progressiones, vicesque apprime  
calleat , is unus sit , qui judicium de illis confiden-  
tissime ferre queat , valeatque internoscere, quibus po-  
tius temporibus, Graecis ne , an Romanis consignan-  
da sint artificum Opera , quae sibi in oculos incus-  
runt ; nec quae sunt nuperi sigillariarii , pro anti-  
quis, ac genuinis sibi obtrudi patiatur . Quumque hoc  
semper a natura hominibus insitum fuerit , ut sua quis-  
que studia sequatur ; hinc artifices omnes , plastae ,  
statuarii , pictores , gemmarum insignitores , quotquot  
fuere , in fingendis , exprimendisque rerum imagini-  
bus , ingenio , susceptaeque peculiari cuidam rationi  
indulserunt ; quae nisi praecognoscantur , quid in ar-  
tibus certi , comprehensique haberi poterit ? Monui-  
mus alibi historiam hanc a cl. Marietto fuisse jam  
pro virili parte exarata , atque etiam Franciscum  
Victorium symbolam contulisse lithographis insignio-  
ribus concelebrandis . Videbor ergo , ut in adagio  
HIST. GLYPT.

2 P R A E L O Q U I U M.

est, eamdem semper incudem ad fastidium usque retinere, dum Gorianam historiam legendam apporrigo? Apago tam iniquum de hoc opere judicium. Gorius siquidem quae ab aliis fusa, ac fortasse tumultuaria oratione scripta fuerant, in pauca contraxit, quodque est multo praestantius, dilucido ordine, & vel alphabetica serie, vel habita scholarum, temporumque ratione digessit. Dum lithographos memorat, eorum opera proxime adnotat, quae adhuc dum in Cimeliis adservantur, ut si cui volupe sit ea contemplari, cujusque artificis ingenium, industriamque facilius, ac plenius cognoscere possit. Ita historia ipsius monumentis adhuc vigentibus communata, testataque est. Nam quum Achillis, Helenae, Polycratis Tyranni annuli recensentur, quibus delphin, monstrum marinum, & lyra insculpta perhibetur; id quidem artem Glyptographicam ab heroicis usque temporibus invaluisse ostendit, nihil vero de Gemmariorum peritia, aut rusticitate condoceficit. Quare in texenda hujus artis historia, utilitatem cum voluntate conjungens, eam ab epocha multo certiore incohandom duxit. Quod si calatum aliquando liberius procurrere passus est, videturque eos commemorare, qui Gemmarii non sunt, sed affines artes factitarunt, indulgendum homini indefatigabili, quem jam torquebat incommoda valetudo, viresque pristinae lento morbo delassatae, paullatim in dies deserebant. Quod

P R A E L O Q U I U M. 3


si bono rei litterariae convaluisset, opus secundis curis au&gtum, emendatumque typis commisisset. Bibliothecam etiam Glyptographicam ex integro conscribere parabat, in qua multa, quae post editam a Marietto prodierunt, collectanea Gemmarum opuscula, commentaria in unum compaginata librum percensere in animo habebat. Sed haec omnia cum auctoris vita

*Abstulit atra dies, & funere mersit acerbo.*

Historiam ergo, qualis inter tot discrimina superfuit, aequi, bonique consulas; habes enim si forte non omnibus suis numeris absolutissimam, illam certe & summo labore partam, & perspicuitate praeclaram, & operis instituto accommodatam.

VIVAS. VALEAS. FLOREAS.





P. A. Novelli del.

G. B. Brustolon inc.

# HISTORIAE GLYPTOGRAPHICAE P A R S I.

P R A E S T A N T I O R U M  
SCALPTORUM GEMMARIORUM  
N O M I N A,  
Operumque eorum Descriptionem  
complectens.

## A D M O N I S



ERCULES. Opus *Sardae* inscalptum; quod exstat in hac Dactyliotheca, ipsumque habes infra in hoc Opere Tabula XXIX. Eius nomen duabus prioribus litteris indicatur **AΔ**, & a nonnullis peritis censemur ipsum **ADMONIS** nomen indicare; quos illud apud veteres Scriptores memoratum invenisse arbitror. Sed & duae priores litterae **ADONIDI**, & **ADRASTO** convenire facile etiam possunt; quæ Artificum nomina nota nondum sunt, atque ex eorum operibus inlustria.

**A** AETIO-

## HISTORIA

### AE TIONIS

**HERCULES BIBAX.** *Sardae* inscalptus. Tabula I. apud Cl. STOSCHIUM.

**IMP. CAES. M. AURELIUS ANTONINUS AUG.** Ex *Vitro* antiquo. Tabula II. ibidem.

**PRIAMUS.** Ex antiquo *Vitro*. Tabula III. ibidem.

### AGATHANGELI

De hoc eximio Sculptore Gemmario inferius dicam.

### AGATHEMERI

**SOCRATES.** *Sardae* inscalptus. Tabula IV. *Operis Stoschiani.*

### AGATHOPI

**CAPUT VIRILE IGNOTUM.** *Beryllo* inscalptum. Alii Sex Pompeium, alii M. Brutum Caesaris interfectorem referre putant. De hoc Opere consummatissimo, vide quae adnotavi in Vol. II. *Musei Florentini*, in quo Tabula I. num. II. adfertur. STOSCHIUS edidit; & primus omnium CAUSEUS in *Museo Romano*, sed nil de Artificis nomine adnotavit, quod ignoravit. Tabula V.

Quoties Tabulas cito, intelligo praelaudatum *Opus Stoschianum.*

**ALEXA.** Vide *QUINCTUS ALEXA.*

### ALEXANDRI

**AMOR LEONEM DOMANS, AD STANTIBUS DUABUS FEMINIS.**  
*Sardonychi* anaglypho opere exscalptus. Tabula VI.

### ALLIONIS

**MUSA LYRA CANENS.** *Sardae* inscalpta. Tabula VII.

**APOLLO LAURIGER.** *Sardae* inscalptus. Tabula VIII.

AM-

## A M P H O T E R I

RHOEMETALCES THRACUM REX. *Iaspidi nigro* inscalptus.

Vide Vol. II. *Musei Florentini* Tabula X. num. III.

Haud tamen certum est, huius Artificis nomen ita abbreviatum ΑΜΦΟ.

## A N T E R O T I S

HERCULES BUPHAGUS. *Chalcedonio* incisus. Tabula IX.

## A N T I O C H I

MINERVA BELLATRIX. Gemma huius Artificis deperdita est. Supereft e<sup>c</sup>t<sup>y</sup>pon singulare archetypum ad formas anaglypticas educendas; olim apud Vir. Cl. ANDREAM ANDREINIUM Patricium Florentinum, qui archetypum *Sardae* incisum mihi narrabat; nunc ipsum e<sup>c</sup>t<sup>y</sup>pon archetypum inter mea Cimelia exstat; in quae ex ejus *Musco* sulphurea & cerea omnia antiqua. Gemmariorum opera post eius obitum migrarunt. Hanc imaginem aeri incisam primus in lucem protuli in Parte I. *Inscript. Antiq. Etrur. Urbium*, Tabula I. num. IV.

## A P O L L O D O T I

MINERVA SALUTIFERA. Ex Gemma *Musei Barberinii*. Tabula X.

## A P O L L O N I D I S

TAURUS PROCUMBENS. *Sardonychi* incisus. Tabula XI.

## A P O L L O N I I

DIANA MONTANA. *Amethysto* incisa. Tabula XII.

## A S P A S I I

MINERVA SALUTIFERA. *Iaspidi rubro* inscalpta. Tabula XIII.

JUPI-

## HISTORIA

JUPITER TUNICATUS. *Iaspidi rubro insculptus.* Fragmentum in *Museo Mediceo.* Tabula XIV.

Ex similitudine & praestantia operis addatur JUPITER AEGIOCHUS, ex hac Dactyliotheca, Tabula I. in hoc volumine editus.

## ATHANASSI

AMAZONUM UNA sculpta est in Gemma, quae Sociis Columbariis ostensa est, & ab eis scripta pag. 85. *Annal.* XI. Artificis nomen tribus prioribus litteris indicatur, nempe ΑΘΑ: sed dubium atque incertum, num nomen artificis, vel aliquid aliud indicet; atque etiam num hoc ipsum nomen vel aliud innuat.

## AULI.

Praestantis huius Graeci Artificis Gemmarii octo Gemmae ab eo inscalptae, eiusque praeclaro nomine insignitae habentur, quas accurate describit Vir Eruditissimus FRANCISCUS VICTORIUS, Eques Commendat. Sacri Ordinis D. Stephani P. & M. editis eximiis operibus clarus, in *Dissertatione Glyptographica* Cap. III.

EQUES GRAECUS. *Sardonychi* incisus. In *Museo Florentino* Tom. II. Tabula II. num. I. Apud STOSCHIUM Tabula XV.

QUADRIGA. *Sardae* incisa, Tabula XVI.

DIANA VENATRIX. *Sardae* inscalpta, Tabula XVII.

AESCULAPIUS. *Sardae* inscalptus. Tabula XVIII. in *Museo Florentino* Tom. II. Tabula VII. num. III. Apud STOSCHIUM Tabula XVIII. Exstat in *Museo Strozzi*.

PTOLEMAEUS PHILOPATOR. Ex Ectypis Stoschianis. Tabula XIX.

VENUS SEDENS CUM CUPIDINE LUDENS. *Achatii vario* insculpta. Exstat in *Museo Victorio Romae*; primum edita &

## GLYPTOGRAPHICA.

v

ta & inlustrata ab ejus possessore V. C. FRANCISCO  
Equit. Commend. VICTORIO in *Dissertatione Glypto-*  
*graphica.*

IUVENIS EXIMIÆ FORMÆ. *Chalcedonio exscalptus*, cuius  
ectypum ab amico accepi. Exstabat in *Museo Cappo-*  
*niano Romae*, nunc in *Museo Collegii Romani*, cui om-  
nes Gemmas & alia monumenta, quæ collegerat, te-  
stamento donavit Ill. Marchio ALEXANDER GREGORIUS  
CAPPONIUS. Nondum lucem adspexit.

CUPIDO PAPILIONEM TRUNCO ARBORIS ADFIGENS. Descri-  
bitur a JOANNE FABRO Bambergensi in *Commentariis*  
*ad Imagines Virorum Inlustrium Bibliothecae FULVII URSI-*  
*NI. De hac vide Dissertat. Glyptographicam Cap. III.*

### A X E O C H I

FAUNUS CITHAROEDUS CUM PUELUO THYSIGERO. Gem-  
mae incisus. Ex Ectypis Strozzianis. STOSCHIUS Ta-  
bula XX.

### C A E K A E

GLADIATOR RUDIARIUS. Gemmae incisus ex Ectypis  
Stoschianis. Tabula XXI.

BACCHUS ET ARIADNE PANTHERAE INEQUITANTES. In-  
sculp. Iaspedi rubro in *Thesauro Mediceo Musei Florentini*  
T. II. Tabula VI. apud STOSCHIUM Tabula XXII.

### C L E O N I S

APOLLO CITHAROEDUS. Ex *Sarda Musci Andreinii*; quae  
quum perierit, forma pro ectypis ducendis sola su-  
perest, & in meis Cimeliis adservatur. Hanc in lu-  
cem protuli in Par. I. *Inscript. antiq. Etrur. Urb.* Tabu-  
la I. num. II.

### C N A E I

HERCULES IUVENIS. Berylo inscalptus. In *Dactyliotheca*  
B Stroz-

*Strozziæ Romæ. Edita in Museo Florentino Tom. II.*  
*Tabula VI. num. II. in Opere Stoschiano Tab. XXII.*  
*Certarunt & adhuc certant Gemmarii in hoc miro*  
*opere exprimendo. Habes & in hac Collectione re-*  
*petitam eiusdem Herculis imaginem. Tabula XXII.*  
*cum adscripto eiusdem CNAEI nomine TNAIOC. Apud*  
*eumdem Cl. STOSCHIUM exstat & Discobuli, sive A-*  
*thletæ integra imago, nondum edita, pretiosissimo*  
*lapillo stupendo opere insculpta, qui audit Giacinto*  
*Guarnaccino, quam non semel vidi ac suspexi.*

Sed CNAEUM præstantem quoque Artificem fuisse in cae-  
 landis gemmis anaglyptico opere nuper mihi inno-  
 tuit. Singulare eius Opus *Cammeo* emptum est Neapo-  
 li a Nobili Barone Praefecto Domus Marggravii Prin-  
 cipis, omnium elegantiarum aestimatoris & cognito-  
 ris eximii, quod exhibet Cupidinem compedibus re-  
 vincatum, manibus post terga vinculisi religatis, cum  
 bidente, seu Herculis, seu Neptuni, ad pedes. Hanc  
 Gemmam antea habebat Belisarius Romanus, qui ven-  
 didit. Juvenile caput summo artificio *Sardæ* inscal-  
 ptum exstat Romæ in *Museo Victorio*, addito per si-  
 glas CNAEL nomine. Nec dubito hunc & alios Grae-  
 cos Opifices alias gemmas inscalpsisse, quæ adhuc  
 sub terra latent, nec ad nos pervenere. Fama est  
 in egestionibus Herculanensibus inventas fuisse aliquot  
 Gemmas ornatas nomine *Artificum*, quae aliquando  
 in lucem, si Deus dabit, prodibunt.

## C O I N I

*ADONIS. Onychi incisus. Stosch. Tabula XXIV. KOINOR.*  
 ita scriptum in eximia Gemma, atque ita legendum  
 esse nuper me admonebat idem Cl. STOSCHIUS; quare  
 si per-

si perperam exscripsit nomen Pictor, & ita xomor incisum est, delendum, & nomen suae sinceritati restituendum. Hanc Gemmam pretiosissimam post obitum Nobilissimi Comitis CAIMI sibi acquisivit Celsissimus Princeps IOSEPHUS VINCISLAUS DE LICSTEIN-STEIN, Sac. Romani Imperii Princeps, rebus bello ac pace praeclare gestis toto orbe, atque etiam sapientia & eruditione clarissimus.

## C R O N I I

MUSA LYRA CANENS. Gemma periit. Ectypon servabat in suis Cimeliis V. C. ANDREINIUS, quod nunc illud ipsum in meis exstat. Imaginem protuli in Par. I. *Inscript. antiq. Etrur. Urb. Tabula I. num. I.*

## D I O S C O R I D I S

AUGUSTUS CAESAR, cum astro. *Amethysto* inscalptus. Exstat Romae in Cimeliario Marchionis DE MAXIMIS. STOSCHIUS Tabula XXV. Huius Artificis praestantissimi, qui sub Augusto floruit, meminit Plinius Lib. XXVII. Cap. I. cuius sex Gemmae eius manu, ut creditur, sculptae ad nos pervenere. Scalpsit etiam, eodem Plinio teste, imaginem suam, & Alexandri Magni.

AUGUSTUS Divi F. sine astro. Alterum eiusdem opus *Amethysto* incisum. Exstat in *Dactyliotheca Strozzia*. STOSCHIUS edidit Tabula XXVI.

MAECENAS. *Amethysto* inscalptus. Exstat in *Thesauro Regis Galliarum*. STOSCHIUS Tabula XXVII.

MERCURIUS. *Sardae* incisus. Ex *Dactyliotheca PHILIPPI DE STOSCH*, ab eo editus Tabula XXVIII.

DIOMEDES PALLADIO POTITUS. *Sardae* incisus. Exstat in *Dactyliotheca Scriniana Lutetiae Parisiorum*. STOSCHIUS Tabula XXIX.

PER-

**P**ERSEUS. *Sardae* inscalptus. Olim in *Thefauro Farnesiano* Parmae, nunc penes Augustum CAROLUM BORBONIUM utriusque Siciliæ Regem exstat. STOSCHIUS Tabula XXX.

**H**ERCULES CERBERUM VINCIENS. In *Onyche* inscalptus, ex *Thefauro* Regis Borussiae. STOSCHIUS Tab. XXXI.

**G**IANTUM UNUS PUGNANS CUM IOVE. *Berylo* inscalptus admirando absolutissimoque opificio; a me inlustatus Tabula XXXIII. Exstat in *Dactyliotheca Zanettiana* Venetiis, quae cum meis Observationibus prodiit Venetiis anno MDCCCL. in fol.

In alia Gemma, quae exhibet Cupidinem armatum clypeo posita humi galea, scriptum est praclarum Diodoridis nomen ΔΙΟΚΤΟΡΙΔΟΣ. Utrum sit eius genuinum opus, docebit nos Illustris STOSCHIUS in sua Appendice ad editum Opus, quam meditatur.

### D I P H I L I

Inedita est, & lucem videre gestit Gemma praecellentissimi operis, quae olim spectabatur in *Museo Farnesiano*, nunc vero exstare creditur in *Cimeliario Serenissimi* utriusque Siciliae Regis. In ea Vas operosissimum sculptum est a DI PHILO, qui nomen suum ita inscrisit ΔΙΦΙΛΟ.

De Vasculis admiranda arte sculptis in Gemmis non pauca quae adnotavi habes in meo *Florilegio Noctium Corythanarum* Cap. VI. quae supervacaneum est heic iterum adferre.

### E P I T Y N C H A N I

**G**ERMANICUS. In *Achate Sardonyche* exscalptus. Exstat in *Dactyliotheca Strozzia*. Editus in *Museo Florentino* To. II. Tabula IX. num. I. & a STOSCHIO Tabula XXXII.

Evo-

## E V O D I

IULIA AUGUSTA DIVI TITI FILIA. Gemmae *Beryllo* eximiae magnitudinis inscalpta. Exstat Parisiis in *Theſauro S. Dionysii*. STOSCHIUS Tabula XXXIII.

## EUTYCHETIS AEGAEAI

MINERVA BELLATRIX. Inscolpta *Amethysto albae*, ex *Theſauro Salviati, Colonna, Romae*. Insignis hic Lithographus patriae suae, & Magistri nomen in eodem opere suo ita inscripsit:

Ε Τ Τ Τ Χ Η Ζ  
ΔΙΟΚΚΟΤΡΙΔΩΤ  
ΑΓΓΕΑΙΟ Κ Ε Π

STOSCHIUS Tabula XXXIV.

## FELICIS CALPURNII SEVERI

DIOMEDES & ULYSSES LITIGANTES. Opus *Sardae* incisum; ex *Dactyliotheca Arundelliana* Londini. STOSCHIUS Tabula XXXV.

Putant nomine Calpurnii Severi indicari vel possesorem Geinmae, quod a multis factum observavimus ex epigraphe in Gemmis addita; vel patronum, cuius Libertus fuerit FELIX Gemmarius praestantissimus. Neque etiam absurdum crederem, Calpurnium Severum magistrum fuisse eiusdem FELICIS, qui honoris causa se eius discipulum scripsit, eiusque nomen nomini suo praeposuit. Clar. STOSCHIUS edidit Tabula XXXV. Idem nomen praefert antiquorum Gemmariorum, Caelatorum Graecorum aemulus, labore, studio, diligentia ac patientia in suis caelaturis eximius, FELIX BERNABEUS Florentinus, qui ita Gemmas operosissimas a se scalptas inscribere solet: B. F.

C                   quod

x H I S T O R I A

quod monui etiam in meo *Florilegio Noctium Corythanarum*, Cap. VI. pag. 56.

H E I I

DIANA VENATRIX. Gemmae inscalpta. Ex Ecotypo Vi-treto *Musei* sui Cl. STOSCHIUS Tabula XXXVI.

H E L L E N I S

HARPOCRATES. *Sardae* incisus. Ex Ecotypis *Cimeliarchii Strozzianni*. STOSCHIUS Tabula XXXVII.

H Y L L I

PHILOSOPHI CAPUT. *Sardae*, quam *Carneolam* dicunt, incisum. STOSCHIUS Tabula XXXVIII. In meo *Florilegio Noctium Corythanarum* Cap. VI. pag. 60. adnotatum est, visam ab Academicis Etruscis fuisse insignem Gemmam ex *Sardonyche*, in qua sculpta Diana Venatrix seminuda, cum cervo ante ipsam; in cuius exergo scriptum Artificis nomen ΗΤΛΟΡ; quod utrum genuinum sit alii viderint. Superius vidimus Dianam venatricem cum cervo ab HEIO sculptam, adscripto suo nomine HEIOY.

CLEOPATRA. Opus eiusdem HYLLI, *Sardae* inscalptum. Ex *Fulvii Ursini Imag. Ill.* STOSCHIUS Tab. XXXIX.

TAURUS DIONYSIACUS. Eiusdem, *Sardae* incisus. Exstat in *Thesauro Christianissimi Galliarum Regis*. STOSCHIUS Tabula XL.

H Y L L U S D I O S C O R I D I S

Hicce eximiis HYLLI operibus, addo alterum opus artificio & elegantia stupendum, quod exhibet protomam Fauni iuvenis ridentis, anaglyptico opere Chalcedonio exscalptam ab eodem magni nominis scalptore Gemmario: quod insigne opus vidi anno MDCC-XXX.

XXX. inter *Cimelia* Illustrissimi Viri IACOBI BENEDICTI WINCLERI Baronis Saxonis, quum Florentiae moraretur, ornatum eius nomine tribus in hunc modum lineis comprehenso,

Τ Α Λ Ο Κ  
ΔΙΟΚΤΩΡ ΠΙΔΩΤ  
Ε Ν Ο Ι Ε Ι

& hinc discimus eum Dioscoridis discipulum, vel filium fuisse. Suspicabar inventum in Columbario servorum Liviae Augustae. Hunc ad distinctionem alterius Hylli addidisse arbitror nomen praceptoris fama celeberrimi, qualis fuit Dioscorides, qui aetate Augusti floruit, atque eius imaginem sculpsit. (1) Alterum forsitan Hylli opus, quia dubium, infra describam in Par. II. huiusc Historiae Glyptographicae.

### L U C I I

VICTORIA IN BIGA. Opus *Sardae* incisum. Ex *Dactyliothece Marciana* Harlemi. STOSCHIUS Tabula XLI.

### M I L E S I I

Ingenio, arte, ac studio praecellentissimus, nunc pri-  
mum in lucem prodit, nomine tantum, MILESIUS,  
de quo silent veteres Scriptores, nec aliis hoc no-  
mine ab IUNIO memoratur; cuius opus elegantissimum  
atque absolutissimum in meis Cimeliis exstat, e *Vi-*  
*tro* ( vulgo *Pasta*) quod colore *Sardonychem Achatem*  
refert. Sed prodibit eximium hoc opus, egregie, ut  
spero, suppletum cura & peritia Clar. Baronis DE  
STOSCH, cui hoc ipsum meum archetypum dedi, ut  
ex eo exemplar sibi acciperet, ac delineandum cu-  
raret,

---

(1) Vide quæ adnotavi in Vol. II. Musei Florentini ad Tabulam II. num. III. pag. 13.

raret, quod postmodum mihi restituit. *Vitrum* hoc (quod dolendum) fractum ad nos pervenit; sed ipsum fragmentum ostendit magnitudine insigne fuisse eius opus. Sedens spectatur APOLLO ante tripodem quadratae basi impositum. Toto corpore nudus est, reiecta in humeros chlamyde, quae admirando artificio tam pulchre refluit, ut eius renes vestiat, & refluat e sede, quae perelegans est; nam eam fulciunt coxae & pedes leonini, & in sede ipsa sculptus est gryps alatus, ornamentum eidem Numini aptum ac conveniens. In exergo huius eximii operis Artifex ita scripsit nomen suum ΜΙΛΗΣΙΟΣ.

### M I T H R I D A T I S

CAPUT EQUI collo tenus stupendo opere inscalptum est *Sardonychi*; quae eximia Gemma exstat in *Dactyloteca Stoschiana*; & lucem videre desiderat in eius Appendix, sive ab eo editi Operis Supplemento. Quum Artificis nomen tribus prioribus litteris sculptum sit, videndum, utrum MITHRIDATIS, vel alterius Opificis nomen, de quo silent veteres Scriptores, designet.

### M Y C O N I S

CAPUT SENILE, *Iaspidi* incisum; olim apud FULVIUM UR-  
SINUM. STOSCHIUS Tabula XLII.

### M Y R T O N I S

LEDA CYCNO VECTA. Gemmae incisa; ex Ectypis Stroz-  
zianis STOSCHIUS Tabula XLIII.

### N I C O M A C H I

FAUNUS SEDENS CUM TIBIIS. Opus Achati nigro inscal-  
ptum. Olim in *Dactyloteca* Equitis HIERONYMI  
ODAM

ODAM Romæ. Nomen adscriptum Romanis litteris  
in hunc modum NICOMAC. STOSCHIUS Tabula  
XLIV.

## ONESAE

MUSA FIDIBUS CANENS. Ex *Vitro* *flavo*, seu *Pasta*, ut  
aiunt, antiqua; olim in *Dac̄tyliotheca Andreinia*; nunc  
in Imperiali *Thesauro Mediceo*. Hanc protuli in *Museo*  
*Florentino*, Tom. II. Tabula IV. STOSCHIUS Tab. XLV.

HERCULES OLIVARIUS, eiusdem ONESAE Opus, *Sar-*  
*dae* insculptum; olim in *Dac̄tyliotheca Andreinia*, nunc  
in *Augusto Mediceo Thesauro*. Edita a me est in To. II.  
*Musei Florentini* Tabula I. num. III. STOSCHIUS Tabu-  
la XLVI.

## PAMPHILI

ACHILLES CITHAROEDUS. *Amethysto* inscalptus. Exstat  
in *Thesauro Regis Galliarum*. STOSCHIUS Tab. XLVII.  
Idem Emblema ACHILLIS CITHAROEDI, sed alio modo  
a PAMPHILO sculptum, opus admirabile, *Sardae*, ex  
*Dac̄tyliotheca* Ducis DEVONIAE Londini. STOSCHIUS Ta-  
bula XLVIII.

## PEIGMONIS

BACCHANIS EBRIUS, SALTANS. Ex *Vitro*, vulgo *Pasta*, co-  
loris *Amethystini*. Exstat in Regio *Mediceo Thesauro*,  
quod protuli in Tom. II. *Musei Florentini* Tabula III.  
num. II. pag. 14. Class. I. Ostendi in exprimendo in-  
signis Artificis nomine errasse LEONARDUM AUGUSTI-  
NIUM & STOSCHIUM; alter legit ΠΕΜΑΛΙΟ; alter ve-  
to ΠΕΡΓΑΜΟΤ, qui hanc Gemmam proposuit Tabula  
XLIX. adiecto nomine ΠΕΡΓΑΜΟΤ, quum scriptum sit  
ΠΕΙΓΜΟ.

## PHARNACIS

EQUUS MARINUS. Opus *Sardae* inscalptum. Olim exsta-  
D bat

bat in *Museo Farnesiano* Parmae ; nunc in *Cimeliar-  
chio Serenissimi CAROLI BORBONII* utriusque Siciliae  
Regis. STOSCHIUS Tabula L.

## PHILEMONIS

**THESEUS.** *Sardonychi* incisus. Exstat in *Caesareo Vindo-  
bonensi Cimeliarcho* ; opus immensi eximii laboris &  
artificii. STOSCHIUS Tabula LI.

**FAUNI CAPUT HEDERA REVINCTUM.** Opus eiusdem PHI-  
LEMONIS, cuius antiquum *Vitrum*, vulgo *Pasta*, ex  
*Dactyliotheca Stroziana* edidit STOSCHIUS Tabula LI.

## PLOTARCFHI

**AMOR LEONEM DOMANS.** Opus praecellentissimum ex  
*Achat Sardonyche exscalptum*, olim delicium Cl. V.  
ANDREINII ; quo vita functo in *Mediceum Cimeliarchium*  
migravit. Inter Mediceas Gemmas principem obti-  
net locum in *Museo Florentino* a me edito Tom. II.  
Tabula I. num. I. editum quoque a Cl. STOSCHIO Ta-  
bula LII. Eius nomen in *Gemmae exergo ita scri-  
ptum, πλωταρχος εποιει,*

## POLYCLETI

**DIOMEDES PALLADIO POTITUS.** *Sardae* opus incisum ex  
*Dactyliothecae Stoschianae Etypis* ; olim Abb. PETRI AN-  
DREAE ANDREINII Patricii Florentini. STOSCHIUS Ta-  
bula LIV. edidit.

## PYRGOTELIS

**ALEXANDER M. MACEDO.** Ex *Sardonyche* anaglyphice  
exscalptum opus . In *Thesauro Serenissimi Principis  
LOTHARII FRANCISCI Electoris Moguntini*. STOSCHIUS  
Tabula LV.

Eiusdem

## GLYPTOGRAPHICA.

xv

Eiusdem, PHOCION. Ex *Sardonyche* anaglyphico opere exscalptus. STOSCHIUS Tabula LVI. Hunc inlustrem Virum cognomento *Bonum* sculpsit etiam ALEXANDER CAESARIUS, iure ac merito propter artis peritiam Graecus Magister cognomento dictus; cuius imaginem habes inter Gemmas nuper a me explicatas Dactyliothecae Zanettianae Tabula III. pag. 5.

### QUINTI ALEXAE

ACHILLES AD BELLUM PROFICISCENS. Inscalptus *Sardonychi*; cuius insigne fragmentum servatur Romae in Dactylioteca Viri Clarissimi FRANCISCI Commend. Equit. VICTORII ab eo inlustratum in *Dissertatione Glyptographica* Cap. XXIX. XXX. & XXXI. Ea locum habuit & in Vol. II. *Musei Florentini* Tabula XCIV. num. I. de qua differui pag. 155.

### QUINTILLI

NEPTUNUS. Berylo incisus. Ex *Dactylioteca Ludovisiiana*, olim *Boncompagna*, Romæ. STOSCHIUS Tabula LVII.

### SCYLACIS

SATYRI CAPUT. *Amethysto* incisum, ex *Dactylioteca Strozziiana*, olim Florentiae, nunc Romæ. Editum a me in Tomo II. *Musei Florentini* Tabula IX. num. III. Apud STOSCHIUM Tabula LVIII.

Eiusdem, HERCULES MUSARUM, sive LYRISTES. Ex *Sardoniche* anaglyptico opere exscalptus. Apud DOMINICUM THEUPOLUM Patricium & Senatorem Venetum. Editus a STOSCHIO Tabula LIX.

### SELEUCI

SILENI CAPUT HEDERA REDIMITUM, *Sardae* inscalptum. Exstat Florentiae in *Dactylioteca Riccardiana*. Protuli in

li in Vol. II. *Musei Florentini* Tabula IX. num. II. Apud STOSCHIUM Tab. LX.

## SOLONIS

DIOMEDES PALLADIO POTITUS. Gemmae incisum opus, ex Ecotypis Cimeliarchii Strozziani. STOSCH. Tab. LXI. Eiusdem, MAECENAS. Opus Sardae incisum; ex Dactyliotheca Boncompagna Ludovisia Romae. STOSCHIUS Tabula XII.

Eadem MAECENATIS imago Sardae sculpta exstat Florentiae in Dactyliotheca Riccardiana, quae idem SOLO-NIS antiquum opificium, praestantiam, ac similitudinem refert; & facile eadem Gemma esse potest, quam protuli in Volumine II. *Musei Florentini* Tabula X. num. II. ad quam vide quae adnotavi.

Eiusdem SOLO-NIS MEDUSA Chalcedonio insculpta. Artis miraculum habetur & celebratur; quam nostri Artifices referre conati sunt, ac diu multumque in ea exhibenda desudarunt. Edita a me est in Volumine II. *Musei Florentini* Tabula VII. num. I. & a STOSCHIO Tabula LXII. Caelatura ex archetypo apographica habetur & in hac Collectione Tabula XXI. Eiusdem, CUPIDO. Sardae incisus exstat in Dactyliotheca Senatoris CERRETANI Florentiae, quam editam vide in Volumine II. *Musei Florentini* Tabula X. num. I. & apud STOSCHIUM Tabula LXIV.

## SOSOCLIS

MEDUSAE, seu GORGONIS CAPUT, Chalcedonio incisum ex Cimeliario Ottoboniano. STOSCHIUS Tabula LXV.

## SOSTRATI

AMOR LEAENAS DOMANS CURRUM VEHENTES. Opus ex Acha-

*Acathe bicolori anaglyptice scalptum. Romae in Cimeliorum Otthoboniano. STOSCHIUS Tabula LXVI.*

## S O T R A T I

Diversum est nomen, & caelaturaे opificium a SOSTRATO superius laudato, ut observat Cl. STOSCHIUS, qui hoc, ut aiunt, Cameum, ex Achate bicolori exscalptum adfert Tabula LXVII.

In eo exhibetur MELEAGER & ATALANTA. Hoc thema delineatum manu sua ad me misit peritissimus Eques HIERONYMUS ODAM, quod servo.

## T E U C R I.

HERCULES CUM IOLE. Opus insigne *Amethysto* incisum.

Olim in *Dactyliotheca* Praestantissimi Viri Abbatis Petri Andreæ Andreinii. Post eius obitum translatum est in regium *Mediceum Thesaurum*, a me editum in Volumine II. *Musei Florentini* Tabula V. Vide & apud STOSCHIUM Tab. LXVIII. Praestantiorum harum Gemmarum omnium cum Artificum nominibus ectypa, & alia plurima, quae in suis Cimeliis idem ANDREINIUS habebat, in meis nunc adservantur; ad quae etiam adcessere quae C. V. Senator BONARROTIUS, dum viveret, in deliciis habebat. Alia fere innumera & ipse sedula cura collegi ex Museis Academicorum. Priscarum omnium elegantiarum Vindex & aestimator peritissimus Abbas ANDREINIUS obiit Florentiae, sepultusque est in avito Sepulcro in Templo D. MARIAE Virginis ab Angelo Annunciatae; quod, si eius filiabus, earumque heredi gratum id fuisset, elogio iam a me exscripto ornare volebam in memoriam tanti Viri, quo auspice & favente non parum colui studia eruditae Antiquitatis. Adhuc si-

E

ne

ne titulo iacet omni laude maior. Vir optimus, omnis vetustatis Indagator & Aestimator peritissimus. Sed de eo plura in Historia Antiquaria Augusti Medicei Musei. & ceterorum Florentinorum, quam meditor, ubi etiam de Antiquitatum Collectoribus & Scriptoribus Florentinis eruditis, qui vetusta monumenta profulerunt, atque inlustrarunt, luculenter differam; & si otium, Deo dante, erit, de Claris quoque nostris Etruscarum Urbium Antiquariis sermo instituetur.

## THAMYRIDIS

SPHYNX CAPUT SUUM LANIANS. Opus Sardae incisum ex Dactyliotheca D. Baronis de ALBRECHT Viennae Austriae, apud STOSCHIUM Tabula LXIX.

## TRYPHONIS

NUPPIAE CUPIDINIS ET PSYCHES. Opus anaglyphum petrinsigne ex Sardonice exsculptum. Gemma est eximiae magnitudinis; exstat in Dactyliotheca Arundelliana Londini. Postrema est inter eas, quas Clarissimus STOSCHIUS Tabula LXX. in lucem protulit anno MDCCXXIV.

Nec silentio praetereundae aliquot Gemmae, quas, ut aliqui putant, insculpta praeferunt Artificum nomina, sed dubia & incerta sunt, quum & ipsa nomina possessorum Gemmae esse possint; tamen si Gemmae opificium sit antiquum, & ob praestantiam, atque elegantiam sit conspicendum, ipsum Artificis nomen expressum esse potest; sin tamen praecipuis quibusdam antiquitatis notis careant litterae vel crassiores, vel minus politae, & informes, ad dominum vindicandum sculptum credi potest.

Ab


Ab his illae Gemmae exscipiendae, quibus novitio operae inscalptis Artifices avaritiae stimulis agitati non suum, quod erat faciendum; si opera ipsa exquisito artis studio eminerent, sed veterum Gemmariorum Caelatorum nomen ad imperitos decipiendos inscripsierunt; quapropter aliae Gemmae circumferuntur ornatae praeclarissimis antiquorum Lithographorum nominibus AULI, DIOSCORIDIS, SOLOONIS, & aliorum nonnullorum, quae lubens praeterea. Ab his etiam exscipiendae sunt Gemmae illae ceteroquin antiquo opere & elegantia pulcherrimae, quae Veterum Dominorum nomen, vel integris, vel compendiariis notis praefrerunt, quae fausta auguria, & aclamations vel festivas, vel amatorias, vel funebres continent, vel nomina Clarorum Virorum, famosorum quoque Aurigarum, Athletarum, Palaestritarum, Militum, Philosophorum, Poetarum, cuius generis plurimas Gemmas, quas litteratas adpellamus, dedimus in Volumine II. *Musei Florentini*, & in Parte I. *Inscriptionum antiquarum Etriarum Urbium*. Ex his ingentem numerum delineandum curavit amicus meus optimus, Celeberrimus PHILIPPUS VENUTUS, Liburnensis Ecclesiae Praepositus, a quo speramus perdocto Commentario suo inlustratas in publicum aliquando prodituras. His adde non paucas Astriferas super a me editas; adde Aegyptias, ornatas Hieroglyphicis notis, Graecas, & Etruscas; sed in Etruscis nondum observatum est in ipsis inscriptum Artificis nomen, sed Deorum & Heroum adscripta nomina, ut illa *Musei Ansidiiani*, quam protuli in mea Historia originis studii Antiquitatum Etruscarum. Veteres Christiani praeter sacras Historias, & Symbola

bola eorum propria , nempe Crucem Domini , Sacrosanctum Monogramma , pisces , anchoram , columnas , navem , ramusculos olearum , palmas , coronas , & alia divina emblemata , sanctas quoque & castas adclamationes in anularibus Gemmis insculperunt , & litteras , quae ad pietatem & religionem hortarentur , & mutuam inter Fideles fraternam dilectionem , pacem , concordiam conciliarent ac testarentur , quod & Convivalia Vascula Vitrea picturis ornata , & laetis adclamationibus inscripta , perspicue fidem luculentissimam faciunt . Gemmae litteratae , & sacris symbolis atque emblematis ornatae ab ipsis donabantur propter merita Fidei , Religionis , Societatis , liberalitatis , atque hospitalitatis , tum Christi fidelibus dum viverent , vel etiam defunctis , quae piis adclamationibus decorabantur . Si exempla vellem proferre , nimium benevoli Lectoris patientia abuterer . Clarius id patebit , si Deus dives in omnes qui invocant illum , & vires , & opes praestabit , ut Thesaurus omnium Vasculorum Vitreorum , & Gemmarum , quae in usum fuere apud veteres Christianos , meis curis , ad Sanctae Catholicae Ecclesiae decus , publico studiosorum Sacrorum Cimeliorum bono in lucem proferatur , congestis , ordinatisque in unum corpus omnibus hisce venerandis primitivae IESU CHRISTI Ecclesiae monumentis . Per molestem siquidem mihi est ea hac illac disperfa , & in aliquot libris edita sine ordine videre , cum etiam multa adhuc inedita in Museis Inlustrium Vitorum delitescant , nec nisi multis curis & impensis haec Collectio omnium luculentissima & absolutissima parari possit . Sed in magnis & voluisse sat est ; si id

si id ego obtinere minime potero , ( quoad vixero  
id omne quod potero meis viribus faciam ) alii fa-  
cient , & quod flagrantissime ego cupio , ipsi accu-  
ratius & splendidius praestabunt .


Redeo , his expositis , ad nomina quaedam dubia & in-  
certa praestantium Caelatorum , quae antiquis Gem-  
mis insculpta leguntur , quae in altera parte , quae  
sequitur , recensenda existimavi .





P. A. Novelli del.

G. B. Brustolon inc.



P. A. Novelli del.

G. B. Brusolon inc.

# HISTORIAE GLYPTOGRAPHICAE P A R S II.

Praestantium Antiquorum  
SCALPTORUM GEMMARIORUM  
NOMINA VEL DUBIA VEL INCERTA  
Operumque eorum Descriptionem  
complectens.

## A B A S C A N T I

Emmae ectypum cum his litteris vidi apud  
Inlustres Socios Columbarios Florentinos,  
qui illud descripserunt *Annal.* IV. pag. 53.  
Multi hoc nomine ABASCANTI celebran-  
tur in antiquis marmoribus, quae in *Thesauro Grute-  
riano*, & in meis *Collectaneis* adferuntur. Neque in-  
credibile est ABASCANTUM in caelandis Gemmis pe-  
ritum fuisse, quum fuerit Libertus C. Fufi Zmarag-  
di Margaritarii, qui officinam habebat suam in  
Via



Via Sacra Romae, in qua praecipua opera sua faciebant, & vendebant complures praestantes Artifices, nempe GENIARII, qui Geniorum Imagines faciebant, GEMMARI, MARGARITARI, FLATULARII, SIGILLARI, SCALPTORES, & CAELATORES, quos frequentes in priscis Saxis nominatos legimus. Ex *Donianis Inscriptionibus* hunc titulum sepulcralem adfero ad fulciendas pro ABASCANTO meas coniecturas. (1).

C. FUFIO. ZMARAGDO  
MARGARITARIO. DE  
SACRA. VIA. ARBITRATV.  
FVFIAE. CALICAE. Vxoris  
ET. ATIMETI. ET. ABASCANTI  
LIBERTORVM  
LIBERTIS. LIBERTABVSQ.  
POSTERISQ. EORVM

PITISCUS haec habet: „MARGARITARI dicebantur, qui „gemmas & margaritas agnoscebant & vendebant „in Circo sponsoribus, Praetoribus, Quaestoribus, „ceterisque, qui ludos ederent, qui eas victoribus „largiebantur. Sed & omnibus, qui emere volebant, „puto MARGARITARIOS Gemmas vendidisse, adeo- „que & ABASCANTUM haud improbabile est „cum Atimeto conliberto suo, iubente C. Fufio „Zmaragdo, Gemmas vendendas insculpere potuisse. DOMITIUM ABASCANTUM inter praestantes Artifices recenset FRANCISCUS IUNIUS, qui in antiquo lapide apud GRUTERUM DCXXV. 9. memoratur.

BE-

---

(1) Clas. XVII. num. 18.

## B E S I T A L I

**A**LIGER AMOR STANS, hastae, seu potius arundini in nixus. Opus perelegans *Achati Sardonychi* inscalptum. Exstat in *Thesauro Mediceo*; editum vide in *Museo Florentino*, Volumine II. Tabula III. BESITALI non in Graecis litteris ita insculptum est ΒΕΙΣΤΑΛΟΣ, sed satis grandibus, praeter usitatum Caelatorum morem; qui nomen suum litteris quamminimis, ac tenuissimis, exilibusque ductibus perfectis, non scabris, aut distortis, ac vitiosis incidere consueverunt. Interdum etiam litteras crebris punctis effinxerunt, uti spectantur in aliquot praesertim Atheniensium numis: quam scribendi consuetudinem, ut a reliquis Artificibus se distingueret, praesertim GNAEUS superius laudatus usurpavit. Nec raro etiam decurtatum, prioribus adscriptis litteris, nomen expresserunt. Adcedit, quod Graeca omnia tum virorum, tum feminarum nomina aliquid semper significant; at hoc ΒΕΙΣΤΑΛΟΣ, hoc modo scriptum, nullam interpretationem significationemque admittit; ni tamen **B** prop vel **A** scriptum sit. (1)

## E V E L P I S T I

Hoc nomen ita Graecis litteris scalptum legitur in Gemma Symbolica, in qua quatuor capita virilia sculpta, & Elephantis proboscis cum Mercurii caduceo; nempe ΕΤΕΛΠΙΣΤΟΣ. EVELPISTI; quam adfert Clariss. Io. CHIFLETIUS in *Socraticis Gemmis* Tab. IV. num. 15. quam vide.

G

G E.

---

(1) Vide quae adnotavimus ibidem pag. 15. & 16.

**GELIUS**, sive **GELLIUS**,

Spurium Artificis nomen pro **GNAEUS**.

Huius Artificis nomen expunxit a Catalogo veterum Scalptorum Clarissimus Auctor *Dissertationis Glyptographicæ* Cap. II. pag. 5. sed postquam videre atque observare ei licuit in *Museo Victorio* ceram ab exemplari Gemma ductam, indubiae antiquitatis honori restituit in *Indice Rerum*, v. *Gellius*. In ea vero Gemma legitur ΓΗΛΙΟΣ; non autem ΓΕΛΙΟΣ, ut aliqui scripsere: & videndus Clarissimus RODULPHINUS VENUTUS in *Collectanea Antiquitatum Romanarum* pag. 53. Sed, ni fallor, insignis haec Gemma (Giacinto Guarnaccinæ) ea ipsa est, quam paucis abhinc annis sibi comparavit Inlustris STOSCHIUS, quae nudum ΑΘΛΕΤΑΜ exhibet ante mensam tripodem, cui impositum vas cernitur; & in ea, si probe memini, dum aspicarem, non ΓΗΛΙΟΣ, sed ΓΝΑΙΟΣ scriptum est; adeoque huiusmodi eximium opus **GNAEO** Scalptori præstantissimo, non vero **GELIO**, sive **GELLIO** tribuendum.

### H O R I

Gemmam vidi referentem eleganti opere SILENUM, quam Socii Columbarii Florentini in *Annali* suo X. pag. 27. descripsierunt, in qua credebatur scriptum Artificis nomen. Sed quum insculptum sit Graecis litteris OPOR, quum scribendum esset OPOR, inter dubias, & incertas, vel fictitio nomine potius scriptas, hanc Gemmam commemoravimus.

### H Y L L E

Vidi etiam ectyon Gemmae pulcherrimum, in quo mirabili opere Scalptor exhibuit **GALLUM** gallinae incuban-

cubantem . . Fracta est Gemma , in qua haec tantum litterae supersunt . . Aor. quae forsitan ταλοτ. HYL-LI superius laudati nomen indicant . Sed nihil definiō haud inspecto archetypo , quod tamen sacerum & autographum esse potest .

## NICEPHORI

VULCANUS CASSIDARIUS ; nempe cassidem , sive galeam fabricans . Sardae inscalptus est , quae exstat in *Thesauro Mediceo* . Protuli eam in Volumine II. *Musei Florentini* Tabula XV, num. III. Vulcanus sculpris est iuvenis imberbis , exemplo Etruscorum , qui eum iuvenem vultu eleganti & imberbem effinxerunt , teste Etrusca patera edita in meo *Museo Etrusco* , Tomo I. Classe II. Tabula CXX. Sedens igitur galeam fabricat Vulcanus Achilli a Thetide dono dandam . Artificis nomen , more solito , genitivo casu sculptum est ΝΕΙΚΗΦΟΡΟΣ , pro ΝΙΚΗΦΟΡΟΣ , cuius scripturae sexcenta in scriptis monumentis exempla occurunt . Quamvis igitur nihil & operis elegantiae , antiquitati , & inscriptis litteris aduersetur , tamen inter Gemmas dubias recensem existimo .

## PHILETIMI

Gemmae , quae dicitur Granato , & exstat in *Mediceo Cimeliarchio* , a me editae Volumine I. *Musei Florentini* Tabula XVII. num. V. inscalptus est AULOEDUS PYTHIORUM VICTOR , qui duplices tibias manu gerens adcedit ad mensam Apollini Pythio sacram , in qua posita sunt praemia , quae consecutus est in musico certamine . Verosimilius est hoc ipsum nomen non Artificem , quamvis opus sit egregium , sed potius ipsum Philetinum victorem indicare . Nam , ut diximus ,

ximus ; Athletis , Aurigis , Poetis , Oratoribus , ac Musicis , aliisque qui in sacris ludis & certaminibus vicerant , donari solebant Gemmae ornatae vel eorum imagine , vel nomine , quae apud eos & posteros essent spectatae eorum virtutis & ingentis gloriae monumenta .

## P H I L I P P I

**H**ERCULIS CAPUT OLEASTRO CORONATUM , inscalptum *Sardae* , quae adseratur in *Cimeliis Mediceis* . Edita est haec Gemma in Volumine II. *Musei Florentini* Tabula XII. num. I. Inscriptum est nomen ΦΙΛΙΠΠΟΥ manu antiqua ; sed dubium est , utrum eo indicetur Philippi Macedonum Regis nomen , qua imagine ad ob-signandum usus forsitan est ; nam opus ipsum miro artificio , miraque operis venustate perfectum conspicitur ; an vero Artificis nomen , incertum . Macedonum Reges ab Hercule genus suum repetebant ; quare & in numis eiusdem Philippi Regis caput Herculis impressum cernitur ; quod aliis expendendum relinquo .

## P H I L O C A L I

Servatur inter *Medicea Cimelia Sarda* , in qua inscalptum **CAPUT IUVENIS** oleaginea corona redimitum , cum hac epigraphe : ΦΙΔΟΚΑΛΟΥ , PHILOCALI . Incertum est , an Victorem in sacris certaminibus referat , adiecto eius nomine , an potius Artificem Gemmarium , quem indicare potest . Hanc protuli in Parte I. *Inscriptionum antiquarum Etruriae Urbium* , Tab. V. num. III. De his igitur nihil definio , sed incertus adhuc haereo , & aliis iudicium relinquo .

S T E -

## S T E P H A N I

Praefert Medicea Gemma inscalptum *Sardae PEGASUM*, qui Musis in Helicone fontem aperuit, qui inter sidera constitutus est. Latinis litteris nomen inscriptum est operi profecto elegantissimo. Si quis Artificem indicari velit, nihil repugnabit; incertum tamen iudicium erit, ut observabam in Volumine II. *Musei Florentini*, pag. 52. in quo edita a me est haec Gemma Tabula XX. num. III. Laudat Plinius (1) STEPHANUM, cuius praeter alia Opera in Asinii Pollionis Museo spectabantur & Hippiades S T E P H A N I.

## T A R S I

Imaginem vidi HERCULIS *Sardae* inscalptam; cum adiectis litteris TAPCOY. ambiguum Artificis nomen. In *Annali VIII. Societatis Columbariae* de hac caelatura eruditi Socii differuerunt pag. 105. & 106. Crescit in dies impostorum sagax avaritia id inhiantum, ut magno pretio vendant Gemmas imperitis Cultoribus Vetustatis, qui anulis cum Artificis nomine mirum in modum superbunt, idque honori ac laudi sibi ducunt; quos velim potius magis cautos & amicos vere ac sincerae virtutis: nam hae Gemmae si peritissimis viris ostendantur, qui norunt vera & falsis, sincera ab apocryphis discernere, pro laude contemptum accipient. Solent etiam vel ipsi Gemmarii Artifices, vel Mercatores, vel etiam Gemmarum possessores antiquis caelaturis exquisito opificio insignibus vetusti Scalptoris nomen adiicere, sed plerumque produnt inscritam suam, qui vel litteras rudiore stilo inscal-

H punt

---

(1) Lib. XXXVI. Cap. IV.

punt & vitiis scatentes; vel turpia menda in integro nomine scalpendo, perfectaque litterarum forma exhibenda committunt; quod frequenter impostoribus contingere solet. Sexcenta possem recensere exempla tum in numismatis, tum in Scriptis marmoribus perpetrata, sed abstineo, ne nimius siem. Illud, ut alios cautos reddam, non tacebo, aliquos nunc vivere Artifices, qui planis gemmis aptant capita vel ex ebore, vel plastico albo opere efficta, ut nitida *Camea* adpareant, omnemque cum arte fucum adhibent, ut emantur. Neque etiam impostorum manus Statuae & Simulacra effugerunt. Portentum artis, Veneris Mediceae simulacrum dumtaxat non reticebo, cuius basis, superaddita antiquae, inscripta est litteris Graecis, pro dignitate ac maiestate operis, auro inlitis; quam epigraphen antiquam manum non referre aut redolere iam observavi, (1) eaque non solum aliquot mendis scatet, verum etiam litterae non referunt Graeci Sculptoris omnium praestantissimi summam artis scientiam, iudicium, soleritiam consummatissimam. Magis peccant Gemmarii illi Artifices, qui suis operibus, praestantium Graecorum Caelatorum in Gemmis nomen, ut fucum faciant, & Cultoribus imponant, adiiciunt, eorum pecuniae inhiantes, quos tamquam fures plebétendos esse censeo; minus vero peccant, imo aliqua laude digni sunt, qui insignium Scalptorum Gemmariorum opera repetentes, in ipsis eorum genuinum nomen rursum inscribunt; quod si strenue opus.


---


(1) Vide in Tomo III. *Musei Florentini* Tab. XXV. XXVI. XXVII. & XXVIII. pag. 34.  
35. & seqq.

opus & quam scitissime perfecerunt, melius facerent, si suum nomen inscriberent, ut omnes scirent, ac noscerent, scrutarenturque quantum ingenio, studio, labore, viribus, veteris gloriae & artis aemuli valuerint, quibusque conatibus ad eos adcedere contendrent. Interdum etiam Inlustrium Virorum nomina sculptis vel a se, vel ab antiqua manu Imaginibus, puta Demosthenis, Platonis, Ciceronis, addere solent, ut Gemmarum pretium penes cupidos augeant; quod crimen Eruditae Antiquitati inflictum minime verentur; & quandoque in hisce nominibus scribendis facile errant, quum ipsi vel Graecae, vel Latinæ linguae sint penitus imperiti. In insigni Gemma eximio opere sculpta, quae exstat in *Dactyliotheca Stoschiana*, galeam Heroicam efformant animalium capita vel corpora inter se congregata & conserta, canis & porcus; galeae vero thema est Romulus & Remus, qui a Lupa lactantur. Adcedit epigraphe, in qua Artifex, potius novitus, quam antiquus pecavit; nam scripsit P. XANTI, quum scribendum fuisset P. XANTHI; & Familiae nomen praetermissum ab eo est. Huius mentionem feci in meo *Florilegio Noctium Corythanarum*. Cap. VI. pag. 59. Ali quando, ne in haec gravia menda incurvant, priores litteras nominis vel Graeci Artificis, vel Romanii inscribunt, quod factum vidi in pluribus Gemmis, quorum ectypa apud me exstant, ut in *Iaspide*, in quo sculptus HARPOCRATES cum Graecis litteris, & in *Onychè*, in quo BONUS EVENTUS, cum litteris LVP. hoc est LVPVS. Lupi Architecti meminit marmor *Grutrianum* pag. LVII. 7.

HISTORIA &c.  
XENOCRATIS

Praelaudatus Io. CHIFLETIUS, Canonicus Tornacensis, inter Socraticas Gemmas eam protulit pag. 36. in qua mihi videtur sculptus SILENUS haud ebrius, asello insidens, qui sinistra vittatum thyrsum gerit, cum epigraphe XENOKPAT. Censet CHIFLETIUS adferre imaginem Xenocratis Philosophi, quem Plato cum Aristotele confert. Quomodo Philosopho conveniat thyrsus, alii expendant. Quum Gemma sit exquisito opificio elegans, vel Artificis, vel possessoris nomen exhibere potius crediderim. De his pauca haec adtulisse sufficiat.





P. A. Novelli del.  
G. B. Brusioles inc.

# D E PSEUDOSCALPTORIBUS GEMMARIIS.



Seudoscalptores eos intelligo, qui inscalptis  
Gemmis antiquis nomina quorumdam Ar-  
tificum ex ingenio suo iisdem adscribunt,  
qui quidem praestantes fuere; vel alia no-  
mina, ut ipsis placet, configunt & adponunt, ut  
Gemmarum raritatem spectabiliorē reddant, & pre-  
tium earum exaugeant. Clarorum Scalptorum nomi-  
na, quae frequentius occurunt, ea sunt **AULI**, **DIO-**  
**SCORIDIS**, **SOLONIS**, **ONESAE**, **CNAEI**, pree-  
sertim si litterae componentes ipsa nomina facillime  
& minori taedio ac labore inscalpi possunt. Peritio-  
res Antiquitatis Cultores fucatas has gemmas facile  
dignoscunt & reiiciunt; haud ita vero, qui non sa-  
tis antiqua opera a novis discernere, & negotiato-  
rum fraudes cavere norunt; quos, ne decipientur,  
doctiorum iudicium & consilium scrutari necesse est.  
Suspectam Scalptoris manum redolet **Gemma CXXVI.**

I apud

xxxiv DE PSEUDOSCALPTORIBUS

apud FULVUM URSINUM, quae hasce litteras Graecas  
praefert ΤΥΘ, cuius imago creditur T. QUINTII FLA-  
MININI. Illustris Comes DE THOMS, antiquarum  
elegantiarum copia clarus, plurimi faciebat ANTONI-  
NI PI caput existanti opere Gemmae suae inscalptum,  
in qua scriptum MAXALA, quod putabat incogni-  
ti nobis Artificis nomen praeserre; quam, quum Flo-  
rentiae moraretur, mihi ostendit. In *Gemma*, quam  
ad fert MARIETTUS Tabula XCVII. e *Thesauro Chri-  
stianissimi Regis*, in qua creditur Alexander Magnus  
inscalptus, Bucephalum domans, in eius exergo scri-  
ptum nomen FIDIAE pro PHIDIAE; quod mani-  
feste falsum est. In *Novis Litterariis Florentinis* huius-  
cœ anni CIC. IC. CCLIII. num. 6. describuntur non pau-  
cae Gemmae litteratae ex *Cimeliis Riccardianis*, quae  
vel falsa, vel suspecta praferunt clarorum Scalpto-  
rum nomina, quae recitare lubet. *Amethystus* inscal-  
ptum exhibit Pyrrhi caput, adiecto Pseudoscalpto-  
ris nomine hoc ΛΟΜΩΝ. Facile Pseudoscalptor vole-  
bat incidere ΣΩΛΩΝΟC, quod quum perperam scriptum  
sit, fraus manifeste liquet. In aliis eximiis Gemmis  
iam editis, & superius descriptis, quum ONESAS ita  
nomen suum inscripsit ΟΝΗCΑC, sive ΟΝΗCΑΣ  
ΕΠΟΙΕΙ. in *Gemma Riccardiana*, quae exhibit figuram  
nudam stantem cum parazonio in dextera, & tro-  
paeo in sinistra, Plasmae incisam, legitur ΟΝΕΣΙ;  
quod nomen apocryphum est, & temere scriptum.  
In *Sarda* altera cernitur caput iuvenile diademate re-  
vinctum, cum prolixa coma, cui adpositum nomen  
nunquam auditum ΜΕΙΟΥ. ni forte scriptum sit

HEΙΟΥ,

HEIOY, clarum Gemmarum Scalptoris antiqui nomen, qui Dianam Venatricem Gemmae peritissime inscalpsit. Alterum ignotum Scalptoris nomen valde suspectum legitur in *Sarda*, quae Venerem exhibit spinam sibi e pede edacentem, nempe ΚΑΛΠΟΤ. Avis *Onychi* inscalpta describitur, cum hisce litteris CΙΟΝΟΡΟ, quae nihil significant. Aliae Gemmae, quarum ectypa vidi, spuria nomina praferunt LUPI, sive LUPERCI, HORI, SEME... Tarsi, LOMONIS, quae adulteratae sunt. Inter suspectas ea quoque, ni fallor, amandanda est Gemma, nempe *Onyx*, in qua sculptus MERCURIUS dextro pede insistens natus rostro, seu puppi, cum hisce litteris Graecis ΚΥΝΤΙΑ fortassis pro ΚΡΙΤΙΑΝΟΤ, vel quid aliud simile. Etsi Gemmam non viderim, facile tamen puto scriptum ΚΥΝΤΙΑ fortasse clarum QUINTILLI Scalptoris Gemmarii nomen, qui *Berylo* NEPTUNUM scalpsit, quem vide in *Stoschiano Opere* Tabula LVII. Omitto Gemmas aliquot ambiguas, quae iterata praferunt inlustrium Scalptorum nomina, nempe ΠΑΜΠΛΟΤ in *Sarda* ornata virili capite, & in altera ad simili cum iuvenili capite, in qua scriptum ΑΛΛΙΩΝ. PYLADIS nomen, si Gemmarii adiiciendum sit, mihi suspectum videtur, nam scriptum cernitur in *Jaspide rubro*, in quo sculptus Mons Argaeus, inter Collectanea Rom. Antiq. Tab. LXXIV. ex Cimelius Thomfianis, quam vide; siquidem in exergo more veterum Caelatorum ΠΛΑΛΟΤ adnotatum occurrit. Suspectum quoque mihi est nomen incisum *Onychi* in iisdem Collectaneis Tabula XXXI. qui exhibet APOLLINIS protomam, si quis ΟΣΙΩΝ Artificis Lithographi nomen significare putet; vel esse proprium Apollinis  
epi-

xxxvij DE PSEUDOSCALPTORIBUS

epitheton, ut indicet *Sanctum*; nam scribendum erat  
ΟΣΙΩΝ. Sed de his illi iudicent, qui Gemmas ipsas  
contemplari, atque multo magis accurate expendere  
possunt. Nihil heic dico de Scalptorum veterum Grae-  
corum inconstantia, qui nomen suum vario scribunt  
vel in recto vel in genitivo casu, vel etiam integrum,  
vel dimidiatum, vel prioribus tantum litteris declara-  
tum, ut videre est in Gemma ex *Iaspide rubro* num. I.  
114. apud Clariss. MARIETTUM, in quo scalptum  
virile caput, quasi MERCURII cum caduceo, & his  
siglis κ φ, quae vel possessoris nomen, vel etiam,  
quod facile crediderim, Artificis celeberrimi KAL-  
PURNII FELICIS designare facile possunt. Conferen-  
da inter se sunt opicia clarorum Gemmariorum, vi-  
dendumque quid inter utraque discriminis sit, quod  
nonnisi peritissimi Antiquarii diuturno labore & stu-  
dio praestare possunt. Inconstanter ita scripsit in  
Gemmis nomen suum ALLION, nempe ΑΛΛΙΟΝ. &  
ΑΛΛΙΩΝΟC. AULUS vero constanter ita inscripsit  
ΑΤΛΟC. ea excepta sincera & legitima, quae exstat  
in *Museo Victorio*, & ab eius possessore Viro Claris-  
simo FRANCISCO VICTORIO, Equestris Ordinis D. Ste-  
phani Commendatore, erudito Commentario inlu-  
stratur, in qua scriptum est ab eo ΑΤΛΟC. De Gem-  
mis, quae CNAEI Scalptoris eximii nomen praefe-  
runt, vel ΓΝΑΙΩΣ. vel ΓΝΑΙΟC. haec adnotat Celeberr.  
STOSCHIUS pag. 28. sui Operis. „ Vidimus in Daetys-  
liothescis antiquas Gemmas, simili nomine inscri-  
ptas, quas consulto omisimus; cum pro comperto  
habeamus, a quibusdam, ut emptoribus fucum  
facerent, & carius venderent, Graecas litteras  
nuper additas esse“. DIOSCORIDES quoque  
nomen

nomen suum vario modo scripsit, nempe decurta-  
 tum, ΔΙΟΣΚΟΡΙΔ. sive etiam ΔΙΟΣΚΟΡΙΔΗΣ. & ΔΙΟΣΚΟ-  
 ΡΙΔΟΣ. De reliquis quae temere idem nomen & cor-  
 rupte scriptum praferunt, haec adnotat idem Cla-  
 rissimus Auctor pag. 34. „ Alias vidimus veteres gem-  
 „ mas, quibus Dioscoridis nomen inscriptum erat,  
 „ sed recentiori manu exaratum; fucumque aperie-  
 „ bat ortographiae error; cum in hac non ΔΙΟΣΚΟ-  
 „ ΡΙΔΟΣ, quod in DIOSCORIDIS exploratis operi-  
 „ bus, & in MSS. Codicibus alterius Dioscoridis  
 „ Medici legere est, sed ΔΙΟΣΚΟΡΙΔΟΣ, priori littera  
 „ ra v omissa; praeterea internoscere erat quoque  
 „ ex rudibus quodammodo litterarum ductibus, qui  
 „ elegantissimis in gemmis, a DIOSCORIDE scal-  
 „ ptis, apparent; quamobrem illas consulto omisi-  
 „ mus.“. Variavit etiam PHILEMON in suis ope-  
 ribus; nam in THESEI gemma scripsit ΦΙΛΗΜΟΝΟΣ,  
 in altera vero, quae exhibit FAUNI caput, ita scri-  
 psit, ΦΙΛΗΜΩΝ ΕΠΟΙ. Eodem modo & quidem va-  
 rio in suis operibus, quae genuina habentur, nomen  
 suum scripsit SOLON, praestantissimus Scalptor;  
 nempe ΣΟΛΩΝ ΕΠΟΙΕΙ; vel ΣΟΛΩΝΟΣ. vel ΣΟΛΩΝΟΣ.  
 ut in MEDUSA Strozzia.

Alia Scalptorum nomina vel ficta, vel valde suspecta  
 paullo ante indicavimus, vel integra, uti TAPCOT.  
 KOIMOR. uti legitur in Sarda, quae PYTHAGORAM  
 exhibit; SILENUM OPOY. vel dimidiata, ut in Gem-  
 ma AMAZONEM exhibente, in qua scriptum ΑΘΑ  
 forte ATHANASIUS; vel CEME.... circa HARPOCRAT. M,  
 & alia his similia, quae a fraudibus, & ingenio ne-  
 gotiatorum Gemmariorum ut plurimum pendent, &  
 lucri maioris spe conficiuntur.


Ab his secernendae sunt Gemmae sincerae, quae pos-  
 K sef-

sefforis anularis lapilli nomen praeferunt, atque eae etiam, quae faustas adclamations, & amasiorum mellita verba continent, quae vel nullis, vel per paucis figuris & symbolis ornantur; inter quas hae memorandae sunt inter *Riccardiana Cimelia*, *Onyx* cum epigraphe *EYTYXI BEPONIKH.* & in *Achate* exstantibus litteris *EYTYXI EYCEBIA*.

Plurimae aliae Gemmae huiusmodi litteris Graecis vel Latinis insignitae vel proferuntur, vel describuntur in prioribus duobus Voluminibus *Musei Florentini*, atque etiam in his quae *antiquas Inscriptiones Etruriae Urbium* a me inlustratas continent. Nihil dico de Gemmis superstitionis, de quibus luculenter in *Theſauro Gemmarum Afriferarum* agitur.

Nec minori laborant infamiae nota ac vituperatione recentiores illi Gemmarii Scalptores, qui nomina speciosa incognitis capitibus addunt; quorum exempla quaedam & apud *FULVIUM URSINUM* exstant; nempe ΘΕΜΙСΤΟΣ in Gemma, ut in ea *THEMISTOCLES* sculptus credatur; & in *Mariettano Opere* Parte II. Tabula 35. P. *SCIP.* A F. Tabula 44. *CAT. CEN*<sub>for.</sub> Tabula 95. ΣΠΑΡΤΗ. Tabula 112. *FLAMINIA*, & alia his similia, in quibus additae recentiori artificio litterae dum indicant Viros in Graeca & Romana Republica clarissimos, ac virtutibus praestantissimos, parum doctis aut sagacibus Cultoribus Vetustatis imponunt & fucum faciunt.

Quod igitur de Gemmis Scalptorum fraude vitiatis scribimus, id ipsum dicendum de aliquot marmoreis signis & Statuis, in quibus scriptum legitur Artificis Graeci non legitimi sed spurii nomen; nam & in his quoque sublesta quorumdam sagacitas a peritis aliquando detegitur; quae omnino damnanda ac reprobanda est, & vitiatores signorum antiquorum puniendi.



P. A. Novelli del.

G. B. Brugolin inv.

# HISTORIAE GLYPTOGRAPHICAE P A R S III.

Praestantium Antiquorum  
SCALPTORUM GEMMARIORUM  
N O M I N A

Ex vetustis Monumentis & Scriptoribus deponita.

## A G A T H A N G E L U S.

**M**emoratur inter Libertos Liviae Augustae in *Columbario* a me edito ; sed fractum est marmor num. CLXI. pag. 173. quum tamen inter Aurifices Domus Augustae recensendum esse doceat insignis Gemma cum imagine, ut aiunt, POMPEII MAGNI, quae ab eo forsitan sculpta censenda est ; de qua mentionem feci in *Florilegio Noctium Corythanarum* Cap. VI. pag. 35. his verbis : „ Adnotatum est in Noete Coryth. XXVIII. „ heredem praestantissimi Antiquarii M. ANTONII „ , SAB-

„ **SABBATINII** Romani, hoc anno MDCCIL. vendi-  
 „ disse quadringentis quinquaginta scutatis **POMPEII**  
 „ **MAGNI** caput Gemmae inscalptum ab egregio an-  
 „ tiquo **Gemmario Caelatore AGATHANGELO** ;  
 „ quod emit Nobilissimus quidam Polonus, qui Do-  
 „ minae Marchionissae Viduae **DE LIGNEVILLE**, ve-  
 „ terum elegantiarum aestimatrix optimae, Romae,  
 „ dum nuper degeret, dono dedit.

### A G A T H O P U S

De hoc praestantissimo Caelatore multa adtuli & ob-  
 servavi in memorato *Columbario* Servorum & Liber-  
 torum Liviae Augustae pag. 154. & ad Tab. I. num. II.  
*Musei Florentini* Vol. II. pag. 7. & 8. Caput virile *Ber-rylo* summa & exquisitissima arte inscalpsit, ac no-  
 men suum adiecit. ΑΓΑΘΟΝΟΣ ΕΠΟΙΕΙ. Haec insignis  
**Gemma** ex *Dactyliotheca* Clarissimi Viri Abbatis **AN-**  
**DREINII** in Regiam Mediceam post eius obitum trans-  
 lata est. Adhuc sub iudice lis est, utrum referat  
 imaginem **CNAEI**, vel **SEXTI POMPEII**, vel **MARCI**  
**BRUTI**, qui Caesarem interfecit. Pro Pompeio quo-  
 vis pignore certarem; nam vultus lineamenta cum  
 aureo eius numismate, quod vidi, probe conveniunt.  
 Profecto Romani viri caput censetur ex capillitio  
 brevi, ac quodammodo tonso, ut in marmoreo **AU-**  
**GUSTI** capite in *Mediceo Museo* conspicitur. Frons  
 lineis corrugatur; supercilium torvum est; totusque  
 vultus severitatem quamdam & gravitatem summo  
 viro dignam praefert. Huic simillima est marmo-  
 rea protoma in eodem *Columbario* inventa, quam ex-  
 hibeo in eodem Opere Tabula XII. littera. A. Ad  
 eum spectant sequentes Tituli Ollarum Cineraria-  
 rum,

## GLYPTOGRAPHICA.

xij

rum, quae in eodem *Columbario* adferuntur (1), qui haec habent:

M. IVLIVS. AVGVSTAE. L  
AGATHOPVS  
AVRIFEX. DAT  
IVLIAE. RESTITVTAE  
IVLIAE. VITALI  
IVLIO. FELICI

---

M. IVLIO  
DIVAE. AVG. L  
AGATOPODI <sup>fū</sup>  
AVRIFICI (2)

Inter filios eius mares memoratur M. IVLIVS IV-CVNDS. In aliis quoque titulis idem Agathopus Aurifex appellatur, de quo supra diximus.

## A L E X A

Vide infra D. SEGULIUS ALEXA.

## A M P H I O N

Laudatur a FRANCISCO IUNIO, atque inter Scalptores recensetur ex PAUSANIA Lib. VI. pag. 347. 50.

## A P O L L O N I D E S

Insignem Gemmarum Scalptorem fuisse APOLLONIDEM, hoc elogio docet PLINIUS. (3) „ Post Pyr- „ gotelem APOLLONIDES & Cronius in gloria „ fuere “ . Si is forte est, habemus Taurum pro- cum-

---

(1) Pag. 152. num. CXVII. & CXXVI.

(2) Mendis aliquot foedatam iterum in lucem protulit Muratorius Clas. XII. pag. CMVII. num. 6.

(3) Lib. XXXVII. I.

cumbentem *Sardonychi* incisum, a Cl. STOSCHIO adlatum Tabula XI.

### C. AURELIUS CARPUS

Aurificem fuisse docet antiquum Marmor , pag. CC-LVIII. 7. in *Gruteriano Thesauro* , qui & inter Quinquennales Collegii Aurificum , & Curatores describitur . Cum eo memoratur & P. VALERIUS BENEDICTUS . Sed in *Gruteriano Thesauro* filetur locus , ubi marmor exstat ,

### M. CAEDICUS IUCUNDUS

Is Officinam aurariam habuit in Via Sacra , in qua praestantes Artifices laborantes stabant , eaque a nobilissimis Romanis frequentari solebat , quod inter urbanas primaria esset , eaque ad Forum ibatur , de qua Ovidius : ( 1 )

- - - - haec sunt fora Caeſaris , inquit ,  
Haec est a Sacris quae via nomen habet .  
Hic locus est Vestae , qui Pallada servat , Ignem ,  
Haec fuit antiqui regia parva Numae .

Huius M. CAEDICII meminit antiquus lapis : ( 2 )

### M. CAEDICIVS. IVCVNDVS AVRIFEX DE SACRA. VIA. VIX. A. XXX.

### C H A E R E A S

Laudatur a LUCIANO in Lexiphane , & Aurifex adpellatur : Καιρέας ὁ χρυσοτέκτων . de quo & IUNIUS in suo Artificum Catalogo laudes ponit .

TI.

( 1 ) Tristium Lib. III. Eleg. I. v. 27.

( 2 ) In Gruteriano Thesauro pag. DCXXXVIII. 7.

## TI. CLAUDIUS OLYMPUS

Ex REINESIO innotescit hic TI. CLAUDIUS OLYMPUS, cuius fit mentio in marmore in Aedibus MATHEIORUM Trans-Tiberim. (1)

|  |
|--|
| TI. CLAVDIO TI. L. PALLANTI<br>LANARIO. VIX. A. LXVIII |
| TI. CLAVDIVS L. OLYMPVS<br>AVRIFEX T. F                |

## CLODIUS

Artificem summo ingenio caelandique peritia celeberrimum fuisse CLODIUM, ex Scriptoribus & vetustis monumentis colligo. Laudat PLINIUS Vasa, quae ex eo CLODIANA adpellata sunt. (2) „ Vasa ex „ argento mira inconstantia humani ingenii variat, „ nullum genus officinae diu probando. Nunc Fur- „ niana , nunc CLODIANA , nunc Gratiana ( ete- „ nim tabernas mensis adoptavimus ) nunc anagly- „ pta in asperitatem exscisa circa linearum picturas „ quaerimus “. Laudatur in antiquo lapide (3) C. VALERIVS CAELATOR ANAGLYPTARIVS . Nec certum est , sed verosimile , si P. CLODIUS DIDA Vascularius , cuius exstat monumentum Ro- mae inventum , in *Thesauro Gruteriano* (4), ille CLO- DIUS sit , a quo Clodiani operis Vascula propter elegantiam ac dignitatem opificii CLODIANA di- eta sunt . Hinc suspicabar vitiouse forsitan exscriptum antiquum Romanum lapidem inter schedas MARTII

MI-

(1) Clas. XI. num. CVI.

(2) Lib. XXXII. Cap. XI.

(3) In Thes. Muratoriano pag. CMLXXXI. 9.

(4) Pag. DCXLII. 5.

MILESII, quem evulgavi inter *Donianas*. (1); & for-  
sitan pro Claudianorum legendum CLODIORUM;  
quum CLODII Vasculorum Caelatores tam celebres  
censerentur, ut ipsum nomen instar magnae laudis  
ac paeconii esset; ideoque ex eo commendatum in  
eo lapide M. IVLIVM PTOLEMAEVM putabam,  
quod fuisset PRAECEPTOR DVORUM MARCO-  
RVM IVLIORVM CLAVdiorum. Clodiana Vasa  
non solum argento, sed etiam auro caelata fuisse  
colligi potest ex sequenti Romano marimore edito  
apud GRUTERUM. (2)

D . M

M. CANVLEI. ZOSIMI  
VIX. ANN. XXVIII.

FECIT. PATRONVS. LIB. BENEMERENTI  
HIC. IN. VITA. SVA. NVLLI. MALEDIXIT  
SINE. VOLVNTATE. PATRONI. NIHIL. FECIT  
MVLTVM. PONDERIS. AVRI. ET. ARG.  
PENES. EVM. SEMPER. FVIT  
CONCVPIVIT. EX. EO. NIHIL. VNQVA  
HIC. ARTE. IN. CAELATVRA. CLODIANA  
EVICIT. OMNES - - - - -

Laudatur etiam in *Thesauro Muratoriano* (3) T. CLAV-  
DIVS, ut opinor, PHAEDRVS ARGENTARIVS  
VASCVLARIVS (4) qui & alumnis suis sepulcrum  
condidit; quare & CLODIANA Vascula, & CLAV-  
DIANA in pretio fuisse apud Romanos ambigendum  
non

(1) Clas. VIII. num. 58.

(2) Pag. DCXXXIX.

(3) Pag. CMXLV. 5.

(4) De argenteis Vasculis Ulpianus L. apud Labeonem 20. §. D. de *praescriptis verbis*.

non est. Quum autem hi Artifices Vascularii anaglyptarii in poculis, & vasculis gemmas existanti opere inscalptas interserere solerent, quod ex adlatis Scriptorum & monumentorum locis observavimus, dabunt Lectores veniam, si & hos quoque inter claros Lithographos Gemmarios adcensendos putem. Quamvis PLINIUS paucis laudet CLODIANA VASA; memorat tamen & extollit eorum anaglypta in asperitatem excisa, & picturas linearum, quae, ni fallor, encaustico opere siebant, nobis *di Smalto*. Suo loco dicam de Vasculis crystallinis, quae non solum anaglypticis operibus ornabantur, verum etiam pingebantur coloribus variis, & inaurabantur figurae.

**L. CORNELIUS AMANDUS**

Patria, seu domo fuit Narbonensis, vel Narbone obiit, ibique sepultus. Titulus eius Sepulcri adfertur in *Gruteriano Thesauro ex SCALIGERO*. (1)

**L. CORNELIUS  
AMANDVS. AVRIFEX**

Hunc inter egregios Artifices arte auraria, sive gemmaria claros, recensui in meo *Columbario*. (2)

**P. CRITONIUS HILUS**

Sepulcralis titulus Romae inventus, editus a me est inter *Donianas Clas. VIII. num. 24.* quem ISAACUS VOSSIUS V.C.I.B. DONIO dedit; & ita se habet:

|              |
|--------------|
| P. CRITONIUS |
| P. L. HILVS  |
| AVRIFEX      |

(1) Pag. DCXXXVIII. 8. num. 8.

(2) Pag. 151.

M

Huius

Huius P. CRITONII sanguine & cognatione proximus  
forsitan fuit Q. CRITONIUS DASSUS, qui in se-  
quenti Titulo Sepulcrali nominatur. Quis scit, utrum  
HYLLUS ille esse possit superius laudatus, & in mar-  
more vitoiose scriptum sit HILVS?

### Q. CRITONIUS DASSUS

Antequam de hoc Q. CRITONIO DASSO Scalptore  
differam, adferam Sepulcralem Titulum, in Via Au-  
relia effossum, editum a Clarissimo FRANCISCO FI-  
CORONIO in fine Commentarii sui *de Bulla aurea no-  
bilem Puerorum Romanorum*. Inemendatum protulit FA-  
BRETTUS *Inscript. ant. Domest.* Cap. I. num. 75. pag. 17.  
Pervulgavit etiam Vir Clarissimus Commend. Equ.  
VICTORIUS in Notis ad Cap. XXI. *Dissert. Glypto-  
graphicæ*. Hinc inde Titulum ornant duo parva cada-  
verum humanorum scheleta utrimque exstanti ope-  
re insculpta. FABRETTUS habet in quarta linea SCAL-  
PTORIS. VILARI. & in suis Notis, quas adfert  
pag. 56. ita explicat: „ Ipsarum victimarum pelles  
„ deglabrasse hunc CRITONIUM puto, & villos  
„ ex iis scalpsisse, humanisque usibus accommoda-  
„ se, ut hodienum prope eandem Insulam Tiberi-  
„ nam ii faciunt, qui *Vaccinari*, & *Conciapelli* vulgo  
„ dicuntur“. Sed a tam sordida abiectione arte vin-  
dicare atque eximere conabor hunc egregium Arti-  
ficem; en titulus eiusdem:

CRITONIA Q L PHILENIA  
POPA DE INSVLA  
Q. CRITONI. D. L. DASSI  
SCALPTORIS VCLARI  
SIBI SVISQVE POSTER  
EOR.

Illud valde exploratum est , Sepulcrales Titulos vel a quadratariis , lapidicinis , vel plerumque a Libertis imperitis inscribi solitos fuisse . Hinc saepenumero non solum litterae in exarandis inscriptionibus , sed etiam aliquando syllabae omittuntur ; quod alibi a me exemplis adlati adnotatum est . Quomodo igitur cum laudatissima scalpendi arte conciliari potest illa , quae pertinet ad pelles victimarum deglbrandas , atque evulsis villis ad eas in usum hominum concinnandas ? Valde igitur deceptum arbitror FABRETTUM , ceteroquin rei antiquariae peritissimum . Si probant Viri docti , coniecturam meam ipsis expendendam propono ; lubenter legerem SCALPTORIS VasCLARI , adeoque per aphaeresin a quadratorio , vel potius ex incuria & oscitantia , quia difficilis illi erat ea vox VASCVLARI ad pronuntiandum , scriptum opinor , SCALPTORIS VCLARI ; nam VCLARI nil significare arbitror ; sed VASCLARI adpellatio Artificem notat peritum scalpendi Vascula , cuius exemplum suppeditat lapis a Clariss . MURATORIO editus (1) , qui ab eo ita emendatur , ut pro APOLVTO legendum sit APOLAVSTO , pro VASCIARIO , intelligendum VASCLARIO .

D. M

L. IVNIO APOL  
VTO ARGENT  
VASCIARIO . L.  
LETTIA. VALEN  
TINA MARI  
TO OPTIMO

Inte-

(1) In Thes. Cl. XIII. pag. CMLXI. 5.

Integra scriptura titulus legitur apud eumdem (1) AR-  
**GENTARIVS VASCVLARIVS.** Adcedit, quod alter  
 Libertus ex eadem Critonia Familia paulo ante memo-  
 ratus, nempe P. CRITONIUS HILUS, sive HYL-  
 LUS, fuit Aurifex; adeoque hunc Q. CRITONIUM  
**DASSUM** magis credibile est operam dedisse scalpen-  
 dis vasculis vel aureis, vel argenteis, vel etiam ex  
 Gemmis, quibus vel Caesares in Domo Augusta, vel  
 beatores & opulentiores Romani in conviviis & coe-  
 nis utebantur; quod testatur titulus iste sepulcralis  
 apud Clariss. amicum meum PASSERIUM.

D . M

**A M A Z O N I V S G A L . A . L**  
**A . G E M M A P O T O R I A**

In vetustis Saxis plures nominantur Liberti Domus Au-  
 gustae ab auro & argento potorio, ab auro & ar-  
 gento escario. Solebant Artifices vascula aurea gem-  
 mis ornare. Neque erit, ut arbitror, iniucundum,  
 quandoquidem de Opificibus Gemmariis differimus,  
 pulcherrimum adferre exemplum ex *Donianis* a me  
 editis Inscriptionibus (2); cuiusmodi hoc est:

D . M

**C. A E M I L I . C H A R I T O N I S**  
**A V G . L I B . A B . A V R O . G E M M A T O**  
**C. A E M I L I V S A V G . L . E P A P H R O D I T V S**  
**D E C V R I O . D I S P E N S A T O R V M**  
**P A T R O N O . O P T I M O . B E N E M E R E N T I**  
**F E C I T . M E M O R I A M**  
**I T E M . D I S T E G V M . C V M . T A B E R N A**  
**E T . H O R T V L O . E T . S I B I . L I B E R T I S . L I B E R T A B V S Q .**  
**P O S T E R I S Q V E . E O R V M**  
**E T . S I . C V I . D O N A R E . V O L V E R O**  
**H . M . D . M . A .**

(1) Cl. XII. pag. CMXLV. num. 5. (2) Clas: XVII. num. 17.

Memoranda etiam sunt post gemmata Vasa aurea, quae nimirum insertis gemmis in orbiculis incrustedantur, etiam coronae duplices ex auro & gemmis contextae, quae Diis & Sacrorum primis Ministris donari solebant, iisque Caesares Augusti utebantur; quod a Domitiano factum memorat SUETONIUS (1). Aurea folia, myrthi mihi visa sunt, nuper accepi ab eruditissimo Abate MATHIA DAMIANIO, quae in urna Etrusca inventa sunt, Volaterris effossa, quae existant in *Museo Guarnacciano*. Sed quia de gemmatis sive gemmiferis coronis, ornatis imaginibus Deorum, Dearumque, quae in Gemmis caelari solebant, luculententer differui ad Tabulam VIII. a me adlatam inter DONIANAS (2), de his pauca haec tetigisse sufficiat. Superius relato Titulo funereo Q. CRITONII DASSI non lucem, sed nebulas adfudit Cl. MURATORIUS, qui, ut solet, omnes iam editas repetit, qui VCLARI interpretatus est VIRI CLARISSIMI; nec advertit Liberto minime hanc adpellationem convenire, quae summis Viris, Praefecto Urbi & Praetorio, & Consulibus ordinariis, dignitate & munerialibus conspicuis, conveniebat, & tribuebatur. Quae subdit digna tanto viro sunt: „Proprie tamen SCALPTORES appellati, qui Gemmas cavabant. Eius generis sunt, quos Camei Italice nuncupamus. In „de Scalprum“. Scalptores Gemmarios eos quoque dictos puto, qui Gemmas non solum existanti opere, & figuris exscalpebant, sed & anaglypho opificio; verum & eos, qui incavata caelatura eas incidebant; quibus etiam ad obsignandum utebantur: quibus et-

N

iam

(1) Cap. IV. in ejus Vita.

(2) Vide in Clas. IV. pag. LXX. &amp; 135.

## H I S T O R I A

iam addi possunt qui Gemmas in vasculis aureis vel argenteis, in monilibus, in armillis, in fibulis; in loricis etiam Caesarum, in anadematis Augustarum, in crepidis & calceis ingenioso luxu interferebant. Adde etiam gemmas insertas in Deorum Dearumque vestibus, praesertim quum in celebrioribus festis in aedibus exponerentur, vel in pompis sacris deferrentur; qua occasione simulacula eorum vestibus pretiosissimis a Vestitoribus Deorum, & a feminis ornaticibus amicabantur & ornabantur.

## C R O N I U S

CRONII, qui aurea Augusti aetate floruit, multamque gloriam in scalpendis Gemmis consecutus est, superius mentionem feci, & deperditae Gemmae; cuius singularis archetypi egyptyon quod apud me existat, Musam fidibus canentem referens, memoravi a me editum. De eo haec PLINIUS (1). „Post Pyrgotelem „ Apollonides & CRONIUS in gloria fuere, qui „ que Divi Augusti imaginem similem expressit, qua „ postea Principes signabant, Dioscorides. „

## D I O S C O R I D E S

Praestantissimi huius Gemmarii Opificis octo Gemmas, quae ad nos pervenere, superius descripsimus, atque editas indicavimus. Artifex Augusti genio & amore plane dignus, qui imaginem suam eius manu inscalptam tanti fecerit, & diplomatibus, libellis, atque epistolis obsignandis ea usus sit; eaque insecuri Principes signare perseveraverint; quod multa cum laude memorat SUETONIUS (2). PLINII vero elogium paullo ante adlatum non repeto.

## E P I L O G I U M

---

(1) Hist. Nat. Lib. XXXVII. Cap. I. (2) In eius Vita Cap. 59.

## E P I T Y N C H A N U S

Inter claros Liviae Augustae Aurifices, quibus Gemmarum Caelatores intelligimus, recensendus est EPI-TYNCHANUS; qui pulcherrimam, absolutissimam, & Gratiarum ac Veneris leporibus omnibus plenam expressit Germanici Iuvenis effigiem, quam superius descripsimus & indicavimus. Clare, ut opinor, liquet, quodnam fuerit Aurificum opificium; quum eorum opera Gemmis insculpta, eorumque nominibus insignita ad nos favente fortuna pervenerint, e terrae visceribus eruta. En eius titulus sepulcralis, (1) qui testatur, eius cineres in eodem Conditorio Libertorum Liviae Augustae in olla conditos fuisse. Sed illud animadvertisendum, quod quadratarius duo menda in eo commisit, nam legendum est EPITYN-CHANVS.

|                                      |
|--------------------------------------|
| E P Y T Y C A N V S<br>A V R I F E X |
|--------------------------------------|

## E V H O D U S

Hunc quoque inter Aurifices Domus Augustae memoratum legi. Exstat Beneventi lapis editus in *Thesau-ro Muratoriano* (2), in memoriam T. FELICIS OMNIVM ARTIFICIORVM STVDIOSISSIMI. Flouruit sub Tito Vespasiano, qui Iuliam eius filiam post eius mortem *Berylllo* stupendae magnitudinis, & admirandi operis insculpsit; de quo supra. In scriptis Saxis non raro H omittitur, adeoque etiam EVHODVS, & EVODVS legitur.

HE-

(1) Vide in Columbario meo pag. 154. num. CXV.

(2) Clas. XIII. pag. CMLIII. 2.

## HEDYS

Legitur in monumento, sive Columbario Servorum & Libertorum Liviae huius Artificis nomen ; in recto HEDYS Ηεδυς. cuius uxor fuit SECUNDA. En eius titulus ollae cinerariae adcommodatus :

HEDYS. AVR. SECUNDA  
HEDI

Inter Aurifices Domus Augustae recensetur.

## T. IULIUS NICEPHOR

Cum Aurificibus Gemmariis coniungendus videtur T. IULIUS NICEPHOR, qui pretiosos lapides disposuit musivo opere, & propter artem hanc suam MVSEIARIVS diciatur in Romano lapide penes GRUTERUM (1), qui singularis est ; nulla enim aliorum Musiarorum, seu potius Musiariorum, mentio in editis lapidibus habetur. Musivarri Opifices inter Gemmarios, & inter Pictores connumerari possunt ; pingebant enim coloratis lapillis imagines omnes, animalia, flores, & ea quae ad ornanda pavimenta, parietes, & cameras convenire putabant. De his Artificibus PLINIUS Lib. XXXVI. Cap. 25. Nostra aetate haec Ars mirifice floret ac perennat Romae ; sed hi Artifices vitreis coloratis tesserulis utuntur, non vero, ut antiqui, lapillis multicoloribus pretiosissimis ex Oriente advectis. De his multa, non tamen omnia, erudite adnotavit Io. CIAMPINIUS Praeful Romanus Veterum Monument. Par. I. Cap. X.

Veterum Musivariorum Historiam, summo eruditorum plausu suscepit, nuper edidit Praeful Amplissimus  
FU-

(1) Pag. DLXXXVI. 3.

FURIETTIUS , cuius doctrinam ac probitatem nulli honores aequare possunt . In meo *Museo* tres tabulae musivo opere elaboratae exstant , quae ornabant pavimenta Villae Tiburtinae Hadriani Caesaris Augusti , quas ad me misit Vir Clarissimus FRANCISCUS FIGORONIUS anno MDCCXL . Has alibi proferam aeri incisas . Lithostroton Delubri Fortunae Praenestinae , quod Sylla ei ex voto dedicavit , apud me servatur ; primum artis miraculum Romae spectatum , teste eodem PLINIO , a quo laudatur ; quod in lucem protuli in Par. III. *Inscript. antiq. Etruriae Urbium* Tabula III. Sed vigente ac florente aureo Augusti aevo non lapillis ex Occidentis fodinis petitis , sed ex Orientalibus , insignia opera minimis gemmis perfecta fieri consuevere , quae ad absolutissimum decus Hadriano Augusto imperante pervenerunt . Haud igitur , ni fallor , culpabor , si & hos praestantissimos Musivarios cum Gemmariis peritissimis miro quodam artis foedere socios coniungam . Horum paucissima nomina ad nos pervenere , silentibus vetustis Scriptoribus . IOSUM supra Musivarios omnes Opifices longe eminentissimum fuisse ex eo coniicere possumus , quod hunc tantum cum laude celebret PLINIUS *Histor. Natur. Lib. XXXVI. Cap. 25.* memoratque eum Pergami urbe florentissima stravisse *A saraton. Ocean* parvis testulis tintis in varios colores . Translata Romanii Imperii sede in novam Romanam Constantinopolim , magna cum nominis celebritate florentibus sub Constantino Magno & reliquis Imperatoribus , praeclaris Musivariis , iidem varia opera fecerunt tum in Palatio , tum in celebrioribus Ecclesiis , ac praefertim in Aede Sophiana . Ex his Scholis prodiere alii Mu-

O siva-

## HISTORIA.

sivarii, qui primum Romae, & Ravennae, ac mox etiam Saeculo XI. Venetiis & Florentiae Basilicarum tholos, arcus, tribunas, & absides musivis pieturis ornarunt, inter quos praecellit APOLLONIUS Graecus. Sed Romae sub Augustorum imperio Liberti ex Graecis orti floruere T. IULIUS NICEPHOR, C. LISIUS POSTUMUS, P. RUBRIUS TROPHIMUS, P. RUBRIUS AGATHO, M. ALFIUS OEN-SIMUS, qui in egregio Opere Praeclarissimi Praefulis FURIETTI laudantur.

## LAMIRUS

Hic Aurifex LAMIRUS innotescit ex antiquo marmore Clugiano prope Venetias, quod editum legitur in *Muratorianq Thesauro*. (1)

## M. LOLLIUS ALEXANDER

Opinor Gemmarios Romanos vendidisse inscalptas Gemmas, quarum infinitus erat numerus & usus, non solum penes feminas, & delicatores homines, verum etiam eas quoque scalpsisse. Gemmarium nobis exhibit Marmor a me editum inter *Doniana*, (2) nempe M. LOLLIUM ALEXANDRUM, quod haec habet:

D . M

M. LOLLIVS. ALEXANDER  
GEMMARIVS. ET. FLA  
VIA. SABINA. FECERVNT  
AEDEM. CVM. SVO. SIBI  
HYPOGAEO. SIBI. ET. SVIS  
LIBERTIS. LIBERTABVS  
QVE. POSTERISQ. SVIS. POSTE  
RISQVE. EORVM. H. A. D. M

(1) Clas. XII. I. Pag. CMXLVII. 3.

(2) Clas. VIII. num. 14.

## MENANDER

Praeclarorum artis operum studio & amore magnopere inclarusse Liviam Augusti coniugem, iam cumulate observavi ; nam in Aula sua plures habuit Pictores, Sculptores, Imaginum & Signorum Artifices, Coloratores, & Gemmarios Aurifices, inter quos memoratur MENANDER, qui ab eiusdem Liviae nomine M. LIVIUS MENANDER dictus est. En eius titulus : (1)

M. L I V I V S  
A V G V S T A E. L  
M E N A N D E R  
A V R I F E X

## M N E S A R C H U S

Etsi artificio caelandi Gemmas non emineret (eminuit tamen, ac magnam laudem consecutus est) MNESARCHUS, cuius nulla, quod sciam, opera exstant adscripto eius nomine ; tamen ea excellit atque eminent gloria, ut Pythagorae Samii, origine vero Etrisci, pater fuerit, teste HERMIPPO, & DIOGENE LAERTIO Lib. VIII. a quibus Δακυλιογλύφος appellatur, quod gemmarum anulariarum Sculptor fuerit. De eo IAMBLICUS quoque & PORPHYRIUS meminere. Locum APULEII in *Floridis* adfert FRANCISCUS IUNIUS.  
 „ Pythagorae Patrem MNESARCHUM comperio  
 „ inter sellularios artifices gemmis faberrime scal-  
 „ pendis laudem magis, quam opem quaesuisse.

## N E R O

Meminit NERONIS EPIPHANIUS, ut observat Vir Clariſſi-

(1) Vide Columbarium pag. 153. num. CXXI.

rissimus FRANCISCUS IUNIUS (1). Fuit non solum politor lapidum, sed & Artifex Gemmarius, de quo consulendus SALMASIUS in *Plinianis Exercitationibus*. Forsitan floruit sub Neronis imperio, eiusque Libertus fuit. In Vasionensi hoc Marmore (2) adnotandi sunt OPIFICES LAPIDARI, qui non solum lapides peregrinos & marmora, verum etiam lapillos pretiosos ac gemmas expoliebant; quae artes etiam nunc apud nos in Officinis Florentinis *Mediceo Imperiali Museo* adiunctis Clementissimi nostri Cæsaris munificentia florentibus vigent, & cum Gemmariis tanquam socii opificiorum adsidue operantur. Hi peritissimis Lapillorum Intersectoribus famulan-  
tur, qui opera admiranda faciunt Musiva; nos dicimus *di commesso*, & ipsos Artifices *Committitori di pietre dure* dicimus, de quibus inferius redibit sermo.

D. SALLVSTIO AC  
CEPTO OPIFICES  
LAPIDARI  
OB SEPVLTVRAM  
EIVS

Clariss. PITISCUS (3) Opifices Lapidarios eos quoque esse suspicatur, qui Gemmas parabant, & ad imagines ac figuræ in ipsis scalpendas poliebant. Credebam igitur Lapidarios lapides ad aedificia parasse & expolivisse; sed quum alii Opifices adpellentur, Gemmarios potius indicari in marmore arbitror; inter quos vel tamquam Praefectus, sive Magister,  
vel

(1) Pag. 132.

(2) Ex Sponio Miscell. Erud. Ant. Sect. VI. pag. 222. Hunc ipsum lapidem repetit Matorius in suo Thesauro Clas. XIII. pag. CMLXXV, num. 9.

(3) Vide in Voce LAPIDARI.

vel tamquam Dominus primas tenuit DECIMVS  
SALLVSTIVS ACCEPTVS.

Quod spectat ad Lapidarios Opifices, hi facile esse possunt qui Gemmas poliebant; quod ut bene apteque fieret, non solum opificio, sed etiam peritia ac studio pollere debebant; nam & Gemmas, & Crystalla & Vitra habemus mira arte polita; quod opus faccettare & brilliantare etiam patrio nostro vocabulo dicimus.

## P A G U S

Pulcherrimum Epigramma adfert SPONIUS in *Miscellaneis Eruditae Antiquitatis* pag. 219. in honorem PAGI pueri, qui gemmis monilia fabricabat, & auro insertas mirum in modum disponebat; quare etsi non constet, Gemmas inscalpsisse, tamen inter Gemmarios Artifices locum meretur, quum has laudes tulerit:

NOVERAT HAEC DOCTA FABRICARE MONILIA DEXTRA.  
ET MOLLE IN VARIAS AVRVM DISPONERE GEMMAS.

Clarusse apud Romanos & feminas, quae auro includerent Gemmas & Margaritas, ex antiquis inscriptis marmoribus mihi compertum est. Discimus etiam eas conspicuo Urbis loco, nempe in Via Sacra, officinas habuisse, in quibus praesertim mundi mulierbris ornamenta ostendebant, & vendebant. Testem adfero lapidem sepulcralem inter *Donianos* a me editum, qui haec habet: (1)

P

M A R-

(1) Clas. VIII. num. 13. pag. 319. & quae adnotavi vide.

*Heic scul-  
pta Column-  
a, frue  
avis.*

HISTORIA  
**MARCIA T. F. SEVERA**  
**AVRARIA ET MARGARITARIA**  
**DE VIA SACRA LEGAVIT CODICILLIS**  
**TESTAMENTI**  
**LIBERTIS LIBERTABVSQVE SVIS**  
**POSTERISQVE EORVM**

Vides Feminas dictas *Aurarias*, homines vero, qui cacciarum gemmarum peritia pollebant, ut supra adnotavimus, adpellatos *Aurifices*.

Feminas quoque *Bractearias*, quae auro opera praesertim aerea inaurabant, memoratas in priscis monumentis invenio. En lapis inter *Donianos* a me editus; (1) quem in Agro Romano erutum exscripsit idem *Donius*.

C. FVLCINIVS. C. L  
 HERMERO<sup>S</sup>  
 BRACTEARIVS  
 FVLVIA. MALEMA  
 VIXIT. ANNIS. XXXXVIII.  
 BRACTEARIA

In aliis lapidibus *Inauratores Bractearii* frequentius memorantur.

P E M A L L I O N  
 Artificis Graeci nomen minimis litteris scriptum in Gemma Cimeliarchii Medicei Imperialis, perperam letum, itemque alio modo

P E R G A M U S  
 quum scriptum sit, decurtato nomine, ΠΕΙΓΜΟ. Si quidem

(1) Clas. VIII. num. 19.

quidem PEIGMONIS opus est Bacchans ebrius , fal-  
tans , de quo suo loco superius dictum est . Vide  
PEIGMONIS .

## PHILODAMUS

Prodit in lucem ad hanc Aurificum Gemmariorum se-  
riem , & laterculum , a nemine antea excogitatum ,  
ornandum augendumque PHILODAMUS , qui no-  
minatur in marmore sepulcrali Capuano penes Gru-  
terum . (1)

PHILODAMI. BASSI  
AVRIFICIS  
OSSA. HIC. SITA. SVNT.

## Q. PLOTIUS FELIX

Post hunc ad censendus Q. PLOTIUS FELIX , qui in  
marmore inter *Doniana* GEMMARIVS DE SACRA  
VIA dicitur . Quum praeclaros Artifices *Eborarios* ,  
*Margaritarios* , *Caelatores* auri & argenti , & *Aurifices* ,  
ac *Gemmarios* officinas habuisse constet in SACRA  
VIA ; minime coarctandum videtur *Gemmariorum*  
munus , ut solummodo Gemmas vendiderint ; quae  
opinio est Clariss. MURATORII ; sed eos arbitrorum  
scalpsisse Gemmas , tum etiam vendidisse , qui earum  
pretium probe sciebant .

## POSTUMUS

Producimus Artificem operibus ex auro praestantem ,  
fama etiam eruditionis & litterarum celebrem , PO-  
STUMUM Romanum , Capua oriundum . Hic , te-  
ste SUIDA (2) post trigesimum aetatis annum Grae-  
cis

(1) Pag. DCXXXVIII. num. 10.

(2) In voce Ποστούμος.

## H I S T O R I A

cis litteris institui coepit, amore earum captus. Initio *Aurifaber* fuit *χρυσοχόος*. Athenas profectus, in eo sapientiae domicilio Graecorum disciplinis eruditus est, multisque & praeclaris scientiis instructus, ad seram usque senectutem vixit. Hunc inter *Aurifices antiquos* recenset FRANCISCUS IUNIUS. (1)

## P R O T O G E N E S

Quamquam inter Libertos Liviae Augustae ac Caesorum Domus PROTOGENES non nominetur; appellatur tamen PROTOGENES. CAPSAR. AVRIF. *Capsarius Aurifex*, qui forte capsas, sive arculas ex auro elaborabat; vel erat *Capsarius Aurificum*, ut suspicor, qui eorum opera ex auro argentoque anaglyphis & toreumatis sculpta, vel fortasse etiam Gemmis insertis incrustatisque inscalpta custodiebat, ac servabat, & cupidis emendi depromebat, & eorum pretia statuebat. De eodem PROTOGENE, si otium est, vide quae adnotavi in Columbario Liberatorum & Servorum Liviae Augustae. (2) Probabile etiam est, hunc PROTOGENEM sub cura sua habuisse arcam sive capsam Collegii Aurificum, cuius fit mentio in hoc marmore ex SPONIO. (3)

PIETATI. AVG. SACR.  
IMP. CAESARI DIVI TRA  
IANI PARTHICI FIL. NER  
VAE TRAIANI HADRIANI  
AVG. PONT. MAX. P. P.  
COLLEG. AVRIFIC. D. D.

Eiusdem Collegii Aurificum mentio fit in *Gruterianis*  
pag. CCLVIII. 7. DCXXXVII. 9.

P Y R.

(1) Pag. 175. (2) Pag. 155. & 156. num. CXXII.

(3) *Miscell. erudit. Antiqu. Sect. II. Art. XI. pag. 67.*

## PYRGOTELES

Clarissimum arte sua PYRGOTELEM Gemmarum Scalptorem laudat ac memorat PLINIUS (1), qui sub Alexandro Magno floruit , tantaeque existimationis apud eum fuit, ut edicto caverit, vetueritque invitatus ac magnanimus Rex , se ab alio nullo scalpi , praeterquam a PYRGOTELE. Nec silentio praeter-eunda quae ab APULEIO in *Floridis* narrantur . „ Sed „ cum primis Alexandri illud praeclarum , quod imaginem suam , quo certior posteris traderetur , noluit a multis Artificibus vulgo contaminari : Sed „ edixit universo orbi suo , ne quis effigiem Regis „ temere assimilaret aere , colore , caelamine , quin „ solus eam Polycletus ( *lege Lysippus* ) aere duceret , solus Apelles coloribus delinearet , solus PYRGOTELES caelamine excuderet . Praeter hos tres , „ multo nobilissimos in suis artificiis , si quis uspiam „ reperiretur alias sanctissimae imagini Regis manus „ admolitus , haud secus in eum , quam in sacrilegum , vindicaturus “ . In numismatis , quae eius imaginem referunt , exemplum forsitan petitum manus vel eiusdem PYRGOTELIS , vel Lysippi suspicor ; nam opere praestantissima sunt , praesertim aurea & argentea , quae nulla temporum edacitate labefactata ad hoc tempus in splendoribus Principum Cimeliis splendescunt . Insignis est Gemma ingentis magnitudinis , in qua PYRGOTELIS nomen scriptum est , a Clariss. STOSCHIO edita Tabula LV. de qua vide quae erudite ab eo adnotantur .

Q

M. RA-

(1) Hist. Nat. Lib. XXXVII. Cap. I.

## M. RAPILIUS SERAPIO

Cum Aurificibus Gemmariis & Scalptoribus ac Caelatorkibus sociandus videtur M. RAPILIUS SERAPIO Romanus, cuius fit mentio in hoc singulari lapide *Musei Suburbani Florentini STROZZIORUM.*

M. RAPILIVS. SERAPIO. HIC  
AB. ARA. MARMOR  
OCVLOS. REPOSVIT. STATVIS  
QVA. AD. VIXIT. BENE

Errat SPONIUS (1), qui eundem RAPILII SERAPIONEM scribit aras marmorea fabricare solitum; quum perspicuum sit, eum a Vico *Arae Marmoreae* denominatum; quod apud Artifices Romanos in usu erat, ut ex sexcentis exemplis constat. (2) Sed, quod rarum in hoc lapide est, SPONIUS non animadvertiscit: tota enim ars M. RAPILII SERAPIONIS in eo versabatur, ut oculos five aureos, five argenteos, five etiam ex vitro optime fabrefactos, & ad verorum similitudinem scalptos, in statuis reponeret, five aereae, five marmoreae essent. Inter Gemmas Astriferas ducentis Tabulis aere incisis nuper a me editas tribus Voluminibus, quae Eruditis valde placuerunt, adtuli ex meis Cimeliis Tabula LIX. Gemmam coeruleo e vitro antiquam, in qua anaglyptico opere sculpta est, tamquam primum Artificis exemplum ad insigne *Cameum* perficiendum, protome ignotae Deae inter duo astra, & cernitur loculus, foramenque, in quo in eius collo reponendum erat caput

(1) In Miscellaneis Sect. VI. pag. 232.

(2) Hunc Titulum Sepulcralem adtuli in Par. I. Inscriptionum antiq. Etrur. & illustrati pag. 406. & 407. num. 215.

caput ejusdem Deae ; quod exemplum quum in Gemmis anaglypticis perrarum sit , nolui praetermittere . ( 1 )

Confueverunt non solum Graeci & Etrusci , sed etiam Romani in simulacris ac statuis cavos & inanes oculos construere , ut eorum loco oculi ex adamante gemmisque pretiosis , quae oculos referrent , reponerentur . Exstat Caecilii Balbi luculentissimum testimonium apud IOANNEM SARISBERIENSEM in *Policratico* , qui haec habet : „ Quis enim Deorum ei parcat , a quo se deceptum intelligit ? Quis non irruat in eum , qui aureos Iovis oculos eruit , aut argento Gemmisque sublatis vestem nititur excoecare ? Quis de Martis capite adamantinum lumen temerariis effodit unguibus “ . Exstant apud me antiqua ex aere signa Deorum , ac Diis dedicatorum animalium , quae oculos argenteos habent . Craterem quoque ex aere funebrem habeo , cuius manubrium in caput arietis elegantissimum definit , eius vero oculi argentei sunt : toreuma in fundo Crateris sculptum exhibet funus Patrocli , arma vero , thoraces , & galeae Heroum argento in aere inserto illuminantur ; quod artificium , notatu dignum , & hodie Italice dicitur *di tarfia* ; quemadmodum docent antiqua pondera , quorum non pauca apud me servantur , queis litterae , & signa numeralia ex argento in aere inserta sunt . Thecam aereum atramentarium antiquam copioso Commentario illustratam aliquando proferet Vir doctissimus IACOBUS MARTORELLIUS , Regius Graecarum Litterarum Professor Neapolitanus ,

---

( 1 ) Vide , si libet , quae adnotata sunt in Vol. II. ad hanc Tabulam LIX.

nus, in qua signa septem Deorum ex argento inserita sunt. Quum mihi primas ipse Praefationis suae impressas schedas misisset, docui, eumque monui, nihil de hac antiqua auri & argenti incrustandi inferendique arte, ac ne verbum quidem fecisse; quod tamen ab eo factum iri spero.

Veteres quoque Christiani oculos ex gemmis reponere in sacris tum ex aere, tum e marmore Imaginibus consueverunt; cuius artificii exempla non pauca alibi a me adlata sunt. De eadem apud Graecos consuetudine, eodemque artificio, habes Epigramma LUCILII in *Anthologiae* Lib. II. Cap. 22. num. 1. Sed de gemmeis oculis, vitreisque in statuis repositis, plura adfert omnigena eruditione Clarissimus Senator BONARROTIUS, quem vide. (1) Multis operibus ex gemmis, lapillis, crystallisque ornari solita docet simulacra Deorum, in pompis ac festis eorum, quo facilius cultum ab ignara plebe obtinerent. Gemmis ornabant eorum caput, pectus, vestes, & torques, fibulas, bullas ex gemmis locupletabant. Exstat in meis Cimeliis bulla rotunda ex Achate Sardonyche, quae clauditur & aperitur tanquam thecula, opere pulcherrimo expolita, & strigibus eminentibus ad centrum euntibus elaborata, limboque argenteo in utriusque partis labris circumdata, quam vel vota donatam alicui Deorum, Dearumque, vel etiam nobilis pueri insigne fuisse pro amuleto continendo non invitus reor. Titulum dedi *Syncrotis Tiberii Caesaris* (2) cuius officium fuit AD IMAGINES, quas ipse in Domo Augusta vel servabat, vel expoliebat,

memo-

(1) In Praefat. ad Numism. maximi moduli Musei Carpini pag. xi. & xii.

(2) In Columbario Libert. & Servor. Liviae Aug. pag. 158. num. CXXVII.

memoratisque ornamentiis condecorabat, quum in pom-  
pis ornatissimis thensis deducendae essent. De hisce  
etiam gemmarum ornamentiis in cultum Deorum plu-  
ra Clariss. Commendat. Eques FRANCISCUS VICTO-  
RIUS in *Dissertatione* sua *Glyptographica*. (1)

## D. SALLUSTIUS ACCEPTUS.

De eo vide supra quae de NERONE diximus. His quae  
paullo supra observavi, illud addendum, Opifices  
Lapidarios eos esse posse, qui non solum Gemmas  
& Vitra coloribus iisdem infecta, quibus Gemmae  
cuiuscumque generis nitescunt, expoliebant quam-  
scitissime; verum etiam & eos qui variis faciebus  
tum Gemmas tum Vitra donabant, dum ad rotulam  
expolirent, quas nos dicimus *faccette*, & actum ipsum  
*faccettare* adpellamus; quare doctissimi Compilatores  
Vocabularii Tuscanicae elocutionis *Della Crusca* haec  
scribunt Vol. II. pag. 329. „FACCETTA. §. Onde  
„A faccette, posto avverbialmente, o in forza d' ag-  
„giunto, si dice di Gemma, o d' altro, la cui super-  
„fizie sia composta di facce, e piani diversi. Lat. *angu-*  
*latus*. Gr. πολύεδρος. “ In meis Gemmariis theculis pul-  
cherrimae quaedam Gemmae antiquae sine caelaturis  
servantur, & vitra etiam aliquot & crystalla parva  
orbicularis, vel longioris figurae hisce faciebus ele-  
ganter & pellucide fabrefacta. Nihil dico de *Dacty-*  
*liotheca Stoschiana*, quae ditissimum est tum harum  
Gemmarum & Vitrorum antiquorum, tum antiquarum  
omnium elegantiarum promptuarium, unde e-  
xempla omnia peti possunt. Servatur etiam lens ma-  
ior e crystallo splendidissimo in iisdem meis forulis,

R de

(1) Cap. VIII. IX. X. XI. &amp; XII.

de cuius usu alibi differendum erit. Exempla aliquot expolitarum Gemmarum e crystallo & vitro antiquo suis figuris exhibentur ab Auctore non semel laudato Dissertationis *Glyptographicæ* (1), quae in insigni *Victorio Musco* Romæ adservantur. Idem Auctor in fine Praefationis ad egregium Opus *De Sanctis septem Dormientibus*, adlatis figuris & instrumentis, accuratissimam normam exhibuit artis conficiendi Vitraria cuiuscumque generis colorata, vulgo *Paste*, quae referant *Iaspides* nigros, virides, rubros, *Acbates* vriegatos, *Carnolas*, *Hyacinthos*, *Amethystos*, *Chalcedonios*, & quomodo expoliantur, utilissimo labore exposuit, & docuit.

## S A T U R E I U S

In Anthologia veterum Graecorum Epigrammatum, praesertim Lib. IV. Cap. XVIII. describuntur, & laudantur complura Scalptorum Gemmariorum opera lapillis inscalpta, ac praecipue in crystallo montana. Inter hos celebratur SATUREIUS Graecus Lithographus, qui imaginem ARSINOES, uxoris Ptolemaei Philadelphi Regis, crystallo faberrime ita exscalpsit, ut nihil ad veritatem deesset; quem Poeta in exprimendis imaginibus eximio Zeuxidi quodammodo parem facit. En ipsum Epigramma:

Ζεύξιδος οὐ χροί ταχὺ οὐ χαρις, έν δέ με μηρῆ  
Κρυστάλλω, τὸ παλον δαβαλον ΑΡΣΙΝΟΗ  
Γραψας τὴν ἔτορεν ΣΑΤΤΡΗΙΟΣ. έμι δ' αναστας  
Ἐπικών, οὐ μεγάλης λειπομαι όδ' ολίγου.

Cl. HUGO GROTIUS vertit

Zeuxidos οὐ color est οὐ gratia: sed SATUREIUS  
Tum varias laudes exhibet ARSINOE  
In glacie parva. Dominac sum tantula tantae  
Effigies; in me nil tamen eius abest.

Huic

(1) Vide Cap. XXVIII. pag. 105. & 106.

Huic forsitan Artifici praestantissimo tribuendus est Crater ille maximus ex *Sardonyche*, editus a Clarissimo Marchione MAFFEIO in *Museo Veronensi*, cuius postica pars *GORGONIS* caput exhibit, quandoquidem specie Deorum eiusdem *Ptolemaci* & *Arsinoes* uxoris imagines repraesentantur; de quo emblemate alibi fusius dicam.

In ditissimo *Mediceo*, Imperiali nunc, *Thefauro* prodigiosa supellex servatur Vasculorum antiquorum ex pretiosis lapidibus, atque e crystallo montana, quae admirando opere caelata sunt. Poculum crystallinum antiquum spectatur in celeberrimo *Museo Stoschiano*, in quo in anteriore epistomii parte mira arte excavatum in anteriore labro, e quo vinum in pocillationibus ad gustum sorbere solebant, sculptum est *MEDUSAE* caput anguibus crinitum, artificio eminentissimo. Non pauca & apud me existant antiquorum operum e crystallo fragmenta, quae ad ornanda parva Deorum templa, de quibus luculenter disserit *PHILIPPUS BONARROTIUS Florentinus Senator Amplissimus*, facta videntur. (1) Referunt enim arborum folia, coronides, conchas, nimbus forsitan Veneri dono dandos, arma, thoraces, & homines, alias ex equo, alias pedibus, ad venatum euntes. Truncum, sed toto cum pectore & coxis, sedentem habeo *CUPIDINEM* antiquum e crystallo; cuius humeri quum foramine quodam terebrati adpareant, conicio in parva aedicula pro Donario locatum fuisse. De hisce parvulis Templis & aediculis exquisita eruditio-

(1). In Praefat. ad Numism. *Musei Carpini*, ubi multa in crystallo caelamina adfert pag. 298. 345. 385. & differit de his pag. XXII.

ditione differit Vir Clarissimus PHILIPPUS DE VENUTIS , Ecclesiae Liburnensi Praepositus . (1) Sed curiosum est diaglypticum e crystallo opus apud me , in quo sculpta est persona cum peculiari galea . In alio quatuor unciarum meo fragmento , in crystallo excavatus est Athleta nudus , perite aureis bracteis superfuso ; in quo mira Caelatoris ars , studium , ac patientia elucet . Nonnulla ex his fragmentis antrorum , ubi figurae inscalptae & excavatae sunt felicibus ductibus & lineis , auro bracteata sunt , servantque adhuc aurum pellucidum , uti imago Athletae , minus vero Militis memorata persona . Haec opera , si per suam planitatem politissimam spectentur , figuras referunt veluti integras , existentes , & anaglyptico opere sculptas ; quod opus plane mirandum a peritioribus harum elegantiarum valde laudatur ; quod exemplum secutus est VALERIUS BELLIUS Vicentinus , qui pro CLEMENTE VII. arcuam stupendi operis sculpsit , & introrsus figuras inauravit , quae in eodem *Thesauro Mediceo* exstat . Nam in his contemplanda est non solum caelandi scalpendique peritia Opificis ; verum etiam ars inaurandi , bracteisque cooperiendi eas imagines , quod fornacis igne fiebat . Habeo etiam leaenae caput e crystallo antiqua pulcherrimum , quod totum inauratum est . (2) Quare si Lithographis socios demus Bractearios Inauratores , non erit , opinor , absconum & absurdum . In Aula Liviae Augustae , ut vidimus , non solum Gemmarii Caelatores , Aurifices , Margaritarii , & Col-

rato-

(1) Vide Vol. I. *Dissert. Accademie. Etruscorum.*

(2) De crystallo , eiusque usu apud Antiquos accurate differit Clariss. Vir Ioan. de S. Laurent in sua *Dissert.* quae prima est in Vol. V. *Accademie. Etruscorum.* Cap. VII. pag. 41.

ratores erant, verum etiam Inauratores. Adhuc haec ars perennat, & pocula crystallina, & crateres inaurati fiunt, praesertim Venetiis apud Muranum, olim quoque in Mediceis officinis, & alibi, totoque orbe hodie intus & extra pocula pro Americana ambrosia ad miraculum usque, ut in Saxonis, Neapolitanis, & Florentinis Ginorianis officinis fulgenti auro branteantur, atque inaurantur, & picturae etiam elegantissimae aureis lineis illuminantur; adeo ut non multum miremur Aegyptia opera, & inventas ab eis Artes, quum nostra quoque aetate excellentissimos Artifices cuiuscumque generis habeamus sagacissimos ac peritissimos. Adferre nunc lubet quae PLINIUS observat de Aegyptiis poculis. (1) „Tingit, & Aegyptus argentum, ut in vasis Anubim suum speetet; pingitque, non caelat argentum. Transit inde materia & ad triumphales statuas, mirumque crescit pretium fulgoris excaecati“. Quomodo etiam Geminae ab Aegyptiis tingerentur, idem PLINIUS exponit. (2)

## D. SEGULIUS ALEXA

Cum Opificibus Gemmariis recensendus est DECIMUS SEGULIUS ALEXA, qui Romae floruit, quod ex sequenti titulo *Gruteriano* (3) colligitur.

|                                 |
|---------------------------------|
| D. SEGVLIVS<br>ALEXSA. AVR VFEX |
|---------------------------------|

## SELEUCUS

Hic quoque aurariam artem exercuisse videtur, & in  
S Colle-

---

(1) Lib. XXXII. Cap. 9. (2) Lib. VII. Cap. 9. (3) Pag. DCXXXIX. 1.

Collegio Aurificum Magister Quinquennalis fuit, licet libertinae conditionis, cuius dominus fuit Aulus Fourius. (1)

### T. SICINIUS PRIAMUS

Aurifex fuit, teste Opitergiano lapide penes Muratorium. (2)

### T. SICINIVS. L. L.

### PRIAMVS. AVRIF.

### S I D O N.

*Vitri Artificem adpellat PLINIUS* (3). Manubria sive ansas duas Vasculi vitrei pulcherrimi, sed fracti, olim ad me misit delineata amicissimus Eques HIERONYMUS ODAM, in quibus scriptum exstantibus litteris ΣΙΔΩΝ. quae vel ipsum Artificem, vel Sidonem notabant; nam vascula vitrea e Sidonius officinis apud Romanos laudatissima, ac magno in pretio fuere, quum apud Sidonios Artifices essent egregii, quos etiam celebrat STRABO (4), deque his PLINIUS fusius agit Lib. XXXVI. Cap. 26. Vitrarias antiquas Officinas memorat BONARROTIUS in Praefatione sui immortalis Operis *de Vitreis Vasculis antiquorum Christianorum*, ubi Poculorum & Calicum vitreorum antiquitatem, usum, artificium, luxum apud Romanos tanta eruditione elucidat, ut nil supra desiderari possit. Erant etiam in magno pretio Vascula Vitrea sigillata, nempe signis & figuris ornata; quae etiam non solum pingi variis coloribus, sed etiam inaurari solebant. Merentur ergo & hi Vitrarii Artifices in censum Gemmariorum Opificum, velu-

(1) Vide Thes. Gruter. pag. DCXXXVII. I. 9. (2) Clas. XII. I. pag. CMLXXVI. I. 9.

(3) Histor. Nat. Lib. V. Cap. XIX. (4) Geograph. Lib. I. 41.

veluti socii, comites, & adseclae, venire; quum & ipsi tanta arte non solum vascula, sed etiam signa, & templorum, atque aedicularum sacrarum, & Museorum ornamenta e vitro absolverent, ac perficerent. Multa in Adversariis undique collecta adnotavi, quae pulcherrimum opus praestare possunt de *Vitrariis antiquis*, & *carum operibus*, quod a nemine nondum factum, nec excogitatum puto. Myrrhini Vasculi fragmentum insigne protuli in Decade II. mearum *Symbolarum*, quod apud me exstat; quare & de his, qui vitrea vascula, phialas, ampullas fabricabant, luculenter differi potest. Non sine voluptate contemplor inter mea Cimelia Caput virile imberbe e vitro felici flatura figuratum, altum cum collo unciis septem, sine dubio antiquum. Observavi Artificem triplici flatura illud efformasse; nam prima anteriorem vultus partem, altera posticam, tercia vero flatura egregio opere utramque partem coniunxisse & consolidasse animadverto, ut integrum caput referret, quod intus rotum vacuum est, & multae quidem subtilitatis, praesertim in naso, qui labefactatus parumper est. In tam opulento antiquarum Inscriptionum Thesauro nondum vidi memoratos Opifices Vitrarios, quum de Vitreis operibus, gemmis, deque Obsidianō Vitro luculenter agat Plinius. Probe teneo me vidisse (pauca tamen) vitrea vascula, seu phialas, quarum ima pars exhibet litteras aliquas, & vitrariae officinae insigne. Profecto mirum videri potest, quum *Ampullarii* legantur (1), & *Artifices artis tessellariae lusoriae* (2), nempe ex la-

---

(1) Vide Thesaur. Murator. pag. CMXXII. 36. (2) Apud eundem pag. CMLVIII. 4.

ex lapillis gemmeis, vel ex ebore. Tali gemmei & vitrei perpulcro artificio fabrefacti in variis Museis, atque in meis Cimeliis adservantur ex *Sarda* & *Chalcedonio Saphyrino*; & duo tali antiqui ex *Sarda*, Crucce insculpti, & sacris litteris ornati, occasionem dederi amicissimo Viro eximio Io. BAPTISTAE PASSE-  
RIO, ut Dissertationem luculentam elucubraret *de Sor-  
tibus veterum Christianorum*, quam protuli in Vol. II.  
mearum Gemmarum Astriferarum (1). Accedunt tes-  
serae vitreae, imagines in vitreis orbiculis sculptae,  
& alia huiusmodi opera, ingenii ac studii obiecta-  
menta, quae ostendunt Opificum *Vitrariorum* indu-  
striam, scientiam, ac praestantiam; adeoque cum  
Scalptoribus tantam habent adfinitatem, ut sine haes-  
itatione credam, eximios Gemmarios Lithographos,  
eximios quoque Vitrarios fuisse; quum ipsi exempla  
& prototypa suorum operum, ut opus pretiosum fa-  
cerent accuratius, efformarent; vel ex iam absolu-  
tis operibus educerent vitreas formas, quae a nobis  
*Paste antiche* adpellantur, e quibus non paucae apud  
me existant; innumerae vero in *Cimeliarchio Stoschiano*;  
quae antiqua vitrea ectypa nobis plurima servarunt  
praestantium Caelatorum Gemmariorum opera, quo-  
rum archetypa adhuc latent, & nondum visa sunt.

Non praeteribo *Vasculos Vitrarios*, qui in fundo Vas-  
culorum suorum nomen suum per siglas notare so-  
lent, atque etiam insigne officinae suae insculpere;  
cuius rei non desunt exempla. Inter hos forsitan nu-  
merandus L. AEMILIUS BLASTUS, cuius opus de-  
di ac descripsi ex *Cimelii Andreiniis* (2). Praetereo  
vitreas

(1) Ea est Dissertation XIV. quam vide pag. 234.

(2) Vide Par. I. Inscript. ant. Etrur. Urb. pag. 265. num. 51.

vitreas ampullas, ac phialas unguentarias, olearias, quae exhibentur ex sculpturis eximiarum Gemmarum, quas e *Museo Victorio* accepi, & protuli inter *Donianas Inscriptiones* (1). Multa dicenda in Adversariis meis superessent de *Pictoribus Vitrariis*, sed quia hi ad hanc Spartam non pertinent, praetermitto; de quibus tamen alibi erit sermo.

## STEPHANUS

Laudatur STEPHANUS in Monumento sive *Columbario* Libertorum & Servorum Liviae Augustae, qui fuit Tiberii Caesaris Aurifex, inter Scalptores Gemmarum celebris, de quo supra in Parte II. nonnulla adnotavi. En eius titulus: (2)

|              |
|--------------|
| STEPHANVS    |
| TI. CAESARIS |
| AURIFEX.     |

Quanta artis scientia pollerent Gemmarii Artifices, qui Augusteo aevo floruerunt, ostendunt Opera anaglypho opere exscalpta, quae iam edita sunt; *Achates* nempe Tiberianus, Augustae Familiae Apotheosis, quae exstant in Caesareo *Vindobonensi Cimeliarchio*, & alia vulgo *Camea* eiusdem aevi, magnitudine & opificio insignissima. Nec praeteribo Craterem immensi operis absolutissimi, ex *Achate* utrimque sculpto, mirae magnitudinis, olim *Musei Farnesiani*, nunc *Regii Neapolitani* insigne ornamentum, a Praeclarissimo SCIPIONE Marchione MAFFEO bis editum; (3) & Ti-  
berii

(1) Tab. IX. pag. 143. (2) Ibid. pag. 153. num. CXX.  
(3) Vide *Museum Veronense* pag. CCCLV. & CCCLVI.

berii Caesaris protomam, opere admirando & exquisitissimo sculptam ex *Iaspide* caerulei coloris, vulgo *Turchina*, quam exhibui in *Musei Florentini* Vol. I. Tabula II. eamque illustravi pag. 14. quae exstat in Augusto *Mediceo Thesauro*. Gemmarius Opifex in hac nomen suum non scripsit; sed quis scit, num huius STEPHANI peritissima manu, tam veræ imagini simillima, esse possit? Hic STEPHANUS non Liviae Augustae, sed TIBERII CAESARIS AVRIFEX laudatur. Dubitare licet; non tamen id adseverare, aut adfirmare. In iisdem Mediceis Imperialibus Cimeliis exstat opus *Sardac* pereleganter insculptum, nempe PEGASUS ocissime currens, quod præfert nomen STEPHANI; (1) de quo dubitandum tamen, utrum exprimat nomen Gemmarii Scalptoris, an vero Domini possessoris eiusdem Gemmae. De hisce dubiis caelaminibus iudicium aliorum cupio, meum non profero.

## TEUCER

Laudatur a PLINIO (2) TEUCER *Crustarius*, qui sua aetate ingentem famam consecutus est. *Crustae* erant emblemata, exquisito artificio elaborata, quae Vasculis praesertim potoriis addebantur, quae non solum ex auro argentoque fiebant, verum etiam ex gemmis nobilissimis, de quibus GOTOFREDUS in Cod. *Theodos.* Lib. XV. Tit. VII. & LAZARUS BAYFIUS. Iam memoravimus ex antiquis scriptis monumentis aurea

(1) Vide a me editum Par. I. Inscr. ant. Etrur. Urb. Tab. XII. num. I. Illud nunc notandum, omnes Gemmas, quas in hoc Volumine protuli, ita sculptas esse, ut in ipsis Archetypis Gemmis visuntur, non vero ut in ectypis exprimuntur, quod tunc a novitio factum, postea minime probavi.

(2) Lib. XXXIII. Cap. XII. num. 5. Hard. edit.

aurea & argentea Vascula potoria gemmata, quibus in mensis utebantur Principes Domus Augustae. Quamvis incertum sit, utrum *Crustarii* Opifices Gemmas ipsas, & gemmata anaglypha opera, quae Vasculis inserebant & inligabant, ipsi inscalperent, ac caelarent; tamen cum *Gemmariis Aurificibus* propter artis adfinitatem, inferendarumque Gemmarum peritiam ex hoc Historico Catalogo reiicere absurdum mihi visum est; in quo non ea sola nomina Sculptorum Gemmariorum, de quibus constat, sed & aliorum, qui artis cognatione ac studio eorum socii erant, atque, ut vidimus, in Collegio Aurificum censebantur, enumeranda esse non inutili labore censuimus. His, si Viris doctis placuerit, addi poterunt Caelatores aureorum & argenteorum poculorum, & phialarum celebriores, qui a PLINIO ibidem laudantur, quum in multis non exprimat, si ea vasa ex pretiosis lapidibus perfecta essent, vel gemmeis emblematis ornata; inter quos MENTOR, ACRAGAS, BOETHUS, MYS, CALAMIS, ANTIPATER, STRATONICUS, TAURISCUS Cyzicenus, ARISTON & EUNICUS Mitylenaei, HECATAES, & qui circa Magni Pompeii aetatem floruere, PRAXITELES, POSIDONIUS Ephesius, LAEDUS Stratiates, ZOPYRUS, PYTHEAS, ac demum TEUCER, de quo haec pauca adtulimus.

His adiungendus ALCIMEDON poculorum Caelator celeberrimus, quem divinum adpellat VIRGILIUS.

- - - - - *Pocula ponam*

*Fagina, caelatum divini opus ALCIMEDONTIS,  
Lenta quibus torno facili superaddita vitis  
Diffusos hedera vestit pallente corymbos.*

*In me-*

*In medio duo signa : Conon ; Q quis fuit alter,  
Descripsit radio totum qui gentibus orbem ;  
Tempora quae messor , quae curvus arator haberet ?  
Necdum illis labra admovi , sed condita servo.*

Rusticis aptavit opus ; sed facile est VIRGILIUm descripsisse vas , seu scyphum a se visum , sculptum stupendo opere ; vel , ut notat SALMASIUS , ex THEOCRITO acceptit . Quare & ab eo , & ab ANACREONTE , aliisque Poetis eximiae pulchritudinis caelata Vascula potoria describuntur .

## T R A V I I

Patria domoque Amerini fortassis fuere TRAVII Auri-  
fices , qui in hoc funebri Titulo penes GRUTERUM  
(1) memorantur ; nam lapis extare dicitur Ameriae  
in aede B. Rocchi :

|                            |
|----------------------------|
| T. TRAVIVS. T. L. ARGENTIL |
| LVS. AVRIFEX. TRAVIVS      |
| T. L. AVCTVS. AVRIFEX      |
| LIB. FEC                   |

In Scaligeriano Indice indicatur DOMVS AVRIFICVM pag. XXXI. num. II. sed notandum , inrepsisse mendum ; nam in ara marmorea , quae extat in Museo suburbano Strozzio , quam vidi , & in lucem iterum accuratius protuli (2) , scriptum est : EVMOLPVVS CAESARIS A SVPELLECTILE DOMVS AVRIAЕ . hoc est *Domus Aurea* Neronis .

P. VA-

(1) Pag. MCXVII. num. I.

(2) Vide Par. I. Inscription. ant. Etrur. Urb. pag. 335. num. 4.

## P. VALERIUS BENEDICTUS

Vide supra ubi recensetur inter Aurifices C. AURELIUS CARPUS.

## L. VETTIUS NYMPHUS

Romanus, ut opinor, fuit hic L. VETTIUS NYMPHUS; nam in Romano Agro inventum eius Epitaphium, adlatum inter *Gudianas* (1):

L. VETTIUS . NYMPHVS  
AVRIFEX. V. A. XVII. &c.

Sed inter *Sponianas* legitur (2):

L. VECTIVS. NYMPHIUS.

at legendum videtur NYMPHVS.

## Z E U X I S

Claudit agmen praestantium Scalptorum Gemmariorum,  
& Aurificum ZEUXIS Liviae Augustae Libertus,  
huiusc artis peritus. Sepulcralis eius titulus heic  
repetendus. (3)

|                    |
|--------------------|
| ZEVXIS. LIVIAE. L. |
| AVRIFEX            |
| RVFA. TERTI. L.    |

His addere nunc lubet *Anularios*, qui Scalptorum socii  
& conlegae sunt, qui in vetustis lapidibus memorantur. Ex Placentino lapide, quem manu Sen. BONAROTII inter eius schedas exscriptum inveni, prodit Q. MVSIVS PRIMVS. En sepulcri eius epigraphe, quam vivens sibi fecit.

V. L O C. F  
Q. M V S I. Q. L  
P R I M I  
A N V L A R I  
I N F R. P. X I I I  
I N A G. P. X I I I

V

GRU-

(1) Pag. CCXXV. num. 2. (2) In Miscell. erud. Antiq. pag. 219.

(3) Vide Columbarium &c. pag. 150. num. CXIV.

**G**RUTERO & SCALIGERO incognita fuit, in quorum Thefauro nec *Musia* familia, nec inter Artifices *Amularii* recensentur. Eadem epigraghe cum mendis, & confusa repetitur. (1)

Huic praestantium Artificum agmini si quis addere voluerit, silentio non praeteribo, PHILOMUSUM, qui in Aula Liviae Augustae fuit *Inaurator* Tertii Libertus, qui nempe simulacra Deorum, statuas, imagines, & alia quae ad supellec<sup>t</sup>ilem spectant, inaurabat, aureis bracteis cooperiebat, cuius exstat sepulcralis hic titulus a me editus in meo Columbario.

|                  |
|------------------|
| PHILOMVSVS       |
| TERTI. L. IN AVR |

Hoc est : *Inaurator*.

### Z O S I M U S

Inter Scalptores Gemmarios recensetur a **IOANNE FABRO** Bambergensi in Commentariis ad Imagines Virorum Illustrium Bibliothecae **FULVII URSINI**. (2) Sed quum Artificum nomina propria alio detorqueat, vel falso explanet (3), eius iudicio caute fidendum est : ei tamen ignoscendum, quum nonnisi haesitanter & obscure nomina Gemmariorum Scalptorum ante V. C. PETRUM ANDREAM ANDREINIUM, LEONEM STROZZAM Praesulem, & PHILIPPUM STOSCHIUM indicata fuerint vel cognita.

(1) Clas. XIII. num. 6. (2) Tab. LXXXVI. pag. 52.

(3) Vide Dissert. Glyptographicam Cap. III. pag. 8.

HISTORIAE  
GLYPTOGRAPHICAE

P A R S I V.

SCALPTORES GEMMARIOS  
RECENTIORES

A Saeculo XV. ad Saeculum XVIII.  
complectens.



# P R O L O Q U I U M

~~~~~

**M**agnum & divinum est hominis ingenium , quod quid-  
quid arduum & admirabile est in universo terrarum  
Orbe , id ipsum imitari & facere sapientissimi Dei optimi  
maximi ope & consilio consuevit . Testantur quantae eius  
mentis vires sint , & quam maxima ac mira perspicacia  
atque intelligentia , innumera magnificentissima aedificia , na-  
ves , horologia , pictae tabulae , statuae , atque , ut paucis  
omnia complectar , scalptae Gemmae , de quibus nunc per-  
tractandum . In parvo minimoque lapillo non sine admira-  
tione cernimus plurimas figuris faberrime expressas ; cuius  
stupendi opificii testis est illa toto orbe famosissima Gemma ,  
quae e digitis divini nostri MICHAELIS ANGELI BONAR-  
ROTII in digitos Christianissimi Galliarum Regis Magni  
LUDOVICI XIV. tanto honore & maiestate digna , fe-  
liciter migravit . (1) Praetereo alia plura Artificum praec-  
stantissimorum miracula , quae in egregio suo opere FRAN-  
CISCUS IUNIUS luculenter descripsit . Quum in superioribus  
huius Historiae partibus veterum clarorum Artificum Gem-  
mariorum nomina ac laudatissima opera recensuerim ; in hac  
postrema recentiores Gemmarum Scalptores enumerandi sunt .  
Primus hanc Spartam summa cum laude occupavit GEORGIUS  
VASARIUS , qui eos Opifices , quos aetate sua celebres audi-  
verat & noverat , laudavit ; mox Auctor Dissertationis Gly-  
ptographicae , nempe Clarissimus FRANCISCUS VICTORIUS  
Equestris Ordinis S. Stephani P. & M. Commendator ,

X                    qui

(1) Hanc Gemmam operosissimam egregie delineatam , & aeri inculam , vide editam in  
Par. I. Operis P. I. Mariette , quod inscribitur : *Traité des Pierres Gravées &c.*  
Tabula XLVII.

qui eorum nomina paucis adiectis indicavit. VICTORIUM  
 secutus est egregius PETRUS MARIETTUS Gallus, qui non  
 pauca, iisdem vestigiis insistens, adnotavit; sed omnes una  
 commiscuit Artifices, ad sidera nimium erectis his, qui  
 Gallicum caelum ornant. Illud igitur mihi propositum perfi-  
 ciendum curavi, ut non solum coramdem Gemmariorum Opi-  
 ficium nomina servato chronologico ordine, & actatum serie  
 recenserem, verum etiam multa quae ab ipsis praetermissa  
 sunt, observanda proponerem. Ex dicendis adnotandisque  
 perspicue apparebit, me nullis laboribus studiisque pepercisse,  
 ut Historiam hanc meam Glyptographicam absolutiorem,  
 & luculentiorem posteritati commendarem. Ea de re Scri-  
 ptores de hisce artibus pertractantes consului; plurima vo-  
 lumina, quae habentur Florentiae in Mediceis Bibliothecis,  
 & in Mediceis Chartophylaciis excussi, ut nomina praefan-  
 stantium Aurificum Gemmariorum, qui sub Mediceis He-  
 roibus stipendia meruerent, colligerem, ac permulta nondum  
 vulgata ac nota, quod factum a me est, scriptis patefa-  
 cerem. Primum dicendum esset de Gemmariis Caelatoribus,  
 qui Romae floruerunt sedente MARTINO V. Pontifice  
 Maximo; sed quia in ea temporum caligine, nondum litteris  
 in pristinum decus, & gloriā restitutis, eorum no-  
 mina nobis nota non sunt, Glyptographicae Artis praefan-  
 stiam iure ac merito Florentinis ingenii tribuimus, ope, stu-  
 dio, ac liberalitate Viri Magnificentissimi LAURENTII  
 MEDICIS, qui artes omnes, atque etiam optimas litteras  
 ac disciplinas restituit, atque in sempiterna luce & digni-  
 tate conlocavit. Minime tamen negandum est apud Floren-  
 tinos & ante hanc Laurentianam Epocham floruisse Glyp-  
 tographicae Artis studia; quod ut perspicue ostendam, pau-  
 cis contentius exemplis, recensere lubet B E N E D I C T U M  
 P E R U T I U M Florentinum, qui, testo SCIPIONE ADMI-  
 RATO,

RATO, in Florentinis Historiis (1), lapillorum scalptor  
fuit singularis: siquidem Florentinae Reipublicae rebellis,  
quem anno MCCCLXXIX. vel potius sequenti, Pata-  
vium configisset, falsis formis in lapillo reddidit, atque  
expressit obsignatorium amulum ac sphyragisma Caroli de Du-  
ratio, qui ex avito Neapolitano regno Iohannam Reginam  
pellere, & in carcerem detrudere ausus fuerat; adeo illud  
verum est, quod Celeberrimus SCIPIO Marchio MAFFEUS  
adfirmat (2), « quod artes quaelibet ab Italis omni aervo  
exercitae sunt; cum externe nationes neque litteras ullas,  
neque artes in Italiā attulerint; sed earum rudes at-  
que ignari advenerint: iisque non admoverunt manus, nisi  
postquam longo contubernio, sanguinisque commixtione ipsi  
quoque Itali evaserint.

Igitur ut perspicuo ordine hanc Glyptographicam Historiam,  
quae recentiores Gemmarios Scalptores complectitur, conte-  
nam; primum verba faciam de Mediceis Principibus prac-  
stantissimae Artis Instauratoribus & Fautoribus liberalissi-  
mis; mox agam de Artificum Officinis ab iisdem conditis,  
atque omnibus instrumentis ac praefidiis luculenter instru-  
atis; deinde Florentinos Lithographos, qui iisdem regnanti-  
bus floruerent, servatis temporum legibus, recensabo; postmo-  
dum, quod nimis ieune, vel levi Minerva factum est, de  
pretiosorum lapillorum Compaginatoribus, seu Musivariis,  
qui, non vires lapillis, sed pretiosis dorisque petris in  
compingendis tabulis usi sunt, atque hac ipsa nostra aetate  
utuntur, sermonem instituant; in quo capite & Clarorum  
Artificum exterorum nomina venient, qui ad hanc usque tem-  
pora Gemmis scalpendis colligandisque tam miro opificio dant  
operam,

(1) Vide Tom. II. Partis I. Lib. XIV. pag. 741. edit. Florent. in fol.

(2) In Museo Veronensi pag. CCXXXII.

operam, ut pictas tabulas referant, ope & munificentia magnorum nostrorum Principum, & summam nomini suo gloriam operibus suis acrumnosissimis conquerunt. Vitandae obscuritatis & confusionis causa, mox Regnorum & Urbium omnium praeclaros Glyptographos Artifices recensebo, describamque eorum quae mihi nota sunt opera, indicata qua fluerint temporum serie. Post me non defuturos auguror, qui eorumdem Artificum numerum augebunt, & alia notatu digna, longa meditatione & studio in lucem proferent; sed his paucis nos contentos esse decet, maiorem gloriam posteris debitam numquam negaturos, atque invisuros.

ORDO & PROSPECTUS huius PARTIS IV.  
Historiae Glyptographicae.

PROLOQUIUM.

CAPUT PRIMUM.

**M**edicei Principes Glyptographicae Artis primi restitutores  
& fautores recensentur & laudantur. p. lxxxvij

**CAP. II.** De Florentina Schola Glyptographica, eius loco, praesi-  
diis atque ornamentis. p. xciv

**CAP. III.** De egregiis primisque Gemmarum, Lapillorum,  
Marmorumque variorum compaginato-ribus. p. civ

**CAP. IV.** Nomina Compaginato-rum celebriorum recensentur. cxij

**CAP. V.** De Opificibus qui in Regio Palatio & Museo Floren-  
tino vascula crystallina, aliaque e crystallo opera faciebant.  
p. cxiv

**CAP. VI.** Nomina praestantium Vasculariorum in Florentinis of-  
ficiinis crystallinis & vitreis producuntur. p. cxxj

**CAP. VII.** Inlustres Principes, qui Glyptographicae studia favo-  
re & opibus prosecuti sunt, laudantur. p. cxxiv

**CAP. VIII.** De Schola Florentina Glyptographica sub Lauren-  
tio Medice ac Petro eius filio, & Alexandro Med. Flor.  
Reip. Duce. p. cxxxj

**CAP. IX.** Gemmarii Scalptores in Florentina Schola clari, qui  
sub Cosmo I. & Francisco I. Magn. Etruriae Ducibus florue-  
re, recensentur. p. cxlvj

**CAP. X.** Regnantibus Ferdinando I. & Cosmo II. Magnis E-  
truriae Ducibus, qui floruerint in Florentinis Officiniis Gem-  
mariis Scalptores declarantur. p. clxij

**CAP. XI.** *Scalptores Glyptographicici, qui in Florentinis Officinis regnantibus Ferdinando II. Cosmo III. & Ioanne Gastone Magn. Etruriae Ducibus claruere, recensentur.* p. clxvij

**CAP. XII.** *Glyptographicae Scholae Florentinae regnante Francisco M. D. E. Imperatore Caesare semper Augusto, qui nunc florent Scalptores Gemmarii, corumque egregia opera recensentur.* p. clxxxiv

**CAP. XIII.** *De Romana Glyptographicā Schola, qui in ea restitutis Artibus floruerint Gemmarii Scalptores recensentur.* ccj

**CAP. XIV.** *De Langobardica Schola Glyptographicā, qui ex ea prodierunt Gemmarii Scalptores exponuntur.* p. ccxxiv

**CAP. XV.** *De Veneta Glyptographicā Schola, qui in ea floruerit Gemmarii Veneti Scalptores recensentur.* p. ccxlvi

**CAP. XVI.** *De Gallica Schola Glyptographicā, eius clari Scalptores Gemmarii memorantur.* cclxix

**CAP. XVII.** *De Glyptographicā Schola Alcmannica, eiusque claris Scalptoribus Gemmariis.* p. cclxxiv

**CAP. XVIII.** *De Scholis Glyptographicis Hispánicis, Britanicis, Danicis, Scoticis, Sueticis, Prussicis, aliisque transmarinis, corumque celebrioribus Scalptoribus Gemmariis.* p. cclxxxiv

APUT

## C A P U T P R I M U M.

*Medicei Principes Glyptographicae Artis primi restitutores  
G fautores recensentur G laudantur.*

MENTE magnorum Principum & Regum digna ea cura habita est, quae tota in illud divinum beneficium incubuit, ut optimae disciplinae & artes non solum adsidue in suis ditionibus excolerentur, verum etiam ad summum decus, dignitatem, atque praestantiam absolutissimam eveherentur. His enim vigentibus, mirumque in modum florentibus, populorum commoda, commercia, & opes augentur, divitiae, merciumque omnium copiae, & maxima facultates parantur, & facili negotio conqueriruntur, earumque nominis gloria ac fama totus orbis impletur. Omnia primi MEDICEI HEROES studiis omnibus & artibus facem hanc micantissimam extulerunt, qui barbarorum teterima vastatione & excidio male vexatos profugos homines doctissimos e Graecia in sinum suum exceperunt, & litteras atque artes veteres intermortuas ad vitam revocarunt, atque in aedibus suis, rure etiam instituta Platonica Academia, florere, in dies crescere, & vires augere voluerunt. Ne in tanta gloria adserenda iactabundus videar, testem nobilissimum adducam EZECHIELM SPANHEMIUM, qui in Dissertatione prima de praestantia & usu Numismatum antiquorum perspicue ostendit, Mediceae Augustae Domus Heroas omnium primos veterum monumentorum utilissimum studium a moremque in Italiam invexisse. Quamquam constet, Io. FRANCISCUM PETRARCHAM in antiquitatibus observandis, dum Romae versaretur, reliquos omnes antecessisse;

se ; de quo studio multa in suis epistolis tradit : tam  
en in iisdem vetusti aevi deliciis colligendis , atque  
in Cimeliis & Museis condendis primus omnium exem-  
pli suo emicuit LAURENTIUS MEDICES , cogno-  
mento , & reipsa MAGNIFICUS , litterarum litterato-  
rumque parens optimus maximus , qui scalptas Gem-  
mas antiquas , pulchritudine , elegantia , atque opificii  
dignitate ac maiestate insignes , perrara Numismata ,  
pretiosa Vasa , Codices tum Graecos , tum Latinos ,  
praeclaras denique omnes , quas undique per viros do-  
ctos invenire potuit , venerandae Antiquitatis reliquias ,  
in aes , vel in marmor incisas , diligentissime conqui-  
sivit , & ab interitu vindicavit : qui etiam transmisso  
posteris harum lautiarum studio & flagrantissima cu-  
piditate , veluti e specula , ad nominis sui aeternitatem  
consequendam , hoc nullo umquam tempore intermori-  
turum lumen a se feliciter accensum propagavit , am-  
plificavitque . Sed ne videar LAURENTII laudes plus  
aequo ad caelum evehere , praestat coaevi eximii viri  
litteratissimi BERNARDI ORICELLARII Patricii Florenti-  
ni disertissimam Laurentianae Mediceae Gazae descrip-  
tionem adferre ex eius Commentario de Bello Itali-  
co : (1)

„ Erant sane thesauri veteres pacis diurnae , re-  
„ giaeque opulentiae ornamenta undique toto orbe con-  
„ gesta . Nam cum iam pridem gens Medicea floraret  
„ omnibus copiis ; terra marique cuncta exquirere ,  
„ dum sibi Graecarum , Latinarumque litterarum mo-  
„ numenta , toreumata , gemmas , margaritas , aliaque  
„ huiuscemodi , opere naturae simul , & antiquo arti-  
ficio

---

(1) Londini , sed edit. Florentiae anno MDCCXXXII . pag. 52. ubi titulus in margi-  
ne , *Mediceae Domus expilatio* .

„ ficio conspicua , compararent . Quo factum est , longo aevo , quo haec familia stetit , ut si quid præter cetera insigne ex Antiquitate , saevitieque temporum superfuisset , veterum Scriptorum codices , vas ex Sardonyche , ceterisque gemmis caelata , Deliaca atque Corinthia , lapilli multiplici sculptura , coloreque peregregii ; præterea signa , tabulae , aurum , argentumque signatum perantiquo opere , multa atque lauta supellex , cuncta quae animum oculosque accenderent , undique in Domum Mediceam confluenter . Testimonio sunt litterae gemmis ipsis incisae LAURENTII nomen præferentes ; quas ille sibi familiae quae suae prospiciens scalpendas curavit , futurum ad posteros regii splendoris monumen tum : licet enim ex his coniectari , fuisse aliquando apud Medices aqua proportione reliqua “. Et paulo post : Haec omnia magno conquisita studio , summisque parta opibus , & ad multum aevi in deliciis habita , quibus nihil nobilior , nihil Florentiae quod magis visendum putaretur , uno puncto temporis in prædam cessere “. Multa tamen post LAURENTII obitum Vascula per insignia e variis gemmis pretiosissima , magnitudine , elegantia , & pretio admiranda , in Divinum cultum cessere , quippe servandis Sanctorum ex viis dedicata fuere in Ambrosiana Basilica Florentina Sancti Laurentii , quae & hodie ibidem spectantur ; (1) ac multa etiam tum ab ipsis , tum ab haeredibus Mediceis Principibus in Regio Palatino Sacrario domestico recondita habentur .

Tanto rerum antiquarum studio captus est LAURENTIUS ,

---

(1) De his plura Vasarius in Vita Valerii Vicentini in Par. III. vol. I. pag. 290. ed. Flor.

RIUS, ingenio & eruditione praestantissimus, ut Schola  
lam Florentiae in Hortis suis ad Divum Marcum, pu-  
blico bono aperuerit ; in qua munificentia & liberali-  
tate sua lectissimi iuvenes sub optimis ac peritissimis  
Magistris educabantur ; atque ita summo studio institue-  
bantur, ut veteres artes Sculpturae, Picturae, Plasticæ  
Glyptographicæ, ceteraeque adfines omnes ingenti no-  
minis sui gloria, quum intermortuae essent Barbarorum  
inscitia, & conluvione vastatae, ac tetricime foedatae,  
ad pristinum decus & dignitatem revocatae fuerint ; e qua  
Schola, ab eo condita, tanquam ex equo Troiano, tot  
Artifices in singulis Artibus ac studiis praecellentissimi  
prodierunt, ut non solum Florentiam tantum, sed hinc  
magno cum honore adciti egregii Opifices omnem fe-  
re Europam, quae tanto lumine perculta est, atque  
stupore, & aemulatione excitata, pulcherrimis operibus  
implerunt atque exornarunt. Ex his perpaucos, qui in  
ea Laurentiana Officina, sive bonarum Artium Acca-  
demia summa cum laude profecerunt, ac brevi tempo-  
ris spatio praestantissimi evaserunt, commemorare lu-  
bet, nempe divinum MICHAELM ANGELUM BONARRO-  
TIUM, de quo in eius Vita nuper a me edita differui.  
Sed in his commemorandis, quia illustre est GEORGII  
VASARII testimonium, eius utar verbis. (1) „ Favori  
„ dunque il Magnifico LORENZO sempre i belli in-  
„ gegni ; ma particolarmente i nobili, che havevano  
„ a queste arti inclinazione ; onde non è gran fatto,  
„ che di quella Scuola uscissero alcuni, che hanno fat-  
„ to stupire il Mondo : e che è più, non solo dava  
„ provvisione da poter vivere, e vestire a coloro, che  
„ essen-

---

(1) In Vol. I. Part. II. Vit. excell. Pictor. edit. Flor. 1568. pag. 52. & 53.

„ essendo poveri , non harebbono potuto esercitare lo  
 „ studio del disegno ; ma ancora donativi straordinarj  
 „ a chi meglio degli altri si fosse in alcuna cosa ado-  
 „ perato ; onde gareggiando fra loro i giovani studiosi  
 „ delle nostre arti , ne divennero , come si dirà , eccel-  
 „ lentissimi “. Hi vero , ut max subdit , fuere , prin-  
 cipe in loco BONARROTIUS , IOANNES FRANCISCUS RU-  
 STICIUS , TORRIGIANUS TORRIGLANIUS , FRANCISCUS GRA-  
 NUCCIUS , NICOLAUS Dominici F. SOGGIUS , LAURENTIUS  
 CREDIUS , IULIANUS BUGIARDINIUS , omnes Florentini ;  
 ex finitimis & conterraneis BACCIUS DE MONTELUPO ;  
 ANDREAS CONTUCCIUS e Monte Sansovino , ANDREAS  
 VERROCCHIUS , ANTONIUS POLLAIOLUS , & alii plures ,  
 qui alibi ab eo honorifice commendantur . Sed de hac  
 Schola , deque eius situ atque ornamentis paullo infe-  
 rius dicam .

Verum ante hos , alios quoque Artifices in Artibus  
 Picturae , Sculpturae , & Architecturae praestantes fuis-  
 se , nemo dubitabit , qui eorum Historiam ab immor-  
 tali VASARIO editam legerit . Inter Plastas aereosque  
 Fusores celeberrimos fileo LAURENTIUM Ghibertium ,  
 qui in Florentino Baptisterio S. Ioannis ianuas auro ful-  
 genti superfusas , praesertim medianam , caelo , ut aie-  
 bat M. A. BONARROTIUS , dignam admirando opificio  
 absolvit . Sileo PHILIPPUM BRUNELLESCHIUM Archite-  
 etum praestantissimum , alterum , ut ita dicam , Florenti-  
 num VITRUVIUM . DONATUM fileo , vulgo DONATELLUM ,  
 qui , ut mox narrabo , antiquorum Graecorum Artifi-  
 cum exemplaria sibi imitanda proposuit , miroque an-  
 tiquorum monumentorum conquirendorum amore flagra-  
 vit . Hic , teste VASARIO (1) , primus auctor , & pre-  
 cipua

---

(1) In Donati eiusdem Vita Par. I. & II. pag. 335.

cipua causa fuit, ut COSMUS MEDICES, cognomen-  
to *Pater Patriae*, excitaretur, ut Florentiam transvehen-  
da curaret antiqua plurima opera, quae nunc in Me-  
diceis sunt aedibus; quae omnia ipse peritissima manu  
instauravit. Eius filius IOANNES pulcherrimarum an-  
tiquitatis rerum cupidissimus fuit; memoratque idem  
VASARIUS (1) eum acquisivisse Sardam illam antiquo  
artificio & magnitudine insignem, in qua inscalptus A-  
pollo, qui Marfyae pellem e corpore detrahi iubet;  
quam idem IOANNES MEDICES LAURENTIO GHI-  
BERTIO dedit, ut ipsam pereleganti aureo ornamento,  
exquisito cum opificio, circumcluderet, quod studio-  
fissime fecit. Idem LAURENTIUS GHIBERTIUS, cum pri-  
mum inter Florentinos Aurifices locum haberet, MAR-  
TINO V. Pontifici Maximo non tantum mitram sum-  
tuosissimam, verum & auream bullam ad constringen-  
dum pluviale, gemmis pretiosis, & parvis signis orna-  
tissimam fecit. Invaluit etiam anteactis rudioribus Sae-  
culis Gemmarum antiquarum studium; illudque con-  
stat, Vexilliferum Reipublicae Florentinae, eiusque in  
principe Magistratu Socios Sigillum habuisse antiquis-  
simi operis, nempe Herculem Gradivum cum leonis  
devicti spolio, clavam in humeris ferentem, elegantissimo Smaragdo ab antiquo Scalptore peritissime inci-  
sum: quam singularem Gemmam magnitudine &  
artificio singularem adhuc servatam vidi paucis ab hinc  
annis in Gazophylacio veteris Palatii. Hoc Sigillo ute-  
bantur in dandis publicis Litteris, Diplomatis, & aliis  
ad Reipublicae negotia bene gerenda, in quo haec epi-  
graphe scripta: SIGILLUM FLORENTINORUM.

Alte-

(1) In Vita Laurentii Ghibertii Par. II. pag. 281.

Alterum quoque in usu erat Sigillum, ita inscriptum: SIGILLUM PRIORUM, quo litterae obsignabantur traditae Legatis, ac Ministris ad munia & negotia gerenda pro Florentina Republica deputatis, quae molli viridi cera imprimebantur; quae confuetudo ab anno MCCC. ad haec usque tempora a quibusdam Magistratibus servata est. Huius obsignatorii Sigilli sphragisma antiquum postea renovavit, eodemque typo Chalcedonio Orientali pulcherrimo Herculem incidendum praecepit COSMUS I. Florentinorum Dux; quod Sigillum exhibui pro coronide Praefationis ad Volumen I. Musei Florentini, atque ibidem aliquot observationibus idem priscae Maiestatis monumentum inlustravi. Eo sigillo etiam nunc utuntur Supremi Magistratus Senatores. Neque etiam praeteribo inaestimabilem craterem ex integro Achate Sardonyche singulari atque admirando opere anaglypho utrimque exscifum, quem suspicor MARGHERITAM FARNESIAM, mortuo coniuge suo ALEXANDRO MEDICE, Florentinorum Duce, in Farnesiam Domum cum aliis antiquis Gemmis & lapillis pretiosissimis intulisse; quum ab eius parente CAROLO V. Caesare OCTAVIO FARNESIO matrimonio copulata fuisset. Craterem hunc inter prisca artis miracula computandum, quo regium Neapolitanum Muscum hodie nobilitatur, protulit Clariss. Marchio MAFFEIUS (1), de quo etiam alibi verba feci. Hunc craterem omnium vasorum insignissimum, suspicor eum fuisse, quem in suis Memoriis recenset Magnificus LAURENTIUS MEDICES; sed ab eo e Chalcedonio exscifus memoratur, quum e Sardonyche sit; tantum eum sculpturis ornatum describit, & se dono accepisse ait a SIX-

Aa

TO

---

(1) Vide in Tom. II. Observat. Litterar. pag. 339. & Museum Veronense pag. CCCLV.

TO Pontifice Maximo , quum apud eum pro Florentinis legatione honorificentissima fungeretur ; a quo etiam & alias Gemmas anaglyptice exscalptas , & exigua duo marmorea capita , quae adhuc existant in *Florentino Museo* , nempe Augusti & Agrippae , dono suscepit . Haec monumenta , sive *Memorie* , *Ricordanze* eiusdem LAURENTII MEDICIS a me primum editae sunt in priore Volumine , quod inscribitur la *Toscana illustrata* , pag. 194.

Quamquam vero in hanc laudum partem veniant complures Medicei Proceres , qui LAURENTIUM MEDICEM praecessere ; ipse tamen inter eos principem locum obtinet , praecipuoque iure celebrandus est ; qui , ut Gemmaria Ars ad incrementum & aeternitatem nominis Florentinorum ingeniorum proficeret , primus omnium , ut dicebam , suis impensis , adsiduaque munificentia & liberalitate Scholam aperuit , & praestantes indole & acri iudicio iuvenes delegit ; iisdemque optimos praceptorum dedit , inter quos primus fuit optimus Magister BERTOLDUS Sculptor Florentinus , Donati discipulus laudatissimus , qui optima omnium praestantium Artificum exempla iisdem imitanda proponebat , quum eiusdem Scholae Custos decretus fuisset . Mortuo LAURENTIO MEDICE , VI. Eidus Apriles ann. CIC. CCCCXCII. celeri nimis fato , nempe anno aetatis suae quadragesimo quarto , summo omnium moerore erepto , qui tamen per ora hominum Scriptorumque adhuc vivit vivetque , Glyptographicae Artis studia omni cura , studio ac favore prosecuti sunt Medicei Principes , & Magni Duces Etruriae ; quod ex dicendis in recensione singulorum Gemmariorum Artificum Florentinorum liquebit .

CA-

## C A P U T I I.

*De Florentina Schola Glyptographica, eius loco, praesidiis  
atque ornamentis.*

**P**rimus omnium, ut dicebam, Florentinam Glyptographicam Scholam aperuit Magnificentissimus Vir **LAURENTIUS MEDICES** studiorum artiumque omnium bono, honorique & gloriae natus, in Hortis suis prope Ecclesiam S. Marci ; qui locus primum dicebatur *il Giardino* ; postea extructis maioribus aedibus, *il Casino da San Marco* nuncupatus est. In his delecti iuvenes in Graphicae artibus primum instituebantur ; mox, quum probe instituti eruditique a doctis magistris evasissent, eorum indolem acerrimo ac maximo quo pollebat iudicio, explorabat atque expendebat **LAURENTIUS**; & in ea Arte, in qua eos praestantes fore conspiciebat, eam adripere, sequi, monente natura, iubebat : quapropter alii *Picturae*, alii *Sculpturae*, alii *Architecturae*, alii *Fusoriae*, alii *Glyptographicae*, eo hortante, atque adsidue urgente beneficiis & praemiis, sedulam operam navabant. Quam aurea ac beata haec erant saecula, quam felices, qui studiis & artibus sub hisce auspiciis incumbebant ! Aedes illae amoenissimo in loco, ac saluberrimo constitutae, viridariis, arboribus pulcherrimis, deliciis omnibus ad animum recreandum adfluentes, ornatae erant ac refertae pictis tabulis nobilissimis, statuis, signis, vasculis, peregrinis marmoribus, columnis, & anaglyphis marmoreis cum antiquis, tum praestantiorum ejusdem aetatis vel paulo superioris Opificum operibus ; Chartis etiam egregie delineatis, aedificiorum parvis

arche-

archetypis, instrumentis omnibus ad omnes artes exercendas perficiendasque necessariis; quae omnia non tantum Scholam, & Accademiam, sed etiam Museum omni antiqua & recentiori supellestile instructissimum constituebant. Haec omnia magnanimus LAURENTIUS congesserat, eoque consilio ibidem congregabatur, ut novi sui Gymnasii alumni ea adsidue contemplantes, antiquorum operum elegantiam, exquisitum studium, ac magisterium, dignitatem quoque & maiestatem mente conceptam adsidue retinerent, & ad eam adsequendam omnibus ingenii viribus adsurgerent, ac vehementer excitati quotidie inflammarentur. In his Hortis frequenter aderant, & de sapientia, litterarumque gloria & studiis cum LAURENTIO disserebant, & familiares sermones habebant Viri ea aetate doctissimi, inter quos eminebat POGGIUS Florentinae Republicae Orator, & a Secretoribus Consiliis, qui in iisdem Hortis, Musarum quoque Sacrario, de vera nobilitate differuit, cumdemque locum pereximiis eruditae Vetustatis reliquiis ornatissimum in eo Tractatu descripsit, qui in lucem prodiit (1). Hic prima artis tirocinia accepit, tunc adolescens MICHAEL ANGELUS Bonarrotius, qui lusus gratia, quum frustum marmoris adripuisse, scalpis nondum adsueta manu, Fauni caput expressit, quod placuit LAURENTIO (2), a quo ad maiora sui ingenii monumenta proferenda excitatus est; eaque de causa cum una cum ANGELO POLITIANO apud se do-

(1) Hunc Tractatum scripsit ad praestantissimum Gerardum Cumagnum, qui in lucem prodidit Abellini anno MDCLVII. in 4. Vide etiam Vasarium in Vita M. A. Bonarotii.

(2) Protuli hoc ipsum Fauni caput marmoreum, quod in Florentino Regio Museo existat, in fine Praefationis meae ad Vitam eiusdem M. A. Bonarotii Florentiae in fol. editam anno MDCCXLVI.

se domi educavit, & ad mensam suam adsidere multis ornatos beneficiis voluit.

Verum quum in Conclavi suarum aedium LAURENTIUS haberet Vascula pretiosa, & Gemmas opificio & elegantia singulares, in iisdem Scalptores Graphices institutionibus iam eruditos suscepit, eisdemque praeclarâ opera, quae sculpenda erant, imperavit. Id testatur disertis verbis PAULUS IOVIUS in Vita LEONIS X. Pontificis Maximi, eius filii, in qua avitum eius Palatium, quod nunc incolunt Marchiones Riccardii, ita describit: „Conspiciebatur etiam OFFICINA nobilium „Artificum, quando nullibi Pictores, Statuarii, SCAL- „PTORESQUE GEMMARUM, & Antiquitatis Studiosi „monumenta Artis deponerent, quam apud MEDI- „CEOS, &c.

Hanc Officinam, sive, ut diximus, Gymnasium & Scholam, conditam ferunt ab eodem LAURENTIO, dum ageret aetatis suae annum circiter decimum octavum. Ipse natus est Kalendis Ianuar. anni aerae Florentinae CI. CCCCXLVIII. parentibus genere & virtutum splendore nobilissimis, nempe PETRO Magni COSMAE decreto publico Patris Patriae filio, & LUCRETIA TORNABONIA. Cum solida pietate, morumque integerrima probitate coniunxit optimarum litterarum studia, quibus operam dedit, optime in his institutus a praceptor Gentili Urbinate, viro doctissimo, quem mox Arretinae Ecclesiae insulis ornandum curavit. Sapientum virorum lucubrationes curavit, ac regia munificentia excitavit, & fovit; complura & ipse Poemata & Carmina, aliaque opera elucubravit, quae iam nota sunt. Musices quoque fautor & cultor peritissimus fuit.

Bb

Quod

Quod ad institutum meum adtinet, in colligendis elegantioribus eruditae Vetustatis reliquiis, Gemmis, Vasculis, Signis, Numis, Codicibus tum Graecis, tum Latinis rarissimis, totus fuit LAURENTIUS vir sapientissimus, tanquam Palladium e caelo delapsum, ad revocandas optimas artes, ac disciplinas excitandas tuandasque, atque ad acuenda praeclera hominum ingenia; proque litterarum gloria & dignitate augenda atque amplificanda Pisanum Atheneum fere intermortuum sua liberalitate aperuit; atque ad novam immortalem, qua ex eo tempore semper floruit, vitam revocavit. Vix dici potest, quam incredibili pulcherrimarum rerum desiderio exardesceret, quamque mirum in modum earum elegantia & raritate teneretur; nec sumtibus parcebatur, si quid eximium & insigne ostensum esset, ut eo potiretur. Gemmas lapillosoque pretiosissimos, qui in deliciis fuerant PAULI II. Pontificis Maximi, post eius obitum, curante IOANNE TORNABONIO eius patruo materno, emit, qui in decus & ornamentum Laurentiani Gazophylacii adcesserunt. (1) Narrat NICOLAUS VALORIUS in eius Vita, qui eidem LAURENTIO coaevus fuit, se e Neapolitano itinere Florentiam reversum, eidem LAURENTIO obtulisse imagines Scipionis Africani, & Faustinae Augustae, quas multo cum gudio suscepit: & quum audivisset Platonis marmoreum Signum pulcherrimum in Graecia in ruderibus Accademiae suae nuper inventum fuisse, omnem movit lapidem, ut apud se haberet, incredibilique exultavit gudio, teste etiam, praeter VALORIUM, MARSILIO FICINO, statim ac potitus est, curante HIERONYMO DE RUBEIS

Pisto-

---

(1) Ex eius Vita scripta a Nicolao Valorio, ex edit. Florent. in 4. apud Iunctas anno MDLXVII. quae quidem perrara est, cuius paginae non numerantur.

Pistoriensi, cuius summi Philosophi imaginem memoriae proditum est eum curasse, ut in Gemmis ad hoc exemplum accuratissime inscalperetur. Marmoreum hoc divini Platonis Caput, nuper & rusticis inventum prope Villam Caregianum, in manus meas feliciter incidit; quod mihi comparavi, & brevi proferam cum eius Historia, post Vitam MARSILII FICINI adhuc ineditam, auctore Io. CORSIO Florentino. Marmoream Statuam Etruscis litteris insculptam, erutam in Agro Pistoriensi emit, ut memorat SANCTES MARMOCCHINUS in *Dialogo*, & refert Clarissimus Senator BONARROTIUS.

(1) Stupebant Principes & nobilissimi viri, qui ab eo hospitio excipiebantur sumtuosissimo, quum observarent contemplarenturque Laurentianam supellestilem, servatumque apud eum ingentem rerum omnium riorum Antiquitatis, & prisci luxus thesaurum, Vascula omnis generis, signa, tabulas, numismata, & lapillos praestantium veterum Scalptorum manu exscisos, & figuris ornatos; toreumata ex ebore elegantissima, marmorea Virorum Inlustrium capita, Caesarum Augustarumque protomas, quas summa cum animi voluptate, & humanitate studiosis omnibus ostendebat.

Consilia omnia divinae mentis suae Magnanimus LAURENTIUS in generosos filios suos PETRUM & IOANNEM, (qui LEO X. P. M. fuit) & IULIANUM transfudit; qui Litterarum, Litteratorumque, Artium, egregiorumque Artificum Fautores beneficissimi fuere.

In praestantioribus Gemmis opere sive diaglyptico, sive anaglyptico caelatis nomen suum incidendum curavit,

(1) In Explicat. & Coniect. ad Monumenta Etrusca Operi Demosteriano addita §.XLIV. pag. 98.

## HISTORIA

ravit, inscalptis hisce litteris LAVR. MED. nempe LAURENTIUS MEDICES, ut securitati Gazae suae, & posteritati consuleret. Nimius essem, si Gemmas omnes, quas in Cimeliis suis conditas habebat, immortali hoc nomine scriptas enumerare vellem. Non paucae ex his a me editae sunt. Quum ex his Gemmis aliquae vel vetustatis iniuria, vel fossorum oscitantia labefactatae essent, hinc ortum est, ut extraneos Artifices quosdam Gemmarios Florentiam deduceret, atque invitaret; qui eas instaurarent, atque etiam instrumenta monstrarent in Glyptographico opificio necessaria, quae delecti iuvenes adhiberent. De restituenda antiqua Arte Glyptographica paulo ante tentatum Romae fuerat, teste VASARIO (1) sub Maximis Pontificibus MARTINO V. & PAULO II. sed parum aut nihil profectum; iisdemque fato functis, perpaucā admiratione & laude digna prodiere. Quinque insignes Gemmas observavi in Da-Etyliotheca Medicea Imperiali, quae ostenduntur in Tabula XXVI. num. 2. In Sarda, quae altitudine aequat uncias tres, latitudine duas, & quidem pulcherrima, inscalptus est PAULUS II. Pont. Max. cum Regno in capite, & pluviali pretioso amictus cum hac epigraephē: PAVLO VENETO PAP. ANNO PVBLICATIONIS IVBILAEI. ROMA. Sed iterum revocata est Romae Ars Glyptographica regnantibus Summis Hierarchis IULIO II. LEONE X. & CLEMENTE VII. ad cōditis Scalptoribus & Opificibus praestantissimis, ut mox dicemus. Eorumdem maximorum Pontificum exstant in Medicea Da-Etyliotheca imagines, eximio opere anaglyptico excalptae. Smaragdo valde claro exscalptus cernitur LEO

X. cum

---

(1) In Vita Valerii Bellii Vicentini in Par. III. Vol. I. pag. 286.

X. cum hac epigraphe : LEO X. PONT. MAX. ANNO EIVS IIII. MDXVI. Altera quoque eiusdem LEONIS P. Max. effigies Achati Chalcedonio exscalpta spectatur, quemadmodum & CLEMENTIS VII. persimili opere.

Huiusce praeclarae gloriae monumentum memorabile, atque aeterna commendatione dignissimum, divina providentia servatum traditumque est bonarum Artium Fautori atque Amplificatori maximo ac celeberrimo LAURENTIO MEDICI. Parentis optimi, cuius virtus tanta fuit, ut famam & laudes omnes longe supereret, egregia consilia & gesta secutus est, dum ille omnium bono & commodo viveret, & post eius obitum PETRUS MEDICES, filius optimus, quem multis laudibus, & quidem iure ac merito celebrat ANGELUS POLITIANUS; (1) qui optimas artes coluit, praestantes doctrina viros liberalitate fovit, & Glyptographicos Artifices veterum operum gloriae aemulos adsiduo studio & favore perfecit, quorum nomina mox recensebo.

Eadem inlustria vestigia consestati sunt ALEXANDER MEDICES, & Cosmus Florentinorum Duces, qui etiam Artificum numerum auxerunt, & ad maiora praestantia excitarunt. Regnante FRANCISCO I. Magni Cosmi Filio, mirum in modum Florentinorum Artificum, qui vel Gemmas, vel crystalla caelabant, aucta gloria est; cuius praeclarae laudis testem habeo synchronum P. Fr. AUGUSTINUM del Riccio, Ordinis Praedicatorum, tunc morantem Florentiae in Coenobio S. Marci, adeoque prope laudatos Mediceos Hortos, & aedes, qui anno CID. ID. XCVII. scripsit Historiam de Marmoribus, Gemmis & pretiosis lapillis, quam, quum MS. sit, me-

Cc                                  cum

(1) Vide Epistol. Lib. IV. ad Iacobum Antiquarium pag. 46. edit. Basil. an. 1553. in fol.



cum humanissime communicavit non semel a me laudandus Vir celeberrimus IOANNES TARGIONIUS TOZZETTIUS. Is etiam mihi legendum praebuit alterum eius Tractatum de Agricultura , in quo Cap. XV. ubi de Aurantiis scribit pag. 145. & 146. haec ad rem nostram memorat . „ Venne nella Città di Firenze al tempo , „ che regnava il Gran Duca Francesco , ( nel Giardino ) dove egli sovente vi andava la mattina , & anco dopo desinare ; posciachè ivi haveva ragunati Uomini virtuosi in tutte le arti ; come vi erano in quel Palazzo , detto il Casino , di tutti i Maestri di gioie di tutte le sorti : quivi si lavoravano Vasi grandi e piccoli , nicchi , lapislazzuli ; poi vi erano i Maestri , che facevano i bei Vasi di porcellana , ( 1 ) Vasi regj tanti , belli & honorati , che erano con fogge belle e varie . Poi vi si vedevano Maestri d' intagli , che intagliavano in una piccola pietra la Città di Firenze ; la qual pietra io viddi con grandissimo mio contento , la quale era poco maggiore di uno scudo d' argento . Veddi anche un'altra pietra quanto una nocciuola grande , esservi intagliato una figura con arme ; e di queste simil cose d' ingegno ne vedeva assai ; posciachè io viddi un gallo sì piccolo , che si durava fatica a cognoscere le sue parti , e bisognava aver buon occhi aquilini

a vo-

---

( 1 ) Discimus , teste Riccio , Franciscum Magnum Etruriae Ducem auctorem omnium primum fuisse circa Annum MDXCVII , ut Vascula illa , quae tanto in honore nunc sunt , vulgo *Porcellanae* , Florentiae a peritis Artificibus fierent . Inveni in Libris expensarum , & in Codice notato litt. P. anno MDCVIII. sumtus annotatos , ut Fornax eorumdem Vasculorum di *Porcellana* , fieret , atque construeretur super Porticum prope M. Ducas Palatium , vulgo *la Loggia de' Lanzi* . Haec Vascula adnotata plerumque sunt litt. P. quae Ferdinandum M. D. E. indicat , & laudantur a Cl. Comite Laurentio Magalottio in parvo libro eius Epistolar. Florentiae edito a Iosepho Mannio anno 1736. pag. 36. 39. & 45. Nunc magnopere laudatur suburbana Fabrica Ginoriana Cl. Marchionis Ginorii .

„ a volere scorgere tutti i membri. Che dirò poi de' bicchieri lavorati? vi si scorgeva selve e molti animali ben fatti, veramente opere da Granduchi. I medesimi Maestri poi hanno fatto molti Vasi di pietre dure, & animali varj fatti di cristallo di montagna. Se ancora volessi raccontare i Maestri eccellenti, che stillavano, sarei molto prolioso; (1) poichè ivi si facevano tutte le sperienze, che fare si potessino intorno a sì bell' arte, della quale il Granduca si dilettava. Poi in certe Stanze vi stavano Pittori, che facevano opere bellissime, e in particolare viddi un Libro di fiori, fatto con quella maggior diligenza, che si potesse fare: così vi si dipinseva altri animali, che S. A. ne prendeva un gusto grande; e tal volta andava in una Stanza, tal volta in un'altra dove si teneva opere nuove. In quell'altra si fabbricava un monte di tutte le miserie che si potessin trovare; il qual monte è oggi nella bellissima Grotta de' Pitti con molt' altre cose degne di esser viste.

„ Potrei dire, che fece fare in detto Palazzo una Fornace, che fu molto commendata; poichè ivi si facesser Vasi bei, ma di fogge varie, che oggi sono in una Stanza sopra gli Ufizj appò il Palazzo Ducale. Sarei lungo, se io volessi raccontare tutte le sorti di Artisti, che lavoravano nel Casino, che poi tutti gli condusse appresso al Palazzo Ducale,

(1) Hinc ortum habuit regia Officina Aromataria, & Unguentaria, quae vulgo dicebatur la Fonderia, quam postea Magnus Dux prope regias suas Aedes, il Palazzo de' Pitti, constituit; e qua arculae cum omnibus pharmacis, oleis & unguentis, ad valetudinis Civium, & Exterorum remedia pròdibant, quae dono mittebantur, vel etiam pauperibus largiebantur. Hinc etiam originem accepit Hortus Botanicus Florentiae & Pisii, qui celeberrimi etiamnum sunt, quorum edita exstat Historia a Clarissimis Tillio & Targionio.

„ cale , assegnando a quei Maestri tutte le Stanze necessarie a tali esercizj ; come ancora sono oggidì ; „ ma non vi sono tante sorti di Artieri .

Hinc igitur discimus , regnante FRANCISCO I. providentissimo Etruriae Magno Duce , ex Aedibus prope D. Marci Templum & Coenobium , vulgo *il Casino* , ubi Ars Glyptographica ad insignem praestantiam ab ortu suo evecta est , Artifices omnes egregios in eas Officinas migrasse , quae supra se habent regium Medicum Museum , nunc Imperiale , & prope vetus Ducum Palatum , ubi adhuc vigent florentque eadem laudatissimae artes , & Opifices admirandis operibus , quae adsidue conficiunt , magnam Principi , Urbi , & sibi gloriam & celebritatem conquerunt . Sub imperio singulorum Magnorum Etruriae Ducum , qui floruerint , ac praestantes fuerint Opifices Glyptographici , ex dicendis patebit . Sequentes nolui silentio praetermittere , quos ab aliis nondum nominatos vidi .

---

### C A P U T III.

*De egregiis primisque Gemmarum , Lapillorum , Marmorumque variorum compaginatoribus .*

**G**lyptographicae adfinis , & socia est ars compaginandi , inferendique gemmas & lapillos pretiosos , qui glutine quadam invicem ita colligantur , & coniunguntur , ut coloribus suis referant pictas tabulas . Opus huiusmodi perarduum ac difficile , atque etiam aerumnosissimum ( vulgo dicitur *di Compresso* ) dupli opificio conficitur ; vel fervata omnino planicie , vel anaglyptico ope-

co opere , ita ut lapilli & gemmae ab area sua emineant e fundo suo , hoc est ex nigro marmore , quod dicitur *Paragone* , aliove lapide nobiliore . Utroque opere quidquid hominis ingenium concipere potest , totum exhibetur ; nimirum Urbes , Silvae , Viridaria , Palatia , arcus , ruinae , flores & fructus cuiuscumque generis , aves , pisces , animalia omnia , quibus ad naturae exemplum exhibendis lapides apti feliguntur , selecti per omnes colorum gradus , multa cum patientia secti , invicem coniunguntur , sociantur , poliuntur , atque illuminantur . Iisdem lapillis tum Sanctorum , tum Principum , & Virorum Inlustrium vel protomae , vel imagines , icones cum vestibus & ornamentis ita exhibentur , ut picti vel existanti opere sculpti quasi viventes exhibeantur . Hae Imagines Caelitum , Sanctorumque Virorum permultae spectantur in regio Sacello doméstico in Palatio , quod vulgo *de' Pitti* dicitur , & anaglypha non pauca eodem opere elaborata ornant *Ciborium* , ut aiunt , superponendum Arae Sacelli regii Ambrosianae Basilicae , in quo sepulcra Principum Augustae Domus Mediceae , & Magnorum Ducum condita sunt cum eorum Statuis ; sed adhuc quum inania sint , Cenotaphia potius dicenda .

Haec ars mirabilis Florentiae orta est eura & auspiciis praelaudatorum Magnorum Etruriae Ducum , quam FRANCISCUS & FERDINANDUS omnibus numeris absolutissimam , profusis immensis opibus , reddiderunt . Florentinorum Artificum haec tota laus & gloria est , quorum nomina , quae nobis multa volumina non sine magno labore investigantibus innotuere , mox recensemus : quandoquidem de his nihil scripsit VASARIUS , de opificio vero satis perpaucia posteris reliquit . Prima

Dd huius

## H I S T O R I A

huius Artis vestigia seu initia , ad remotiora tempora referri possunt , nempe ad Saeculum decimum tertium , nam tunc Domini Florentinae Reipublicae , quum Altare in honorem Beatae Mariae Virginis in Templo S. Michaelis in Horto , omnium quotquot ea tempestate erant , splendidissimum , ac sumtuosissimum , faciundum iussissent , Florentini Artifices totum lapillis , & variis peregrinis marmoribus incrustarunt , & pretiosis lapidibus areas sculptarum Imaginum Sacrarum distinxerunt . Perratis lapillis & levissimis marmorum crustis ornandum quoque erat , eorum iussu , Altare maius Basilicae Baptisterii Florentini , profecto magnificentissimum , ut ostendit Archetypum ea tempestate delineatum , quod in *Stoschiano Museo* nuper observavi . Postea secutis temporibus quantum in Sacris Altaribus & Sacellis excelluerit pietas & magnificentia Procerum Florentinorum , perpaucā enumerasse sufficiat , insigniora nempe Sacella S. Mariae Virginis ab Angelo Annuntiatae , S. Mariae Novae , altare maius Ecclesiae Florentini Coenobii Carthusianorum ; item Sacella sumtuosissima Gaddiorum , Nicoliniorum , Salvatorum , atque illud stupendum Michelotiae Gentis , nunc Marchionis & Equitis Alexandri Capponii , quae Ara est maxima ; simulacris quoque marmoreis ornata , in Florentino nobilissimo Templo Sancti Spiritus , quod artis portentum merito adpellari potest . Adde ornatissimum Sacellum Cardinalis , ut aiunt , *di Portogallo* , & marmorea moenia Chori , quae augustiorem reddunt Basilicam S. Miniatis Martyris Florentini ad Montem , pretiosis lapillis , & sculpturis condecorata . Si vero hanc Artem lapillos compaginandi ad altiora tempora , ut suspicemur , inde aliquod exemplum manasse , referre velimus ;

mus ; indicabimus admirandum opificio ac vetustate commendatissimum pavementum , sive Lithostrotón , quod adhuc perennat in praelaudata Florentina Basili- ca Baptisterii S. Ioannis , cuius Presbyteris & numero- so Clero praesum ; in quo tessellato , ac vermiculato opere parvi lapilli , ac nobiliora marmorum frusta va- riis coloribus mira arte compaginata sunt ; quae si una cum splendidissimis columnis , & capitellis solido auro contextis , & picturis omnibus e musivo opere Saecu- lo XI. perfectis expolirentur , & illuminarentur , spe- ctantium oculos miro fulgore completerent . Hoc ipsum Lithostroton paullo ante annum a reparata Mundi sa- lute millesimum compositum fuisse constat ; nam an- no MXIII. ad eius exemplum , iisdemque cum orna- mentis , alterum absolutum est , quod spectatur in Ba- silica S. Miniatis Martyris Florentini ad Montem sita , quae profecto splendida est ac magnifica .

De Pictoribus Musivariis nihil dico , quorum apud Florentinos agmen dicit celeberrimus IOCTUS , & plu- rima huiusmodi operum insignia exempla Florentiae & Romae adhuc spectantur ; quae luculenter a VASARIO recensentur , & laudantur . Hi tessellato opere vitris tesserarum forma quadris perparvis , omnibus coloribus infectis , inauratisque , picturas referebant . Nihil de Pictoribus Vitrariis , qui Ecclesiarum fenestras colora- tis vitreis lamellis Sanctorum Imagines condecorabant , & eximebant , nunc loquor .

Primum egregiorum Florentinorum Artificum exem- plum , qui Saeculo XVI. musivo opere e pretiosis du- ris lapillis inter se apte dispositis & compaginatis ta- bulas ita pietas perfecerunt , in Regio Florentino Mu- seo ostenditur , in quo Labronensis Portus facies , &

pro-

prospectus exhibetur ; sed in eo opere labor maximus ,  
 lapillorumque pretiosorum copia , non vero exquisita  
 elegantia , explendescit . Mox gradatim alia opera o-  
 stenduntur , quae multo magis exercitis ingeniis , supe-  
 ratisque immensis laboribus , & artis aerumnosissimae  
 difficultatibus , talem tantumque nitorem , & elegan-  
 tiam ostentant , ut nihil supra desiderari possit . Ho-  
 rum opificiorum fama per omnem Europam circum-  
 sonante , nil mirum , si maximi Reges abacos , men-  
 fas , scrinia , arculas , & alia huiusmodi opera ab iisdem  
 Florentinis Compaginatoribus & Lapidicinis in  
 suis Conclavibus habere voluerunt . Multa ad hanc mi-  
 rabilem artem historica monumenta scriptis suis com-  
 mendavit praelaudatus P. Fr. AUGUSTINUS DEL RICCIO ,  
 quae quum adhuc ignota sint , iisdem numquam per-  
 vulgatis , perlubet ea in lucem proferre . In Capite  
**CXXIII.** ubi de *Corallis* differit in Historia sua lapi-  
 dum , haec memorat . (1) „ Ufasi (*il Corallo*) in Firen-  
 „ ze da varj Maestri ne' tavolini di commesso ; onde  
 „ fu portato alla Maestà del Re Filippo il bellissimo  
 „ Scrittoio , che fece fare il virtuoso Gran-Duca Fran-  
 „ cesco , cosa rara veramente in questo genere ; poi  
 „ chè io viddi tale studiolo con molto mio piacere e  
 „ contentezza . Similmente è stato mandato un bellis-  
 „ simo tavolino a mio tempo in Inghilterra ; e di  
 „ continuo si fanno assai tavolini nella Città ; ma og-  
 „ gi vi sono assai Huomini di virtù rara , che gli  
 „ fanno : & in vero questi adornano le belle Sale , e  
 „ vaghe Camere de' Signori e Gentiluomini ; e di ta-  
 „ le usanza laudevole ne abbiamo a ringraziare il Sig.  
 „ , Gio:

---

(1) Idem P. Riccius hunc Tractatum scripsit circa annum , ut alibi dictum a me est ,  
 MDXCVII.

„ **GIO: VITTORIO SODERINI**, che si puote dire , che  
 „ fosse il primo della Città , che gli cominciasse a le-  
 „ gare ( *parla di quelli lavorati con coralli* ), e farli fare  
 „ ancora dal non mai a bastanza lodato Maestro **GIU-**  
 „ **LIO Fiorentino**, che in vero ne ha fatti assai ; e veg-  
 „ gendo poi gli altri hanno imbolato quest' arte , &  
 „ hanno in vero fatto un furto honorato .

Sed quantum in his artibus excellerent hi Opifices ,  
 regnante Ferdinando Magno Etruriae Duce , qui ad  
 absolutissimum decus & elegantiam eos adsidua cura sua  
 evexit , idem Scriptor testis synchronus & oculatissi-  
 mus , luculenter exponit in eodem Tractatu Cap. CXX-  
 VIII. ubi de variis *Achatum* generibus differit , his ver-  
 bis : „ **L' Invittissimo Imperadore RIDOLFO** l' anno MD-  
 „ **XCVII.** ha ottenuto di veder fornito il suo bellif-  
 „ simo Tavolino , quadro poco più che di due braccia  
 „ per ogni verso ; opera non più stata fatta al mondo  
 „ dicono gli Amatori dell' anticaglie : (1) indi avvie-  
 „ ne , che detta Tavola è tutta di pietre dure e gioie ;  
 „ ma tutta apparisce d' un pezzo , e non commessa in  
 „ marmo o bardiglio , o in altra sorta di marmo ; e  
 „ questo Tavolino è stato condotto alla sua perfezio-  
 „ ne da i più eccellenti Maestri , che fossero giudicati  
 „ a tal bell' opera dal Granduca Ferdinando de' Medi-  
 „ ci. Le pietre che ho vedute in detta Tavola , tutte  
 „ son venute dallo Stato dell' invittissimo Imperadore  
 „ nominato , e sono queste , cioè : Agate bellissime di  
 „ varie sorti e colori ; alcune erano bianche e rosse ;

E e

altre

(1) Hunc abacum inveni in Libris ad hos Artifices , & eorum stipendia spectantibus , an-  
 no MDLXXXIX. inceptum fuisse , curante , iussu Magni Ducis Francisci , Ni-  
 colao Equite Gaddio , viro nobilissimo , omniumque elegantiarum aestimatore pe-  
 ritissimo , qui eosdem Opifices dirigebat , & adhortabatur : Hic Musei Gaddiani  
 auctor & conditor fuit laudatissimus , quod nunc venum datur .

„ altre lionate e gialle ; altre avevano varj colori , e  
 „ scherzi , ch' erano in dette pietre , che farebbe co-  
 „ sa tediosa a dirle ; tanto variavano dette Agate : ma  
 „ chi desidera vedere tal bell' opera , vadia in Guarda-  
 „ roba , e vedrà questo Tavolino dipinto con somma  
 „ diligenza dall'eccellente Miniaturista M. Daniel Flosche  
 „ Fiammingo , con cui tengo amistà ; e di più vi ve-  
 „ drà dipinto molte sorti di Diaspri bellissimi , altresì  
 „ molte corniuole , che variano di colori e scherzi ,  
 „ che fa la madre Natura in esse . Anchora vi sono  
 „ una infinità di granatine , amatiste , calcedoni , cor-  
 „ niole ; e parte di queste nomate pietre sono ridotte  
 „ in augelli , in arme , & altre cose , che si vedono in  
 „ sì bell' opera , che farei molto prolioso in dirle &c.  
 Complures abaci maiores & minores commissis pretio-  
 sis gemmis , lapillis , seftisque grandibus unionibus , &  
 margaritis , spectantur in Regio Cimeliarchio Florenti-  
 no , ne quid dicam de aliis , quibus Regiorum Pala-  
 torum , Villarumque conclavia ornantur . (1) Spectan-  
 tur etiam in Conclavibus Patriciorum Florentinorum ,  
 praecipue vero in Museo Gaddio , ubi scrinium valde  
 magnificum pretiosis lapillis , & quidem rarioribus ,  
 ornatum , multa in admiratione est . Dicam etiam fene-  
 stras specularibus lapidibus , nempe subtilibus seftis ta-  
 bulis ex alabastro pellucidis contagi consueuisse ; quae  
 specularia idem P. Riccius ita describit Cap. CXXIX.  
 ubi de Alabastris loquitur : „ Solo nominero quei pez-  
 „ zi di alabastri , che sono al Giardino de' Signori Ru-  
 cel-

(1) Horum operum accuratam descriptionem adserit pag. 64. & 65. Joseph Blanchinius  
 Pratinus in sua Historia Magnorum Etruriae Ducum ; cui hoc meum consilium  
 aperui , & plurima notatu digna communicavi , meque agente , Venetis edita est  
 ab honorabili laudatoque Typographo Io. Baptista Paschadio , cum hoc titulo : *Diez*  
*Granduchi di Toscana della Reale Casa de' Medici Protettori delle Lettere , e delle*  
*belle Arti , Ragionamenti Istorici &c.* In folio splendida editio anno M.DCC.XLI.

„ cellai in Via della Scala . Questi alabastri servono  
„ all' onorata Casa per finestre , usanza laudabile e bel-  
„ la ; laonde servono in cambio di legname e d' im-  
„ pannata . Il medesimo si può dire delle finestre di  
„ S. Miniato al Monte &c.

Memorandi insuper sunt & illi Artifices , qui tessellato opere abacos , scrinia , arculas , & monopodia elaborabant sectis incisisque conchis margaritiferis , vulgo *di madreperla* , quibus frondes , aves , animalia , & encarpia exhibebant . Integris conchis margaritiferis mire ordine dispositis ornata est interior tholi facies secretioris Conclavis octagoni regii Florentini Cimeliarchii , quod vulgo dicitur *la Tribuna* ; quod pulcherrium ornamentum cum Horologio ad indicandos qualibet tempestate persstantes ventos , cognoscendosque ab iis , qui in ea Aula morantur , Franciscus Magnus Dux Etruriae fieri iussit . Cum his coniungendi illi Artifices , qui toto Orbe , praesertim ex Indiis conquisitis lignis pretiosis , qui in se nativos varios colores cuiuscumque generis continent , his historias , aves , corollas floreas , phrygia opera , encarpos , & alia huius generis ornamenta componunt , interseruntque tessellato opere , imitanturque hisce lignis tesserulis praelaudatos Musivarios , & lapillorum ac Gemmarum conglutinatores ac Pictores . Praestantiora quaedam scrinia spectantur in regio Museo Florentino . Hoc opus , vulgo *di tarzia* , apud Florentinos antiquitus inventum in usu erat , de quo meminit antiquus Fabularum Etruscarum Auctor ; & complura adhuc exstant huiusmodi Opera , & Vallvae ianuarum figuris ita sculptae spectantur in Museo Bonarrotio , & apud me existat Scrinium , in quo Xylius conspicitur , vulgo *Loggiato* , *Portico* .

CA-

## C A P U T I V.

*Nomina Compaginotorum celebriorum recensentur.*

**R**egnante FRANCISCO I. Magno Duce Etruriae, quo auspice & favente antiqua Musivariorum ars, duris pretiosis lapillis versicoloribus compaginandis revocata, inventa ac perfecta est, hi Artifices celebriores fuere:

|                                                                      |                                                                                                      |
|----------------------------------------------------------------------|------------------------------------------------------------------------------------------------------|
| Magister <i>Iulius Florentinus</i> , teste Riccio.                   | M. <i>Daniel Flosch</i> Belga Pictor.                                                                |
| M. <i>Sinibaldus Sinibaldius</i> Flor.                               | <i>Borsolus Pauli F. Venetus</i> (Miniatore)                                                         |
| M. <i>Pompeius Studendolus</i> Flor.                                 | <i>Valerius Nicolai F. Marucellius</i> Pictor.                                                       |
| M. <i>Ambrofius Stephanus Cbrisstopborus</i> } <i>Mediolanenses.</i> | <i>Petrus Bartbol. F. Paulius Aurfex</i> Flor.                                                       |
| <i>Ioannes Ambrofius</i>                                             | <i>Michael Ang. Ioannis F. Palaius</i> Flor.                                                         |
| M. <i>Josepb Marchesinius Venerus</i> (Conciatore di Rubini.)        | <i>Augustinus Bartbolomaei F. Flor.</i><br>Aurifex.                                                  |
| Pictores huiusmodi Operum.                                           | <i>Antonius Sanctuccius</i> Flor. (Lavoratore di Sfere)                                              |
| <i>Andreas Mariotti F. Mingbius</i> Flor.                            |                                                                                                      |
| <i>Cbrisstopborus Papius</i> Flor.                                   |                                                                                                      |
| <i>Franciscus Mercurii F. Ligozzius</i> Flor.                        |                                                                                                      |
| Regnante FERDINANDO I.                                               | Direttori degli Artefici di commesso, e delle loro Opere.                                            |
| M. Etrur. Duce.                                                      | <i>Bernardo Buontalenti</i> Maestro delle belle Arti provenienti dal disegno.                        |
| M. <i>Andreas Iuliani F. Sanzinius</i> Flor.                         | <i>Matteo Nigessi</i> Architetto della Galleria.                                                     |
| M. <i>Urbanus Simonis F.</i> Flor.                                   | <i>Gostantino de' Servi</i> , Pittore, Ingegnere ed Architetto, soprattendente di tutte le Macchine. |
| M. <i>Alexander Lotterii F. Davanzzus</i> Flor.                      |                                                                                                      |
| M. <i>Iacobus Ioannis F. Flacch Ale-</i><br><i>mannus.</i>           |                                                                                                      |
| M. <i>Dominicus del Tasso</i> Flor.                                  | <i>Giovanni Bilivert</i> , celebre Pittore per le invenzioni.                                        |
| M. <i>Barbolomaeus Erman Aleman-</i><br><i>nus</i> (Ebanista)        |                                                                                                      |
|                                                                      | Ex his aliqui regnante etiam FRAN-                                                                   |
|                                                                      | CI-                                                                                                  |

# GLYPTOGRAPHICA.

cxiij

- cisco I. floruerunt, quod & in reliquis recensendis adnotandum est.
- Regnante COSMO II. Mag. Etrur. Duce.** Ex descriptis Artificibus, perpaucis exceptis, reliqui sub hoc Principe floruerunt.
- M. *Camillus Octavianus F.* Flor.  
M. *Petrus Paulus Ioannis Antonii F.* *Albertinius* Flor.  
M. *Andreas Vincenii F.* *Borgognonius* Flor.  
M. *Baccius Antonii F.* *Cappellius* Flor.  
M. *Ioannes Cappellius* Flor.  
M. *Iacobus Thomae F.* *Gattius* Flor.  
M. *Ioannes Sebastiani F.* *delle Dame* Flor.  
M. *Cosmas Iosephi F.* *Hener Alemannus*.  
M. *Horatius Francisci F.* *Cangius* Flor.  
*Io. Baptista Balatrius* Architec-tus.  
*Giovanni Bologna* Scultore.  
*Piero Tacca* Scultore.  
*Vincentius Nelli* Aurifex Flor.  
*Ionas Falchius* Aurif. Flor.  
*Cassianus Dominici F.* Aurifex Flor.  
*Gaspero Mola* Medaglista.
- Regnante FERDINANDO II.**  
M. Etrur. Duce.
- M. *Ioannes Franciscus Comparinius* Flor.  
M. *Iulianus Pandolfinius* Flor.  
M. *Antonius Franciscus Marrinius* Flor.  
M. *Antonius Sorbius* Flor.  
M. *Angelus Alberigius* Flor.  
M. *Aurelius Vestrius* Flor.  
M. *Antonius Capellius* Flor.
- M. *Antonius Chener Alemannus*.  
M. *Andreas Gbinghius* Flor.  
M. *Sebastianus Focardius Florent.* (Fruttista)  
M. *Baccius Cappellius* Flor.  
M. *Christophorus Wincbler Aleman.*  
M. *Ferdinandus Migliorinius*, qui postea accitus Gallias petiit.  
Non pauci ex his floruerunt etiam regnante Cosmo III.
- Regnante COSMO III. M. Duce Etrur.**
- M. *Iosepb Bamberinus* Flor.  
M. *Iosepb Bizzarrius* Flor.  
M. *Ioannes Dominicus Bianchi* Flor.  
M. *Ioannes Brogellius* Flor.  
M. *Iosepb Vulpius* Flor.  
M. *Iosepb Antonius Torricellius* Fl.  
M. *Io. Baptista Montanus* Flor.  
M. *Io. Baptista Zucconius* Florent. Neapolim abiit.  
M. *Laurentius Bellius* Flor.  
M. *Masbias Sorbius* Flor.  
M. *Nicolaus Valorius* Flor.  
M. *Ostavius Ioannellius* Flor.  
M. *Petrus Borghesius* Flor.  
M. *Raphael Maffarius* Flor. Neapolim petiit.  
M. *Sanctes Poggius* Flor.  
M. *Thomus Vulpius* Flor.  
*Franciscus Giaminghius* Praecep-tor Graphices.
- Ex iis plures etiam regnante Io. GA-STONE floruerunt.
- Regnante IO. GASTONE Ma-gno Etrur. Duce.**
- M. *Paulus Bottius* Flor.  
M. *Antonius Ciollius* Flor.  
M. *Antonius Franciscus Bottius* Fl.  
M. *Antonius Franciscus Cionius* Fl. (Figurista)

F f                            M. Be-

- M. *Benedictus Burchius* Flor. (Frutista)  
M. *Carolus Franciscus Bottius* Flor.  
M. *Cosmas Formiglius* Flor.  
M. *Franciscus Campius* Flor. abiit Neapolim.  
M. *Philippus Violius* Flor. Neapolim abiit.  
M. *Ioseph Minchionius* Flor. Neapolim abiit.  
M. *Ioseph Montautus* Flor.  
M. *Caietanus Ferronius* Flor.  
M. *Matthaeus Pretolanus* Flor.  
M. *Bartholomaeus Torricellius* Flor.  
M. *Ferdinandus Migliorinius* Flor.  
M. *Maximilianus Soldanius* Flor. (Bronzista)  
*Laurentius Veber* Flor. Bronzista, & formarum cudenda mone-tae Opifex.
- Regnante FRANCISCO Loth. & Barri D. Magno Etruriae Duce Imp. Caesare Augusto.  
M. *Caietanus Torricellius* Flor.  
M. *Franciscus Borgbesius* Flor.  
M. *Baccius Cappellius* Flor. nuper obiit.  
M. *Paulus Bottius* Flor. nuper obiit; in eius locum successit  
M. *Ignatius Babbuiatus* Flor.  
M. *Antonius Franciscus Bottius* Fl.  
M. *Gaspar Iacopuccius* Flor.  
M. *Franciscus Iacopuccius* Flor.  
*Franciscus Conti Praeceptor Graphices.*  
Horum opificiis praeest *Ludovicus Syries Gallus.*  
De Scalptoribus Gemmariis, qui flouerunt, & nunc florent, suo loco dicendum erit.

## C A P U T V.

*De Opificibus, qui in Regio Palatio & Museo Florentino vascula crystallina, aliaque e crystallo opera faciebant.*

**Q**Uamvis in hac Historia primum de Glyptographicae artis initiiis, progressibus, & conatibus absolutissimis mihi differendum proposuerim, tamen & ad fines ac socias artes, clarosque in his Artifices in pretiosis lapillis secundis, compaginandis ac perpoliendis, qui & Musivarii dici possunt, nolui prætermittere. Cum his iungendos censeo Vascularios peritissimos, qui Vascula, aliaque permulta e crystallo montana mira arte conficiebant, atque etiam variis ornamentiis, animalibus, avibus, pampinis, foliis, silvis, encarpis, figuris, oscillis, tropaeis, simbolisque atque emble-

emblematis variis ingeniose excogitatis ea condecorabant, atque interdum inaurabant; quorum aliqua non contemnenda in meo Museo, veluti huius eximiae artis prima specimina servantur. Primum eorum Officinae, ut diximus, in Palatio ad Templum D. Marci, vulgo *il Casino*, cum aliis Artificibus Gemmariis constitutae fuerunt circa annum CIC. ID. LXXXVII. primique Opifices, qui hanc artem exercuere, Florentini, mox Mediolanenses periti homines existiterunt, qui permultos egregios aluinos educarunt atque instituerunt, quorum opera, quum accurate & luculenter descripta fuerint a praelaudato P. AUGUSTINO DEL RICCIO Dominicanu, satius erit eius verba, testimoniumque firmissimum atque oculatissimum adferre. Igitur Capite CXX. suae Historiae Lapidum & Gemmarum haec scribit: „ Del Cristallo di Calci, di Carrara; degli „ Svizzeri, talvolta di peso di libbre 200. Di cotali „ pezzi sovente i Maestri rarissimi Milanesi ne fanno „ animali grandi, come oche grandi al naturale; ma „ di più pezzi, & altri animali; come si vede nella „ Tribuna della Galleria, che fece la fel. mem. del „ Granduca FRANCESCO al Palazzo vecchio de' Signori, non mai lodato quanto merita; poichè amava i „ Virtuosi Forestieri, & in particolare il virtuoso Maestro GIORGIO Milanese, & i suoi figliuoli, altresì „ i rari e virtuosi Maestri della medesima patria, cioè „ Maestro AMBROGIO, Maestro STEFANO ambidue fratelli, & io con tutti tali Virtuosi sempre ho tenuto amistà, con tali uomini leali, e rari in lavorar „ Cristalli, e fare animali, & altri lavori, come un' „ altra volta si dirà con altra occasione; che il detto „ Granduca quei e altri Maestri teneva al suo Palaz-

„ zo,

„ zo , che il fece per suo diporto , detto il *Casino* , ch'  
 „ è appresso il nostro Convento di S. Marco in Fi-  
 „ renze , dove io andava per mio spasso ; poichè tan-  
 „ to era il contento , che io prendevo in veder sì gran  
 „ pezza d'uomini rarissimi in molte arti , qui vi lavo-  
 „ rar molte cose &c.“ Memorat in eodem capite Cru-  
 ces e crystallo ab his artificibus egregie elaboratas ,  
 quae magna cum pompa in sacris Supplicationibus in  
 pervigilio Nativitatis S. Ioannis Baptiste Florentino-  
 rum Patroni , per nostram Urbem deferebantur ; & Va-  
 scula crystallina ad servandas Sanctorum Reliquias , quae  
 in gradibus aerae maxima in Ecclesia S. Mariae No-  
 vellae , ( atque etiam in aliis Ecclesiis ) exponuntur ,  
 atque in Lipsanothecis servantur . Idem haec adnotat  
 Cap. CXCII. „ L'uso de' Cristalli è più per far Vasi  
 „ da bere ; posciachè a Venezia vi sono sì bei bic-  
 „ chieri , e tazze di cristallo , fatte a Murano , che in  
 „ vero sono assai rari , e belli , & honorati , fatti in  
 „ tante fogge , & hanno diversi garbi , che rallegrano  
 „ gli uomini “. Harum artium conditorem Florentiae  
 fuisse FRANCISCUM Magnum Etruriae Ducem , non  
 semel a me , numquam tamen laudatum satis , clarius  
 confirmat Cap. CXClV. his verbis : „ Qui voglio di-  
 „ re , come non è guarì di tempo , come il Granduca  
 „ FRANCESCO fece venire più Maestri di vetro , & in  
 „ particolare quei , che lavoravano i Cristalli , e messe  
 „ questa laudevole usanza nella Città di Firenze : co-  
 „ sì avrebbono a fare i Principi a tener cotal modo ,  
 „ che le Città loro ripiene di Huomini virtuosi in  
 „ tutti i generi & arti per decoro , e onore delle Città ,  
 „ & anco per allevare i suoi sudditi virtuosi , e  
 „ non ozziosi , come bene ha fatto il Gran Duca FRAN-  
     CESCO ,

„ CESCO , che apparò dal suo buon padre G. D. COSIMO , che messe tant' arte in Firenze , & altresì esaltava i virtuosi , e quei sovente egli premiava &c.“ De ornamentis , quibus crystallina Vascula decorabantur , differit idem Scriptor Cap. CCXXVIII. ita inquiens : „ Qui si puote ancora dire , che i Signori e i Regi hanno vasi fatti di cristallo , ma a tornio , come si lavorano i Vasi di lapislazzuli , e così fanno intagliar detti Vasi , o bicchieri di cristallo , e per entro si veggono arme , o animali , o selve . Uno di questi ne ho visto al Casino del Granduca FRANCESCO , cosa veramente degna d'un simil virtuoso Granduca . Evvi adesso un gran Maestro in Galleria , che disfa i Cristalli , e con fuoco e fiato fa tutto quel che si può desiderare ; cosa che non si è più vista in questa Città ; laonde merita , che ne sia fatto memoria da me nell' opera , che anderà fuora sopra le pietre in Lingua Latina , se harò vita .

Servantur adhuc in duobus secretoribus Cimeliis in Regio Conclavi , vulgo Tribuna , innumera Vasa pretiosa , non solum crystallina , verum etiam ex integris praegrandibus Gemmis , e Chalcedoniis , Achatibus , Sardonychis , Helitropiis , & Cyaneis , vulgo Lapislazzuli , aliisque ; quam insignem supellectilem utinam Tabulis aereis optime delineatam videam aliquando , quod , si vires meae paterentur , id ipsum , regio Caesaris permisso & favore , curare vellem .

Praeter hos Opifices , qui crystallina Vascula exquisita arte elaborabant , laudat etiam Vascularios , qui vasa , crateres , & cyathos e gemmis lapidibusque pretiosis in iisdem Mediceis Officinis perficiebant ; de quibus pauca hac idem RICCIUS adnotat Cap. CXCV .

Gg                    ubi

ubi agit de lapidibus Cyaneis , vulgo *Lapislazzuli* .  
 „ Di cotali pietre se ne fanno Vasi belli e bacini , &  
 „ altri lavori ; come si vede aver fatto il Gran Duca  
 „ FRANCESCO a mio tempo al Casino ; che oggi di co-  
 „ tali Vasi , bacini , e nicchi , e altri lavori sono nel-  
 „ la Tribuna sul Corridore appò il Palazzo Ducale ;  
 „ & in essa Tribuna vi sono delle belle cose , ch' ab-  
 „ bia il Granduca in genere tale . Nota che io veddi  
 „ lavorare un nicchio , & altri Vasi , che si lavorano  
 „ per via di ruote : cose , che non puote fare se non  
 „ quelli che sono ricchi . “

His etiam adde Opifices illos , qui e succinis vascula , pateras , urceos , candelabra , icunculas , & alia hu- iusmodi egregio magisterio faciebant ; quamvis inter- missa haec opera fuerint , statim ac Bohemica ad Me- diceos Principes pervenere . Verum ex his non pauca in iisdem regiis Musei Conclavibus spectantur . Lan- cem eximiae magnitudinis ex hac materia cum urceo- lo ad aquam fundendam servat in Museo suo Cl. Baro STOSCHIUS , multis figuris anaglyptico opere egregio exsculptum ; qui olim apud Serenissimos Mantuae Pri- cipes existabat , & forsitan dono missus , ex his offici- nis prodiit .

Nihil dico , ne Lectorum abutar patientia , de Ebo- rariis eximiis Sculptoribus , Statuariis , Vasculariis , quo- rum opera exquisitiiori arte perfecta in hoc regio Mu- seo Florentino conspicuntur ; quae omnia , non aliun- de adiecta , sed in his Officinis Mediceis , & non pau- ca etiam Serenissimorum Principum manu , praesertim FERDINANDI Magni Etruriae Principis perfecta at- que elaborata valde laudantur .

Artifices omnes in tres Classes distributi , singuli suis  
ope-

operibus accurate incumbeant. Alii deserviebant aedificiis & ornamentis regii magnificentissimi Sacelli Principum in Ambrosiana S. Laurentii Basilica ; alii deliciis, luxui, ornamentisque Augustae Domus Mediceae praestandis infudabant ; alii pro regio Cimeliarchio, atque eidem addictis operibus, & rarioribus elegantiis, ut eleganti cultu explendescerent, laborabant . Inter, Sculptores memoratur. egregius HERCULES FERRATA qui insigniores Statuas marmoreas aliquibus in locis instauravit. Clariss. FANCELLIUS Antonii F. sedens Bacchi simulacrum, & alia antiqua monumenta, ut inveni in Libro O. anno CIC. ID CXV. refecit. Laudatur MARIANUS, Vincentii Vivianii discipulus, in crystallis telescopiorum conficiendis, aliisque vitreis orbibus ad Opticam pertinentibus Faber eximus, itemque eius alumnus, & socius COPPINIUS, qui & perspicillis optimis fabricandis, aliisque machinis Mathematicis, & Astronomicis dabant operam . Celebris est IOANNES BAPTISTA FOGGINIUS Architectus & Sculptor, & alii Prospettivae Magistri : alii item Plastae, archetyporum Fictores, Protoplasci, vulgo Modellatori ; inter quos in ecyposi excellens fuit CIPRIANUS, qui ex aere fudit Statuas omnes, quae in regio Conclavi, sive Tribuna Cimeliarchii spectantur, iussu COSMI III. Magni Ducis Etruriae ; in Fusoria & Chemice alii praestantes. Legi etiam nomen ANGELI GORII Florentini, inter Pictores fama nominis operumque clari , (1) quem inter avos meos numero, a quo laquearia regii Cimeliarchii picta sunt anno CIC. ID. CLV. & CIC. ID. CLXI. & LXI V. in spatiis novem ; quas picturas nuper aereis

(1) In Lib. Litt. G. & I. ab annis praeditis ad annum MDCLXXIII.

reis Tabulis incisas in lucem protulit IGNATIUS URSI-  
NIUS, Socius Columbarius Florentinus, multis laudibus  
commendandus. Reliquos omnes, qui in iisdem regiis  
Officinis, vel alibi ad nutum Principis laborabant, ne  
quid peccem in recensendis, vernaculo sermone expo-  
nam. *Pittori di Fiori*, inter quos excelluit MICHAEL SCAC-  
CIATUS Florentinus; *di Frutte*, *di Figure*; *Miniatori*, *Ve-  
trai*, *Sperai*, *Orefici*, *Argentieri*, *Bronzisti*, *Medagliisti*,  
*Maestri di filograna*, *Intagliatori di Sigilli*, *Oriuolai*, *Archi-  
bugieri*, *Balestrieri*, *Alabastrai*, *Cesellatori*, *Bulinisti*, *Smal-  
tatori*, *Stipettai*, *Ebanisti*, *Spadai*, *Artefici di corazze*, e di  
armadure militari, *Fonditori di Artiglierie*, *Intagliatori di li-  
me*, *Intagliatori in avorio, in legno*, *Tabacchicrai*, *Cimbatai*,  
o *Instrumentai*.

His omnibus & illi addendi sunt adeo celebres, &  
praestantes Opifices, qui in Textrinis Mediceis prope  
Palatum ad Templum D. Marci sedulam operam in  
aulaeis texendis navabant; quibus paucis ab hinc annis  
hi subrogati sunt, qui excellunt in floridis sericeis ve-  
stibus mirabili textura conficiendis, & magnas opes  
publico bono conferre non cessant. Horum historiam  
aliis compingendam relinquo; ne extra choream vaga-  
ri videar. Illud memorare mihi liceat, in Textrinis  
Reipublicae Florentinae olim floruisse Artifices & Piëto-  
res omnibus ingenii & peritiae laudibus ornatissimos. In  
Basilica Baptisterii Florentini servantur, & Hierothe-  
cas Sanctorum Reliquiarum exornant, picturae sacrae  
auro & coloribus ex serico textis, quibus condecora-  
bantur Pontificalia indumenta, queis usus est IOAN-  
NES COSSA, olim Papa, cuius ossa magnifico in se-  
pulcro in eadem Basilica condita sunt; quae Historiae  
miro artificio textae anno CIC. CCCCLXVI. exhibent  
ortum,

ortum, vitam, gesta, & mortem Sanctissimi Praecursoris Ioannis Baptiste; quarum picta exempla dedit ANTONIUS Iacobi F. DEL POLLAIUOLO, eaque textrinis operibus expressere COPPINUS, Io. BRAMANTIS Florum aliis, quorum nomina, Deo dante, in mea Historia Baptisterii Florentini proferam.

---

## C A P U T VI.

*Nomina praestantium Vasculariorum in Florentinis Officinis crystallinis & vitreis producuntur.*

**P**ostquam in hoc Adparatu historico multa a me praemissa sunt, quae ad eximios Florentinos Artifices generatim pertinent; nunc peculiari labore de inclytis Maecenatibus & Fautoribus Mediceis, ac de Opificibus singulis differendum. Primus omnium, ut diximus, ad Vascula crystallina & vitrea conficienda Officinas Florentiae in suis Aedibus, prope Templum D. Marci, mox prope vetus Ducis Palatum, condidit, publico litterarum atque artium omnium bono & gloriae natus, Sereniss. FRANCISCUS I. Magnus Dux Etruriae; cuius eximiae virtutes & merita nullis laudibus aequari satis possunt.

Inter primos Vascularios Opifices, qui recensentur in Codice expensarum, quem evolvi, in quo adnotata est littera C. qui incipit Kalendis Martii anni aerae Florentinae CIC. IC. LXXXVII. laudatur AQUILANTES BOTTARIUS, Antonii Filius, Florentinus, qui crystallis aedificandis, rotarumque ope perpoliendis, summa cum laude, sedulam dedit operam. Sub eo discebant, ac va-

H h scu-

scula elaborabant, NICOLAUS Friderici F. & PAULUS Nicolai F. Florentini. Inter Vitrarios Artifices laudatur etiam BAPTISTA Venetus. Legi etiam in Libro notato lit. G. ad annum CIC. ID. XCVIII. nomina duorum Opificum Gallorum, qui specularia exquisita arte elaborabant, nempe DOMINICUM COCCER, & BARTHOMAEUM DE RACH, qui tum crystallina, tum metallica, quae existant, parabant.

Sed quum ad aures eiusdem optimi Principis praestantium Mediolanensium Opificum, qui opera e crystallo politissima egregie conficiebant, ingens fama percrebuisse, eos magnis praemiis propositis, oblatisque, ad se adcepit, ac praesentes eximio honore ac benevolentia prosecutus est. Hi fuere GEORGIUS cum filiis, & AMBROSIUS, ac STEPHANUS germani fratres, qui, ut supra vidimus, a P. Fr. AUGUSTINO RICCIO e Dominicana Familia in sua lapidum Historia laudantur, quam scripsit circa annum CIC. ID. XCVII. Sed, quod tacet, vel incuria praetermittit idem Riccius, in Codice Expensarum, notato littera D. ab anno CIC. ID. LXXXIX. ad annum CIC. ID. XCII. praclaudati GEORGI vel filium, vel fratrem nominatum quoque inveni. CHRISTOPHORUM Mediolanensem; AMBROSII vero fratrem IOANNEM BAPTISTAM, qui, ut mox dicemus, egregius fuit Gemmarum Scalptor. Ex eodem Codice didici etiam, eos patrem habuisse HIERONYMUM, qui e Familia CARRIONIA erant; nam Carrioni tum in hoc Codice, quamquam aliquando minus, ut videtur, accurate Caroni; tum in alio Codice, qui exstat in secretiore Regio Archivio penes egregium Antiquarium IOANNEM BAPTISTAM DEIUM, socium Columbarium Florentinum, qui mihi ibidem legendum exhibuit, CARRIONI, re-

etc

Ete quidem, adpellantur. Hi praestantes Vascularii non solum vasa, pocula, trullas, pateras, catillos, cyathos, & columellas ad ornatum scriniorum, aliaque opera e crystallo montana perficiebant, extruebantque verum ea multo opificio seu diaglypho, sive anaglypho insculpebant, exhibebantque flores, corollas, aviculas, encarpos, silvas, animalia, figurae, eademque vascula aliquibus in locis inaurabant, vel encausticis coloribus inficiebant; quidquid denique spectantium oculos exhilarare potest, eorumdemque operum elegantiam mirumque opificium augere, miro ingenio inventisque praestabant, ac perficiebant. Hi dicebantur honoris causa, quod ceteris praestarent, Magistri, & complures magisterio suo subiectos alumnos accurate docebant atque erudiebant. Idem P. Riccius filet nomen illius Opificis, qui, ut ipse ait, *disfa i Cristalli, e con fuoco e fato fa tutto quello che si può desiderare.* Huius nomen inveni in praedicto Libro C. recensitum inter certos vitrarios Artifices anno CIC. ID. LXXXVII. quod nunc palam facio; nempe is est NICOLAUS GANDIUS Lucensis, Vincentii F. ut ibidem scribitur, *Maestro di cristalli a lume di lucerna.* His addendi BERNARDINUS GAFFARTUS Florentinus, Georgii F. cuius frater CHRISTOPHORUS eximius fuit, ut mox dicam, Scalptor Gemmarius: item CHRISTOPHORUS WINCHLER Alemannus, in sculpidis crystallinis operibus, cyathisque conficiendis laudatissimus; cuius nomen saepe occurrit, praesertim in Libro K. ad annum CIC. ID. CLXIV. & L. CIC. ID. CLXVII. De BORGOGNONIO infra non pauca. Negotiis rebusque optime dirigendis idem Princeps liberalissimus praefecit IULIUM CACCINIUM, & MICHAELM CACCINIUM Florentinos Praefectos genere & pul-

cra-

crarum rerum scientia nobilissimos. Complura nobilio-  
ra Vascula crystallina ab his Opificibus confecta ser-  
vantur, ut dicebam, in secretioribus magnis Cimeliis,  
quae auleis occultantur in Regia Tribuna Medicei Im-  
perialis Musei, quae nescio qua de causa, quove con-  
silio perpaucis ostendantur, digna profecto cultorum  
omnium admiratione & laudibus.

---

## C A P U T VII.

*Inlustres Principes, qui Glyptographicæ studia favore  
Opibus prosecuti sunt, laudantur.*

**I**N laudandis Inlustribus Principibus, qui Glypto-  
graphicæ artes favore, & munificentia ad summam di-  
gnitatis & gloriae præstantiam evexerunt, non disce-  
dam ab his, quae egregius Eques VASARIUS adnotavit  
in Vita VALERII BELII Vicentini (1), in qua primus  
omnium non solum exiunios Gemmarios Scalptores, quos  
vel noverat aetate sua, vel eorum nominis famam tem-  
poribus eidem paene proximis audierat; verum etiam  
magno Principe, quorum auspiciis & liberalitate pul-  
cherrima opera ipsi perfecerunt, recensuit: Suspicabar  
**ALPHONSUM** Regem, qui antiquorum operum amo-  
re ac studio mirifice delectatus est, hac quoque laude  
non fraudandum. Verum neminem adhuc inveni, qui  
cum d' provehendas Glyptographicas artes adpulisse  
animua, bellorum negotiis distentum, adfirmet; quam-  
vis Litteratos, & sapientes viros multo in honore apud  
se

---

(1) Vide in Parte III. Vol. I. pag. 285.

se adciverit, atque ingentibus praemiis adfecerit. LAURENTIUS PIGNORIUS Lib. I. *Symbolarum Epistolicarum*, Epist. III. de eius Gemmarum studio nihil adfert, qui haec de eo memorat: „Quod vero ad aetatem nostram,  
 „ aut paullo supra, attineret, Alphonsum Regem lau-  
 „ datum illum, & omni laude maiorem, Numismata  
 „ Imperatorum, sed Caesaris ante alios, per universam  
 „ Italiam conquisita, in eburnea arcula asservasse pae-  
 „ ne religiose, testis est Antonius Panormita: quibus,  
 „ quoniam alia eorum simulacra, iam vetustate col-  
 „ lapsa non exstarent, mirum in modum se delecta-  
 „ ri, & quodammodo inflammari ad virtutem & glo-  
 „ riam inquiebat“. Sed quae subdit, accurate mox ex-  
 pendam. „Studium Alphonsi ( inquit ) aemulata est  
 „ Domus Medicea, illa Musarum domus, an templum?  
 „ cuius rei testem habemus oculatum Philippum Co-  
 „ minaeum Lib. VII. Cap. IX. *Hist.* qui recenset Nu-  
 „ mismatum aureorum tria millia, praeter Vasa caela-  
 „ ta, & argenti antiquitus signati magnam vim“. Sed  
 Medicei Heroes praestantissimi minime indigebant,  
 quum domesticis abundarent, exemplis ALPHONSI  
 inclyti Regis; quum ipsi studiis omnibus atque artibus  
 fovendis amplificandisque suapte natura divinoque ge-  
 nio ita inflammati essent, ut alios ad aemulationem  
 excitarent potius, quam excitarentur, atque aemula-  
 rentur. Iam supra ostendimus compluribus annis ante  
 LAURENTIUM MEDICEM apud maiores suos in-  
 olevisse studia conquirendi prisca delicias, antiquas  
 Gemmas, Numismata, & Vascula miris caelaturis ope-  
 rosissima. Viguit & remotioribus Florentinae Reipu-  
 blicae temporibus ars inscalpendi Gemmas; nam & non  
 pauca Sigilla obsignatoria vidimus ex argento & aere,

I i quo-

quorum characteres in ambitu ad Saeculum XIV. referuntur, in quibus in medio inserta est antiqua Gemma cum figuris, quibus eius possessor ad obsignandum uteretur; quorum ectypa in Collectionibus Societatis Columbariae Florentinae, & in meis quoque servantur; quae quidem ostendunt longe vetustum esse huiusmodi studium habendi, colligendique antiquas Gemmas. Sed exstat Florentiae peculiare atque aeternum huius praeclarae gloriae monumentum, ac testimonium, nempe Domus ipsa Medicorum Principum, quam exstruxit Magnus COSMUS MEDICES, Pater Patriae, quae hodie Marchionum Riccardiorum est, in qua in metopis Xysti, supra columnas & arcus, anaglypha octo marmorea elegantissima orbicularis formae spectantur; quae Historias exhibent ex Gemmis antiquis Scalptorum Graecorum accurate desumptas. Ea perfecit immortali scalpro eximus Sculptor Florentinus DONATUS, cognomento DONATELLUS, quem VASARIUS insigniter laudat; qui primus omnium vetustis monumentis misericice delectatus est, eaque imitari, ac probe exprimere in suis operibus adsidue studuit; quique, ut adnotavimus, auctor fuit, ut COSMUS MEDICES harum priscarum deliciarum studium omnibus colendum exemplo suo proponeret, & elegantiores hasce vetusti aevi reliquias undique conquereret, & sibi suisque compararet. In his marmoreis orbiculis primum spectandus occurrit, ab eo ad praestantiorum Gemmarum similitudinem accuratissimam egregie sculptus, Diomedes Palladio potitus, qui insidet basi encarpo coronatae. Huius Gemmae ectypum servo, quae post Cosmae obitum, quum Laurentio cum reliquis obtigisset, ipse singulariem Graeci Artificis admiratus peritiam, ne sibi surri-

surriperetur, in ea nomen suum ita declaravit, incisis  
 hisce litteris, ut & in reliquis insignioribus solebat :  
**LAVR. MED.** Prope hunc cernitur Hercules, sub gra-  
 vi Amoris, seu Cupidinis pondere, qui eius humeris  
 insistit, labore pressus, faticens ; quod emblema in Me-  
 diceis Gemmis a me editis occurrit. In altero sculptus  
 Hercules in Hortis Hesperidum, qui ad arborem ad-  
 cedit aurea poma decerpturnus, adstante Minerva adiu-  
 trice. Spectatur etiam Oraculum, ni fallor, Homerium,  
 ad quod Heroes adcedunt. Hinc cernitur Cupi-  
 dinis triumphus, comitantibus eius currum Geniis. A-  
 riadnem in altero marmoreo anaglypho sedentem in  
 scopulo circumstant Satyri, ceterique e Bacchi familia.  
 Spectatur in altero faberrime sculptus Centaurus, e pu-  
 gna reversus ; in altero vero captivus ante Heroam,  
 sive Imperatorem paludatum, supplex, a duobus mili-  
 tibus deductus : quae omnia emblemata a **DONATO**,  
 Florentino Praxitele, ex antiquis praestantium Graeco-  
 rum gemmis, & monumentis dubio procul desumpta sunt.  
 De his eximiis **DONATI** operibus silent, qui admiran-  
 da huiusce Urbis Florentiae descripserunt, **FRANCISCUS**  
**BOCCHIUS**, & **IOANNES CINELLIUS**. Obiit **DONATUS** Ei-  
 dibus Decembreis anno **CIC. CCCC. LXVI.** aetatis suae  
**LXXXIII.** quum Laurentius Medices tunc ageret aeta-  
 tis suae decimum octavum annum ; quo, vel paullo an-  
 te, ab eo fundatae Glyptographicae Scholae epocham  
 designavimus, quae tunc maxime florebat, eidemque  
 optimi Artifices dabant operam ; neque absurdum est,  
 sed credibile, tunc iacta fuisse huius Gymnasii funda-  
 menta, studiaque auspicata, adhuc ipso **DONATO** vi-  
 vente ; quod etiam ex eo coniicere possumus, quum  
 lectissimis iuvenibus alumnis Laurentius praefecerit, mo-  
 dera-

deratoremque & magistrum dederit BERTOLDUM DONATI discipulum, Florentinum, Sculptorem excellentissimum; forsitan quia DONATUS, invalescente senectute, laboribus fractus, quotidie his praeesse minime poterat. Hos iuvenes Scalptores, itemque Sculptores, Pictores, & Architectos magnificus Laurentius vestibus, & stipendiis donabat, ac muneribus ditabat, excitabatque ad maiora exhibenda, suaque benevolentia & laude ornabat, mensaeque suae aliquando adcumbentes volebat, familiaribusque colloquiis dignabatur, praesertim si quid admiratione dignum multo studio & arte perfecissent; quae omnia luculenter VASARIUS pluribus in locis exponit (1).

Gradum nunc facio ad Pontifices Maximos PAULUM II. qui in scalptis antiquis Gemmis mirifice delectatus est. Aliqui memorant etiam MARTINUM V. sed Scalptorum Gemmariorum nomina, qui sub ipsis floruerint, nondum in editis monumentis legi; quae si habentur, illud opto vehementer, ut in lucem quantocius proferantur. Iisdem regnibus, in numismatis effingendis cudendisque egregios Opifices floruisse, multamque laudem consecutos esse ex Historia Numismatum Romanorum Pontificum V. C. RODULPHINI VENUTI colligere possumus. Romae sub IULIO II. Glyptographicice vires coepit, auetaque magnopere est; ad exquisitiorem vero praestantiam evecta, dum Ecclesiam Dei moderarentur LEO X. CLEMENS VII. PAULUS III. IULIUS III. atque etiam deinceps.

Mirum in modum Glyptographicis opificiis faverunt incliti Principes LUDOVICUS Mediolanensium, &

AL

(1) Vide in Par. III. Vol. I. in Vita Torrigiani pag. 52. & 53. Vide etiam in Vol. II. Par. III. in Vita Michaelis Angeli Bonarrotii pag. 718. & 719. edit. Flor.

ALPHONSUS Ferrariae Duces ; sed longe his laudibus eminuere HIPPOLITUS MEDICES , & IOANNES SALVIATUS , & FARNESIUS S. R. E. Cardinales . Gloriae ac laudis cupidissimus CAROLUS V. Caesar magnis honoribus & praemiiis nobilitavit Artifices Glyptographicos , a quibus imaginem suam sculpi studebat ; cuius insigne monumentum exstat , quod nuper observavi , in Mediceo Thesauro ; nam Gemma rarissima est anaglypho opere utrimque sculpta , quae & opificio , & magnitudine praestat , cum eius protoma in antica ; in postica vero Bellona Dea , quae armis insidet . Inter Principes primam nominis gloriam , & incomparabilis liberalitatis palmam ac laudem sibi vindicat FRANCISCUS I. Galliarum Rex Christianissimus , qui studiorum artiumque omnium orbem suis curis nobilitavit , atque amplificavit ; item HENRICUS IV. LUDOVICUS XIV. Gallici Regni sidera splendidissima . Cum his coniungendi PHILIPPUS II. Hispaniarum Rex , RODULPHUS Imperator , ANDREAS GRITTUS Serenissimae Venetorum Reipublicae Dux celebratissimus ; Urbini Ducissa , Mantuae Marchionissa , ISABELLA Marchionissa ESTENSIS , & alii plures , qui a VASARIO laudantur , quos & ego laudabo dum singulos Scalptores recensebo , qui eorum ope & liberalitate profecerunt . Multis quoque laudibus extollam Caesarum , ac maximorum Regum ac Principum eximia in Lithographos Gemmarios beneficia , curamque perpetuam , qua hasce Artes ad aeternitatem nominis sui apud se florere , & regnis suis gloriam maximam parere studuerunt . Id ut accurate faciam , perspicuo ordine , servata temporum serie , quod nondum ab aliis praestitum est , singulos Gemmarios opifices recensebo , qui in singulis Urbium

Kk

Scho-

Scholis sive Accademiis , spatio fere quatuor saeculorum floruerunt , & adhuc ex his complures florent multa nominis laude probatissimi . Initia & progressus in Glyptographice ut facilius cognoscantur , atque etiam ad memoriae subsidium reperiantur , Scalptores omnes in septem SCHOLAS distribuam . Prima erit FLORENTINA . II . ROMANA . III . LANGOBARDICA . IV . VENETA . V . GALLICA . VI . ALEMANNICA . Postremo agam de SCHOLIS BRITANNICIS , HISPANICIS , DANICIS , BELGICIS , aliisque Transmarinis . Hoc ordine & serie perspexi , facilius intelligi , & legentibus nullo cum labore occurrere posse tum omnium Artificum nomina , tum etiam quarumlibet SCHOLARUM initia , conatus , progressus ; adeoque ita facilius temporum varietates , eorumque defectus & incrementa melius cognoscentur .

Eversis Athenis , Italia barbararum gentium ignorantia & furore vastata , ac magnopere foedata , et si pristinum artium decus & gloriam non omnino amissit , magnopere tamen obscuravit . Apud Asiae populos diu iacuit Ars Glyptographica ; quae postmodum , vi gente apud Turcas luxu & opulentia , paullisper caput erexit . Siquidem apud Arabas , Armenos , Turcas ea invaluit consuetudo , ut gemmae signatoriae , quas in aureis annulis insertus gerebant , peculiaribus nationum suarum characteribus insculperentur ; qui characteres vel dictum aliquod , vel consilium , sive precationes & adclamationes continent , quod ex Gemmis huiusmodi tum meis , tum ex aliorum Dactyliothecis depromtis , ex peritis eorum Interpretibus didici . Hisce caelaturis aliquae vel Saeculo XIII . vel XIV . vel paullo post sculptae videntur . Quum igitur apud Italos scalpendorum lapillorum ab ea aetate ars perrara & intermissa esset , hinc

hinc facile omnes intelligent, quanta laus tribuenda sit Florentinis hominibus, qui a<sup>u</sup>spice & favente LAURENTIO MEDICE, viro magnificentissimo, eiusque Maioribus, tam arduum gloriae & claritudinis verticem omnium primi concenderunt, iterque omnibus feliciter monstrarunt; quapropter nil mirum, si in hac Historia hos primos celebrandos esse censuerim: quemadmodum enim, si crebris extinetis facibus caliginosa nocte, una tantum fax coruscanti luce fulgeat, si singulae ad eam faces admoveantur, statim accenduntur, ardent, atque omnia magno splendore conlustrant; ita quoque per Florentinos homines, munifico LAURENTII lumine vigente atque exsplendescente, tum Glyptographice, tum etiam reliquae artes, quae Graphicen parentem habent, in pristinam gloriam & dignitatem revocatae sunt, atque auspiciis faustissimis restitutae; quod nemo, nisi invidus, & veritatis osor sit, negare, ut opinor, audebit. Ab his igitur exordium sumam,

## C A P U T VIII.

*De Schola Florentina Glyptographica sub Laurentio Medice, ac Petro eius Filio, & Alexandro Med. Flor. Recip. Duce.*

**H**istoricorum Florentinorum, aliorumque exterorum disertissimis testimoniosis constat, ut iam ostendimus, MEDICEAM DOMUM refertam fuisse antiquis signis marmoreis, toreumatis, gemmis opificio insignibus, vasculis e sardonyche, ceterisque gemmis, caelatis, Deliacis, atque Corinthiis, tabulis pictis, numismatis

matis auro , argento , & aere antiquo opere signatis ; quae omnia ( nihil dico de Graecis Latinisque Codicibus ) non supelle<sup>t</sup>ilem tantum pretiosissimam , ac Regibus invidendam , verum etiam opulentissimam Gazam , constituebant . Quum ex praestantioribus Gemmis aliquae temporum iniuria , vel fossorum negligentia fractae essent , LAURENTIUS , ut antea monui , optimos Artifices Florentiam invitavit atque deduxit , qui labefactatas instaurarent , nomen suum in elegantioribus inciderent , atque interim alios in his opificiis erudirent . Hinc in LAURENTII mente praeclarum illud consilium ortum est , ut *Scholam* primus omnium aperiret , condideretque circa annum CIC. CCCCLVIII. in qua delecti iuvenes sub egregiis praeceptoribus Glyptographicas artes , atque etiam Picturam , Sculpturam , & Architecturam perdisserent , doctique patriam urbem , finitimasque , ac totam paene Europam admirandis operibus ornarent atque implerent ; quod his qui VASARII Historiam legerunt , probe exploratum est . Ea ipsa fuit quoque cura PETRI MEDICIS eius filii virtutibus omnibus tanto parente dignis praestantissimi ( quo cum coniungendi IOANNES [ mox LEO X. ] & IULIANUS ) qui favore maximo tum litteratos homines , tum Artifices omnes ornatissimos prosecuti sunt , quorum laudes frequenter enumerat in suis scriptis ANGELUS POLITIANUS , horum Principum alumnus & cliens ingenio & doctrina celebratissimus . Laudantur etiam frequenter a VASARIO , qui iisdem temporibus proximus fuit , hi Principes Viri , immo Heroes , omniaque encomia tum ab eo , tum ab aliis eximiis Scriptoribus edita , eo conlimant , ut ostendant , eorum praesidio , opibus , ac benevolentissimo favore veteres artes ac Palladis studia

dia brevi spatio temporis adeo mirabiles progressus fecisse, ut in pristinum decus dignitatem & gloriam adserfa fuerint, & ferventi studio ac labore exculta.

IOANNES FLORENTINUS, cognomento  
DELLE CARNIOLE, Saec. XV.

In nova Florentina Schola, sive Glyptographica Officina Laurentiana, optimis praceptoribus, quos Laurentius adcivit, in Graphice egregie institutus eminuit IOANNES FLORENTINUS, qui propter excellentem in Sardis rubri coloris scalpendis peritiam (quae vulgo *Carniole*, *Corniole*, & *Corgniuole* adpellantur) cognomentum, quod & aliis eximiis in aliquo opificio hominibus contigit, honoris causa accepit; ideoque propter operum celebritatem ab omnibus nuncupatus est IOANNES DELLE CARNIOLE (1). Hic primus omnium in Gemmis scalpendis excelluit, aliorumque alumnorum suorum nomen obscurum, ac multa oblivione obrutum reliquit; quapropter de reliquis, qui ea aetate florebant, nihil memoratum invenimus, scimusque; quae si scivisset VASARIUS, minime silentio praeteriisset. Laurentio insigniorum Gemmarum antiquarum exempla proponente, tanto polluit ingenio, studio ac diligentia IOANNES, ut antiqua praestantium Graecorum opera aemulatus sit; tantumque adsiduo labore & sedulitate ac peritia profecit, ut Laurentio Medici ac Petro eius filio placuerit, & paene inumeros pulcherrimos lapillos insculperit, ut perhibet VASARIUS (2).

Inter omnes Gemmas ab eo peraccurate insculptas, ea valde praecellit, magnitudine etiam insignis; nam

L1 alti-

(1) Hunc laudat Cl. Auctor Dissert. Glyptogr. Cap. XXV. pag. 80. sed non primo loco.

(2) Vide in Vita Valerii Vicentini pag. 286. in Parte II. Vol. I.

altitudine uncias duas aequat, quae Sarda, sive *Carniola* est, in qua ab eo efficta est P. Fr. Hieronymi Savonarolae Ferrarensis ex Ordine Praedicatorum. imago, quae spectatur in Tabula XXVI. num. I. in Florentino augusto Cimeliarchio. Pectore tenus excisa est, exquisita profundaque caclatura. Pallio tectos humeros habet, caput cucullo opertum; vultus oblique expressus est. In toto eius ambitu haec epigraphe scripta: HIERONYMUS FERRARIENSIS ORD. PRAED. PROPHETA VIR. ET MARTYR. Huiusmodi opus ab Ioanne perfectum videtur post mortem Hieronymi, adeoque post obitum etiam Magnifici LAURENTII; ni suspicari velimus epigraphen postmodum additam fuisse; imaginem vero inscalptam dum adhuc viveret idem Laurentius, qui magnopere dilexit & coluit Hieronymum, a quo dum esset morti proximus, benedici, & lectulo suo eum adstare voluit in Villa Caregia; cuius rei testis est synchronus ANGELUS POLITIANUS, qui eum insignem sanctimonia & doctrina virum, caelestisque doctrinae praedicatorem egregium adpellat (1). Nolo heic praetermittere, quae de hoc insigni opere adnotat P. Fr. AUGUSTINUS RICCIUS in praelaudato suo Tractatu, sive Historia Numorum & lapillorum, Cap. CXXII. ubi de Sardis sive *Carnolis*, ut aiunt, differit: „Si può vedere (inquit) una Corniola, ch'è nella Galleria Ducale; per entrovi vi è scolpito il P. Fra Girolamo Savonaroli di Ferrara, Predicatore rarissimo e dottissimo, & è scolpita tanto bene la sua effigie, che il Granduca Francesco fel. mem. mostrava cotal Corniola con gran

(1) Epistolar. Lib. IV. ad Iacobum Antiquarium pag. 43. memoratae editionis.

„ gran reputazione ai Principi come cosa rara; e delle belle cose, che avesse fra le sue cose rare e belle. Non è maraviglia, che in sì bella Corniola vi fosse ritratto sì gran Predicatore bene; poichè i suoi amorevoli l'hanno ritratto in più modi & in più cose, come in porfido; poichè ci è la sua testa al naturale fatta da Maestro Francesco Ferrucci, detto per soprannome *il Tadda*, uomo di bontà e singolar valore, poichè egli fu il primo, che ritrovasse a' tempi nostri il modo e la tempera di lavorare il porfido; & io l'ho vista questa testa fornita col suo busto con mia gran contentezza; & è ancora ritratto in medaglie piccole, come in bronzo, in piombo, in gesso, altresì in foglio; e poi da' Pittori molte fiate in tele, in tavole d'affe; era fatta la sua impronta talora grande, talora piccola“.

Quoniam heic incidit mentio tam singularis & praestantis Sculptoris, nolo praetermittere sub eius Imagine porphyretica, quam ipse vivens exscalpsit, elogium sepulcrale, quod facile eius filii posuerunt in Aede S. Hieronymi in Faesulano Monte; ubi cum eodem parente optimo, filii quoque spectatissimi sepulti sunt; quod ipse oculatus testis exscripsi:

FRANCISCVS FERRVCCIVS FESVLANVS  
QVI CVM STATVARIAM PORPHYRETICO  
LAPIDE MVLT. ANN. VNICVS EXERCERET  
EAQVE SINGVLARI VIRTVTE  
COSMI MEDICES & FRANCISCI FILII MAGORUM  
HETRVRIAЕ DVCVM STIPENDIIS AVCTVS ESSET  
AD EXCITANDA SVI MVNICIP. INGENIA  
PONI CVRAVIT ANNO D. MDLXXVI.

Ad

Ad huius Gemmae exemplum alteram Sardam, cum eiusdem Savonarolae effigie, ornatam quoque ad simili epigraphe, Romae olim sibi comparavit Ill. Marchio ALEXANDER GREGORIUS CAPPONIUS; cuius ectypum ex rubro sulphure dono ad me misit; quae Gemma cum reliquis antiquis operibus, ni fallor, hodie exstat in Museo Collegii Romani, quae ei ex testamento reliquit. Alteram eiusdem egregii Concionatoris effigiem exstanti opere elegantissimo, Achati Chalcedonio exsculptam, memoratis paullo maiorem, ab eo tempore Florentiae apud se MARMII olim servabant, quae mortuo V. C. ANTONIO FRANCISCO MARMIO, Equite Ordinis S. Stephani, cum reliquis eius Cimeliis vendita est; primusque ab eius haeredibus hoc ipsum opus eximum accepi, & facile emissem, si aequiore pretio comparare potuissem. Penes quem nunc sit, adhuc me later. Hanc Gemmam si non sculpsit idem IOANNES Florentinus, facile ex eius Schola, atque ab eius alumnis proculdubio prodixit in lucem. Hoc, ut aiunt, Cameum nulla epigraphe decoratum erat; sed undique argentea coronide, & catenula superne ornatum, ut suspendi, vel collo ad pensum deferri posset (1). Nemo est in his artibus vel parum versatus, qui nesciat, quam arduum ac per difficile sit penes Gemmarios Artifices (quod & apud Pictores & Sculptores contingit) perfectam, & prototypo longe simillimam effigiem insculpere; quapropter minime dubitandum est, IOANNEM Florentinum summam laudem, summiisque nominis celebritatem aetate sua adeptum esse, qui in Iconibus quoque accurate exprimendis primus omnium ingenio suo perspicia-

---

(1) Ostendi illud ipsum Cameum Sociis Colombariis Flor. qui descriperunt in Annali I.  
pag. 48.

spicacissimo , studiisque & laboribus praeluxit , & veterem laudabilem consuetudinem renovavit , genioque scientissimo Magnifici Viri LAURENTII Maecenatis sui fecit satis .

Ex hac Laurentiana Schola & Officina complures prodiisse Gemmarios Scalptores memorat VASARIUS , sed eorum nomina silet , quia ei quoque non satis perspecta & explorata fuere . Inter recentiores Gemmas , quae exstant in celeberrimo Mediceo , nunc Caesareo Florentino Thesauro , spectantur in Tabula XXVI . Iuſtrium Virorum eiusdem aetatis Imagines ; inter quas illa anaglyptice Achati pulcherrimo exscalpta , quae protomam exhibit Cosmae Medicei Patris Patriae , & altera insignis operis & magnitudinis , nempe trium unciarum Romani pedis , quae faberrime Achati e Chalcedonio vel Onyche exscalptam imaginem eiusdem Magnifici Laurentii repreſentat ; quas , eo auctore , vel ab ipso IOANNE , vel ab eius alumnis discipulis effictas fuisse credibile est . Exstat in Dactyliotheca Stoschiana singularis Gemma , nempe Sarda , cuius ectypum apud me servatur , ( 1 ) in quo protome inscalpta egregio opere Viri laureato capite , civicis vestibus amicti , quem idem Cl. Baro DE STOSCH referre censet Ioannem Boccaccium , Oratorem & Poetam peregrinum , Etruscae eloquentiae parentem & Praeceptorem , supra omnem laudem eminentissimum . Caelaturam hanc ex eadem prima laudatissima Laurentiana Schola prodiisse non est dubium ; quamvis eius auctor nec a VASARIO , nec ab aliis declaretur . Profecto ea Medicea tempora his artibus auspicatissima redoleat , ac perspicue refert ; nec

M m erit

---

( 1 ) Ipsum quoque dedimus Sociis Columbariis Flor. qui in suis Annalibus descripterunt , & in Tabulis exposuerunt .

erit absurdum credere, & Dantis, & Petrarchae imagines, curante Laurentio Medice, a Florentinis Gemmariis Scalptoribus expressas fuisse in Gemmis, quimi in Numismatis ex aere, quae apud me existant, insculptas ea tempestate habeamus. Hac Gemmae vel adhuc latitant, vel omnino periisse; quod etiam coniicere licet ex singularissimo Ioannis Boccacci numismate, quod archetypum servò in meis Cimeliis, illudque amicis dedi, ut alia exempla ex eo singulari archetypo haberentur. In postica eius parte sculpta est mulier stolata, dextra manu serpentem ostentans; qui typus mire Boccacio convenit, qui dum fraudes & vitia hominum in suis Fabulis aperit, prudentiam ex instituto, tanquam humanarum actionum ducem ac moderatricem, sequendam docuit, iuxta Dominicum effatum: *Estote prudentes sicut serpentes.* Q.c.

Inter haec tempora prodiit in lucem Gemma elegansissima utraque in facie sculpta, quam etiam e Florentinis Officinis acceptam aliqui censent. In eius antica exhibetur imago strenui Ducis BARTHOLOMÆI ALVIANI, cuius caput casside, postus vero militaribus ornamentis ornatum cernitur. In postica incisa haec epigraphe:

B A R T  
A L V I A N V S  
G E N I O . S V Q  
D . D

Circa cassidem quidam apices excurrunt, qui tamquam radii eam coronant. Profecto egregium opus, & multa laude dignum; quod ipse Bartholomæus dum viverat, sibi a praestanti Scalptore incidendum curavit, & Genio suo dedicavit. Huius eftypum e sulphure, olim

## GLYPTOGRAPHICA extis

edim inter Cimelia Andreinia, apud me hodie existat,  
quod eruditus Scriptori, qui eiusdem celeberrimi Ducis  
Exercituum Historiam parat, ut proferat, lubenter  
communicavi.

### PETRUS MARIA PISCIENSIS

Sac. XV. & XVI.

Gemmarum sculpturam ad maiorem opificii atque ex-  
legantiae praestantiam evexit PETRUS MARIA PISCIENSIS,  
tunc celebri Oppido, nunc Civitate regalis Etruriae;  
& qua complures inlustres viri optimis disciplinis, ar-  
mis; & artibus clari prodierunt. Hic adsiduo labore  
& studio sub laudatis Florentinis Gemmariis Scalpto-  
ribus mirum in modum profecit; primusque in imi-  
tandis antiquis operibus adeo excelluit, ut sua tempe-  
state neminem (teste VASARIO [1]) parem habuerit;  
quem regnante in Pontificatu suo LEONE X. florui-  
se, magnumque sibi nomen peperisse scribit; nam, vita  
functo Magnifice LAURENTIO, relieta Florentia, eum  
Romam migrasse, atque in eo pulcherrinarum artium  
& sapientiae domicilio, multa opera confecisse, auspi-  
ciis eiusdem Pontificis Maximi, Fautoris liberalissimi,  
ex VASARIO colligimus. Ea potissimum tempestate, cu-  
ra & studio Raphaelis Urbinatis, quem Romae inven-  
tae essent antiquae Cameræ, & Hypogea picturis or-  
nata, hisque maxime, quae vulgo Grottesche dicuntur,  
in quibus Pictorum veterum ingenia cum laude luxu-  
riasse videntur; nam monstruosas mulieres, & homines  
atque animalia tum terrestria, tum marina, permixtis  
monstrorum ex ingenio portentis, ut in arte luderen,  
exco-

---

(1) In Vita Valerii Bellii Vicentini in Par. I. Vol. I. pag. 286.

excogitarunt (1); hinc recentiores ea aetate Pictores huiusmodi inventum lubentissime amplexati sunt; quare in xystis, porticibus, cryptis, balneis ornandis & ipsi cum Gemmariis Lithographis certantes ea monstra expresserunt. Frequenter etiam ad varietatem in formis orbicularibus vel quadratis, figuris albo, area nigro, colore expressis, antiqua Gemmarum anaglypha opera vel diaglyphica repraesentarunt, videlicet venationes, piscationes, bacchanalia, Nereidas Nymphas, veterum Numina in aediculis, ac praecipue encarpia ex fructibus variis contexta, qualia in Admirandis Antiquitatum Herculaneum a me descripta, nuper edita sunt; corollas tum floreas, tum laneas, margaritarum uniones, aviculas & columbas volitantes, & alia emblematata ex antiquis Gemmis petita erudito ingenio pinxerunt, ne recentioribus Gemmarum Caelatoribus totam hanc gloriae spartam relinquere viderentur. De his plura habes apud VASARIUM.

### DOMINICUS POLI FLORENTIN. Saeculo XV. & XVI.

Multum gloriae sibi tribuendum esse existimarunt antiqui Gemmarum Scalptores, si in gemmis ipsis nomen suum, ac non solum patriam, sed etiam praceptoris sui nomen inscriberent; quod non raro occurrit in praeclaro Stoschiano Opere, e quo e pluribus unicum adferam exemplum, desumtum ex insigni Gemma, quae Romae adservatur in Thesauro Excell. Ducis SALVIATI COLUMNAE, in qua faberrime scalpta est integra facie, pectore tenus, Minerva; cuius operis praestan-

---

(1) His complures similes vide editas a Celeberr. Petro Sancte Bartolio in Libris, qui Cryptas, & Sepulcra antiqua, & eorum picta emblemata exhibent.

stantissimus Artifex ita nomen suum, patriae, & praeceptoris insculpsit : (1)

ΕΤΤΚΗΣ  
ΔΙΟΣΚΟΤΡΙΔΟΤ  
ΑΙΓΕΑΙΟΓ ΕΠ

Scilicet:

E V T Y C H E S  
D I O S C O R I D I S  
( Discipulus sive Filius )  
A E G A E V S F A c i e b a t

Parentum loco discipuli Scalptores eximios Magistros suos habebant, atque in eorum Schola se profecisse honoris gratia ita testabantur, atque eorum filios in arte genitos se esse gloriabantur.

Multis ornatur laudibus a VASARIO (2) DOMINICUS, vulgo *di Polo*, Florentinus, qui inter discipulos prae-laudati Ioannis Florentini *delle Corniole*, primum decus & nominis famam consecutus est. Sardae gemmae pulcherrimae atque eximiae magnitudinis, quae altitudine pollicem excedit, incidit imaginem Alexandri Medices Ducis Republicae Florentinae; cuius ectypum e sulphure ex Andreiniis Cimeliis in mea migravit. VASARIUS in eo laudando opere non excedit aut abundat in laude dum scribit: *ritrasse divinamente il Duca Alessandro de' Medici*. In ectypo caput eius dextrorsum respicit. Vultus lineamenta, crispati capilli, interioris tunicae collare, phrygio opere ornatum, chlamys sive trabea humeros operiens, admirandum opus ac suspiciendum te-

N n stan-

(1) Vide in Stoschiano Opere Tab. XXXIV. pag. 46. & 47.

(2) Loco superius citato pag. 291.

stantur. Quod vero me rapit in his Glyptographicis primordiis, est exigua barba sub genis & mento Ducis Alexandri innata, in qua effingenda, si eum vel aemulum, vel fortasse etiam parem Dioscoridi consummatae perfectionis Gemmario antiquo Opifici, qui Augusti imaginem insculpsit (1), adseram, rem nec incredibilem, nec absurdam me adfirmare credam. Iudicium eorum, qui conferre antiquum Dioscoridis opus cum hoc DOMINICI POLI Florentini voluerint, testem adpello. Nec dubitandum est, valde placuisse Alexander, qui gloriae cupidissimus fuit, suamque imaginem non ab eo solum, verum etiam & ab aliis Caelatoriis ea aetate praestantissimis, nimirum aere a FRANCISCO Hieronymi filio Pratensi, ALPHONSO LOMBARDO, Sculپore Ferrariensi (2), BENVENUTO CELLINIO Florentino, & a GEORGIO VASARIO picta tabula, cera, cretaque, marmore, aere in numismatis omni studio accurate exprimendam mandavit. Altera imago eiusdem Alexandri adhuc exstat, & spectatur adligata Tabulae XXVI. regii Cimeliarchii Florentini, ex Achate Chalcedonio excisa anaglypho opere exquisitissimo ac probatissimo. Exstat quoque altera eiusdem Alexandri Ducis imago crystallo insculpta, opificio insignis, quae adseratur in Thesauro Christianissimi Galliarum Regis, quam profert in egregio suo Opere P. I. MARIETTE Tom. II. Tabula 120.

Excelluit etiam in numismatis flandis cudendisque, in quibus spirantes inlustrium Virorum vultus & emblemata in postica parte egregio labore exprimete solebat; quod testantur numismata cum imagine Urbis

Flo-

(1) Vide in Stoschiano Opere Tab. XXV. & XXVI. pag. 32. & 34.

(2) Vide Vasarium in eius Vita in Par. III. Vol. I. pag. 178. edit. Flor.

Florentiae, & illud cum typo Capricorni thematis auspiciatissimi Cosmi primi Florentinorum Ducis, quo se aemulum Augusti, vel parenti designavit, cuius imaginem exhibuit longe simillimam.

Eidem DOMINICO POLI Florentino, vel potius NANNI Prospere filio, de quo mox dicam, tribuitur absolutissima imago IOANNIS, a turma Equitum ab eo conducta conscriptaque, adpellati *delle Bande Nere*, quam eius filius COSMUS Florentinorum Dux Gemmae incidendam mandavit; cuius ectypum gypso expressum apud me adservatur. Gemma ovalis figurae duas uncias altitudine aequat. Prototypum ipsum nuper conspexi in regiis Mediceis Cimeliis; siquidem anaglyptico opere ex Achate Chalcedonio pulcherrimo exscalptum est. Capilli breves intorti, auris, vultus lineamenta, oculus tanta peritia expressi sunt, ut nil supra desiderari possit.

Ex eius Schola Laurentiana prodiere alumni in scalpendis Gemmis praestantes, eaque tempestate perfectus videtur aureus anulus, opere encaustico eleganter ornatus, quem sibi fieri iussit Pallas Stroza, vir nobilissimus, optimisque disciplinis instructissimus. In eo Stroziae Gentis insignia sculpta sunt in elithropio, quibus cassis imposita pinnis & cristicis ornata, cui imminet draco alatus, inflexo deorsum capite. In area ita incisum maioribus litteris eius nomen, PALLAS STROZA. In aureo circulo nascentes lunulae encaustico opere expressae cernuntur. Servatur Florentiae (1) penes Excell. Principem D. Ferdinandum Strozam. Laudat VASARIUS (2) Angelum Poli Florentinum, discipulum Andreæ

(1) Hic anulus ostensus Sociis Columbariis Florentiniis, eius ectypo cera rubra suscepto, describitur in Annali XVIII. pag. 34.

(2) In Parte II. Vol. I. pag. 485.

dreae Verrochii, qui in Plasticē se exercuit, & multa opera fecit; de quo alii videant, an frater eius sit.

NANNES Prosperi Filius Florentinus.

Saec. XV. & XVI.

Memoratur ac laudatur a VASARIO (1) NANNES, hoc est IOANNES, Prosperi filius, domo Florentinus, qui in Gemmis scalpendis adeo excelluit, ut ab iisdem gemmis, nempe Sardis, sive, ut vulgo dictum, a *Carnolis* & ipse cognomentum acceperit. Hunc Artificem, artis callentissimum, longe diversum a praestantissimo IOANNE a Carneolis adpellato, qui primus Florentiae, ut diximus, Glyptographicam Scholam & officinam aperuit, fuisse, ostendit idem VASARIUS, (2) qui in studiis socium Francisci Salviati fuisse narrat, nosque ei probe notum fuisse suspicari possumus. Porro Franciscus Rossius, qui a Maecenate suo Cardinali Amplissimo Salviato cognomentum honoris causa obtinuit, quod eiusdem Purpurati auspiciis, opibus, & liberalitate in pingendi arte magnam nominis famam sit adeptus, & Franciscus Salviatus adpellatus est, obiit Romae anno MDLXIII. aetatis suae quinquagesimo quarto: ex quibus monumentis discimus, quo tempore hic NANNES Florentinus floruerit. VASARIUM culpat PETRUS MARIETTUS, quod de eo subobscure & aequivoce scripserit, & se nescire fatetur, utrum patri an filio cognomentum tribui debeat. Sed nihil heic cognomenti video; siquidem *Nannes* est nomen, quod significat *Ioannes*. Pater NANNIS Prosper fuit; ipse vero NANNES, nempe IOANNES *delle Corniole* dictus est, quod in huiusmodi Sar-

(1) Vide in Vita Francisci Salviati Tom. II. pag. 78.

(2) In Vita Valerii Vicentini, loco supra memorato,

di Sardis rubro colore Gemmis *carneolis* scalpendis sua tempestate nominis sui & artis famam sane praeclaram sit consecutus ; & facile plurimarum Gemmarum Schemata delineata a Francisco Salviato socio suo eum acceptisse credibile est . Neque , ut arbitror , absurdum coniicere , NANNEM nostrum primum Florentiae sub praelaudatis magistris , mox Romae in gemmis scalpendis plurimum profecisse , ubi Franciscus Salviatus praestantissima opera eiusdem Cardinalis Salviati Fautoris sui genio liberalissimo dedicabat . VASARIUS nulla huius Artificis NANNIS opera memorat ; neque nobis in tanta monumentorum caligine , iactura , & paucitate declarari possunt , quum nomen suum in ipsis Gemmis scribere nec ipse consueverit , nec alii , qui primi apud nos Gemmariam artem restituerunt , atque in Italia intermortuam , ut ita dicam , ad vitam revocarunt .

B E R N A R D I N U S  
Scalptor Gemmarius , Saec. XVI.

Nominatur hic BERNARDINUS a VASARIO in Indice rerum memorabilium , praeposito Volumini secundo Partis II. his verbis : *Bernardino Intagliatore di gioie* , pagin. 844. Sed quaesitus a me in hoc loco atque in aliis , minime inventus est ; quod typographi incuria falsus sit citatus numerus . De eo nulla mentio in Dissertatione Glyptographica .

## C A P U T IX.

*Gommarii Scalptores in Florentina Schola clari, qui sub Cosmo I.  
& Francisco I. Mag. Etrur. Ducibus floruerent, recensentur.*

F Aetis hisce tam felicibus ac praeclaris in Glyptographico opificio fundamentis, quae Florentinam Scholam toto orbe celebrem effecerunt, nil mirum si ad eam exteri quoque ex Italicis urbibus Scalptores convolarint, ut Mediceorum Heroum favore ac patrocinio fruerentur, peritiamque suam & magisterii scientiam, qua pollebant, vel pollere studebant, in tanto praeclaro artium omnium theatro vel ostenderent, vel acquirerent. Eximia illa laus, quam Horatius tribuit Augusto, *veteres revocavit artes*, tribuenda quoque est COSMO I. Florentinorum Duci, qui hanc Urbem auro illo sacculo florentissimam innumeris operibus laudatissimis Pictorum, Sculptorum, & Architectorum, qui tunc temporis gloriae verticem occuparunt, implevit ac locupletavit; quo auspice & favente artes omnes ad summum praestantiac & laudis fastigium auctas esse, cumulatissime toto opere suo immortali docet VASARIUS, RAPHAEL BORGHIUS, & alii, qui de iisdem scripserunt. Sed ex his laudatoribus, qui paucis multa complexi sunt, non praeteribo FRANCISCI ROBORTELLI, in Pisano Lyceo Eloquentiae Professoris, elogium hoc, quo eumdem COSMUM exornavit. „ Optimo Duci „ Cosmo tota non modo Etruria, sed universa etiam „ Italia, hac aetate quicquid ubique venustatis estuac „ nitoris in omni genere non solum scientiarum & ar- „ tium, quae litteris continentur; verum & harum, „ quae

„ quae aut pigmentis , aut aere , aut marmore ( gen-  
 „ misque ) opera effingunt posteris spectanda , acceptum  
 „ referre debent . Multos enim magno sumtu alit Ar-  
 „ chitektos , Aerarios , Fabros , Marmorarios , Picto-  
 „ res , qui antiquitatem illam non modo apte imitan-  
 „ tur , sed etiam adaequant & superant . Existabunt igi-  
 „ tur passim in illius Urbibus praedicta monimenta ,  
 „ quae annis permaneant innumerabilibus , & testatum  
 „ relinquant apud posteros , quam multae eius generis  
 „ artes , quae fere existentiae videbantur ; virtute illius  
 „ rursus excitatae , & singulari liberalitate sustentatae ,  
 „ amplissimisque honoribus cohonestatae viguerint . “

COSMO non minor FRANCISCUS I. Magnus Dux Etruriae eius filius , qui artes omnes fovit , mirumque in modum amplificavit ; qui incredibili novorum operum ardore flagravit , atque ea opifica , quibus Florentia carebat , invexit , & praestantissimos Artifices tum Florentinos , tum exterorū insigni liberalitate aluit , deditavit , ac summa benevolentia prosecutus est ; quae laudes iam superius expositae a me sunt , adlatis testimoniis synchroni Scriptoris P. Fr. AUGUSTINI RICCI , quibus & illae addendae sunt , quae a VASARIO & BORGHINIO frequenter inlustrantur . Illud nunc breviter narrandum , eius munificentiae auspiciis , felici ausu , sed maxime difficiili atque arduo , adamantes inscalpi coepisse . Quum enim augusto conpublio eidem in sponsam obtigisset Regina Iohanna Austriae ; filia Imperatoris Caesaris Ferdinandi , & Reginae Annae filiae & heredis Ladislai Regis Hungariae , quae ea de re Hungariæ Regina appellata est , iussum est ab eo magnanimo Principe , ut pronubus anulus , eidem Sponsæ in nuptiis dandus , omnium pretiosissimus effingeretur ; in quo ,

quo , inserto adamante valde prominenti , sed stupenda planicie , insignia suae Gentis sculperentur , primoque loco & quarto spatio stemma Hungarici Regni , in secundo & tertio illud Bohemiae , in centro illud Augustissimae Domus Austriae spectarentur . Quia vero regia superposita corona , quae in eo spectatur , haud radiata est , sed ad instar rosarum & unionum ; probe hinc intelligimus , hunc adamantem stupendum insculptum fuisse antequam Franciscus ad Imperium Etruriae conscenderet , adeoque ejus nuptiale pignus fuisse . Quum hoc opificium a Florentinis Scalptoribus feliciter perfectum fuisse , placuit Mediceis Principibus , ut alii adamantes pretiosi sculpturis edomarentur ; quos , quia ad institutum meum pertinent , & eorum ectypa rubra cera expressa vidi & observavi inter Cimelia Societas Columbariae Florentinae (1) , describere atque hic recensere minime pigebit . Hi omnes insculpti adamantes aureis annulis faberrimo opere insculpti inserti sunt . Post iam descriptum , cuius ectypum probe vidi , & observavi , secundus magnitudine eximius continet Stemma Domus Medicae a dextris , a sinistris vero Augustissimae Domus Austriae , cuius ductus excellentes ac valde profunde excavati stupentes oculos ad se rapiunt . Tertius demissiore caelatura Stemma tantum Mediceum exhibet . Quartus parvus idem stemma . Quintus Sacrum Christi Monogramma in ipso adamante ita incisum IHS . Sextus solam Crucifixi D. N. imaginem perparvam exhibet . Septimus duas Imagines sacras , pectore tenus , a dextris Deiparam Mariam Virginem , a sinistris Angelum , qui eam salutavit . Octavus li-  
ratum

---

(1) Describuntur in Annali IV. pag. 265. & in Annali XI.

ratum sphragisma Cosmi Magni Duci Etruriae inscalptum habet, quo pro nota, sive, ut aiunt *Cifra* utebatur, ita expressa M. hoc est *Cosmus Medices*, vel forte etiam *Magnus Cosmus*. Nonus praefert cum regia corona Stemma Regis Lusitaniæ & Algarbiorum, qui eum *Cosmo III.* in suo itinere donavit, dum Hispaniam peteret; & adamas unciam altitudine aequat.

Scio multos Scriptores hanc gloriam tribuere Clementi Birago Mediolanensi, & arguere Abrahamuni Gorlaeum, qui in ea excelluisse adfirmavit Iacobum Treccium Mediolanensem, de quibus mox sermo. Ex Florentinis monumentis, quae diligenter evolvi, eruitur aerumnosissimam hanc artem caelandi incidendique adamantes, permultos annos antequam in Hispania ortum haberet, in Florentinis Glyptographicis Officinis summa cum laude, veluti singulare artis prodigium, viguisse, quae etiam regnante FERDINANDO I. Magno Duce Etruriae perduravit; nam in Elenehis Gemmariorum Artificum & hi laudantur, qui in his adamantibus effingendis perpoliendisque valde excellebant, & honorifico stipendio per singulos menses fruebantur. Testatur id perspicue memoratus pronubus anulus, ornatus inestimabili magno adamante, quo FRANCISCUS I. manum lectissimae Sponsae suae Reginae IOANNAE exornavit anno CIC. ID. LXV. eamque emenso difficulti itinere praesentia sua beavit. Credibile est Artificem in eo caelando multum temporis insumisse, ut immensum opus mirabile, tanto Principe, pulcherrimarum artium Fautore, & aestimatore liberalissimo, dignum haberetur. Sed de FRANCISCO I. quum multa superius adnotata sint, & de Officinis crystallorum ab eo conditis, atque etiam de Compositoribus sive Compaginato.

Pp. tori.

toribus pretiosorum lapillorum, qui veterum Musivae  
riorum exemplo pietas tabulas conficiebat, diutius in  
his immorari supervacaneum censeo; Nunc Gemmario-  
rum Scalptorum nomina proferamus.

**BENVENUTUS CELLINIUS Florentinus**  
**Saeculo XVI.**

Quamvis non constet BENVENUTUM CELLINIUM, qui  
in Sculptura, Fusoria, & Auraria arte praestantissimos  
omnes suae aetatis longe superavit, & veteres aequavit  
Opifices, gemmarum peritum Scalptorem fuisse; quia  
tamen & gemmas & pretiosos lapillos scitissime cogno-  
vit, conseruit, & antiquorum operum in lapillis scul-  
ptorum conquistor & admirator fuit laudatissimus; id  
tantum mihi ad augendam patriae meae gloriam hu-  
manissime concedatur, ut honoris gratia eum inter in-  
lustres Glyptographicos Opifices hoc loco recenseam;  
quo quidem consilio sequor VASARI vestigia, qui eum  
cum laudatis eximiis Lithographis in fine operis sui  
perhonorificis verbis commendavit, (1) Multa sunt;  
quae in suspicionem nos adducere possunt, ut creda-  
mus eum gemmis quoque incidendis operam dedisse;  
nam se discipulum fuisse gloriatur CARADONI Medio-  
lanensis; de quo Opifice Gemmario, itemque numis-  
matum factore excellentissimo, inferius dicemus. Prae-  
terea in Vita sua scribit, se multo studio a quibusdam,  
ut vulgo dicitur, Lombardis excavatoribus, qui Romam  
stato tempore veniebant, ut vineas foderent, conquisi-  
tisse tum numismata antiqua, tum Achates, Plasmas,  
Sardas, sive Carneolas, Smaragdos, & lapillos anagly-  
pho

(1) Pag. 293. Vol. I. Part. III.

pho antiquo opere faberrime sculptos, quos describit. In Smaragdo stupendi coloris, & mirae pulchritudinis scalptum fuisse a Graecis Artificibus memorat Delphi- ni caput; & in Topatio, arte naturam aequante, in- scalptum caput Minervae; at in lapillo, ut aiunt, Ca- meo, sculptus Hercules conspiciebatur cum Cerbero vin- culis ab eo revincto; quod opus immensae pulchritu- dinis & elegantiae, statim ac divinus BONARROTIUS conspexit, obstupuit. Conquirebat etiam puros lapides pretiosissimos sculpturis vacuos, vel ut venderet, vel ut anulis aureis infereret. Sed & illud memorabile, quod Franciscus I. Galliarum Rex BENVENUTO ad se adcito ostendit thesaurum antiquorum operum in Gem- mis mirae magnitudinis, & vascula in regia sacra Cap- pella recondita, quum eum horum operum aestimato- rem peritissimum cognovisset. (1) Quod si BENVENU- TUS non memorat se Glyptographicae arti operam de- disse; id reor ab eo factum, quia, utpote gloriae & magni nominis cupidissimus, quum in ea se supra ce- teros coetaneos Opifices excellere non posse cognosce- set, vel praetermisit, vel abstinuit. Verum in colo- randis adamantibus neminem sua aetate praestantiores se habuisse adseruit [quod mirum & absurdum videtur; forsitan in auferendo colore ab adamantibus probabi- lius videtur] ubi complures egregios Aurarios Artifices, gemmarum cognitores praestantissimos recenset, inter quos primam gloriam tunc occupabat Milianus TAR- CHETTA Venetus, eique proximi GAIUS Mediolanensis, RAPHAEL DEL MORO Florentinus, & IOANNES, & CA- SEAR Romanus; quos coram Pontifice Maximo CLE-

MEN.

(1) Vide eius opus: *Trattato dell' Orificeria* I. Cap. III. pag. 29. & 30.

MENTE VII. indicto certamine vicit omnes , & se in colorando adamante Pontificii anuli omnium eminentissimum fuisse , patentibus ipsis aemulis , perspicue huius quoque artis peritissimus ostendit . ( 1 ) Complures in numismatis cudendis conficiendisque Artifices in hac historia , VASARIO facem praferente , celebramus valde doctos , qui etiam in caelandis scalpendisque Gemmis magnam laudem promeruere , inter quos excelluit CARADOSSUS , CELLINI praceptor , quare & de eo id suspicari non sine ratione aliqua , etsi incerta ac dubia , maluimus . Totus quoque est CELLINIUS in describenda exquisitissimi atque admirandi operis bulla , qua CLEMENS VII. in festis & pompis solemnioribus usus est ad coniungendum ante pectus pluviale ; in ea enim adamantem eximiae venustatis , lucis ac magnitudinis conligavit ; cui adamanti tanquam throno & orbi sedentem imposuit aeternum Patrem dextera benedicentem , cuius vestem ad auras expansam Angelorum capitibus ex gemmis , & aureis figuris & emblematis totum opus distinxit , subiectis & utrumque ad latera effictis ex auro Angelis thronum ad tollentibus ; quod opus maxime omnium eidem Summo Pontifici placuit . ( 2 ) CELLINIO non sine ratione tribuuntur multa toreumata , ad similitudinem antiquorum operum anaglyptice sculptorum , non quidem ex gemmis , sed ex auro inserto in pretiosis lapillis , inter quae illud profecto ceteris praecellit , quod spectatur in Tabula XXVI. regii Thesauri Florentini ; siquidem in pulcherrimo cyaneo lapillo altitudinis fere duarum unciarum , qui vulgo *Lapislazzulo* dicitur , ex auro optimo , cum aurea

( 1 ) Vide in eius Vita , & in Tractatu I. dell' Orificeria , Cap. I. pag. 13. & seq.

( 2 ) Vide in eius Vita , & in Tractatu I. dell' Orificeria , pag. 47. & seq.

rea corona elegantissima encaustice picta , inserta est Mulier stans , in collo fovens nudum infantem , dextra vero manu tenens puerulum secum gradientem , quo typo Caritas , sive proximorum Dilectio declaratur ; quod opus egregia arte consummatissimum ad antiquorum Graecorum praestantiam proxime adcedit , vel etiam aequat ; quae omnia me impulerunt , ut ei quoque in Glyptographicis artibus hanc gloriam tribuerem . Ea etiam CELLINII aetate invaluit consuetudo , ut Viri nobiles biretum , & torques , Matronae vero zonas , cinctoria , armillas , encolpia ornarent sculpturis ex auro inter gemmas contextis , quae vel vultus , vel Historias referrent exquisito opere elaboratas , in quibus conficiendis valde excelluit & laudatus est CELLINIUS .

**FRANCISCUS FERRUCCIUS**, cognomento  
IL TADDA, Saec. XVI.

Quamvis Porphyrites lapis ex Oriente advehtus , quemadmodum Gemmae , inter pretiosos non censeatur ; tamen , quod singulare sit exemplum , & summa celebretur in eo scalpendo praestantia FRANCISCI FERRUCCI Florentini , eius nomen , & opera egregia atque admiranda , quae ad hoc tempus suspiciuntur , silentio minime praetereunda existimavi . Si enim in imaginibus ad exemplum antiquorum , ut aiunt , *Cameorum* , mirifice excelluit FERRUCCIUS , vulgo nuncupatus *il Tadda* , ex porphyrite durissimo & pertinacissimo exculpensis ; quanto magis & facilius & expeditius tractare potuit lapillos , quod sexcenti Artifices tum veteres , tum recentiores praestarunt ? Laudatissimus Opifex porphyrius diuturno labore , una cum filiis suis , egregia

Qq com-

complura opera absolvit, e porphyrite exscisa, nempe Iconem P. Hieronymi Savonarolae, Principum Mediceae Augustae Domus, Imagines Salvatoris & B. Mariae Virginis, item suam effigiem, seu protomam, quam Faesulis in S. Hieronymi Templo ad ornandum sepulcrum suum ponendam preecepit. Idem & Statuam porphyreticam & alias non paucas fecit, quae in Mediceis aedibus Florentiae spectantur. (1) Hic primus omnium ingenio suo, quo praeditus erat acerrimo ac feracissimo, vel, ut aliqui putant, a Cosmo I. excogitato, invenit artem, & secretorem quandam aquam, qua ita scalpra, & eorum mucrones temperabat, ut marmor eis cederet & obediaret. Quamvis hic Artifex gratis & extra choream a me in hac serie numeratus videri possit; tamen mihi patriarchum laudum studiosissimo temperare non potui, quin de eo mentionem facerem. Floruit multa nominis celebritate ab anno CIC. ID. LXVIII. ad annum CIC. ID. XCVII, maxime vero complura eximia opera in lucem protulit, vigente aureo Cosmi Primi Florentinorum Ducis incliti aeo; & Francisci I. auspiciis & liberalitate eminuit; cuius laudes superius recitavimus ex synchroño auctore P. F. AUGUSTINO DEL RICCIO. Epitaphium eius sepulcro adpositum heic non repeto, quum illud superius edideram.

### P A S T O R I N U S.

PASTORINUS Senensis his addendus est, qui novum, ut aiunt, Cameorum genus excogitavit, atque in eo magnopere excelluit, teste VASARIO, (2) qui cum ita cele-

(1) Alię eximia opera laudat V. C. Ioseph Blanchinius Pratensis in suo Opere Venetiis edito anno MDCCXL. cum titulo: *Ragionamenti Istorici dei Granduchi di Toscana*, pag. 28. & Baldinuccius ab eo citatus.

(2) Vide in Vol. I. Partis II. pag. 293.

celebrat: „ Pastorino da Siena ha fatto il medesimo  
 „ nelle teste di naturale , che si può dire che abbia  
 „ ritratto un mondo di persone , e Signori grandi , &  
 „ virtuosi , & altre basse genti . Costui trovò uno stuc-  
 „ co sodo da fare i Ritratti , che venissero coloriti a  
 „ guisa de naturali con le tinte delle barbe , capelli ,  
 „ e color di carni , che l'ha fatte parer vive ; ma si  
 „ debbe molto più lodare negli acciaj , di che ha fat-  
 „ to conii di medaglie eccellenti “ . His addi possunt  
 Artifices , qui cera vultus egregie expresserunt .

## IO. ANTONIUS ROSSIUS Mediolanensis

Saeculo XVI.

Vario modo cognomentum gentilium huius eximii  
 Artificis Gemmarii scribitur , nimirum *Roscus* , de *Ru-*  
*beis* (1) , nobis vero placet *Rossus* , quod Italicae adpell-  
 ationi , *de Rossi* , melius & propius aptetur . Quamvis  
 natale solum ei fuerit Mediolanum , tamen Florentiac  
 domicilium habuisse , miroisque in arte Gemmaria a te-  
 neris , ut aiunt , unguiculis hac in Urbe magnorum vi-  
 rotum florentissima , progressus fecisse censendum est ,  
 quod & Clarissimus MARIETTUS probabili conjectura  
 adfirmat . Gemmis utroque opificio sculptis inscalptis  
 que mirifice excelluit ; sed quod antea a nemine fa-  
 Etum , Gemmas singularis adeo magnitudinis anagly-  
 ptico opere ita sculpsit , ut curiosos harum elegantia-  
 rum cultores in admirationem rapuerit ; quodque no-  
 ratus dignum , in his tot imagines & figuras expressit ,  
 ut omnium opinionem & laudes eius virtuti atque in-  
 genio praestantissimo debitas mirum in modum sit su-

per-

---

(1) Vide Dissert. Glyptogr. Cap. XXV. pag. 80. & Rodulphinum Venuti in Praef. ad Nu-  
 mism. praestant. Pontif. Romanor. pag. XXII. & XXIII.

pergressus. Multis laudibus a VASARIO (1) praestantium operum iudice peritissimo extollitur anaglyphum opus ex Gemma profecto insigni ac valde singulari , tertia cubiti parte quoquoversus protensa , cuius dimidia , quae superior est , pars Cosmum primum Medicum Ducem , & Heleonoram Toletanam eius uxorem exhibit , manibus lancem sustinentes , cui Florentiae urbis imago insidet ; reliqua vero dimidia pars inferior septem eiusdem Cosmi & Heleonorae filios ad vivum repraesentat , nempe Franciscum Etruriae Principem , una cum Cardinali Ioanne , & Garzia , Arnando & Petro ; feminas vero Isabellam & Lucretiam ; (2) quod opus perrarum quidem & stupendum , scitissime aptatis coloribus eximiae Gemmae , non solum Mediceis Principibus tanti Artificis fautoribus mirifice placuit , verum etiam ingentem ei nominis famam , honores & praemia contulit (3). De reliquis exiguae molis pretiosis lapillis ab eo caelatis nihil memorat , laudat tamen VASARIUS . Cl. VENUTUS non solum gemmis , sed etiam numismatibus , quae accurate describit , mira quadam , ac paene dixerim divina arte conficiendis Romae adlaborasse ostendit ; additque elogium , quo eum honestavit Petrus Leo Casella (4) , qui Atlantem ab ea Iaspidi miro ac raro artis magisterio inscalptum (5) ita celebrat :

Si Ro-

(1) Quem vide in Parte III. Vol. I. pag. 292. Flor. Edit.

(2) Huiusmodi opus insigne & laudatissimum servatur in Cimeliis secretioribus in regia Cimeliarchii , ut vulgo dicitur , *la Tribuna* , una cum Vasculis omnis generis tum prisci tum recentioris aevi pretiosissimis .

(3) Eius praeccipua opera laudantur in Codicibus , qui ad Opifices spectant Mediceae Domus . Florentiae orsus est Gemmas inscalpere Kal. Martii anni MDLV. largo donatus stipendio .

(4) Pag. 164. edit. Lugd. 1606. in 4.

(5) Videndum num ille sit , qui a I. P. Mariette adfertur e Thesauro Christianiss. Galliarum Regis Tom. II. sui Operis Tab. LXXVII. et si antiquo opere Sardae inscalptum viderim in Stolchiana Dactyliotheca ,

*Si Rosci inclyta manu,  
 Iaspide in tantilla  
 Se sculptum Atlas inspererit,  
 Non ovum in Ideac Ilio  
 Prolemus bimulam Hectoris  
 Ridebit imparem sibi  
 Sed bunc gemelum G. gemineum, G.  
 Excellere artis munere, G.  
 Maiorem Atlantem Atlantium  
 Stellis opus mirantibus  
 Dictum probabit Hercule.*

IOANNES BAPTISTA & IOANNES STEPHANUS  
CARRIONII, Mediolanenses, Saec. XVI.

Miror VASARIUM silentio praeterisse in recensione clarorum Scalptorum Gemmariorum nomina CARRIONIQRUM, qui sub Cosmo I. & Francisco eius Filio magnis Etruriae. Ducibus floruerunt; quapropter ea & his, qui Glyptographicam Historiam scripsere, ignota ad hoc tempus fuere. Ex libris autographis, in quibus huiusmodi Artifices, aliique describuntur, qui stipendiis munerati serviebant ditissimo Mediceo Cimeliarchio, IOANNES BAPTISTA CARRIONIUS occurrit, qui frater germanus fuit Ambrosii, quem in crystallinis Vasculis, pateris, columnis, animalibus, iisdemque scalpendis & perpoliendis praestantissimum fuisse iam annotavimus, adlato testimonio P. Fr. AUGUSTINI DEL RICCIO Dominicani. Eorum pater fuit Hieronymus Carrionius Mediolanensis.

Huis iungendus alter germanus frater IOANNES STEPHANUS CARRIONIUS, qui in pluribus Codicibus ad sumtus Artificum Mediceae Domus pertinentibus nuncupatur

Rr tur

tur *Intagliatore di gioie*. Ex eorum manibus prodiisse augor in signe anaglyphum opus Chalcedonio albi coloris pulcherrimo exscisam protomen PII V. Pontificis Maximi, quem postea Sanctorum Fastis adscriptum colimus, qui solemini pompa Romae Cosmum I. a se declaratum Magnum Etruriae Ducem regio paludamento & Diademate suis manibus coronavit, ob eximiam dilectionem, ac *Catholicae Religionis zelum*, *principiumque Iustitiae studium*, &c. quae epigraphe in ipso regio radiato diademate multis gemmis pretiosissimis ornato, litteris vero consertis vulgo rubini elegantissimis, legitur. Hanc igitur Summi Ecclesiae Hierarchae Sanctissimi imaginem faberlime inscalptam his CARRIONIS tribuendam esse fortasse non vanus augur puto. Insigne illud opus, de quo ante dicebam, spectatur in Tabula XXVI. regii Cimeliarchii; in qua etiam conspicitur imago eiusdem Cosmi atque Francisci eius Filii Magnorum Ducum Etruriae, & alia opera iisdem regnibus exquisito artis magisterio anaglyptice pretiosis lapillis inscalpta; quae quum Artificis nomen inscriptum non praferant, nihil certi de Opificibus statuere audemus.

### DOMINICUS ROMANUS Saec. XVI.

Inter celebres Gemmarios Lithographos numerandus est DOMINICUS ROMANUS, qui floruit imperante Cosmo I. Florentinorum & Senensium Duce, cuius triumphalem ingressum in Senarum urbem effinxit eximia arte in Achate Chalcedonio candido, cum area subobscura, opere anaglypho, quod aureo ornamento circumclusum adservatur in Florentino regio Cimeliario,

chio, quod multa cum voluptate vidi in Tab. XXX. num. 6. inter alia celeberrima Scalptorum recentiorum opera, quae in eo copia insigni & maxima adservantur, atque ostenduntur: quae omnia, si mihi Dominus meus Clementissimus, FRANCISCUS CAESAR Imperator Romanorum Invictissimus, ea qua solet liberalitate augere, ornare, atque amplificare bonas artes & litterarum studia, cuius in me non pauca sunt exempla, id demandaret onus, perlubenter sumerem, meisque vigiliis & laboribus nobili Commentario illustrarem, & pluribus aliis Voluminibus Florentinum Museum, pro quo absolvendo ingentes aerumnas passus sum, magnopere studerem nobilitare, & longe augustius, tantoque CAESARE dignius reddere. In eo igitur exhibetur Magnus Cosmus triumphali curru vetus, in quo sedet, cuius caput a Victoria post eum volitante coronatur. Currum praecedunt, & sequuntur Signiferi, Legionarii, aliquique milites eum stipantur. Patet ei Senensis Urbis Porta; quae omnia quum magnam egregii operis difficultatem, peritissimumque Opificis ingenium ostendant, in sinistro eius latere nomen suum ita inscripsit, DOMINICUS ROMANUS; de quo mentionem ab aliis factam nondum inveni. Huiusmodi triumphalem ingressum Cosmi I. Magni Ducis Etruriae, qui Senenses imperio suo subiecit, in parietinis eius Palatii admirando ingenio & arte pinxit Franciscus Salviatus, atque in aereo anaglypho sub equestri eiusdem Principis Statua exhibuit Ioannes Bologna Belgæ, vulgo Gian Bologna, & Balthasar Franceschinius, cognomento il Volterrano a patria sua, nempe Volateris, in Xysto regiae Villæ della Petraia, pinxit, cuius pietas Historias in lucem primus aereis Tabulis incisas

cisas protulit Nobilissimus Andreas Marchio Gerinius, Patricius Florentinus, Urbis nostrae honori & gloriae natus. Tam insignis Victoriae, & adepti Senensium imperii & principatus monumentum nil mirum si inclitus Cosmus aeternum esse voluit, non solum illustrium Historicorum scriptis, verum etiam immortalibus hisce praestantissimorum Artificum publica luce dignissimis testimentiis, quae adhuc perennant & laudantur.

### CASPAR & HIERONYMUS MISURONI

Fratres Mediolanenses,  
Saec. XVI.

Plinius non paucos Graecos Artifices laudat, qui plastica & pictura, qui etiam caelandi simul & sculpendi arte, aerisque fundendi opificio valde excelluerunt. Italia quoque, ut vidimus, & clarius deinceps observabimus, non paucos habuit claros Opifices, qui & pingendi & scalpendi Gemmas peritia, simul atque in elaborandis numismatis summam laudem sunt consecuti. Inter hos laudatissimi fuere duo germani fratres, patria Mediolanenses, CASPAR & HIERONYMUS MISURONI; qui non solum lapillos affabre scalperunt, verum etiam in pretiosis vasculis, praesertim crystallinis cyathis, tum magnitudine, tum opificio admirandis, inter reliquos omnes emicuerunt. Placuerunt praeter modum Cosmo Mediceo Florentinorum Duci, ingeniorum omnium studiorumque excitatori, ac fautori praeclarissimo, cui inter caetera opera, quae dedicarunt, memoranda sunt Vascula quaedam, & inter haec duo illa, quae in Mediceis Cimeliis etiamnum visuntur, alterum ex Elitropio stupendae magnitudinis & caelatae exquisitissimae; alterum vero ex lapide cyaneo, siue, ut

ve, ut aiunt, *lapislazzulo*, quae nunquam satis laudari possint; quae VASARIUS (1) miraculosa adpellat, celebratque commendatione per ampla atque ornatissima. Mira ac inestimabilis Vasculorum pretiosissimorum supellex adservatur in Mediceo nunc Imperiali Thesauro, quae in secretioribus Cimeliis conlocata sunt in ea Aula, quae vulgo *Tribunal* dicitur; quae utinam Augustissimi Caesaris munificentia aliquando mihi referentur, ut in lucem edere possim, favente Principis clementissimi liberalitate, quod in votis diu est; neque enim sine maximis impensis aereis Tabulis incisa eadem prodigiosa Vascula figuris, emblematis, ornamentiisque operosissima proferri possunt, quas privati homines vix ferre possunt. Sunt etiam in Sacrario Basilicae Laurentianae Florentinae complura e pretiosis lapidibus gemmisve, tum structura, tum figurarum varietate admiranda Vasa eximiae elegantiae, tum antiqui operis, tum recentis, in quibus Sanctorum Lipsana recondita sunt, quae etiam summis laudibus a VASARIO (2) celebrantur. Haec quoque consilium proferre, si coeptis meis propitia aderit fortuna, nec obstabunt invidi quidam homines, qui, quae cogitabam, ne perficerem, multis impedimentis nuper disturbarunt.

(1) In Par. III. Vol. I. pag. 292. ita scribit: *Et Gasparo & Girolamo Miseroni Milanesi, Intagliatori, de' quali si è visto Vasi, & Tazze di Cristallo bellissime, & particolarmente n'hanno condotti per il Duca Cosimo due, che son miracolosi; altre che han fatto in un pezzo d'Egitropia un Vaso di maravigliosa grandezza, & di mirabile intaglio; così un Vaso grande di lapislazari, che ne merita lode infinita.*

(2) In Parte III. Vol. I. pag. 290.

## C A P U T X.

*Regnibus Ferdinando I. & Cosmo II. Magnis Etruriae Ducibus, qui floruerint in Florentinis Officinis Gemmarii Scalptores declarantur.*

**C**oncors est sapientum hominum sententia, summa deberi laudem his, qui ingenio praeclaras artes vel inventas, vel intermortuas ad vitae lumen revocant, opemque suppeditant, ut excolantur; summamque eos quoque promereri cum elogiis benevolentiam, qui liberali cura, & adsidua solicitudine easdem artes & studia ita amplificant, ac propagant, ut novis auctoritatem incrementis praeclariores fiant. Haec laudes profecto debentur Etruscorum Regibus FERDINANDO I. & COSMO II. qui maiorum suorum gloria vestigia non solum secuti sunt; sed splendore etiam suo locupletarunt, ac magis magisque coruscare fecerunt. Eas tantum laudes tangam, ac breviter perstringam, quae ad Graphicæ artes tantummodo pertinent, quibus iidem Principes valde periti fuere. Nullus, vel perpatui plane e Principum numero, comparandus est cum FERDINANDO I. qui miro Antiquitatis studio, & elegantiorum prisci aevi deliciarum exquisita cognitione praefulsit, atque incredibili amore flagravit. Mirum in modum auxit antiquae Eruditionis divitias, quas undique, ac praesertim Romae dum Cardinalitia purpura fulgeret, conquisivit & concessit. Simulacrum illud toto orbe celeberrimum, statuariae artis portentum, Veneris Mediceae, ipse Romae sibi comparavit, itemque Aprum Calydonium, & alias marmoreas statuas,

& Cae-

& Caesarum Augustarumque e marmore protomas, quae  
sunt regii Cimeliarchii ingens decus & ornamentum.  
Florentiam lectissimis summorum Sculptorum signis,  
quae publicis in locis exstant, magnopere nobilitavit.  
Ad absolutiorem elegantiam evexit non solum Pictorum,  
sed etiam Glyptographicorum Artificum in suis  
Officinis opera, & Aram maximam regii Sacelli pro-  
pe Laurentianam Basilicam opere magnificentissimo ex-  
ornari preecepit, quod vulgo il Ciborio, quia summo  
atque exquisito labore perfectum est, appellatur; quod  
ita accurate describit Cl. BLANCHINIUS (1), ut eius ver-  
ba praeterire nefas ducam. „Fu in quei primi tempi  
„fabbricato un grande ricchissimo Ciborio, col dise-  
„gno di Bernardo Buontalenti, per doversi collocare  
„in questa Cappella, il quale presentemente si ritro-  
„va nella Regia Galleria, fatto a foggia d'un Tem-  
„pio, d'ordine composito. Questo Ciborio è ricoper-  
„to tutto di Diaspri, Agate, Calcedonj, Lapislazzo-  
„li, & Ametisti; ornato con legature, basi, e capi-  
„telli d'oro, e con Rubini, Smeraldi, e Topazzi;  
„ed è inoltre abbellito con figure rappresentanti Sto-  
„rie Sacre, e fatte di commesso Magistero, con Gem-  
„me e Pietre dure, per mezzo di un finissimo arti-  
„fizio, talmente che sembrano dipinte“. Composito-  
res Gemmarii, qui hoc opus magnificentia & nobili-  
tate praeclarissimum perfecerunt, supra iam a me enu-  
merati sunt.

Parentem magnanimum, pulcherrimarum artium fau-  
torem liberalissimum, egregie imitatus est optimus eius  
filius COSMUS II. qui non solum excelluit in studiis

Gra-

(1) In praeclardato Opere *Ragionem.* II. pag. 65.

Graphices, verum etiam in Mathematicis disciplinis tantam laudem consecutus est, ut multa, & quidem admiranda ac difficillima discutienda Magno Galilaeo Mathematicorum & Astronomorum Principi in frequentibus cum eo aliisque sapientissimis Viris conloquiis, quae frequenter habebat, proposuerit; eiusque auspiciis idem incomparabilis Florentinus Philosophus nulli antea pervias Mediceas Stellas detexerit, cui eximio Maecenati suo *Nuntium Sidereum* dedicavit. Tanti Principis ad diu cura & vigilantia adeo creverunt Artes, & Artificium Florentinorum eximia opera, ita omnem Europam & Asiam fama & celebritate implerunt, ut non paucos praestantes Opifices miserit ad Ludovicum XIII. Galliarum Regem Christianissimum, ad Philippum III. Hispaniarum Regem Catholicum, & ad Persarum Regem, ut eorum iussu varia opera perficerent, & publicis in locis ponendas equestres statuas immenso opere elaborarent. Mirum igitur in modum eo imperante, & favente, floruere optima Scientiarum studia, & Gemmariae artes in Florentinis regiis Officiniis auctae ac perfectae sunt, quod ex his quae nunc adferam perspicue liquebit.

IOANNES BAPTISTA CARRIONIUS Mediolan.  
Saec. XVI. & XVII.

Cupiebam omnes Gemmas recentiorum Artificum, quae summa animi voluptate & admiratione spectantur in pluribus Tabulis regii Florentini Cimeliarchii plene ditissimi, atque opulentissimi, brevi descriptione recensere; sed quia labor hic fortasse a multis extra instituti mei rationem iudicari poterat, & maius otium ad id accurate praestandum postulabatur, hanc curam mihi

mihi magnopere iucundam praetermittere, invitus licet, coactus sum. In pluribus Gemmis anaglypho praesertim opere sculptis, Principum, Regumque icones spestantur, e quibus plures vel iam laudatis eximiis Lithographis tribuendae sunt, vel his, quos nunc recensabo, quorum nomina Aucttoribus, qui de Glyptographicis artibus scripsere, ignota ad hoc tempus fuere; quae omnium primus erui ex saepe laudatis Codicibus & Libris, in quibus Artifices Mediceis Officinis additi, & cum annuo, vel per singulos menses, tributo stipendio recensentur, & operum impensa computantur. Hisce Gemmariis Caelatoribus tribuendae imagines, quae in Mediceis Cimeliis observantur, Ferdinandi I. & Cosmi II. Magnorum Etruriae Ducum, itemque aliorum Regum & Principum, qui cum ipsis sanguinis cognatione coniuncti fuere.

Quia illud quod ait Horatius, *fortes creantur fortibus & bonis*, plerumque feliciter evenire solet, inter Glyptographicos Opifices egregiam laudem obtinuit, suisque laboribus sibi peperit IOAN. BAPTISTA CARRIONIUS Mediolanensis, qui & avum & patrem, patruosque habuit in scalpendis lapillis & crystallinis operibus praestantissimos. Eius nomen in memoratis Libris frequenter occurrit, praesertim in eo notato Litt. E anno CI. ID. XCIII. & in alio Litt. G anno CI. ID. XCVIII.

### CHRISTOPHORUS & BERNARDINUS GAFFURII Fratres Florentini, Saec. XVII.

Glyptographicae Scholae Florentinae plurimum dignitatis & splendoris contulere egregii Fratres GAFFURII, CHRISTOPHORUS & BERNARDINUS, qui auspiciis eorumdem Magnorum Etruriae Ducum in Gemmis utro-

Tt que

que opere scalpendis floruere ; quorum nomina mihi ex iisdem Libris Stipendiorum innotuere , in quibus ab anno CIC. IC. C. XIV. ad annum CIC. IC. C. XXIV. laudantur ,

**BARTHOLOMAEUS TORRICELLIUS** Faesulanus  
Saec. XVII.

Si nulla alia laude memorandus esset BARTHOLOMAEUS TORRICELLIUS , nisi ea , quia ipse pater fuit Iosephi Antonii Torricellii , avus Caietani , proavus Iosephi Torricellii , de quibus mox differam , tamen de optimis artibus Glyptographiçis optime meritus esset . Verum & ipse in Mediceis Officinis inter celebriores Magistros emicuit , clarusque fuit in tabulis compingendis ex consortis pretiosis lapillis , atque etiam in Gemmis scalpendis , anaglyptico quoque opere effingendis excelluit . Speculantur in Florentino Sacello Mariae Virginis ab Angelo Annuntiatae Hieroglyphica Sacra Lilia , Solis , & Lunæ in magnis anaglyphis affabre ab eo sculpta ; quae memorata legi in Libris praelaudatis litt. K anno CIC. IC. C. IV.

**IACOBUS IOANNIS F. AUTELLIUS**, cognomento il MONNICCA , Florentinus , Saec. XVII.

Vellem ut singuli Artifices sive Pictores , sive Statuarii , Architecti , & Gemmarum Scalptores , aliquique qui in aliqua arte ex nobilioribus excellunt , Diarium sibi pararent , in quo adnotarent studia sua , praeceptrores , opera praeclariora , quae sua aetate fecerunt . Huiusmodi Diariorum ope multa , quae nobis ignota sunt , disceremus , & plurimum Artium gloriae , & incremento , facili labore , sed plane utili prodesse possent . Id in

in causa est, ut nomina tantum, non vero opera clarorum Scalptorum Gemmariorum Florentinorum indicare possim, quae non sine labore erui ex memoratis Stipendiorum Libris (1), in quibus, imperante Cosmo II. potissimum excelluit hic Artifex, quem laudat Cl. JOSEPH BLANCHINIUS in laudato suo Opere de Magnis Etruriae Ducibus studiorum & bonarum Artium Fautoribus. (2)

MICHAEL THADDAEI F. CASTRUCCIU  
Florentinus, Saec. XVII.

Multa cum laude magisterii & Scalptoriae artis frequenter celebratur hic Artifex praesertim regnante Cosmo II. qui *egregio Intagliatore di gioie* (3) adpellatur.

ANTONIUS MOCHIUS Florentinus,  
Saec. XVII.

Egregiam laudem in simulacris caelandis componeret disque ex pluribus pretiosis lapillis, quibus colores vultus, capillorum, brachiorum, pedum, & vestium ad vivum referrentur, promeruit ANTONIUS MOCHIUS, qui pro Ara maxima ornanda regii Sacelli Mediceorum Principum prope Basilicam Laurentianam, quoad vixit, strenuo labore & diligentia insudavit; cuius emblema non pauca compositis lapillis pinxit, & simulacra duo Evangelistarum in parvis aediculis conlocanda egregie elaboravit, quae adhuc in Museo earumdem Florentinarum Officinarum ostenduntur.

I U -

(1) Signat. Litt. N. sive H. anno MDCXVL

(2) Ragionam. IV. pag. 89.

(3) In Libris, vulgo *de' Salariali* o *Stipendiati*, praesertim anno MDCXXII.

IULIANUS PERICCIOLIUS Senensis,  
Saec. XVII.

Senae, Inclita Urbs Etruriae, frequenter protulit ;  
tum litteris, tum armis, & pulcherrimis artibus pree-  
stantes Viros, e quorum numero egregios Artifices lau-  
dat VASARIUS Pastorinum , & Ioannem Baptistam So-  
zinum (1). His addendus IULIANUS PERICCIOLIUS, qui  
in Gemmis scalpendis enituit, memoraturque in lauda-  
tis Codicibus anno praesertim CIC. ID. C. XLVII. cui,  
ne quid detrimenti caperet eius familia, permisum est  
ut Senis, acceptis stipendiis, pretiosos lapillos utroque  
opificio elaboraret , qui pro Medicea Augusta Domo  
ei demandabantur .



C A P U T XI.

*Scalptores Glyptographici, qui in Florentinis Officinis regnan-  
tibus Ferdinando II. Cosmo III. & Ioanne Gastone  
Magnis Ducibus Etruriae claruere, recensentur.*

Florentinae Officinae & Scholae Glyptographicae ea  
laus peculiaris , & praecipua est , quod exceptis  
Mediolanensibus Magistris , qui Florentiam adciti sunt  
a Francisco I. ut opera crystallina conficerent , reliqui  
omnes Florentini fuerint , & ab Ioanne Florentino eius  
celebritas & magisterii laus exordium duxerit . Medi-  
olanenses adciti , quum Florentiae domicilium sibi con-  
didissent , eos filios , quos in hac Florentina Urbe ge-  
nue-

---

(1) Vide in Vita Valerii Bellii Vicentini circa finem pag. 293. in Vol. I. Part. II.

nuerunt, Glyptographicis artibus operam dare voluerunt sub optimis Opificibus ac Praeceptoribus Florentinis; quod etiam dicendum de Compositoribus pretiosorum lapillorum, qui superius laudati sunt. Praeclarum hoc fuit Mediceorum Principum consilium omni ope & liberalitate suis civibus sibi subiectis prodesse, magnisque favoribus & benevolentia prosequi suos & exteris quoque, qui in Officinis suis clarescere vellent. Medicea Domus non solum litteratis Viris, verum etiam egregiis Artificibus cuiuscumque generis patuit semper; illudque adsidua providentia & liberalitate curatum est, ut artes omnes, quae vel antea intermortuae erant, vel ignotae, a Florentinis ingeniosis publico bono excolerentur, & perfectae toto orbe celebrarentur; Artificesque ita excellerent in opificiis, ut a magnis Regibus ac Principibus ad se adciti, gloriam tum patriae, tum sibi parerent sempiternam. Id facile evenit, quum Gemmariorum, & Compaginatorum Articum exquisitora opera dono a Principibus Mediceis ad alios Principes cognatos & ad fines suos mitterent; qua regia munificentia ceteros antecelluerunt FERDINANDUS II. & COSMUS III. eius filius. FERDINANDUS primi aevi reliquias mirifice auxit, iisdemque regium Museum suum locupletavit. Articum omnium Medicearum Officinarum auxit numerum, magnisque stipendiis & largitionibus exornavit. Miro quoque pulcherrimorum operum & veterum elegantiarum amore flagravit praestantissima eius uxor VICTORIA ROBOREA, ultimi Urbini Dux Neptis, quae compluribus Antiquitatis eximiis monumentis non solum nobilitavit Mediceum Cimeliarium, verum & sibi domesticum compluribus antiquis operibus, signis ex aere lectissimis instruxit, quod ad-

Vv huc

huc exstat , & iucundissime spectatur in conclavebus Villae , quae *Imperialis* dicitur , ad primum fere ab Urbe miliarium . Paternorum exemplorum splendorem auerunt atque amplificarunt **COSMUS III.** & Serenissimus **LEOPOLDUS**, Princeps , & S.R.E. Cardinalis praestantissimus ; eius quoque optimi filii omni paeconio maiores , quorum laudes cum in *Florentino Museo* celebraverim , heic silentio invitus praetereo , ne lectorum abutat patientia . **COSMI III.** filius **IOANNES GASTO** Mediceos Opifices liberalitate & clementia sua magnopere fovit recreavitque ; & rarioribus Gemmis antiquis , hisque praesertim , quae Artificis nomen adscriptum habent , comparata insigni Dactyliotheca Andreinia , regium Cimeliarchium ad summum opulentiae , dignitatis , ac splendoris culmen evexit ; opesque eruditae Vetus tatis omnes in eo conditas , ut in *Museo Florentino* in lucem a me proferrentur , curantibus nobilibus Sociis Florentinis , benignissimo favore aperuit , ac patefecit .

Sed ut ad institutum meum revertar , heic Lectorem monituin volo , me in hoc Opere eos tantum Opifices sive Gemmarios , sive lapillorum Compaginatores , quos & Musivarios adpellavi , recensuisse , qui Magisterii honore donati sunt ; his praetermissis longe pluribus , qui eorum Discipuli fuerunt , nec ad tantum in arte decus pervenerunt . Hi enim in laudatis Codicibus , in quibus tum eorum opera , tum stipendia adnotata sunt , Magistri , reliqui vero discentes , & alumni iisdem subiecti , nuncupantur .

### GERARDUS VALDER , Saec. XVII.

Laudatur GERARDUS VALDER in Libris impensarum Litt. M. qui exstant in Archivo Medicearum Officinarum ,

rum, florebatque anno CIC. ID. C. LXX. sed eius patria non indicatur. Forsitan oriundus ex Belgio fuit, & in Florentinis Scholis Glyptographicis tum in aere, tum in Gemmis scalpendis peritia ac diligentia excelluit; nam adpellatur *Gerardo Valder Intagliatore*. Exstat apud me orbiculare vitrum, vulgo *Pasta*, smaragdinei coloris, altitudine aequans uncias tres Romani pedis, latitudine duas, quod e<sup>t</sup>typum Gemmae anaglyptici operis videtur, in quo egregio valde opificio insculpta est protome Michaelis Angeli Bonarrotii viri praeclarissimi, qui cognomento *Druinus* adpellatus est. Sub ea protome legitur eximii Caelatoris nomen, nimirum GEARD. (1) quam puto ab eo scalptam fuisse ex imperio Ferdinandi II. Magni Ducis Etruriae, initio sui regiminis, ut eius e<sup>t</sup>typa dono daret Accademicis Florentiniis *del Disegno*, ut ipsi eximum Picturae, Sculpturae & Archite<sup>c</sup>turae Parentem & Magistrum, eiusdemque Accademiae Principem, sibi imitandum proponeant.

**ANDREAS VINCENTII F. BORGOGNONIUS,**  
Florentinus, Saec. XVII. & XVIII.

In regiis Florentiniis Glyptographicis Officinis, imperantibus Ferdinando II. & Cosmo III. Magnis Etruriae Ducibus, celebre fuit nomen, ingenium, artes, peritia ANDREAE BORGOGNONII, VINCENTII F. Florentini, qui cognomento ab omnibus *il Borgognone* nuncupabatur. Huius egregii Artificis cognomen tantum innotuit Clarissimo Viro Petro Andreae Andreinio, Fautori

(1) Hanc Gemmam protuli in principio meae Praefationis ad Vitam eiusdem M. A. Bonarrotii ab Ascanio Condivio eius discipulo scriptam; quam multis Adnotationibus & Tabulis aere incisis ornavi Florentiae editam anno 1746. in fol.

tori studiorum meorum ornatissimo, qui mihi saepe in familiaribus sermonibus eum laudabat; nam aetate sua (diu enim ipsi vitam egerunt) eius officinam frequen- tabat, atque eximiam eius in Gemmis scalpendis, aliis que operibus perficiendis peritiam admirabatur. Apud eum reperit insignis Gemmae singulare ectypum, quod cum aliis praestantissimis servavit in suis Cimeliis; verum post eius obitum singula in mea migrarunt; quod ectypum ostendit Musae Lyristriae integrum imaginem, cui adscriptum percelebre Cronii nomen, hac epigra- phe: ΚΡΟΝΙΟC. ΕΠ. hoc est, Κρόνος ἐποιεῖ, *Cronius faciebat*: quod opus perrarum ac perinsigne primus in lucem protuli in Vol. I. *Inscriptionum Antiquarum*, quae in Etru- riae Urbibus exstant, Tabula I. num. I. Huius operis mentionem feci, ipsumque BORGOGNONIUM laudavi in Columbario Libertorum & Servorum Liviae Augustae & Caesarum a me illustrato pag. 155. ex iis quae ab ipso ANDREINIO didiceram. Meis verbis ac testimonio eum laudavit praeclarus FRANCISCUS Eques Commen- datarius VICTORIUS, Auctor Dissertationis Glyptogra- phicae (1), atque ex me quoque laudavit PETRUS MA- RIETTUS. Sed ad hoc tempus eius nomen, pater, & patria latuere. Pervolventi mihi, ut luculentiorem hanc meam Historiam Glyptographicam ederem, Co- dices omnes expensarum, qui in Archivo Officinarum Regii Cimeliarchii Florentini adservantur (2), eum non semel recensitum inveni, atque non uno in loco opera ab eo facta mihi descripsi, quae nunc innote- scunt. In his Codicibus ornatur Magistri munere, ac nomine, hoc modo, *Maestro Andrea di Vincenzio Bor-*

gogno-

(1) Cap. XXV. pag. 89.

(2) Vide praesertim Codicem notatum Litt. A. anno MDCXXXVII,

gognoni Fiorentino , adeoque & alumnos habuisse perspicuum est .

Multa fecit egregia opera , quae adhuc existant in Regiis Cimeliis , & valde laudantur . Primum Gemmas aliquot ab eo inscalptas , quae in iisdem Libris recensentur , enumerabo . Iussu Serenissimae Magnae Ducissae Victoriae Roboreae duo hominis calvaria , ad mortis memoriam , fecit in Gemmis , vulgo *Rubini* . Ad ornandum Horologium , Solem radios emittem , egregiis anaglyphis operibus e crystallo montana exscalpsit , & columnas ex alabastro pulcherrimo Orientali adiecit . Simulacra duo Evangelistarum ad ornandam sacram aediculam , quae vulgo dicitur *il Ciborio* , Arae maximaे pro Mediceorum Principum Sacello in Basilica Laurentiana , miro opificio ex integris selectis lapidibus absolvit . Deiparam Virginem ab Angelo salutatam , in parva tabula compluribus pretiosis lapillis existenti opere expressit , adiectis architectonicis ornamentis . Ad ornandum regium Scrinium e Chalcedonio excidit caput elegantissimum , quod in protoma e Cyaneo lapide , vulgo *di lapislazzulo* , inseruit ; opus antiquis proximum ac valde laudatum . (1) Excelluit etiam in Vasculis ex Iaspide atque e crystallo aedificandis , quae mira arte insculpebat , ornabat , perpoliebatque . Lapillos quoque multicolores egregie compaginavit conligavitque , ut ruris amoenitatem , Villarum , arborum , silvarum , fontium , montium , & domorum prospectus pictis tabulis , quas permultas fecit , elegantissime referrent ; quae opera in laudatis Libris acceptarum & expensarum pecuniarum enumerantur . Excelluit etiam in formis cundis , quae imagines inlustrium Virorum referrent ,

---

(1) Vide ibidem Librum notatum litt. K. anno MDCLXIV.

& pro monetis in pecuniae usum vulgandis ; nam ipse , ut in Libro signato litt. G. anno CIC. ID. C. LV. legitur , e chalybe formam fecit cum protoma Ferdinandi II. Magni Ducis Etruriae in antica ; in postica vero exhibuit rosarum fasciculum , emblema eiusdem optimi Principis , cum epigraphe : GRATIA OBVIA . VLTIO QVAESITA . Eidem Artifici in tot opificiis strenuissimo tribuitur Jaspis utraque facie eleganter inscalptus , aureo in anulo ita inclusus , ut utrinque versari posset ; quo ad obsignandum usus est Cosmus III. Magnus Dux Etruriae , cuius altera facies pro sphragis- mate continet stemma , sive insigne Mediceae Domus , altera vero emblema eiusdem Principis ; nimirum conspicitur navis in mari , superne fulgentibus quinque stel lis , ea specie , qua eas invenit Maximus Galilaeus , cum epigraphe : CERTA FVLGENT SIDERA ; quae omnia eius egregia studia & ingenii aciem , & laborum praestantiam clare ostendunt .

### JOSEPH ANTONIUS TORRICELLIUS

Florentinus, Saec. XVIII.

Regnante Cosmo III. Magno Duce Etruriae omnibus Musei Medicei Officinis & Opificibus praefuit JOSEPH ANTONIUS TORRICELLIUS Bartholomaei filius , cuius parentes Faesulis eum genuere . Primus sub tanto Principe fuit lapillorum selectorum Sculptor , Compaginato , Caelator , & Scalptor valde peritus atque eximius . Hic scripsit Tractatum vernaculo sermone de pretiosis lapillis , deque lapidibus omnigenis , quibus Artifices Compaginatores utuntur tum in Officinis regii Musei , tum etiam in his pertinentibus ad ornandum Mausoleum Principum Mediceae Domus Augustae , in qua

in quo sepulcra eorum posita sunt, quae vulgo dicitur *Cappella di S. Lorenzo*, quia cum Ambrosiana S. Laurentio Martyri dicata Basilica coniuncta est. Huiusmodi Tractatum idem TORRICELLIUS scripsit anno MDCCXIV. satis accurate locis omnibus patefactis, e quibus Etrusci & peregrini pretiosiores lapides eruuntur; & hoc amplius de eorum natura, & de arte eos secandi, sculpendi, poliendique differuit, adiectis in fine Tabulis V IIII. quae diligenter delineata exhibent instrumenta, rotas, machinas, quibus in his opificiis Florentini Scalptores utuntur. (1) Hunc ipsum Tractatum non semel laudat, atque ex eo multa adfert Vir Clarissimus IOHANNES TARGONIUS TOZZETTIUS, arcanarum Naturae rerum Scrutator & Interpres doctissimus in suis in lucem editis per Etruriam itineribus, qui hasce Torricellianas lucubrationes perhumaniter mihi legendas exhibuit.

In eius fine multa de se TORRICELLIUS scribit, quae non solum nolo praetermittere, verum etiam ipsis eius verbis exponere, ut hinc etiam eluceat, quanta eius peritia & praestantia fuerit in pretiosis lapillis Gemmisque incidentibus, & in aliis operibus conficiendis, quae Cosmus III. ad varios Principes Europae, & Hospitibus genere & virtute praestantissimis Florentiac eum invisentibus dono mittere, & honoris & memoriae causa largiri solebat. Ita igitur de se scribit: „Ho servito la Casa Reale quaranta anni non solo in varj luoghi a far delle provviste per la Reale Galleria;

ma

(1) Titulus hic est: *Trattato delle Gioie, e Pietre dure e tenere, che si adoprano nella Real Galleria, e nella Cappella di S. Lorenzo; contenente la notizia de' Luoghi d'onde si cavano, la loro natura, e il modo di lavorarle: coll' Aggiunta in fine dei Disegni degli Strumenti a tale Arte necessarij: Opera di Giuseppe Antonio di Bartolomeo Torricelli da Fiesole, primo Scultore di pietre dure della suddetta Galleria.*

„ ma ho lavorato d' intaglio , e scultura non solo figure , e bassi rilievi , e Ritratti di più forte ; ma anche un Naturale , che la maschera era una palla di quelle , che ho detto delle nostre Maremme di Volterra , che pesava 84. libbre , e la ridussi colle ruote a sei libbre ; portando gli occhi per di dentro , e maneggiato tutto il busto sotto delle ruote ; e credo , che sia il primo Ritratto grande quanto il naturale , che sia stato fatto di duro ; che lo feci per impegno , conoscendo non esser fatica per un uomo . Ho fatto anche de' Vasi , Bicchieri , Tazze , e Tabacchieri ferrate a vite ; che ne sono stato io l' inventore di queste serrature a vite in pietra dura , che non si costumava ; nè mi si è reso difficile di fare tutto quello che ho intrapreso ; e con ferri e con mazzuoli ho lavorato di quadro , d' intaglio , e di Scultura tutte le pietre che ho nominato (*in questo Trattato*) , e quelle che non ho potuto lavorare con ferri , l' ho fatto colle ruote , fino le gioie , e per venticinque anni di travaglio colle ruote , e d' incavo , e di basso rilievo , e di rilievo quanti duri ho detto son passati per le mie mani ; e non solo ho vedute le Miniere , ma fatt' anatomia , come diffini in principio , dell' ossa di questo mondo . E qui finisco . “

Chalcedonio exscalpsit Cupidinem , quem omnes vere carneum censebant , quum lapidem illum a natura ita factum invenisset , qui carnem referret . Perfecit etiam in Achate Orientali imaginem simillimam Magni Etruriae Principis Ferdinandi , Cosmi III. Filii , quae valde probata fuit .

In Ginoriano Museo plurima existant eius opera , nempe

pe capita Caesarum, Heroum, atque Inlustrium Vironum anaglyptico opere sculpta. Agens aetatis suae annum LVII. Florentiae obiit VI. Nonas Martias Florentinae Aerae tunc in usu MDCCXIX. De eius Filio & Nepote Scalptoribus, & Lapidicinis mox dicam.

**CAIETANUS TORRICELLIUS** Florentinus,  
Saec. XVIII.

Egregio patre Iosepho Antonio, de quo dictum est, ortus est egregius filius **CAIETANUS TORRICELLIUS**, qui ab eo Glyptographicas Artes didicit. In Graphice prima rudimenta a Thoma Redio Pictore Florentino ; Sculpturae praecepta a Ioanne Baptista Fogginio Stattuario & Architecto celeberrimo accepit. A Patre Romam missus sub praeceptoribus Benedicto Luti Pictore eximio, & Le-Gros Sculptore valde instructus postmodum Florentiam commigravit anno CIC. ID. CC. XIII. Vita functo eius patre initio anni CIC. ID. CC. XX. inter Magistros Medicearum Officinarum cooptatus est. Ex antiquis lectissimis praestantium Scalptorum operibus multas Gemmas anaglyphico, & diaglyphico opere exquisito studio & diligentia elaboravit ; inter quae spectabiliora recensetur Tiberius cum Livia, Antoninus Pius, Lacoontis nex cum filiis, Pyrrhus Epirotarum Rex, Cleopatra, Minerva in Achate flavi coloris, quod opus V. C. Nicolao Equiti Gabburrio dedit. Spectantur inter Cimelia Ginoriana multa eius opera, exstantibus imaginibus excisa.

Paene innumera sunt ea opera, quae perfecit, tum vivente patre, tum eo vita functo, Crucifixi Iesu imagines ex Chalcedonio, ipsumque mortuum iacentem, simulacra Sanctorum Petri Apostoli, Ignatii, Petri Cae-

Yy lesti-

Iestini , Caietani , atque alia non pauca , quae in regio domestico Sacello in Palatio , vulgo *de' Pitti* , conspicuntur . Pro regio Sacello ad S. Laurentium simula-  
cra SS. Apostolorum Iacobi , & Pauli elegantissima ef-  
finxit , & anaglypha duo , in quorum altero eminet  
Abrahami sacrificium . Cosmum III. cum tropaeis ante  
templum Pacis , adstante Etruria cum leone , anagly-  
ptico opere effinxit elegantissimo . Arculas plures per-  
fecit ornavitque crystallis , & pretiosis lapillis elegan-  
ter a se compositis , qui picta veluti emblemata praeferebant . Vir ingenio , sedulitate , & peritia clarus ;  
qui obiit mense Octobri elapsi anni CIC. ID. CC. LIL  
& Iosephum filium , quem ipse erudivit , virtutis &  
gloriae haeredem reliquit , de quo mox dicam .

**FRANCISCUS GHINGHIUS** Florentinus  
ANDREAE PHILIPPI F. Saec. XVIII.

Senas patriam & natale solum agnoscunt Ginghii ,  
qui postea corrupta appellatione GHINGHII dicti sunt .  
Primus qui Florentiae domicilium posuit , fuit Iosephi  
Sebastiani filius Ghinghius cum uxore sua Hyacintha  
Vincentii Quatrinii filia ; cuius filius Vincentius in Offi-  
ciniis Mediceis compaginandis conferendisque pretiosis  
lapillis operam dedit , sed paullo post Mediolanum pe-  
tit , ubi mortuus est . Alter eorum filius fuit Andreas  
Philippus Ghinghius , Florentiae natus anno CIC. ID. C.  
LXII. pater FRANCISCI , de quo scribimus . Andreas in  
locum Vincentii fratri sui in iisdem Officiniis suffectus  
est , probe in Lythographicis artibus institutus a Ste-  
phano Mochio Florentino , egregio praceptor , ea aetate  
valde celebri ac famigerato . Eo vivis crepto ,  
in eius locum Andreas successit , & Magisterii munus  
egre-

egregia cum laude suscepit. Hic signa, anaglypha, & varia ex fructibus, & floribus ornamenta elegantissima perfecit. Optics & Mechanics studiosissimus fuit, multaque nova instrumenta a se excogitata confecit. Con-nubio honestissimo sibi copulavit Hortensiam Silvestri F. del Ghianda, qui filium unicum generunt FRANCI-SUM GHINGHIUM natum anno CIC. ID. C. LXXXIX. qui sacro Fonte ablutus, dictus est *Franciscus Maria Caetanus*. Puer litteris operam dedit optime in Florentino Societatis Iesu Collegio institutus. Ingressus XV. aetas annum, a patre tirocinium in Florentinis Mediceis Officiniis adgredi coactus est, didicitque Graphices institutiones in Schola Francisci Ciaminghii Florentini, Praeceptoris in iisdem regiis Officiniis; Plasticen vero didicit ab Ioanne Baptista Foggino celebri Sculptore & Architecto Florentino, a quo mirifice amabatur. Cerea Schemata & alia a se manufacta dabat Andreae Philippo patri suo; quae adeo laudata sunt, ut, auspice Foggino, a Ferdinando Magno Etruriae Principe Cosmi III. Filio stipendium obtinuerit, ea conditione; ut Gemmis utroque opificio sculpendis exscalpendisque operam daret, ad quam artem crebris etiam largitionibus ab eodem Principe omnium Artium fauore liberalissimo excitatus est. Primum arduus ac valde aerumnosus hic labor ei fuit, quod veteres Gemmarii Sculpatores Medicei omnes mortui essent; tamen a patre suo aliquo modo instructus, qui iam viderat Stephanum Mochium parva capita in anaglyphis elaborantem, multumque ingenio suo alaci, & gloriae cupiditate excitatus, adeo insudavit, ut Gemmas cum Iconibus praefantium Virorum anaglyptico opere insculperit; pri-mumque eius opus fuit F. Hieronymi Savonarolae ima-go,

go , quam ex alio exemplari recentis operis excepit . Hinc studio & labore difficultates omnes evicit , & mox Hadriani & Traiani Capita ex antiquis exemplaribus anaglyptice effinxit . Effigiem Cosmi III. Magni Ducis Etruriae Chalcedonio Volaterrano pulcherrimo bicolori exscalpsit , quae , auspice Marchione Attilio Incontrio , qui eam eidem Principi obtulit , adeo placuit , ut & praemia , & spem maiora obtainendi perceperit . Mortuo Marchione Incontrio , & mox Ferdinandu Magno Principe Etruriae , concidit animo GHIUS , quum longe maiores difficultates superandas esse intelligeret si daret operam Gemmis diaglyphico opere incidendis ; quare anceps Romam petere meditabatur . Sed a Fogginia optimis consiliis recreatus , ne parentes relinqueret , Florentiae in eius Schola mansit , multumque in Glyptographica profecit , breve tempore adeo in Armis , Insignibus , Stemmati , & Iconibus ad viventium similitudinem egregie inscalptis excelluit , ut fama eius omnium aures pervaaserit , ut ferre omnes tum Exteri , tum Florentini nobiliores Cives certatim eius opera expetiverint , & habere voluerint . Annulos huiusmodi obsignatorios inscalpsit Emin . Card . Zondodario , Senarum Archiepiscopo , multisque aliis Inlustribus Viris , ac praecipue D . Odoardo Marchioni De-Silva , cui plurima Insignia , & anularem Gemmam cum Historia Sacra accuratissime expressit . Sardae inscalpsit egregia arte Imaginem Clar . V . Philippi L . B . de Stosch , in qua primum nomen suum ita adposuit : ΤΙΝΤΙΟΣ ΕΠΟΙΕΙ . quod postea & in aliis praestantioribus a se scalptis lapillis fecit . In contemplandis antiquorum Graecorum Gemmariorum operibus ab eodem Stoschio adiutus excitatusque mirifice profecit , a quo egypti pa ra-

pa rariora suppeditabantur. Adcessit eius Fautor praestantissimus Petrus Andreas Andreinius, Nobilis Florentinus, Antiquariae Artis praeclarum decus & ornamentum, a cuius latere, consiliis & institutionibus numquam discedebat GHINGHIUS, a quo etiam magnopere diligebatur, & in exquisitoribus Glyptographicae artis arcanis opificiis, patefactis antiquis exemplis, & observationibus, adsidue erudiebatur. Frequentes occasiones ei dabat Andreinius, ut gemmas omnium elegantissimas pro exteris nobilissimis viris inscalperet. Multum etiam profecit GHINGHIUS benevolentia, ope, consiliis Sebastiani Blanchii, regii Medicei Cimeliarchii Custodis, qui ei omnem Gemmariam Gazam patefecit, eumque cognitum fecit paene omnibus exteris Viris Britannis, Gallis, Alemannis, qui frequenter Mediceam antiquariam supellecilem perlustrabant. Insigne opus obtulit Blanchius GHINGHIO, ut egregiam suam peritiam ostenderet Eminentiss. Cardinali Gualtherio priscarum elegantiarum aestimatori praestantissimo. Quum enim Romae effossus esset Amethystus ingentis magnitudinis, nempe ponderis librarum decem & octo, statim ac emit, Florentiam misit, orans Cosmum III. ut in suis Officinis informem Veneris protomam, quam exhibebat, absolutissimo opificio aliquis Scalptor redderet consummatissimam. Cosmo III. GHINGHIUS a Blanchio propositus est, qui paulo ante eiusdem Principis imaginem Chalcedonio Orientali faberrime inscalptam obtulerat. Artificem probavit Cosmus, & GHINGHIUS difficillimum opus adgressus, spatio decem & octo mensium Veneris protomam ita perfecit, ut omnium admirationem, multorum quoque Artificum invidiam superaverit. Eminentissimo Cardinali Gualtherio mirum in modum placuit

Zz tam

tam insigne ac perfectum opus, superatis feliciter omnibus lapidis huiusmodi difficultatibus, qui Cosmo III. gratias egit uberrimas, & GHINGHIO quadraginta duos aureos nummos pro praemio adsignavit ac dedit. Vita functo Eminentissimo Gualtherio, devenditum est eius opulentissimum Museum; hanc vero protomam Veneris ex Amethysto sibi comparavit Augustus III. Poloniarum & Saxoniae Rex invictissimus, qui in suo Cimeliario omnibus spectandam proposuit & conlocavit. Fama nominis ubique notus GHINGHIUS, Gemmas complures utroque opificio inscalpsit praeципue pro regiis Principibus; nam duas imagines effinxit Ferdinandi Magni Etruriae Principis; Smaragdo inscalpsit caput Cosmi III. pretiosis aliis lapillis effinxit vultus Electoris Palatini ad Rhenum, iussu Annae Aloysiae Electricis, & Ioannis Gastonis tunc Magni Etruriae Principis; Eadem Anna Aloysia iubente complures Gemmas sacris emblematis ornatas ei expressit; & Sardae Iacobum Regem Stuardum faberrime effinxit. In vultibus ad prototyporum maximam similitudinem exprimendis omnium maxime excelluit GHINGHIUS, & antiquas imagines tanto studio tantaque solertia elaboravit, ut plerunque priisdem antiquis haberentur. Etruriam ingresso Carolo Borbonio Hispaniarum Regio Infante, qui Florentiae diuturnam moram egit, GHINGHIUS ei notus fuit, quem in Officinis regii Musei variis insignioribus gemmarum sculpturis cum aliis Artificibus operam dantem videre voluit, & singula eorum opicia observavit. Pro Duce & supremo Hispaniensium Exercituum Duce Montemario complura sphragismata cum insigniis, & pro Auxiliis nobilioribus Proceribus fecit. Ioanne Gastone Magno Duce Etruriae defuncto, quum multa praesidia si-  
bi de-

bi defutura ominaretur GHINGHIUS, insciis parentibus, Romam profectus est; mox Neapolim evocatus, Aulicorum favore & praesidio, regiorum Opificiorum cura ab eodem utriusque Siciliae Rege ei demandata est, adsignato honorifice stipendio. Multi Artifices Florentini, quum GHINGHUM ad hoc fortunae fastigium evenetum audissent, Neapolim statim convolarunt; quibus Rex Palatum loco, qui dicitur *alle Mortelle*, octo mensium spatio aedificari iussit cum Officinis, quas singulis artibus, & Artificibus adsignavit, iisdemque egregiis Professoribus GHINGHUM Moderatorem praefecit. Celebratis regali pompa nuptiis suis Rex GHINGHIO praecepit, ut Insignia regia tum sua, tum augustae Coniugis Chalcedonio Orientali operosissime inscalperet, quod obsignatorium Sphragisma valde placuit ac probatum est. Mox Rex iussit, ut abaci & monodia regia compaginatis lapillis pulcherrime picta, ac strata omnium ornatissima elaborarentur, quod factum est, & adhuc fit iuxta delineationem & inventionem eiusdem laudatissimi Institutoris GHINGHII, qui & hanc artes a patre suo peritissimo didicerat. Imperatum est eidem GHINGHIO ne Gemmas inscalperet nisi pro Rege & Regina; quae statim sibi ex lectissimis pulcherrimis lapillis iussit ut fieret sacrum anaglyphum, quod referret Virginem Mariam ab Angelo salutatam. Mox insignis magnitudinis Opus (vulgo Cammeo) ab eo exquisitissima arte factum est cum Imagine Regis; & Regia Stemmatu Hispaniarum simul coniuncta cum Regis insignibus, adiecta per ambitum epigraphe. Nunc Artifices in quarto abaco ornando compingendoque graviter adlaborant. Vivit adhuc GHINGIUS annum agens aetatis suae LXIV. qui docto ingenio suo Artificem opera

opera adsidua cura , labore , & gloriae studio dirigit ac moderatur . Sub tanto praceptor nunc Neapoli studet , & caelandis Gemmis dat operam Ioannes Mugnaius Florentinus , filius Caroli Mugnaii egregii Opificis in regiis Textrinis , vulgo *Arazzeria* , qui multa & ipse promittit , quum docilis sit & alacris ingenii .

---

## C A P U T XII.

*Glyptographicae Scholae Florentinae regnante Francisco M.D.E.  
Imperatore Caesare semper Augusto , qui nunc florent Scal-  
ptores Gemmarii , eorumque egregia opera recensentur .*

**F**lorentinae Glyptographicæ Scholæ ea omnium laudum maxima mihi videtur , quod faventibus Principibus Mediceis , nunc etiam auspice & volente Magno Duce Etruriae FRANCISCO Lotharingo , Romani Orbis Imperatore , Caesare , Pio , Felice , Augusto , trium fere saeculorum spatio adhuc vigeat ac mirifice floreat , eosque egregios Scalptores etiam nunc habeat , qui cum veteribus de præstantia & gloria certare possint . Horum nomina & opera declaranda sunt , ne quid ad hanc meam Glyptographicam Historiam desit . Post regni consilia , haec prima Providentissimi nostri Principis cura fuit , ut optimae disciplinae , & artes antiquum splendorem non solum retinerent ac servarent , verum etiam augerent , mirumque in modum omni conatu , suis praesidiis amplificantur . Statim ac Florentinam hanc Urbem fidelissimam eidemque obedientissimam , suscepto Etrusci Regni Imperio , ingressus est , Genius eius semper augustus regium Cimeliarchium  
præ-

praesentiae suae luce ac maiestate non solum implevit, sed Conclavia omnia avidissime non semel lustravit, omnes Artificum Officinas invisit & observavit, eorum opera vidi, probavi, & ad maiora praestanda vehementer excitavi, ac validissimo patrocinio suo eorum progressus se amplificaturum omnibus praesidiis liberaliter ac feliciter promisi. Quum antiquorum operum, & praestantium opificiorum cognoscendorum eximia scientia polleat, eorumque studio atque observatione mirifice delectetur, non solum varia opera ex variis pretiosis lapillis musivo opere elaborata ad se mitten- da iussit, atque identidem iubet; verum etiam ut absens delicias suas frequentius ante oculos suos habeat, universum Regium Florentinum Museum in pluribus Tabulis delineari accuratissime iussit; quod sollicite faciundum curavit magnarum rerum capaci mente Inlytus Comes de Richecourt, qui lectissimis Pictoribus id munus demandavit. Illud etiam in mea laude pono, quod sex Voluminibus iam editis rariora omnia regii Thesauri monumenta antiqua, Gemmas, Statuas, numismata praestantiora in lucem produxerim, eique labores meos beneficiis eius excitatus & recreatus, consecraverim. Alia permulta antiqua opera ex eodem distissimo Cimeliarchio proferenda superfunt, nimirum marmoreae Caesarum, Augustarumque Protomae, & Philosophorum Hermaea Signa, Deorum ex aere Simulacra, & rariora alia, quibus idem refertum est, paucis nota, monumenta, quibus inlustrius iam diu omnem operam dedi, & Adversaria diuturno labore paravi. Illud unum regii Thesauri insigne, decus, & ornamentum vehementer percupio, ut Etrusca omnia monumenta, ahenea Signa, Vasa picta, Urnae tum mar-

Aaa mo-

moreae, tum fictiles, atque etiam Sacrificialia ac Miliaria rarissima instrumenta, eximia belli pacisque decora, in unum collecta, accurato ordine in per ampla Aula ad id facta, quae ornari tantum desiderat, disponantur; quod opus & consilium erit Etruscorum Rege omnium maximo, eius animo, cura, & studio dignissimum, totoque terrarum orbe laudissimum. Haec Aula referta tot insignioribus monumentis, veluti totidem Voluminibus omnium oculis patentibus, ostendet, quanta Etruscorum nostrorum fuerit religio, in bellis gloria, sacrorum rituum ac caerimoniarum, a quibus Romanum Imperium suas accepit, concordia & constantia; novisque observationibus, detectisque luculentis notitiis inchoatum, nondum perfectum, Etruscarum Antiquitatum Thesaurum, pro quo adhuc labore, augebit, praeclariorum & absolutiorum reddet; quod a Caesare Invictissimo ac Beneficentissimo, aliquando a tot curis quiescente, sperandum est, ac pro eius in optimas artes ac studia flagrantissimo amore, & regia liberalitate quamprimum facile obtainendum. Toto orbe huic collectioni Etruscorum monumentorum omnis generis, nulla alia vel similis, vel par, meo iudicio, erit, suppeditabitque tum Florentinis, tum Exteris Antiquitatum Cultoribus ad haec magis magisque dilucidanda occasionem valde facilem atque opportunam. Adsit Deus, & vota doctorum hominum, & mea potissimum secundet; & Clementissimus atque Humanissimus Imperator quam diutissime cum perpetua Augusta Sobole sua, & Augustiss. Coniuge, vivat, floreat, imperet Etruriae bono & Christiani Orbis beneficio.

L U.

**LUDOVICUS SIRIES**, natione Gallus, nunc Florentinus Civis, Saec. XVIII.

Rerum omnium & mirandorum operum Opifex Deus homines ingenio ita praestantes identidem creat, ut quidquid arduum est, studio & solertia sua vincant, & ad omnia eos factos cuncti mortalium stupentes agnoscant. Ex his unus est **LUDOVICUS SIRIES**, natione Gallus, qui diuturno apud Florentinos domicilio, susceptaque sobole, Florentina civitate donatus haberi iure & merito potest. In eximiis permultis artibus, quae a Graphice pendent, adeo excellit, ut paene nihil arduum, nil operosum, & maxima cura dignum in rerum natura habeatur, quod ipse adsecutus non sit, & adhuc adsequi non possit. Innumera paene opicia rarissima, quod tam cito perficerit, complures mirantur; ego vero non miror, sed laudo; quum ipse hinc duabus cardinibus omnem artis suae praestantiam, & immensas aerumnas cum statuisse intelligam, in laboris summa patientia, & in severiore temporis cura & per vigili custodia, ne ulla non modo hora, verum etiam momentum sine linea decurrat. Nunquam otiosum, nisi dum de inusitatibus rebus inveniendis cogitat; nunquam genio indulgentem, sed semper in laboribus tum mente, tum manu parandis conficiendisque in regiis Officinis Magni Ducis Etruriae, quibus praeest, distentum adsidue omnes, qui ad eum adcedunt, inveniunt. Quae ante septem abhinc annos in eo artis portenta censebantur; opera nempe omnia, quae Auararia, ac caelandi ars perficit, ne quidem Horologiis rarioribus exceptis, ea nunc eius ingenii alacritate & praestantia minora habentur; nam aetate, quod mirum est,

est, valde provecta, atque in senium, vegetum tamen, vergente, Glyptographicae Arti totus adeo incubuit, ut intra septennium plurimas Gemmas utroque opere anaglyptico, & diaglyptico inscalpserit, quarum emblemata vel ipse ingenio suo feracissimo excogitavit, vel ex aliis operibus, praesertim antiquis, exceptit. In his vero inscalpendis duplii eminet laude, qua veteres omnes Gemmarios Opifices longe superavit; nempe in perfecta areae planicie confienda, quod nemo tam absolute, & feliciter praestitit; nihil enim in planicie Gemmarum eius figuram ambiente nisi perfecte planum, & mira arte laevigatum adparet; quod non cernitur in antiquis Gemmis, praesertim in his anaglyptice sculptis, quae communi vocabulo *Cammei* dicuntur. Alterum quoque decus Gemmis a se inscalptis addit LUDOVICUS SIRIES, antiquis Scalptoribus ignotum, quod artis miraculum dici potest; nempe in extrema Gemmae ora coronidem elegantissimam adponit, quae opus ipsum magis rarum & singulare reddit, & novo splendore condecorat. In his novis accessionibus, quas primus omnium excogitavit, ac feliciter molitus est, neminem vel facile paucissimos pares nunc, & in postrem habebit hic Artifex sagacissimus, novorum inventorum scrutator & perfectior perspicacissimus.

Primum opus, quod anno CIC. ID. CC. XLVII. adgressus est, sua arte & peritia usus, fuit Crux Dominica e secto lapide Cyaneo, qui *lapislazzulo* dicitur, qui aegerrime rotas, viriculos, & alia artis instrumenta patitur. In ea Cruce undique, tum in antica, tum in postica facie, egregie secta, & coronide ornata, ex integro lapide, Christi in ea adfixi imaginem exhibuit. Mox ex eodem lapide, aerumnosissimo opere anagly-

pho,

pho, Gemmam exscalpsit, in qua Naturae, Scientiarum & Artium portenta ad utilitatem humanae Societatis & commercii, ingeniosissime expressit. Pectore tenuis Onychi tricolori pulcherrimo postmodum anaglyphice effinxit imaginem Christianissimi Galliarum Regis Ludovici XI. Zodiaci signis circumornatam, quam eidem Regi dono obtulit ac dedicavit. De his pauca scribo, quum haec opera eruditio Commentario descripta in lucem prodierint cura & studio Cl. V. IOANNONIS DE S. LAURENTIO. (1) Alia quoque silentio praetereo, quae in Novis Litterariis Florentinis, praesertim hoc anno fusius describuntur. Protomas Augustissimorum Coniugum Francisci Imperatoris Caesaris, & Mariae Theresiae Reginae Hungariae, & Bohemiae ex Onyche se mutuo respicientes existanti opere laudatissimo exscalpsit, quod iisdem dedicavit. Mirabilem fecit Solis quadrigam cum Zodiaci signis pulcherrimam Gemmam ambientibus. Omnium operum suorum sulphurea, vel gypsea ectypa SIRIES Sociis Columbariis Florentinis dono dedit, & mihi quoque insigniora exhibuit, quae omnia si accurate describere vellem, non parvam huius Voluminis partem occupare facile possem. Dum haec scriberem, Gemmas elegantissimas & operosissimas a se inscalptas mihi ostendit, & ectypa sulphurea dedit. Has intra paucos menses felicibus ausis absolvit; quarum praeclariores breviter recensere lubet. Hae Gemmae vel e Chalcedonio Sapphyrino, vel e Sarda, atque ex Onyche elaboratae sunt; omnium maxima propter magnitudinem, exhibit Herculem Antaeum confidentem; altera Phaetontis casum; reliquae

B b b

osten-

(1) Volumen hoc prodit Florentiae anno MDCCXLII. in 4.

ostendunt Diomedem Palladio potitum; Herculem cum armis suis gradientem; Pentheum in odium Bacchi vineas exscidentem; Aesculapium baculo suo anguiferum innitentem; Mercurium infantem Bacchum ad Nymphaeas deportantem; Aurorae & Cephysis fabulam; Achilem in sella moerentem; duo Herculis iuvenis capita eximio plane opere & antiquis persimili perfecta. Antiquorum monumentorum effosionem in Sarda vel Achate aurei coloris multo labore expressit, quam Gemmam dono obtulit Cl. L. B. De Stosch, ut eius studia & aviditatem in eruendis conquirendisque prisci aevi deliciis designaret; in parvula Gemma tauri ad aram immolandi sacrificium, adstantibus septem ministris, effinxit; in altera Diogenem in dolio latentem, qui Alexandrum Macedonem adloquitur; praeter alia plura opera, quae a memorato anno usque ad hoc tempus incredibili studio ac labore faberrime inscalpsit, quae centesimum numerum excedunt. Hae omnes Gemmae, in parergis adiecto eius nomine vel integro, vel per siglas L. S. denotato, tum coronide admirandi operis, tum planicie absolutissima perfectae sunt aerumno-  
so artis magisterio; quod peritioribus contemplandum atque expendum relinquo.

Dum haec adsiduo opere excogitat, & feliciter molitur sagacissimus SIRIES, Artifices omnes qui in Officinis Imperialis Musei operantur, superius a me memoratos, dirigit, & nova semper eis conficienda proponit, quae digna sint scientia & Majestate Augustissimi Caesaris FRANCISCI, Domini mei Clementissimi, Magni Ducis Etruriae. Nuper ad eum missae sunt octo Tabulae, quae Scientiarum & Artium inventa exhibent, compaginatis lapillis picta, multis figuris ornata,

quae

quae vix credi potest , quanta elegantia , & veritate praeanteant , Arte Naturam ipsam paene vincente . Missi etiam abaci , & arculae utroque opere ex consertis per politisque multicoloribus lapillis pretiosis exornatae .

Fama quoque nominis celebris est Violantes eiusdem LUDOVICI SIRIES filia , quae innumeratas Tabulas pinxit , & adhuc parenti simillima nullo unquam labore vieta , sexum atque aetatem sua virtute & studio longe superans pingit . Prima patris studia sequitur Cosma eius filius , qui in pluribus manu factis operibus laudatur . Museum quoque sibi instruxit locupletissimum idem LUDOVICUS SIRIES , comparatis insigniorum Pictorum Tabulis , veterum Sculptorum signis , vasculis , anaglyphis ex ebore , numismatis , Gemmis antiquis ; quae omnia apud eum maximo in pretio sunt . Prospexit valetudine , integris viribus , & quidem vivacissimis ; annum nunc agit aetatis suae , ut plures volunt , septagesimum , alii etiam excedere eum arbitrantur .

Praecipui in Regiis Officinis Magistri , superius a me laudati , quibus Caesaris iussu praecest nominatissimus LUDOVICUS SIRIES , hi sunt ; qui sibi subiectos alias complures alumnos & Artifices habent , qui lapillis in abaci , arculis , & scriniis compaginandis , & pictis Tabulis exhibendis adsidue dant operam . Franciscus Conti Florentinus Graphices Praeceptor . = Antonius Franciscus Bottius : = duo fratres Io. Baptista , & Franciscus Iacopuccii = Franciscus Borghesius = Caietanus Sorbius = Ignatius Rabbuitus : = qui operibus ex hebeno infundant , Caietanus Doninius , & Zenobius Magnolius ; qui opera ex aere conficiunt , & auro condecorant , Petrus Binus , & Ferdinandus Nicciolius . = Picturas parat musivo opere durorum lapillorum exprimendas Joseph Zocchius Florentinus , fama nominis & multorum operum percelebris .

FELIX

FELIX BERNABE' Florentinus,  
Saec. XVIII.

FELIX BERNABE', qui in Imperialibus regii Florentini Musei Officinis Gemmis scalpendis sedulam nunc natvat operam, multa pollet peritia, & studio ac diligentia nulli secundus habetur; nam in imitandis antiquis celebriorum Graecorum Opificum sculpturis laudem sibi magnam atque immortalem comparavit, & adsidue pro Florentinis Proceribus, & pro exteris harum deliciarum cultoribus laboravit, atque in praesentiarum strenue laborat, suaque comitate, & benigna naturae facilitate omnium laudes & benevolentiam sibi conciliavit. Natus est Florentiae ex Ioanne ditionis Lunensis honesto incola, & nunc trigesimum tertium aetatis suae annum feliciter inchoavit. Prima Glyptographices rudimenta a celebri Florentino Gemmarum Scalptore Francisco Ghinghio, superius a me laudato, in Regiis Officinis Florentinis anno CIC. IC. CC. XXXVI. acceptit; Graphices vero praecepta ab egregio Pictore Ignatio Usfordio, Florentiae morante, multo studio accuratissime didicit; quibus praesidiis instructus mirandum non est si in Gemmis caelandis magnopere excellit, quarum eetypa etsi non omnia, multa tamen, mihi nuper dono dedit. Nihil dico de Stemmati, Insignibus, aliisque Gentilitiis emblematis, quae plurimis Gemmis primum, antequam ad imagines se conferret, faber rime inscalpsit; ea tantum opera describam, quae vidi, & memoratu digna censemur, & quidem eo ordine quo ab eodem absoluta sunt. Primum pro Excell. Comite Emmanuele de Richecourt admirandum illud Symplegma Amoris & Psyches, quod marmoreum in regia

regio Museo exstat, quodque a me editum & inlustratum est in *Museo Florentino* inter antiqua Signa, & Statuas Tab. XLIII. & XLIV. pulcherrimo Chalcedonio scitissime inscalpsit. Amor Psychen amplectitur & osculatur; quo opere cum industria & studio elegantia valde certat. Hyacintho eximii coloris & lucis mox inscalpsit eam statuam, quam imperitum vulgus *l'Arrotino* adpellat, quae in Conclavi eiusdem regii Thesauri spectatur; qua, ut alibi ostendi, (1) procul dubio ille Scytha exhibetur, cui Apollo demandavit, ut devito Marsyae pellem e corpore cultro detraheret. Hanc caelaturam fecit rogante Abate Vernaccinio Hispaniarum Regis Ministro. Singularem illam Gemmam, quae exhibit Herculem amplectentem Iolen, Teucri opus eximium, a me editam Tab. V. inter praestantiores Gemmas *Musei Florentini*, adeo archetypo similem fecit, ut nomen suum tum primum ita inciderit ΒΕΡΝΑΒΕ ΕΠΟΙΕΙ. Praemiis & laudibus illectus, ad maiora praestanda excitatus est; quare pro D. Henry Viro Nobilissimo primus omnium in Sarda altitudinis unciarum duarum ex marmorea per insigni & rarissima Protoma, quae in Regio Florentino Cimeliarchio exstat, inscalpsit Alexandri Magni imaginem, in qua Gemma operosissima ita nomen suum ΦΗΛΙΣ inscripsit. Quum Eminentiss. Princeps Cardinalis Alexander Albanus praestantiorum operum peritissimus aestimator, & conqueritor laudatissimus, insignis Gemmae magnitudinis unciarum duarum, ultra dimidium, anaglyptico opere inscalptae exemplar ad Cl. L. B. Stoschium misisset, sed fossorum iniuria & osseitania fractum, Stoschius antiquis propositis exemplaribus curavit, ut integrum opus a nostro Scal-

Ccc ptore

---

(1) In eodem Volumine Tab. XCV. & XCVI.

ptore insculperetur in Gemma , in qua duas feminas ; & militem , seu potius Heroam adiecit . Ea exhibet Achillem sedentem , moerore confectum , Patrocli mortem deflentem , integris sex figuris ; in qua Gemma , quod non fecit , nomen suum adponere poterat : Homericam Hecatomben Sardae expressit , rogante Marchione Manfredio Malespina Patricio Florentino , veterum ac recentiorum elegantiarum cupidissimo ac studiosissimo ; quod emblema ab archetypa admirandi operis Gemma , quae exstat in Gavianis Cimeliis , accedit ; in qua sculptus Heros stans ad aram immolaturus bovem a militibus adductum ; in eius exergo ita nomen suum declaravit B. Φ. E. ( 1 ) Pro eodem Sardonychi pulcherrimae inscalpsit Plautillae imaginem ad archetypi exemplum , quod exstat in Florentino Cimelario , adiectis iisdem litteris . Eiusdem Marchionis Malespinae vultum bis inscalpsit ; primum Sardae , adiecto in postica eius Gentilitio Stemmate , & B. & deinde Chalcedonio nitidissimo triangulari , cum siglis eius nominis , vulgo *Cifra* , & Stemmate nobilissimae Gentis suae , eiusque nomine , ΜΑΝΦΡΙΔΙΟΣ ΜΑΛΑΖΠΙΝΙΟΣ . Bacchi triumphum Chalcedonio incisum dedit Marchioni & Equiti Bernardino Riccardio ; aliis imaginem Herculis iuvenis , itemque Medusae caput ex mirandis Stroziae Daetlylothecae prototypis . Pro D. Rendorpio Hollandico miro opificio inscalpsit Antinoi Caput , ad exemplum marmorea antiquae incomparabilis Protomae , quae spectatur in Medicea Gazza . Homeri Caput Chalcedonio exhibuit , deditque Marchioni Equiti Camillo Bor-

---

( 1 ) De hac Gemma differui in Florilegio Noctium Corythanarum inter Symbolas meas edito Cap. VI. pag. 66. & de eiusdem Ill. Marchionis numismate max. moduli , Cap. III. pag. 39.

Borbonio *del Monte* Patricio Florentino. Herculem Far-  
nesianum accepit eius frater Marchio Philippus, Apua-  
nae, sive Pontremulensis Ditionis Gubernator. Silenum  
cum scypho & thyrso sedentem Chalcedonio expres-  
sum cum eius nomine sibi comparavit D. Scioe Vien-  
nenfis Canonicus. Nuper Ithyphallicum triumphum  
undecim cum figuris egregio opere perfecit, rogante  
D. Comite Hohman, iuxta exemplum autographum  
Musei Gaddii, delineatum pictumque peritissima manu  
Francisci Salviati Pictoris XVI. saeculo celeberrimi,  
sed obsceno schemate. Ex his tanquam ex ungue leo  
dignosci potest.

JOSEPH CAIETANI F. TORRICELLIUS  
Florentinus, Saec. XVIII,

Si JOSEPH TORRICELLIUS inter claros huius temporis  
Gemmarios Artifices recensendus solis laudibus, & me-  
ritis nitesceret avi sui, & patris, qui, ut superius ad-  
notavimus, excellentes Lithographi fuere, multum sa-  
ne laudis & gloriae sibi tribuere posset; verum & suis  
peculiaribus animi dotibus, modestia, honestate, & cae-  
landi peritia valde gloriari potest, quibus apud Flo-  
rentinos & exterios summos Viros egregiam benevolen-  
tiam atque existimationem consecutus est. Florentiae  
in Collegio Scholarum Piarum humanioribus litteris,  
& Philosophicis disciplinis institutus est; sed iisdem  
relictis, decimo nono aetatis suae anno Gemmis inci-  
dendis se totum dedit, magisterio patris sui Caietani  
probe edoctus. Prima eius opera fuere Arma, & Stem-  
mata Gentilitia, quae valde probata sunt. Adsiduo stu-  
dio, & antiquorum operum accurata meditatione bre-  
vi tempore ita excelluit, ut non pauci eius operum  
cupi-

cupiditate flagraverint. Anaglypticam sculpturam prae-  
cipue dilexit, eique se addixit. Fauni caput ex anti-  
quo exemplari Achati exscalpsit multa cum elegantia,  
quod Ill. Marchio Caietanus Maccheranius sibi compa-  
ravit. Discendi multoque magis proficiendi desiderio  
exardescens, frequenter adire coepit Eruditissimum L. B.  
De Stosch, a quo multa quae tum cavenda, tum se-  
quenda sunt in Glyptographice percepit, ostensisque  
praestantioribus Scalptorum antiquorum operibus, op-  
timis praeceptis & regulis locupletatus est; pro quo  
Bacchae ridentis protomam Onychi pulcherrimo inscal-  
psit. Apollinis caput anaglyphum pro Equite Britanni-  
co Olyns egregie exscalpsit; atque etiam Agrippae ca-  
put ex Onyche miro artificio ac diligentia ad antiquo-  
rum exemplarium similitudinem. Exstat in Florentino  
Thesauro ex marmore Hermaeum signum Solonis. Le-  
gislatoris cum Graeca epigraphe, cuius imaginem To-  
patio scitissime inscalpsit, rogante ac proponente D.  
Henry. Antinoi quoque caput ex legitimo antiquo nu-  
mismate maximi moduli egregie in Sarda pro eodem  
expressit; alterumque anaglyptico opere sculpsit ex Chal-  
cedonio ad similitudinem marmoreae protomae, quae  
spectatur in eodem regio Florentino Thesauro. Epicu-  
ri caput Sardae inscalpsit, diligenter imitato antiquo  
prototypo marmoreo Romae invento, & in Museo Ca-  
pitolino reposito; cuius ectypum gypseum in Stoschia-  
no Museo observavit. Herculem cum Cupidine eius hu-  
meris innitente Achati crystallineae; Sabinam Augustam  
Chrysolitho, Hippocratem Sardae, rogante Barone Ren-  
dorphio, Faustinam Iuniorem Sardae pro D. Henry fa-  
berrime inscalpsit; quae opera multo studio atque opi-  
ficio elaborata, mihi perhumaniter ostendere consuevit;

sem-

semperque eum hortatus sum verbis amantissimis , ut maiorum suorum gloriam non solum aemularetur , verum etiam patientissimo studio & diligentia superaret , & Graecis antiquis Scalptoribus proxime adcedere adsiduo labore , & accuratis observationibus curaret ; quod ut praestet remis velisque fatagit , & multam adhuc iuvenis nominis celebritatem confecutus est.

**STEPHANUS PASSAGLIA**, Saec. XVIII.

Huic egregio Gemmarum Scalptori nisi adversa fortuna , quae diu eum conturbavit , atque agitavit , obstatisset , multa enumerare possemus eius opera , quae in Florentinis Officinis edidit ; nam non pauca vidi , & si voluisset , maiora etiam praestare potuisset , quum ingenio & sagacitate multa polleret.

**FRANCISCUS BORGHIGIANIUS** Florentinus,  
Saec. XVIII.

Ad artis gloriam strenue nunc nititur **FRANCISCUS BORGHIGIANIUS** , qui multa egregia opera Gemmis inscalpta edidit digna ingenio suo , & praceptor suo in Graphices arte Ignatio Hugford ; quae enumerarem si me adire aliquando voluisset .

**LAURENTIUS MARIA DEWEBER** Florentinus,  
Saec. XVIII.

Etrusco caelo , praesertim Florentino , eam laudem multi non sine ratione tribuunt , ut homines cum optimis disciplinis , tum eximiis artibus dediti , praestantes supra ceteros quam felicissime evadant . Quamvis multos in exemplum proferre possim , hac laude profecto ornatissimi censentur duo fratres **LAURENTIUS MA-**

RIA & ANTONIUS PHILIPPUS DEWEBER, quorum pater fuit  
Ioannes Zenobius, Viti filius natione Alemanni, qui  
Florentiam advenit e Suevia, & militaribus artibus in-  
structus, in Cohortem Cataphractorum Equitum adsci-  
tus est a Ferdinando II. Magno Duce Etruriae, & gra-  
dum Stratoris obtinuit, qui, eo vita functo, ad filios  
regio munere pervenit. Ioannes Zenobius Deweber quum  
Florentiae domicilium suum posuisset, connubio sibi iun-  
xit Mariam Angelam Laurentii Biscionii iam mortui fi-  
liam, germanam sororem Clarissimi Viri Antonii Ma-  
riae Biscionii S. Th. D. nunc Canonici, & Regii Biblio-  
thecarii Mediceae Laurentianae, quac Familia Bisco-  
nia civicis honoribus præfulget. Ex his laudati fratres  
orti sunt qui iisdem artibus operam dedere. LAUREN-  
TIUS MARIA, de quo nunc scribimus, Florentiae na-  
tus est Prid. Eidus Decembr. ann. CIC. ID. C. XCVIL  
natu maior. Utrique optimae indolis, moribus pares,  
quum frequenter patrum suum Antonium Mariam Bi-  
scionium in Claustris Basilicae Laurentianae inviserent,  
ac saepe numero cum in tabulis pingendis relaxandi  
animi gratia sedulo vacantem invenirent, magno Gra-  
phices desiderio incensi, eidem sedulo incumbere, eo du-  
ce, cooperunt, primaque rudimenta ab eo acceperunt,  
& brevi tempore ita profecere, ut ad naturae imita-  
tionem, quidquid vellent, per accurate delinearent. An-  
no CIC. ID. CC. XV. Laurentius quum Mediceas Offi-  
cinas frequentaret, sub Iacobo Marianio Florentino, in  
iisdem Officinis Magistro egregio, Geometriam practi-  
cam didicit, itemque ab eo Prospectivæ, Architectu-  
rae, & Ichnographiae præceptis institutus est. Mathe-  
maticas disciplinas una cum fratre accepit a Cl. Ioan-  
ne Bottario Florentino, nunc Sanctissimi Pontif. Max.

BENE-

BENEDICTI XIV. Capellano, & Vaticanae Bibliothecæ Praefecto, doctrinae fama celeberrimo. Graphices artes ab Ioanne Baptista Fogginio cumulatissime didicērunt; & anno CIC. ID. CC. XX. sub eximio Praeceptor. Maximiliano Soldanio Monetarum publicarum Cusore, atque aerario Sculptore Florentino, omnibus ingenii nervis hisce studiis vacantes operam adeo praestantes evaserunt, ut optime delinearent, effingerent, omnesque regulas Graphices, & Chalcographiae, & rationes disponendarum figurarum, & Anatomiae mirum in modum callerent. Laurentius ex eo tempore in numismatis effingendis, cudendorumque formis inscalpendis totus incubuit; quapropter in hoc munere, petente Soldanio, optionis locum a Cosmo III. obtinuit anno CIC. ID. CC. XXII. Sequenti anno mirum illud opus anaglyphum e chalybe, tanquam maximi moduli numisma, protomam exscalpsit Annae Aloysiae Electricis Palatinæ ad Rhenum, quod etiam multis parergis & ornamentiis condecoravit, quod cum conspexisset Cosmus III. numquam se opus tantæ raritatis vidisse adstanti Aulico suo dixit. Hoc numisma, veluti Cameum, ut aiunt, maxime singulare idem Auctor apud se servat. Persimili aerumnosissimo studio & arte e chalybe exscalpsit Dionysiacam pompam, quam aurea coronide cum pampinis & uvis ornavit. Effinxit quoque e chalybe exstanti opere in magno numismate effigiem Violantis Beatricis Vindelicorum, Etruriæ Magnæ Principis, & in postica parte ex eodem metallo emblema perfecit, ut eidem Principi Senarum Gubernatrici obsequeretur, cum duobus Fluminibus Arno, & Arbia, duabusque leonibus regiam coronam sustinentibus, aliisque ornamentiis, & epigraphie GRATA VICE locupletatum.

E cha-

## HISTORIA

E chalybe etiam caput fecit integro opere ; quod dedit Ill. Nicolao Panciaticho. Caelandi scalpendique arte peritissimus non pauca simulacra parva ex aere & argento perfecit , inter quae laudatur Simulacrum argenteum cubitale S. Francisci de Paula , quod Florentiae in eius ara festis diebus exponitur , donarium ex voto Cl. Senatoris Ioseph Ginorii , cuius basim sacris emblematis eius praceptor Soldanus ornavit . Marmoreas protomas labefactatas affabre instauravit . Aereum Symplegma , & equestrem statuam , iubente Ioanne Gastone Magno Etruriae Duce , fecit , quam Carolo Borbonio Regio Hispaniarum Infanti dono dedit . Protomas multas tum ex aere , tum plastico opere effinxit exemplis longe simillimas . Lipsanothecam ex laminis argenteis miro opere , pulcherrimisque caelaturis & ornamentis perfecit ; itemque Horologium Solare , universo orbi aptissimum , iuxta exemplar , quod a Cl. Benedicto Brescianio Mathematico Florentino acceperat ; sed , eo monente , amplioris magnitudinis fecit . Inter complura numismata , quae absolvit , profecto elegantissima , ea numerantur , atque praecellunt perfecta in honorem Friderici Augusti Electoris Saxoniae , itemque Clementissimi nostri Magni Ducis Etruriae Francisci Caesaris Imperatoris Augusti , cuius aversa pars exhibet in eius adventu triumphalem arcum a Florentinis erectum , quod adhuc extat ; & Augustissimae eius Coniugis Theresiae alterum pereximum numisma ; ne quid dicam de ceteris , ac praecipue de duobus numismatis maximi moduli , in quibus effigiem patrui sui Clar. Antonii Mariae Biscionii , & diversa emblemata pulcherrima expressit . Monetarum aurearum & argenterum formas cudit , in quo munere adhuc excellit .

Sed

Sed ne quid ad eius laudes desit , hac ipsa tempestate ,  
 Gemmis scalpendis incidendisque dat operam ; in quo-  
 libet difficiili opere securus perpetuae laudis , atque e-  
 xistimationis , quum agat annum aetatis suae circiter  
 quinquagesimum sextum . Eius frater Antonius Philip-  
 pus , eius curae & tutelae relictis non paucis filiis , re-  
 pentino morbo raptus est , elapso superiore anno .

## C A P U T X I I I .

*De Romana Glyptographica Schola , qui in ea , restitutis  
 Artibus , floruerint Gemmarii Scalptores indicantur .*

**S**criotorum incuria , nescio quo fato , nobis haud no-  
 ta sunt in Romana Schola Glyptographicae Artis  
 initia . Fateor in Vitis Romanorum Pontificum , qui  
 saeculum decimum quartum praecessere , frequenter re-  
 censeri , ac memorari Gemmas , quibus ornabantur Sa-  
 cra Altaria , Cruces , Sanctorum Imagines , vela , & sa-  
 crae vestes , quae in solemnioribus festis , & pompis ad-  
 hibebantur ; verum eas puras fuisse liquet ; vel si his  
 aliquae sculpturis ornatae intermixtae sunt , antiquo  
 quidem aevo eas caelatas fuisse constat , quod iam o-  
 stensum est in Vol. III. mearum Symbolarum , in quo de  
 Cruce gemmata , mitrisque Pontificum pretiosis pertra-  
 Etatum est . Sunt nonnulli , qui censem Gemmariorum  
 opificia Romae florere coepisse sedente MARTINO V.  
 Pontifice Maximo ; sed , ut ante monuimus , hi nec Au-  
 etorum synchronorum adferunt testimonia ; neque cer-  
 tis argumentis , aut saltem idoneis coniecturis , utun-  
 tur . Constat eumdem Pontificem Florentia Romam ad-

Eee civisse



civisse Victorem Pisanum Veronensem, in cudendis tum suis, tum aliorum Principum numismatis ea aetate praestantem. Magnum de Romanis Lithographis silentium in Historia eorum temporum occurrit in Summis Ecclesiae Hierarchis qui eidem successerunt, atque etiam in Vita NICOLAI V. qui litterarum studia in pristinam dignitatem, decus, & cultum, adsidua cura & maximis sumtibus, restituit; qui etiam, VASARIO teste, egregios Artifices ad ornandam aeternam Urbem, & sacras aedes adcivit, atque humanissime complexus est. Tanti nominis gloria divino consilio servata est PAULO II. Veneto, Pontifici Maximo ac magnificissimo, quo favente Ars Glyptographica caput extulit, & quodammodo revixit; nam, ut antea monuimus, servatur in Florentino Cimeliario Sarda, gemma insignis magnitudinis, quae eius imaginem praefert, cuin Regno, & Pontificalibus indumentis operosissimam, quae ab egregio Opifice Gemmario nobis adhuc ignoto insculpta est anno CIC. CCCC. LXXV. quo sacrum Jubileum indixit. Florentina Schola Glyptographica a Magnifico Laurentio Medice fundata circa annum CIC. CC. LXVI. iam nonum originis ac nativitatis suae annum tunc numerabat. Nolo, ne Florentinis ingeniis nimis addictus videar, suspicari, aliquem e Schola Laurentiana forsitan hanc Gemmam cum imagine PAULI II. caelasse; suspicio tamen haud absurdum, & incredibilis est; quum eadem Gemma, cum aliis plurimis pretiosis lapillis, iterum ad Laurentium pervenerit, quam ipse suis sumtibus sibi comparavit. Memoratur in Vita (1) eiusdem PAULI II. accuratissime edita atque

---

(1) Huius Operis hic titulus: *Pauli II. Veneti Pont. Max. Vita ex Codice Angelicae Bibliothecae*

que etiam perraris observationibus , & Vindiciis contra Platinam exornata a Sapientissimo S. R. E. Cardinali Bibliothecario Angelo Maria Quirinio , Brixiensis Ecclesiae Pontifice vigilantissimo , Litteratorum Parente doctissimo , Paulum Iordanum eius Artificem fuisse , qui gemmas auro coronabat ; sed de eius peritia in pretiosis lapillis scalpendis non constat . Auguror regnante IULIO II. P. M. Glyptographicen Romae florere maioribus viribus coepisse ; praesertim cum ad eam adcessisset , mortuo Laurentio Medice , Petrus Maria Piscensis , qui , eo auspice , in Gemmis caelandis in Florentina Schola mirifice excelluit ; qui facile abeundi occasionem tunc adripuit , quum ea tempestate , nempe anno CID. ID. V. Florentia fame maxima laboraret ; audivissetque ab eodem providentissimo Principe Romanam seditionibus fameque liberatam fuisse . Hic eximus Artifex Gemmarius , qui neminem sibi parem tunc habebat in imitandis antiquis Graecorum operibus , Romanae Scholae Glyptographicae vires , dignitatem , ac nobilitatem dedit , & facile etiam regnante LEONE X. ampliora ac firmiora iecit fundamenta , sibique similes alumnos educavit . Audiendus VASARIUS , qui haec pauca de tanto viro memorat : „ Accrebbe poi in maggiore eccellenza quest' Arte nel Pontificato di Papa Leone Decimo , per la virtù e opere di Piermaria da Pescia , che fu grandissimo imitatore delle cose antiche : & gli fu concorrente Michelino , che valse non meno di lui nelle cose piccole & grandi , & fu tenuto un grazioso Maestro : Costoro apersono la via a quest'

---

*bibliotecae desumpta , praemissis ipsius Sanctissimi Pontificis Vindiciis adversus Platinam , aliquosque obrectatores . Romae MDCCXL. quod Opus miro ardore & celeritate Pontificiorum Comitiorum tempore perfecit & edidit .*

„ a quest' Arte tanto difficile ; poichè intagliando in ca-  
 „ vo, ch' è proprio un lavorare al buio, dacchè non  
 „ serve ad altro, che la cera per occhiali a vedere di  
 „ mano in mano quel che si fa ; ridussonla finalmen-  
 „ te (a tal segno) che Giovanni da Castel Bolognese,  
 „ & Valerio Vicentino, & Matteo dal Massaro, & al-  
 „ tri faceffino tante bell' opere, che noi faremo memo-  
 „ ria “. H abes hic cunabula, conatus, progressus, &  
 „ absolutiora huius mirandaे Artis Glyptographicae in-  
 „ crementa, quae divinis tot Opificum ingenii aequa lan-  
 „ ce tribuenda sunt.

P E T R U S M A R I A Pisciensis, & M I C H E L I N U S  
 Romanæ Scholæ Glyptographicae primi præ-  
 stantiores Auëtores, Saec. XV. & XVI.

Utinam VASARIUS patriam MICHELINI nobis indicasset, ut summis laudibus eam celebraremus, quae eximium Gemmarum Scalptorem protulit, qui tam fulgenti face aliis praeluxit, ut valde proficerent, atque aeterno nomine in opificiis sculpendorum lapillorum commendarentur ! Is longe, ni fallor, alias ab altero Opifice Gemmario, adsimilis nominis, nempe MICHELETTO, quem laudat, ut mox dicam, BENVENUTUS CELINIUS, qui senex Romam advenit facile, ut arbitror, regnante CLEMENTE VII. P. M. De PETRO MARIA Pisciensi iam nonnulla adnotavimus, agentes de Schola Glyptographica Florentina. Heic solum nomen, cumque in condenda Romana Schola inter principes Scalptores numerandum, memorasse sufficiat.

M A R -

MARMITA Pater, & ALOYSIUS MARMITA F.  
Parmenses, Saec. XVI.

MARMITAE Patris nomen silentio praeterit VASARIUS, qui eum multa laude celebrat, atque inter egregios Glyptographicae Artis instauratores recenset. Floruit in principio Saeculi XVI. Glyptographicen docuit filium suum ALOYSIUM, qui eum longe superavit. Romae, ubi diuturnam moram fecit, ad egregia opera in lucem proferenda excitatus est liberalitate & honorificentissimo hospitio Amplissimi Cardinalis Salviati. Eius iussu ad ornandam pulcherrimam arculam, sive thecam argenteam, mira arte inscalpsit quatuor crystallinos orbes, quos elegantissimis historiis locupletavit; quae theca postmodum Illustrissimae Dominae Heleonorae de Toledo Cosmi Ducis Florentinorum Coniugi dono data est. In exprimendis antiquis operibus, praesertim in rarissimis numis antiquis repetendis cudendisque, novo suo mirabili opificio excelluit maxime, ingentemque pecuniam sibi comparavit. Eodem studio, exquisitaque arte usus est in Gemmis anaglyptico opere caelandis; idque unum artis callentissimus, ac patientiae & solertiae studiosissimus potissimum praestare fatagebat, ut antiquorum imagines, quas scalpebat, prisca prototypa peraccurate referrent, & sui opificii dignitas, decus, animi vigor, studium, ac diligentia eminerent. Inter haec laudat VASARIUS Socratis imaginem ab eo praestantissime exscalptam in lapillo existanti opere. His adde persimili opificio expressam imaginem Achati Orientali Commodi Antonini, Herculis specie, teeto capite Nemaei leonis pelle, quam nuper inlustravimus in Dactyliotheca Zanettiana Tab. XXV. In alio lapide adsimili

Fff

mili

mili in eodem opere adlato Tab. LXXV. integro extanti opere exscalpsit imaginem illustris ea aetate feminae, sive matronae, cuius capiti Gratias omnes Venesque circumfudit ; quae exempla, licet pauca, sufficiunt, ut eum inter famosos sui temporis Gemmarios Artifices praestantissimum, omnique laude dignum prae dicemus.

**IOANNES MARIA Mantuanus, IACOBUS TAGLIACARNE Ianuensis, LEONARDUS Mediolanensis, Saec. XVI.**

Quum ingenuae Artes Fautorum munificentia, & cura maxime vigeant, atque efflorescant ; nil mirum si LEONE X. potissimum regnante eximia praestantium virorum ingenia eius praesidiis & favore ita excitata sunt, ut omnem laudem tum in litteris, tum in artibus sint consecuta, quae eas ad pristinum decus, dignitatem, & gloriam pro viribus inter se de tanto honore certantes revocarunt ac restituerunt. Praeter memoratos Gemmarum egregios Scalptores, qui Glyptographicen in Romana Schola docuerunt, celebrati sunt hi tres Lithographi IOANNES MARIA Mantuanus, IACOBVS, aliter TAGLIACARNE, & LEONARDUS Mediolanensis, qui synchroni fuere ; quorum nomina ignoraremus, si Camillus Leonardus in suo *Speculo Lapidum* (1) non memorasset, & suo aevo multa laude in gemmarum sculptura celebratos nobis non indicasset, ut adnotat Auctor Dissertationis Glyptographicae in priscis monumentis scrutandis inluststrandisque accuratissimus. (2) Hos igitur Gemmarios Opifices simul laudare voluimus, quos

---

(1) Lib. III. cap. II. pag. 168. edit. Parisiensis. (2) Cap. XXV. pag. 81.

quos aetas, & studia mutuo foedere coniunxerunt. Laudat VASARIUS sculpturis celebrem LEONARDUM Mediolanensem, (1) quem alii videant si idem sit ac Gemmarius iste Artifex superius memoratus, quod haud improbatum crediderim.

**SEVERUS**, sive, ut alii volunt, **SILVESTER**  
Ravennas, Saec. XVI.

Inter Artifices clari nominis, & multae famae, qui Ravennatum gloriam auxerunt, memorandus est SEVERUS, quem alii, ut arbitror melius, SILVESTRUM Ravennatem nominant, (2) qui Saeculo XVI. floruit. Pulcherrimum elogium consecutus est a POMPONIO GAURICO, eiusque amicis summis viris, qui ita eum extollit. (3) „Severum Ravennatem ideo ad extremum di-  
„stuli, ut plenius laudarem; qui [miror] ad me ho-  
„die cur non venerit. Is quidem mihi videtur Statua-  
„riae numeros omneis adimplere, Sculptor, Scalptor,  
„Caelator, Desector, Plastes Pictorque egregius. Nam  
„si me heic nunc rogaretis, qualem Sculptorem velim,  
„talem nempe ipsum velim, qualem, modo litterae  
„adessent, Severum esse novimus“. Post huiusmodi  
elogium haec subdit Cl. VICTORIUS (4) „Quare Gem-  
„marium etiam Caelatorem fuisse suspicari licet; nec  
„immerito aliis eiusdem artificii peritis adnumerari de-  
„bere“. Ni meus me fallit animus, quum POMPONIUS  
GAURICUS eidem coaevis eum non solum Sculptorem, sed  
& Scalptorem appetat; ad Gemmarum opificium id re-  
feren-

(1) Vide Vol. II. Partis III. (2) Vide Petrum Mariettum in suo Tractatu.

(3) De Sculptura Cap. XVI. pag. mihi 118. edit. Antwerp. ann. 1617.

(4) In Cap. XXV. Dissert. Glyptograph. pag. 85. at in Indice Rerum pag. 126. mox inter  
in certos Gemmarum Scalptores cum Flaminio Natalio, nescio quo pacto, recenset.

ferendum, neque hanç ei laudem denegandam credidērim.

**CARADOSSUS** Mediolanensis, & **DONNINUS** Pamensis eius discipulus, Saec. XVI.

Exploratum est **BENVENUTI** **CELLINI** testimonio, **CARADOSSUM** Mediolanensem Romae, regnante praesertim **CLEMENTE VII.** P. M. in imaginibus auro & aere in numismatis immenso opere exhibendis, in gemmis compingendis, & in picturis encausticis, omnes tum aetatis suae Opifices, tum etiam veteres superasse; nam primum, confectis e cera prototypis exemplaribus, tam accurato diuturnoque studio omnia ad exquisitissimam elegantiam perficiebat, ut pauci eius cunctationem & moram ferrent; inter quos Hispanus ille nobilis vir memoratur, qui morae impatiens, ut in numismate expressum suum vultum ab eo obtineret, ira percitus ei dixit; *Sennor Caraduoso, porque non me acabais mi medallia?* Qua appellatione cum ipse valde gloriaretur, obscurato eius nomine & cognomine, quae adhuc ignota sunt, ex tunc **CARADOSSUS** ab omnibus dictus est. **MARIETTUS** eius cognomentum gentilitium memoravit *il Foppa*. **BENVENUTUS** **CELLINI** in laudandis sibi coetaneis Artificibus, qui praecipue in Auraria arte eminebant, parcus est; sed in laudando **CARADOSO**, quem Romae praceptorum habuit, effusus maxime, & iure quidem ac merito est. **POMPONIUS GAURICUS** Neapolitanus post antiquos Gemmarum Scalptores omnium longe praestantissimos, Pyrgotelem, Apollonidem, Cronium, Dioscoridem, & M. Canuleium Zosimum Libertinae conditionis, qui Clodiana caelatura Romae omnes evicit, & **CARADOSSUM** Mediolanensem mox laudat inter

inter recentiores, qui suā aetate virebant magni nomi-  
nis Artifices; sed in editis exemplaribus typothetarum  
incuria pro *Caradossus*, scriptum est *Pharadossus*. Floruit  
Romæ sub Iulio præsertim II. Pontifice Maximo, quem  
inter Gemmarum scalptores recenset clarus Autor *Dis-  
sertationis Glyptographicae* (1), & Ticinensem scribit, quum  
ex *CELLINIO* tum in ejus Vita, tum in Tractatu de  
Arte Auraria constet Mediolanensem fuisse (2). Iisdem  
auctoritatibus fultus & PETRUS MARIETTUS eum inter  
praestantissimos Gemmarios Opifices recensuit, & vero-  
simile est & in *Glyptographica* excelluisse.

Tanto praceptorē dignus habitus est DONNINUS Par-  
mensis, quem laudat idem *CELLINIUS* (3).

Post Caradossalum, Franciscūm Furnium Bononiensem  
laudat idem POMPONIUS GAURICUS Auriforcem, & hunc  
propter egregia opera insignem.

MICHAEL cognomento MICHELETTUS,  
patria forsitan Florentinus, Saec. XVI.

Inter primos egregios Gemmarios Opifices a VICTO-  
RIO recensetur MICHAEL, quem vulgo dictum fuisse *Mi-  
chelino* adfirmat (4). Hic facile (etsi haec nec ab eo  
nec a MARIETTO adnotantur) ille esse potest, qui lau-  
datur a BENVENUTO CELLINIO in Vita, quam ipse de  
se scripsit (5). Senem eum multi nominis eximium la-  
pillorum Scalptorem, & Auriforcem praestantissimum  
Romam adcessisse *CELLINIUS* memorat, dum Florentia

Ggg Cae-

(1) Vide in fine pag. 126. laudatque superius Cap. XXV. pag. 85.

(2) Trattato dell'Orificeria Cap. V. pag. 39. & in Vita quam de se ipse scripsit pag. 30.

(3) In Vita sua quam ipse scripsit pag. 73.

(4) Dissert. Glyptogr. Cap. XXV. pag. 80.

(5) Edita est Neapoli in 4. sed in fronte, quasi prodierit *Colonias typis Perri Martelli*,  
scriptum est. De Micheletto plura videsis apud eum pag. 60.

Caesaris armis & militibus cincta obsidebatur ; hisque laudibus eum ornat : Era venuto a Roma un certo Micheletto , molto valantuomo per intagliar Cornuole , ancora era intelligentissimo Gioelliere ec. Patriam ejus nec CELLINIUS , nec VASARIUS indicant , qui de eo , si idem ipse est , honorifice meminit , eumque aemulum fuisse , ac de gloria & artis praestantia cum Petro Maria Pisciensi in gemmis scalpendis certasse adfirmat . Suspicor Florentinum fuisse , & facile dixerim discipulum Dominici Mediolanensis , qui adeo excelluit in lapillis exstanti opere scalpendis , ut cognomentum ab ipsis acceperit , & Domenico de' Cammei ab omnibus appellatus fuerit ; nam VASARIUS de MICHELETTO post Dominicum , paucis interiectis versibus , meminit his verbis : *Et gli fu concorrente ( di Pier Maria da Pescia ) Michelino , che valse non meno di lui nelle cose piccole & grandi , & fu tenuto un grazioso Maestro . MICHELETTUS cum praelaudato Dominico Mediolanensi , & Petro Maria Pisciensi , VASARIO teste , triumviratum illud constituit , qui sub Leone X. P. M. Glyptographicem ad maiorem praestantiam suis egregiis laboribus evexerunt .*

### PHILIPPUS SANCTACRUCIUS Urbinas , Saec. XVI.

Laudat hunc Opificem operum suorum varietate , & materiarum diversitate mirabilem Cl. VICTORIUS (1) . Diminuto vocabulo nuncupatus est *Pippo* , quod ceteris suae gentis cognomentum fuit . Sculpsit Ebur , Coralium , Gemmas , & primus , ni fallor , omnium cerasorum

---

(1) Dissert. Glyptogr. Cap. XXV. pag. 82. ex Raphaele Soprano &c. *Le Vite de' Pittori & Scultori &c.* pag. 303. & 304. De cognomine Pippi vide ibidem pag. 196. in Vita Matthaei & Fratrum Sanctacruciorum.

rum nucleos, in quibus, licet minimis, varias Historias, tum sacras, tum profanas eleganter expressit. Natura eum ad sculpendum efformaverat, ars ad praestantiam evexit; naētus optimum Maecenatem Comitem Philippinum Dorianam, qui in arvis Ducatus Urbini pastorem lignis dolandis insculpendisque incumbentem deprehenderat: qui eius ingenii dotibus captus, Romanum secum duxit, exactoque sub optimis praceptoribus absolutioris Graphices tirocinio, auspiciis suae liberalitatis Ianuam adcivit, ubi tanquam in benefico iucundoque suae virtutis portu mansit, genuitque filios complures, qui Sculptores & Statuarii evaserunt. Ex elogiis SOPRANI in Vitis Pictorum Ianuensium, apud quem haec fusi narrantur, discimus, in Gemmis scalpendis Philippum laudatissimum fuisse, multosque alumnos fecisse. Hanc artem scalperi toreumatico opere nucleos fructuum ab Asiaticis Artificibus ad Italos profluxisse arbitror; nam inter mea Cimelia exstant nautili figuris, casis, arboribus, aliisque phrygiis operibus affabre sculpti, quae figurae auro superfluae sunt, exstanti opere, adhibitis instrumentis ad caedendum aptis, & viriculo; area vero retinet argenteum splendorem; quare pulcherrima haec opera spectantium oculos magnopere oblectant. Exstant etiam nuclei nucum Indicarum, qui anaglyphis venustrissimis decorantur, iisdemque pro potoriis vasculis eos usos esse arbitror; in quibus animalia terrestria & volatilia, & variae historiae sculptae summa cum iucunditate cernuntur. His adde interiores conchas argenteas anaglyptice sculptas, quae quum sacras Historias, & vultus & imagines virorum & mulierum, praeferant; atque hos inter divinum Salvatoris nostri Praesepe, quod opus saeculo, ut mihi videtur, XV. confectum

fectum ( nam apud me exstat ) ab Asiaticis ad Italos  
has scalpendi artes propagatas , ut dicebam , suspicari  
possimus .

**ANTONIUS DORDONIUS** Buxetanus , Saec. XVI.

Quamvis Scriptores , qui de pulcherrimis Graphices  
artibus scripserunt , & ad hoc tempus in lucem editi  
sunt , non laudent **ANTONIUM DORDONIUM** Buxetanum ;  
tamen saeculo XVI. eum eximium fuisse Gemmarum  
Opificem , ac Romae , in qua aeterna Urbe nonnisi  
praecellentes homines in admiratione sunt , & lau-  
dantur , eminuisse , disertissimum illud profero testimo-  
nium , nempe emortualem epigraphem , quam Auctor  
*Dissertationis Glyptographicae* (1) , nec non **MARIETTUS**  
silentio praetermisserunt . Exstat in pavimento Aedis  
**Aracoelitanae** , in qua situs est .

**D. O. M.**

**ANTONIO DORDONIO NICOLAI FILIO**  
**E CIVITATE BUXETI VIRO PROBO**  
**AC IN INCIDENDIS ET SCULPENDIS**  
**IMAGINIBUS IN OMNI GEMMARUM**  
**LAPIDUMQUE PRETIOSORUM GENERE**  
**EXIMIO ATQUE PRIMARIO QUI CUM**  
**ANNUM AGERET ÆTATIS SUÆ LVI.**  
**AD SUPEROS REDIIT XVIII.**  
**KL MAII MDLXXXIII.**

*Hic sculpta sunt insignia Dordonii.*

SIL-

(1) Vide cap. XXV. pag. 84.

SILVIA POPPIA VSFRVCTVARIA  
VIRO SVO BENEMERENTI P.

*H: duae hominis tibiae decussatae, vittaque in medio religatae.*

In gemmis dignoscendis aestimandisque peritum fuisse Consalvum Pignuscam Cordubensem, testatur eius Epitaphium, quod excerptum ex Romano sepulcreto C. V. Aloysii Galletii Cassinensis Monachi, Florentinae Abbatiae Bibliothecarii, ab eo accepi; exstat in Ecclesia Montis Serrati.

*Consalus Pignusca natione Hispanus  
patria Cordubensis qui ΛΛΛ in quaslibet  
figuras pingendi gemmasque  
dignoscendi haud ultimus in Urbe  
Gratiis litavit. quem cum tribus parvulis  
Filiis quos suo tempore natura vitae  
dederat una prob dolor pestilentis morbo  
limes una mors nullo servato ordine  
nulla ratione omnes avarissime eripuit  
hic situs est ubi rei p. Confraternitatis huius  
Collega religiosissime consulebat  
Vixit annos LVI. menses VII. dies XXV.*

*Franciscus Martinius*

*Testamenti Exequor amico dulciss.  
dolens posuit die XV. Iulii MDXXVII.*

**FLAMINIUS NATALIS** Leidensis, Saec. XVI.

In Gentilitiis Insigniis faberrime scalpendis in gemmis,  
atque in novis artificiis inveniendis, multa cum laude Ro-  
mae versatum FLAMINUM NATALIUM docet sepulcralis

H h h titu-

titulus marmoreus, quem protulit Cl. VICTORIUS (1); cuius priores sex versus olim integri legebantur, reliqui vero deleti sunt atque extriti frequenti pedum itur reddituque; quum in solo seu pavimento positus esset Sacrae Aedis S. Petri Apostoli, ut aiunt, in Montorio.

D. O. M.

FLAMINIO NATALI  
IN SIGNI INSIGNIORUM EFFECTORI  
NOVORUMQUE ARTIFICIORUM  
FOECUNDISSIMO ATQUE  
EXCELLENTISSIMO INVENTORI &c.

Suppleti versus memorant eum obiisse die V. Octobris anno CIC. ID. XCVI. aetatis suae LV. Leidensem natione, & consanguineum fuisse Michaelis Natalis, celebris Chalcographi, cuius pater, FLAMINII coetaneus, Monetarum cusor fuit Principis Leidensis, Coloniae Electoris, suspicatur PETRUS MARIETTE, ad quem Lectorem mitto.

Per complures annos desiderantur sincera monumenta, quibus probemus Glyptographicas Artes Romae nunquam cessasse. Verum haec etsi nobis defunt, de perenni tamen earum gloria dubitare vix possumus. Nam complures Sacras Gemmas habemus; exstatque eximia illa in Thesauro Christianissimi Galliarum Regis, quae imaginem exhibet SIXTI V. Pont. Max. Amethysto inscalptam, quae peritissimam Gemmarii Artificis manum, qui ea tempestate florebat, perspicue redolet. Beatores fuere Pictores, Statuarii, & Architecti, qui innumeros laudatores obtinuerunt, qui eorum vitam

---

(1) Dissert. Glyptogr. Cap. XXV. pag. 85. & 86.

vitam & nomina Historiis scriptis in lucem mandarunt ; inter quos eminet Eques GEORGIVS VASARIUS , qui mira industria , summo labore eorum opera investigavit , vedit , descripsit ; quod si quis post nostros labores id ipsum praestabit in investigandis , proferendisque aliis inlustribus Gemmarum Scalptoribus , rem faciet optimam , omni laude & plausu dignissimam . Pro modulo meo id ipsum & ego adgressus sum , & multos claros Lithographos , qui in tenebris delitescebant , erui , & ab oblivione vindicavi .

### ADONIUS ROMANUS. Saec. XVII.

Memoratur a VICTORIO (1) ADONIUS , qui circa finem Saeculi XVII. Romae innotescerat ; cuius institutum peculiare fuit , manus invicem iunctas in Cameis exprimere , quod huiusmodi opellae non raro venumdarentur , emerenturque ab iis , qui matrimonio iungebantur , in fidei symbolum ; quod & apud Antiquos in more fuit . Complures namque exstant Gemmae antiquae amasiorum , quae invicem donabantur , vel litteris insculptae , qualis illa a me edita , TV MEA VENVS ; tum figuris ad amorem in puellis excitandum inscalptae ; quarum ingentem copiam olim aeneis Tabulis incidendam curavit vir mihi amicissimus , de Antiquitate optime meritus , FRANCISCUS FICORONIUS ; quae tamen nondum in lucem prolatae sunt .

### N. F A R E I T Anglus, Saec. XVII.

Floruit FAREIT Anglus Romae saeculo decimo septimo , sedente Urbano VIII. Pontifice Maximo , ac praefet-

(1) Dissert. Glyptographicae Cap. XXV. pag. 89. & 90.

sertim animalibus scalpendis in gemmis eteros antecelluit. Ignotum ad hoc tempus fuit eius nomen, quod quidem omnes, qui de recentioribus Liographis scripsere, siluerunt. Mihi innotuit, dum Iac ec scriberem, ex epistolis doctissimi Principis Friderici Caesii, quas misit ad summum atque immortalem philosophum, Mathematicum, & Astronomum Galileum Galileum (1), non Florentiae solum, sed Italiae atque Europae praeclarum lumen & ornaementum. Quis enim Caesius Academiae Linceorum Conditor & Initator munificissimus, singulis Academicis anulum aureum donaret, tanquam tesseram benevolentiae suae, perpetuumque ad arcana scientiarum omnium detegenda & amplificanda monumentum, insertos lapillos smaragdineos incidentos curabat ab hoc Opifice, plane inter egregios non censendo, qui Academiae insigne, nimurum Lyncem, perspicacissimum animal, gradientem inscalpsit, adiecto tum suo, utpote Maecenatis, tum Academici illius nomine, cui anulus aureus circumquaque encaustico opere pictus donabatur. (2) Singuli igitur Academici, qui complures fuere, iidemque ingenio, doctrinae insignes, & fama nominis toto orbe clari, anulis hisce inter se simillimis, tanti Principis Literarum & Litteratorum Fautoris liberalissimi munificencia decorabantur. Vidi paucis abhinc annis aureum anulum ab eodem magnanimo Principe Caesio dono datum Galileio nostro, quem Socii Columbarii Florentini descripserunt, & e gemma caelata ectypa exceperunt;

item-

(1) Epistolae Principis Caesii & Galileii, multaque eius scripta, nondum edita, existant Florentiae apud Nob. Virum Ioannem Baptizam Nelli, qui publica luce ut do-  
nentur, curabit, vel ipse in lucem proferet.

(2) Principis Caesii Epistolae, in quibus memoratur Fareit Anglus, Gemmarum Scalptor, Romae scriptae ab eo sunt Galileio nostro anno MDCXII,

itemque alterum antea ostensum descripsérunt. Is fuit Theophilus Molitor Lynceus, Ernesti filius, Herdifaldensis, anno CIC. IC. C. XI. aetatis suae XXXV. adscriptus, uti legitur, in eorumdem Lynceorum Catalogo, edito a Dominico Vandellio, Serenissimi Ducis Mutinæ Mathematico, Antiquario, & Geographo praestantissimo.

**FLAVIUS SIRLETUS**, eiusque Filii **FRANCISCUS**  
**& RAYMUNDUS** Romani, Saec. XVIII.

Romae diurno tempore intermissum Glyptographicae scientiae opificium revocavit, ac feliciter restituit **FLAVIUS SIRLETUS**, Aurifex, Gemmarius, & Caelator insignis; cuius nomen famigeratissimum quoque est, quod inter agnatos suos praestantissimum Guillelmum Cardinalem Sirletum S. R. E. Bibliothecarium, quod accuratius expendendum est, connumeret. Occasionem, ut Gemmas inscalperet, ei suppeditavit **CLEMENS XI.** Pontifex Maximus, qui quum in pulcherrimo Smaragdo in digitis suis praeferendo, cuperet ut egregio studio Gentis suae Insignia Pontificiis ornamentiis condecorata inscalperentur, opus **FLAVIO SIRLETO** Aurifici eximio perhonorifice demandavit anno CIC. IC. CC. XV. Erat tunc Romae, antiquorum operum aestimator & cultor egregius, Philippus Baro Stoschius, quem de hoc opificio consuluit Sirletus; a quo didicit, sola cuspide adamantis, gemmam perficando, & scalpendo, oleo guttatum infuso, & smiridis pulvere infecta gemma, diligentia sua huiusmodi opus perfici posse. Id cum fecisset, anulum Pontifici Summo obtulit, quod & probavit. Mox rotas sibi advehendas curavit; quibus omnibus artis adiumentis instrumentisque instructus, ad-

J i i                      mi-

miranda sui praestantis ingenii monumenta , opificio antiquis Graecis Scalptoribus proximo , perfecit . Insigniora non pauca enumerat eruditissimus VICTORIUS ; inter quae principem obtinet locum Laoçon , cum filiis serpentium horrifico nexu vexatus & imperfectus perspicue paene cum dolore & fletu , in gemina Amethystina , quam *Milord Duca di Beauford* secum in Angliam deportavit ; indicato in ea duabus litteris Graecis Φ. Σ. nomine & cognomine suo . (1) Praestantissima Deorum & Caesarum simulacra , signa , protomas , eximio opificio in gemmis non paucis expressit ; nempe Herculem Farnesianum , Apollinem Aedium Vaticanarum illustre ornamentum , vulgo *di Belvedere* ; Mercurium arieti insitentem in Aedibus Iustinianaeis spectatissimum ; & signum laudatissimum Antonini , cognomento Caracallae , caput ridentis Fauni oblique expressum , hederacea corona redimitum , ac pelle caprina circa collum affabre disposita , siglis hisce adpositis Τ.Φ.Σ. scilicet τοΥ ΦΛΑΒΙΟΥ ΣΤΡΑΕΤΟΥ . quae anularis carneola servatur in Museo Victorio . Rogante Augustino Mafuccio , celebri in Urbe Pictore , Caroli Marattae Pictoris Clarissimi effigiem anulari gemma caelavit , quo munimento gloriae praceptoris sui se quoque honestaret . Tantarum laudum plenus SIRLETUS anno CIC. IO. CC. XXXVII. vita functus est XVIII. Kal. Septembbris .

Reliquit SIRLETUS & sui desiderium , & plures filios ex Anna Ciolia coniuge sua ; quorum duo idem scalpendi gemmas institutum sunt sequuti FRANCISCUS & RAYMUNDUS . Hic paulo post decessit matrimonio iunctus : alter cum laude se se eodem studio quotidie Romae exercet , patris famam adsequuturus .

ICAN-

---

(1) Huius insignis Gemmae ectypum sulphureum in meis Cimeliis exstat .

**IOANNES CONSTANTIUS**, eiusque Filii  
**CAROLUS & THOMAS** Romani.

Quod apud Veteres his qui in palaestris certabant contigisse scimus, ut multis quinquertii gloria compluriumque palmarum plausu famosis, alii maximis viribus & artibus exercitatissimi succederent, qui vel ipsis pares essent, vel interdum etiam eos superarent; id & in Glyptographicis conatibus evenisse non paucis exploratum est; nam artes artibus, & adsiduis studiis ita quotidie perficiuntur, ut hi qui hoc ipsum institutum pertinaci labore amplectuntur, ceteris facilius summum occupent gloriae fastigium, & nominis sui claritudinem obtineant sempiternam. Memorandi nunc sunt paribus meritis **CONSTANTII CAROLUS & THOMAS**. Horum pater **IOANNES** adhuc vivit; qui pluribus abhinc annis Neronis caput adamanti feliciter inscalpsit, artis praestantia clarus. Philippi L. Bar. De Stosch Viri Clarissimi Imaginem, dum ille Romae degeret, Sardae per eleganter inscalpsit (1). Omnium rarissimi sunt adamantes ab antiquis Scalptoribus exscisi; tamen adamantem parvum se vidisse Romae apud Clariss. Praesulem Leonem Strotium mihi narrabat Baro de Stosch, in quo sculpta diaglyphico opere Lupa Romulum & Remum lactans. Neroniana Gemma una cum aliis adamantibus & rubinis Orientalibus lapillis fere XXIV. quos **JOANNIS CONSTANTII** filii, praesertim **CAROLUS**, inciderant, e Vainianis Cimeliis in Mediceos migrarunt, quos **Ioannes Gasto Magnus Dux Etruriae** emit. Laedae imaginem, & Antinoi caput adamantibus incidit **CAROLUS** iussu **Ioannis V. Lusitaniae Regis**. (2) In caelatoria ar-

te

(1) Id memorat Cl. Baro de Stosch in Praefat. sui Operis Gemmarum cum Artificum nomine, pag. XVI. Hoc opus apud se habuit Ill. Prior Vainius.

(2) Vide Petrum Mariettum.

te ardua omnia is feliciter superavit , ut aequis laudibus cum priscis Graecis Scalptoribus de gloria contenderet . Testis est Medusa , Solonis opus admirandum , quod exstat in Museo Strozzi. Eius imaginem Chalcedonio inscalpsit accuratissima similitudine , stupente Eminentissimo Cardin. de Polignac , qui anno CIC. ID. CC. XXVIII. quo scalpendam curaverat , sibi comparavit . Imagines inlustrium Virorum mira oris similitudine in lapillis pretiosissimis expressit ; inter quas hae potissimum laudantur , Iacobi III. Regis Stuardi , Romae commorantis , Renati Cardinalis Imperialis , & Georgii Spinolae pariter Cardinalis , nec non Episcopi Praenestini , iam olim Tituli S. Agnetis , nuper defuncti , quae eius nomen preferunt . Equestrium Ordinum decora a BENEDICTO XIII. P. M. accepit ; meruitque ut iussu Conservatorum Populi Romani in Ordine nobilium Epheborum solemnem pompam Sapientissimi Pontificis Max. BENEDICTI XIV. Lateranensem Basilicam more maiorum adeuntis anno CIC. ID. CC. XL. comitaretur , compluribus honoribus ac munieribus ab eo mox decoratus .

Laudandum etiam eiusdem Caroli opus illud maxime praeclarum , cuius opificio valde ipse gloriatur , in quo elaborando biennium adsiduo studio & labore infumisit . Illud est Smaragdus magnitudine & colore insignis , in quo altera facie eiusdem regnantis summi Catholicae Ecclesiae Hierarchae BENEDICTI XIV. imaginem existanti opere elegantissimo sculpsit ; in altera vero capita Sanctorum Apostolorum Petri & Pauli . Huiusmodi eximium opus effinxit iussu Eminentissimi Cardinalis Lantis , quo ornata est bulla , seu fibula , ad constringendas ante pectus pluvialis Pontificii lacrimas

cinias in solemnioribus festis ; qua Beatiss. Pater quum semel usus esset , eam in Thesauro S. Petronii condendam Bononiam misit . Hi CONSTANTII fratres adhuc vivunt , & nostrae aetatis gloriam ac decus magnopere editis operibus augent .

### DOMINICUS LANDIUS, Lucensis.

Huius egregii Scalptoris , qui adhuc vivit Romae multis insculptis gemmis clarus, laudes , & praenobilia opera accuratius recensere non possum , quam iisdem verbis , quibus eius ingenium ornavit inlustris Auctor Dissertationis Glyptographicæ ( 1 ). Prae ceteris Gemmis , duas laudabiliores censet , ovatae formae , sed transversæ figuræ , anularem modulum excedentes , in quibus arte magistra quatuor capita oblique expressit . In una , Traiani caput cum Plotina uxore ; quorum e regione , Marciana Traiani soror , & Matidia Marcianae filia , bina ac bina , se mutuo respicientia . In altera sculptus cernitur Septimius Severus , & Iulia , quae *Pia* dicitur , *Felix* , & item *Domina* ; ac contra Septimius Geta , & Marcus Aurelius Antoninus *Caracalla* . Has Gemmas ad usum Domni Michaelis Angeli Corsii Abbatis Congregationis Olivetanae DOMINICUS caelavit . Praeterea ab eo memoratur Caesaris Augusti protome Chalcedonio moduli maioris insculpta , cuius caput laurea redimitum est , pectus vero armatum thorace squammeo , cum Gorgone in medio sita : opus iussu Roderici Marchionis de Fuentes Regis Portugalliae in Urbe Ora- toris elaboratum anno CIC. IC. CC. XVI. Neque in eo desiderata est peritia scalpendi imagines viventibus lon-

K K K

ge

( 1 ) Cap. XXVI. pag. 94. & 95.

ge simillimas ; nam circa annum CIC. IC. CC. XX. Smaragdo anularis formae insculpsit imaginem Nicolai Duodo, Comitis S. R. I. dum aeternam Urbem Venetae Reipublicae Orator incoleret.

Adfertur a Cl. P. I. MARIETTO in Vol. II. sui Operis Tab. 6. Sardae inscalptum praeclarum illud Mutii Scaevolae satis notum facinus ; in cuius exergo haec epigraphe scripta est : COSTACIOR. Huiusmodi opus, quod exstat in Regio Galliarum Cimeliarchio , proculdubio antiquum non est, sed propiora nobis redollet tempora ; & , ni fallor , epigraphe CONSTANTIOS eximios Gemmarios Scalptores indicat , qui illud fortasse effinxerunt .

### IOANNES POZZIUS Romanus, Saec. XVIII.

Multae sunt Naturae artes , quae aegre fert ut maxima ingenia sordescant , & lateant ; frequenter enim ea veluti e carcere quodam tenebricoso educit , ut studio optimarum artium , divino quodam lumine fruantur , & in orbe clarescant . Id feliciter contigit IOANNI Pozzio Romano , qui relicta cauponaria taberna in Graphice brevi temporis spatio tantum profecit sub optimo praceptor , inter Romanos Piëtores aetate sua valde celebri , Equite Petro Leone Ghezio , ut gemmis scalpendis , ut ferunt , primum operam dederit ; sed postmodum circa annum CIC. IC. CC. XVIII. quum rariora esse vidisset , sibique faciliora , eximia opera ebore sculpta , huic opificio se totum devovit addixitque , & summam gloriam consecutus est . Viros inlustres ex ebore primum accuratissime expressit ; quoram imagines dedit Principi Eminentissimo S. R. E. Cardinali Alejandro Albanio . Ebore exscalptas anaglypho opere tum Caesareum

rum (1), tum veterum Philosophorum imagines, ut cum praeclaro munere nominis aeternitatem consequeretur, omnium retro Principum florentissimo ac strenuissimo Eugenio, e Sabaudiae Principibus, obtulit ac dedicavit. Veterum Caelatorum praestantiam miro studio aemulatus est. Imaginem quoque eruditissimi Baronis Philippi de Stosch effinxit; a quo haec accepi.

**HIERONYMUS ROSIUS Liburnensis, & GODEFRI-DUS GRAAFTT Hanseaticus, Saec. XVIII.**

Romae hac ipsa aetate florent, Glyptographicis caelaturis sedulam operam navantes, HIERONYMUS Rosius Etruscus, e Portu Labronensi, ab omnibus il *Livornese* adpellatus; & Godefridus Graafft Hanseaticus, qui vulgo *il Tedesco* nuncupatur. Horum opera non vidi; quae de re nihil mihi dicendum superest,

**ANTONIUS PIHELER Tirolensis, Saec. XVIII.**

Nota mihi non sunt opera ab hoc Gemmario Scalptore edita; de quo pauca haec adnotat Auctor Dissertationis Glyptographicae: *Neapoli iisdem operibus gemmarum scalpendarum claret Antonius Piheler, annis quindecim circiter, aut viginti optime exercitatus* (2). De ejus ingenio & praceptoribus quum apud peritos nonnihil sciscitarer, narratum est, eum in Romana Schola didicisse,

(1) Ectypa Imaginum Caesarum, quibus antiqua numismata imitatus est, exstant in Cimelii Stoschianis.

(2) Cap. XXVI. pag. 96.

## C A P U T X I V.

*De Langobardica Schola Glyptographicā, qui ex ea prodicunt  
Gemmarii Scalptores expomuntur.*

Glyptographicae Artis, quae omnium animos admiratio  
ratione complerunt, prima prodigia merito tri-  
būnda sunt Opificibus Mediolanensibus, qui virilem  
ei faciem donarunt, & ad exquisitiorem elegantiam  
perduxerunt. Laudavimus Ioannem Antonium Rossium  
Mediolanensem, & Carrionios, qui regnantibus Cos-  
mo I. Francisco I. & Ferdinando, ac Cosmo Magnis  
Ducibus Etruriae, inter praestantissimos tum Gemma-  
rum, tum crystallorum, vasculorumque pretiosorum  
fictores, atque Sculptores prima subsellia occuparunt.  
His alias immortales viros Gemmarios adiungimus, qui  
non tantum Mediolano, verum etiam Bononiae artium  
omnium studiorumque matri fecundissimae praeclarum  
nomen tribuunt, atque editis suis operibus aeternitati  
commendant. His adde etiam Parmenses, quorum no-  
mina superius celebravimus. Illud dolendum supereft,  
nullum Artificem me legisse ex Langobardicis Scholis,  
qui saeculo XVII. & hoc XVIII. Glyptographicis ar-  
tibus operam dederit. Nolim in dedecus aetatis nostrae  
id verti vitio. Illud maxime cupiq, ut quemadmodum  
Pictores, Statuarii, & Architecti in his Langobardicis,  
ut aiunt, Urbibus adhuc florent, & sunt magni nomi-  
nis, omniq[ue] ingenii laude praestantissimi; ita etiam  
& Gemmarii Scalptores pro amplitudine & gloria tan-  
tarum Urbium nunc & futuris temporibus vigeant, ac  
magis magisque efflorescant.

D O.

DOMINICUS Mediolanensis, antonomastice  
DE' CAMMEI, Saec. XV.

Praeclaris Viris de litteris & artibus, ab ea aetate, qua in Italia renatae ac feliciter restitutae sunt, optime meritis, illud saepenumero adcidisse, nescio quo fato, cernimus, ut, praeter nomen, per pauca notatu digna ad nos pervenerint. Id, quod mirum, praesertim compluribus egregiis Opificibus, & in re nostra praecipuis Gemmariis Lithographis, & quidem frequentius contigisse dolemus; hinc est, quod in hoc saeculo variarum cognitionum, & elegantiarum omnium cupidissimo multi sunt, qui de paucitate monumentorum ad Historiam Thecnicam ornandam adparatumque augendum merito conqueruntur. Multae adferri possunt rationes de tam molesta rerum adnotatione dignarum iatura; sed hae, ut opinor, praecipuae sunt, quia ipsi Artifices in privato Enchiridio, sive Breviario, ea quae faciebant describere, vel ab aliis edita ad posteros transmittenda non curarunt; cui fato vincendo se egregie opposuit celeberrimus VASARIUS, qui monumenta omnia ad eos pertinentia summo labore & studio conges- sit, eorumque nomina & opera aeternitati scriptis suis consecravit; cuius exempla mox alii egregii Scriptores secuti sunt. Si plura notatu digna de DOMINICO Mediolanensi VASARIUS reperisset, profecto haud tam parcus atque iejunus de eo ita scripsisset: (1) *Fu suo concorrente (nempe Dominici Florentini, qui vulgo delle Corniole dictus est) Domenico de' Cammei Milanese, che allora vivendo il Duca Lodovico, il Moro, lo ritrasse in caro in un balascio, della grandezza più d'un giulio, che fu cosa.*

L 11

---

(1) In Parte III. Voluminis I. pag. 286.

*cosa rara, e de' migliori intagli, che si fusse isto de' Maestri moderni.* Igitur ex VASARIO discimus, eundem DOMINICUM labente Saeculo XV. floruisse; sed praeter descriptam Ludovici Mediolanensium Ducis imaginem, nulla alia opera describit; neque nobis nota sunt pretiosis lapillis ab eo excisa anaglyptica celatura ea opera eximia, quae, abrogato eius cognomine, illo antonomastico donarunt, quo *de' Cammei* vulgo propter praestantiam appellatus est. Quem etiam in hac tam laudabili quam ardua ac perdifficili arte ea precipue tempestate, praeceptorem habuerit, quosve discipulos in ea instituerit, adhuc nos latet.

IOANNES BERNARDIUS a Castro Bononiensi,  
Saec. XVI.

Erecta ad exquisitiorem elegantiam & pulchritudinem Arte Glyptographica egregiis conatibus & studiis praestantium Scalptorum Petri Mariae Pisciensis, & Michelini, eorum exemplis factum est, ut in crystallinis tabulis laminisque sculpidis sumnum gloriae & laudis fastigium adtingerent duo Scalptores praeceilentissimi IOANNES BERNARDIUS a Castro Bononiensi, & Valerius Bellius Vicentinus. De IOANNE nunc aliqua adnotabo, quae luculenter a VASARIO (1) memorantur; mox nonnulla ab eo praetermissa subiiciam. Adhuc iuvenis, trium annorum spatio, quo magno in honore fuit apud Alphonsum Ferrariae Ducem, multa edit praeclari ingenii sui monumenta, exiguae licet molis,

---

(1) In Par. II. Voluminis I. pag. 286. 287. Sed Vasarius familiae eius nomen silet; nec ipse, adscripto in aliquot suis operibus nomine, illud recenset. Auctor Disserit. Glypt. Cap. XXV. pag. 80. cum gentilitio nomine *Bernardum* vocat.

lis, conspicua. In speciosiore crystalli mole certamen illud celebre, *della Bastia* nuncupatum, excavatis figuris expressit propter opificii pulchritudinem valde laudatum. Paulus Iovius tot egregiorum operum eius splendore captus, auctor ei fuit, ut Romam peteret, id gratissimum fore ratus magnis clarorum ingeniorum fautoribus Hippolytho Mediceo, & Ioanni Salviato Cardinalibus amplissimis. Quemadmodum Ferrariae apud Alphonsum Ducem in numismatis ex aere cudentis effingendisque, atque in eius imagine in chalybe incidenda valde excelluerat; ita etiam Romae in exprimenda CLEMENTIS VII. effigie, & emblemate in eius numismate, aliisque in honorem Hippolythi Medicei, & Caroli V. tum aere, tum chalybe auroque expressis adeo placuit, ac tam celebre nomen adeptus est, ut pro Pontifice Maximo in quatuor clypeis, five orbibus e crystallo, quatuor Evangelistas protulerit, quod opus magnopere omnes commendarunt. Recusatis honoribus & pollicitationibus Caroli V. qui eum apud se habere cupiebat, Romam reversus, praeter emblemata illud crystallo inscalptum, in quo exhibuit Darii Regis filiam oblatam Alexandro Magno, quod iubente Cardinali Hippolytho fecerat; raptum quoque Sabinarum in crystallo effinxit, deditque eidem Purpurato, a quo honorificentissime multis muneribus, ac praeterea torque insigni, e quo stupendum Cameum pendebat, dum in Gallias proficeretur, spectantibus multis nobilissimis viris, qui eum salutatum venerant, aeternum amoris & patrocinii sui pignus accepit. Huiusmodi, ut aiunt, Cameo potitus est Cardinalis Farnesius, mortuo Hippolytho; pro quo immensi operis e crystallo Crucem, Crucifixi imaginem multis simulacris & emblematis,

quae

quae a VASARIO describuntur (1), itemque candelabris ornatissimam perfecit. Arculam argenteam quum idem Cardinalis Farnesius Marino Aurifici Florentino locas-  
set, praecepit ut spatia operibus crystallo incisis, item-  
que emblematis e Mythica Historia selectis quoquoever-  
sum tota locupletarentur a IOANNE, qui eam pretiosis  
quoque lapillis, signisque argenteis adeo insignem mi-  
ra celeritate, atque ingenii acerrimi praestantia fecit,  
ut artis miraculum censeretur. Ornamenta omnia &  
historias huius arculae ab eximio Perino del Vaga,  
aliisque egregiis Pictoribus delineatas, fusiis describit  
VASARIUS, quem adeat eruditus Lector. In duobus cry-  
stallis exitum captae Goletae, & bellum Tunetanum  
expressit. In quatuor e crystallo laminis sacras nati ac  
patientis Salvatoris historias mira arte & peritia exhi-  
buit. Quum divinus Bonarrotius Mediceo Cardinali  
Hippolytho dedisset a se delineatum schema, in quo  
admirando opere pinxit Titium, seu potius Prometheum  
catenis scopulo adfixum, cuius cor comedit vultur;  
hoc ipsum emblema multo opificio crystallo incidit  
IOANNES. Huius sc̄ulpturae, quae latitudine uncias tres  
ovali figura excedit, e typum e rubro sulphure apud  
me exstat, in quo primis tantum litteris nomen suum  
ita inscripsit: IO. C. B. *Ioannes Castri Bononiensis*. In  
Museo ditissimo ac celeberrimo Stoschiano vidi Bonar-  
rotianum schema ab eo delineatum, sive huius excel-  
lentis operis prototypum; sed ab hoc tantopere supe-  
ratur IOANNIS opus, ut si invicem haec opera accura-  
te observata conferantur, longe eminere Bonarrotii in-  
genium multo, sed vero stupore quisque fatebitur.

Prae-

---

(1) Loco superius citato.

Praestantissimum hoc Bonarrotianum prototypum Cl. Stoschius Florentiae apud Nobilem Virum invenit, & ab eo dono accepit. Iussit etiam idem Cardinalis veterum elegantiarum, & miraculorum artis peritissimus aestimator, ut IOANNES, ex alio Bonarrotiano schemate delineato, crystallo inscalperet Phaetontis fatum, a Sororibus in arbores conversis defletum; in quo exhibendo omnes ingenii vires IOANNES ostendit; cuius item sulphureum e<sup>c</sup>typum ex Andreiniis Cimeliis in mea migavit. Hoc ipsum opus delineavit Bonarrotius, curavitque, ut in aerea tabula peritissime incideretur; in quo schemate ad pompam arbores adiectae sunt. Quantum IOANNES a Castro Bononiensi in effingendis Principum vultibus longe simillimis excelluerit, duo exempla ex illustri Smithiana Da<sup>c</sup>tyliotheca contemplanda proponimus in Tabulis XCVIII. & C. In altera exhibetur imago Margaritae Austriacae, filiae Caroli V. Caesaris Augusti, quae, mortuo Alexandro Medice Florentinorum Duce, cui nupserat, tunc uxor erat Ducis Octavii Farnesii, quam faberrime Chalcedonio inscalpsit IOANNES, ne palmam cederet Valerio Vicentino, cui idem opus demandatum fuerat. Quantum operis vestes, & capillorum elegans ornatus contineant, omnes vident. In altera habes virum fama nominis ac rerum gestarum laude praeclarissimum Ioannem Balleonium, quem pariter Chalcedonio inscalpsit, imagine decoris & dignitatis plena. Tot editis operibus, & congestis divitiis clarus IOANNES anno sexagesimo aetatis suae Fidentiae obiit anno CIC. ID. LV.

Mmm

FRAN.

H I S T O R I A  
FRANCISCUS FRANCIA Bononiensis,  
Saec. XV. & XVI.

Mirabile fuit FRANCIAE Bononiensis ingenium, & ad ardua ac pulchra quaeque opera capessenda valde primum, atque paratissimum; quod in eius Vita aper-te ostendit VASARIUS; quem cum Caradosso de gloria & praestantia in absolvendis imaginibus in numismatis contendere potuisse adfirmat. Floruit labente sae-culo XV. eximus Aurifex, Sculptor argentarius, Cae-lator, encausticae artis peritus, numismatum fector & cufor laudatissimus, Pictor magni nominis, qui sua tem-pestate a solo Raphaele Sanctio Urbinate superatus, ut id suis oculis doctus iudex conspexit, animi maxima percussus aegritudine anno CIC. ID. XVIII. in patria sua mortuus est. Quod & Gemmis scalpendis operam dederit, colligimus ex Cl. VICTORIO, qui de eo ita scri-bit: (1) *Franciscus Francia picturae laude celebratur, gemmarumque & numismatnm sculptura.*

PROPERTIA Io. Martini DE ROSSIIS Mutinensis F.  
& THOMAS VAGHIUS, Saec. XVI.

Quamvis mira prorsus habeatur humani ingenii praestantia, nilque arduum & difficile sit, quod homo arte & meditatione sua non possit perficere; haec tamen laus, etsi rara, minime etiam feminis deneganda est, quae, si optimis artibus dent operam, cum hominibus de praestantia & gloria certare possunt. Huius rei e-xemplum esse potest PROPERTIA Ioannis Martini DE Rossiis Mutinensis Filia, quae sexum vicit atque aetatem, & multarum artium opificio mirifice sua aetate excel-luit.

---

(1) Dissert. Glyptogr. Cap. XXV. pag. 80.

luit. Sciebam Mutinenses complures numerari egregios  
 Pictores, Sculptores & Architectos; sed quum inter eos  
 Scalptores quoque Opifices multa nominis laude floruisse  
 suspicarer, & memoratos non invenirem; de hac re  
 scripsi ad Clariss. Virum Dominicum Vandellium amicum  
 meum in litterario orbe ob edita paeclari inge-  
 nii monumenta celebrem, qui mihi consulenti episto-  
 la sua scripta V. Kal. Maias huius anni MDCCCLIII.  
 ita respondit: quam responcionem eius ipsissimis ver-  
 bis, honoris causa, proferre libet: "Molti eccellenti  
 „ Pittori, Scultori, ed Architetti ha prodotto questo  
 „ nostro Paese; ma quasi niuno, ch'io sappia, è riu-  
 „ scito nell'arte d' incidere Cammei e Gemme. Vi è  
 „ ben stata una tale PROPERZIA f. di Gio. Martino de'  
 „ Rossi Modanese, Scultrice famosa; quantunque il Viz-  
 „ zani nel Lib. XI. delle sue Storie, ove sotto l'anno  
 „ 1533. riferisce la sua morte, la chiama Gentildonna  
 „ Bolognese, la quale per le sue maravigliose opere  
 „ in duro marmo, da lei con dotta mano intagliate,  
 „ meritò di esser celebrata fra i più degni Scultori del-  
 „ la sua età. Anche il Vasari a c. 176. la fa Bologne-  
 „ se. L'Alidosio però nel Libro intitolato *Instructione*  
 „ delle cose notabili di Bologna, descrivendo a c. 147. la  
 „ gran facciata della Chiesa di S. Petronio, fra le al-  
 „ tre cose maravigliose, dice esservi le Porte historia-  
 „ te per mano di eccellenti Maestri, & alcune di PRO-  
 „ PERZIA figliuola di Giovanni Martino Rossi da Mo-  
 „ dena. Questa PROPERZIA nacque veramente da Padre  
 „ Modanese; ma per la sua lunga dimora e virtù si  
 „ acquistò la Cittadinanza Bolognese. Lo stesso Vasari  
 „ per esprimere il suo valore e destrezza d' ingegno  
 „ in molte arti e scienze, dice, che si messe ad intaglia-

rc

*re nocciuoli di pesche, o siano persichi, i quali sì bene, e con tanta pazienza lavorò, che fu cosa singolare il vederli, non solamente per la nobiltà del lavoro, ma per la sveltezza delle figure, che in quelli faceva, e per la delicatissima maniera certamente era un miracolo vedere sopra un nocciolo così piccolo tutta la Passione di Cristo fatta con bellissimo intaglio, con un' infinità di persone, oltre li Crocifissori, e gli Apostoli.*

„ Seguita il Vasari a descrivere, com' ella fece poi una parte dell' ornamento delle tre Porte di S. Petronio „ tutta a figure di marmo. Si diede anche ad intagliare „ stampe in rame con gran lode, e fece molt' altre „ cose; e finì di vivere in Bologna nel 1533. e fu sep- „ pellita nell' Ospitale della Morte. “

Sed quoniam extra choream aliquantulum vagari mihi, aequus Lector, non negabit, reliqua etiam quae subiecit idem doctus Vandellius adferam, quae cultores veterum elegantiarum non parum oblectare possunt. “ **NICCOLETTO**, detto da Modena, fu insigne e valente Incisore in Rame. Le sue Carte vanno legate con quelle di Alberto Duro, di Luca di Olanda, del Tintoretto, e di altri uomini di mirabile ingegno, che fiorirono dal 1500. al 1530.

„ **NICCOLO' CAVALARINO** fu effigiatore famoso di bassirilievi. Molte delle sue opere si conservano tuttavia ne' Gabinetti, e Gallerie di gran Signori come cose preziose, ed in particolare di questa Serenissima Casa d' Este. In una medaglia d' argento effigiò Carlo V. Imperadore, e coll' occasione del suo passaggio per Modena, quando andò a farsi incoronare nel Novembre 1529. a Bologna, gliela presentò in dono, e gli fu gratissima. Ed oltre l' onore e lode ne riportò un gran premio. ”

” Ugo

„ **UGO DA CARPI**, primo inventore delle stampe di legno di più colori fioriva nel 1510. Di lui ne parla il Vasari ed altri. ”

„ **GIROLAMO CAVALARINO**, Discepolo di Domenico Carnevali Pittore, fu eccellente in ogni arte, che richiegha disegno; cioè s'esercitò in legno, in marmo, nel dipingere, nel bolinare, ed intagliare in ferro, principalmente nelle armi da offesa, in cui ebbe pochi pari per la finezza. ”

„ **PAOLO SELVATICO** fu eccellente Fonditore, e Zecchiere. Servì sotto Alfonso II. Duca di Ferrara e Modena, Cesare Duca di Modena, e Ranuccio Duca di Parma, ove finì di vivere in età di 59. anni. Il suo cadavero fu trasportato a Modena, ed ebbe sepoltura nella Chiesa del Carmine li 28. Novembre 1606. Il suo valore si può dedurre dal conio delle monete di oro, e di argento, e metallo, delle quali ancora parecchie se ne conservano.

„ Trovo memoria, che ancora vi è stato un **TOMMASO VAGHI** Intagliatore in gioie; un **GIACOMO CHIAVENNA** Orefice eccellente, il quale dopo essere stato lungo tempo in Roma, tornò alla Patria, e a lui subito dalla Corte fu commessa l'opera d'una Cassetta tutta effigiata di bassirilievi e stimata degna di esser mandata in dono al Duca di Savoia, Morì di pestilenza, che attaccò questa Città nel 1630.

„ **LIGI NICHINI** (o ANICHINI) Ferrarese, famosissimo Scultore di pietre preziose, volgarmente Cammei. Fiorì nel XVI. Secolo. Lavorò in Roma, in Venezia, ed in altre Città. Di lui ne parla il Vasari nelle Vite de' Pittori Parte Vol. I.

„ **ALFONSO I.** Estense Duca di Ferrara e Modena ec.

Nnn

„ Di

„ Di virtù militare , e regie doti adorno , quando si  
 „ trovava libero dalle cure del suo governo , impie-  
 „ gava il suo tempo nel fondere artiglierie , e si eser-  
 „ citava ne' lavori fabbrili , e di scultura , che ottima-  
 „ mente sapeva . Lavorò armi di diversi generi , e scolpì  
 „ alcune cose in marmo , e tutte ad eccellenza . Sino  
 „ sul principio del secolo presente si vedeva in Fer-  
 „ rara in uno Appartamento della Palazzina di Mar-  
 „ fisa d' Este collocata nella Giudecca , e di contro al-  
 „ la Chiesa di S. Silvestro , un Camino di finissimo  
 „ marmo bianco lavorato tutto di mano del detto Al-  
 „ fonso , nel quale erano migliaia di fiori , e frondi ,  
 „ scolpite con nobiltà , e squisitezza di lavoro . Fu poi  
 „ levato da Ferrara , e trasportato in Toscana d' or-  
 „ dine de' Duchi di Massa e Carrara . Delle Artiglie-  
 „ rie , e particolarmente di uno sontuoso pezzo detto  
 „ *il gran Diauolo* , ne cantò l'Ariosto nel Furioso :

*Il gran Diauolo, non quello dell' Inferno,  
 Ma quel del mio Signor, che va col fuoco  
 Ch' a Terra, Ciel e Mar si fa dar loco.*

MARCUS ACTIUS MORETUS  
 Bononiensis, Saec. XVI.

Quamvis Poetae , praesertim si spe praemii , & adu-  
 latione tangantur , in laudibus fusiores esse plerumque  
 soleant , inque his abundare ; tamen si Ioannis Baptiste  
 Pii docti viri auctoritatem carminibus editam ample-  
 Etamur , fatendum est , MARCUM ACTIUM MORETUM  
 Bononiensem sui temporis egregium Gemmarum Opi-  
 ficem fuisse ; nam ut Chloridem in lapillo effingeret ,  
 amice ac studiose ita hortatus est Eleg. XI. Lib. IV.  
 quam

quam nobis proposuit Auctor Dissertationis Glyptographicae.

*Pirrhei fecunde nepos, cui prisca Minerva  
 Corpora in exiguo fingere dat lapide,  
 Parcarumque colos parvo exorare lapillo,  
 Qui mortem aeterna vivere ab arte facis:  
 Si te fama iuvat, merces si perpetis aevi,  
 Si tua post cineres caela vivere cupis:  
 Chlorida mi viridem caela; tamen aspice ne dum  
 In lapidem, illa tuam sculpat imago animam:  
 Quam comitant Paphia centum cum matre volucres,  
 Mellitisque premens morsibus ora vapor.*

Floruit MORETTUS sedente Julio II. Pontifice Maximino, initio saeculi decimisexti.

IACOBVS TRECVS  
 Mediolanensis, Sec. XVI.

In scribendo gentilitio nomine huius praestantissimi Lithographi variant inter se Scriptores. VASARIUS scribit Italice *Iacopo da Trezzo*; quasi ab aliquo pago nomen acceperit; &, ni fallor, eum confundit, ubi etiam memorat *Cosimo da Terzio*, quo in loco typographi incuria mendum inrepisse videtur, quum scribendum esset *Iacopo da Trezzo*. Franciscus Victorius Ill. Equestris Ordinis S. Stephani P. & M. Commendator duos ita cognominatos recenset (1), Vasarianum Elenchum secutus, *Cosmam de Trezzo*, & *Iacobum de Trezzo*. De Cosma nihil Mariettus, de Iacobo vero complura notatu digna adfert. Nescio num *Cosma Iacobi Trecii*, vel *Pater*, vel *frater*, aut *filius* fuerit, quod aliis investigandum relin-

---

(1) *Dissert. Glyptogr. Cap. XXV. pag. 100.*

relinquo . Abrahamus Gorlaeus in sua Daetlylotheca (1) eum ita nominat, *Iacobus Treccia* . At in epigraphe, quae in hypobasi scripta est operis eius per insignis, ac maximi, quam dictavit Arias Montanus, de qua mox sermo, insculptum legitur: *Opus Iacobi Trecii Mediolanensis*, quae quidem appellatio vero longe similior videtur; haud enim credibile est in regali opere erratum fuisse in vero eius nomine, & cognomine adnotando ad posterorum memoriam; quam quidem ipse sequi malui. Quia vero in his nominibus, quae plerumque geminatis litteris pronuntiantur, altera supprimi solet, ita crediderim pro TRECCIVS scriptum fuisse TRECIVS; atque adeo quia Italico sermone C per Z, & vice versa efferrri solet, unde *Treccio* ea tempestate *Trezzo*, ut opinor, dici consuevit. Hinc & in numis maximi moduli ab eo faberrime elaboratis in honorem Philippi II. Hispaniarum Regis, atque etiam eius Coniugis Augustae, legitur: IA COBVS TREZZA fecit.

Sed antequam huius eximii Artificis in lapidibus pretiosis incidendis, construendisque, praestantiam spectemus, memorare lubet, eum & in numismatibus cudentis perficiendisque laudatissimum extitisse. Cl. Mariettus unicum, sed insigne exemplum adfert, laudatque numisma, in quo scriptum eius nomen cum anno CI.CI. LXXVIII. in quo affabre expressa Imago Iohannis De Herrera Architecti Philippi II. Hispaniarum Regis, qui in magnifico Escorialis Aedificio extruendo, Iohanni Baptistae de Toledo successerat. In his numismatis, quae eum inventorem ostendebant, eum magis excelluisse,  
quam

---

(1) Pag. 10. primae edit. quae prodit anno MDCL.

quam in exprimendis antiquis rarioribus, adnotat idem Mariettus.

Quemadmodum evenire videmus ut orto Sole ad eius immensam lucem contemplandam omnium gentium oculi rapiantur, vel, si eam ferre non possunt, vicina editiora loca ab eius splendore conlustrata, atque inluminata summa animi voluptate conspicunt; ita etiam ubi summi viri vel litteris vel artibus praecellentes ingenio suo omnia conlustrant, illud plerumque accidere solet, ut non homines tantum, verum etiam Principes & Reges in admirationem rapiantur, si optimarum artium sint cultores, atque aestimatores perspicacissimi. Huiusmodi decus naētus est, virtute sua duce, Iacobus Trecius Mediolanensis, qui in Gemmis scalpendis, imaginibusque spiranti ore ad viventium exemplum, atque absolutissimam similitudinem exprimendis e pretiosis lapillis, tantam nominis famam tota Europa adeptus fuerat, ut eum Hispaniam adciverit Philippus II. Catholicus Rex generosissimus. Hic Trecii mentem manumque omnium admirandorum operum capacem, ac mirifice instructam peritamque quum vidisset, statuit alterum Orbis miraculum Escorialis regium domicilium efficere, quare ei praecepit ut Altare maius in Ecclesia eius Monasterii dedicandum, magnificientia sua, & animi magnitudine dignum, parque extrueret, ornata luculenter eius aedicula columnis, basibus, capitulis, epistyliis, omni denique architecturae ornatu, e sumptuosis, ac pretiosis lapidibus, ac gemmis, mole atque opificio stupendis, & quod perpetuo laudandum esset, & quidem ex his lapidibus, quae e pretiosis Hispaniae fodinis eruuntur. Genio magnanimo tanti Regis satis Trecius fecit, immensumque opus

Ooo                    mira

mira celeritate , ingenio opificioque excellentissimo perfecit , & spatio annorum septem , stupentibus Hispanorum animis , quod raro evenire solet , absolvit ( 1 ). Opus probavit Rex , iussitque ut haec epigraphe ab Aria Montano composita conspicuo Altaris loco ad perpetuam memoriam , nempe in hypobasi eius Aediculae incideretur :

JESU CHRISTO  
SACERDOTI AC VICTIMAE  
PHILIPPUS II. REX D.

OPUS JACOBI TRECHI MEDIOLANENSIS  
TOTUM HISPANO E LAPIDE

Has laudes , quae Iacobo Trecio tribuenda sunt , Vafarius Cosmae Trecio , sive *de Trezzo* , memoria , ut opinor , lapsus tribuit , qui de hac Ara maxima , deque eius Aedicula ( quam nos Itali *Ciborium* dicimus ) nihil memorat ; sed narrat Cosmam in incidendis lapidibus , & gratiam , & honores maximos a Philippo II. Hispaniarum Rege consecutum esse : Iacobum vero ita mox laudat , ut vix egressum e patrio tecto Mediolanensi suspicari possimus . Sed in hac Artificum confusione eidem Vafario magno viro parcendum , vel in describendis hisce operibus eius adiutori menda tribuenda sunt . Cl. Mariettus in suis Cimeliis se habere gloriatur imaginem eiusdem Philippi Regis Chalcedonio , egregio exstanti opere , exalptam , quam eius auctori tribuit Iacobo Trecio , fatus quibusdam coniecturis suis . Alteram insignem gemmam , nempe Saphyrum album adfert in Tab. CXIX. Vol. II. ab eodem Trecio insculptum , in quo protome eiusdem Philippi Hispaniarum

( 1 ) Vide librum ita inscriptum : *Descripcion del Escorial por Fr. los Santos* , pag. 27.

niarum Regis, & Caroli Infantis eius filii cum epigra-  
phe in ambitu: PHI. REX. HISP.---CARO. PHIL.  
FIL. 1566. hisce barbaris numeris.

Laudat inter alios Auctores percelebrem Treccium Leo Allatius in Animadversionibus suis in Antiquitatum Etruscarum firagmenta edit. Romae anno MDCXLII. pag. 49. hoc elogio: *Primus Jacobus Treccia, si non fal- lit Antonius Guevara, Gentilitia Stemmatā Philippi Hispaniarum Regis (Adamante) insculpsit.* Sed quoniam heic incidit sermo de Regum, ac procerum Gentilibus Stemmatibus (vulgo Armi) sculptis a Gemmariis Lithographis, haud ab re erit, erudita quaedam de huiusmodi apud veteres usitata caelatura, eiusque origine ex eodem Allatio adferre, quae, quia liber heic memoratus per rarus est, viris doctis Antiquitatis cultoribus haud displicere posse arbitror.

*Augustus, inquit Allatius, apud Suetonium in Diplomaticis libellisque, & epistolis signandis initio Sphinge usus est; mox imagine Magni Alexandri; novissime sua, Dioscoridis manu sculpta; qua signare consequuti quoque Principes perseverarunt: apud Ciceronem in Catilinam Lentulus sigillum habuit, in quo erat insculpta imago Avi sui: apud Plinium lib. 37. cap. 1. Plutarchum in vita Syllae, Valerium Maximum Cap. 15. lib. 8. Sylla Dictator sigillum, in quo imago Iugurthae vinceti. Mac cenas praeterea, referente Plinio, Ranam in signo habuit: Pompeius Magnus Leonem Ensiferum insculptum in gemma, ut scribit Plutarchus: Galba, ex Dione, signatorium habuit annulum maioribus suis familiarem, cuius erat sculptura, Canis e prora se proclinans. In Seleuci annulo anchora afficta visebatur, cuius imago in femore pastoris familiae native adparuit. Tradit Iosephus Antiq. Iudaic. lib. 12. cap. 5. Darium Aquila sigillo draconem unguibus tenentis usum fuisse; Macriano rum*

rum familia Alexandri Magni ; Reges Persarum Cyri, aliquando Darii ; Epicuro addicti, Epicuri imagines in annulis habebant. Plinius Iunior Quadrigam se in signum adhibuisse saepius memorat. Illa etiam antiquiora, David, ut Gregorius Tholosanus scribit lib. 6. de Republica cap. 16. Leonem in annulo insculptum gestavit, quem postea Reges Iudee secuti sunt. De Annulo signatorio Iosephi, vide Gretserum de Cruce tom. I. lib. 4. cap. 8. Servianorum Dardanorumque Regum Insigne olim fuisse caput Apri sagittam mordicus tenentis, Stephanus Zamosius refert in Analectis Lapidum Veterum. Et quamplurima alia.

Sed quid haec ad rem? Imagines illae in annulis, vel sigillis exculptae, non erant Arma, neque arma a parentibus accepta, quae postea successoribus haeredibusque traduntur, sed ex arbitrio utentis, ad varias animi sententias exprimendas, tantummodo pro eo tempore signa usurpata: idque ex iisdem Historicis, qui similia referunt, ne despere velimus, colligi manifesto potest. Et Georgius Longus libello satis erudito de annulis signatoriis ex Plinio, Macrobio, Meursio, aliisque colligit, in Annulis Antiquorum primum nudas litterarum notas, mox in usu sculpturam fuisse in ipsa materia non in gemmis; sed lucu crescente obsoletis litteris, gemmas sculpturas passas esse: primumque Superiorem Scipionem Africam in Sardonyche auro inclusa, quod sola gemmarum ceram non auferret, stylum excavis- se tradit; licet hac nostra aetate, ♂ Achates, ♂ Onyx, ♂ Sarda, ♂ Adamas, in quo primus Iacobus Treccia.

### CLEMENS BIRAGUS Mediolanensis, Saec. XVI.

Eodem tempore, quo Iacobus Trecius Mediolanensis, de quo diximus, apud Philippum II. Hispaniarum Regem pretiosis lapillis scalpendis, atque ad aedificiorum ornatum construendis compaginandisque egregiam nava-

navabat operam, florebat etiam multa virtutis ac praestantiae suae laude apud eumdem Catholicum Regem CLEMENS BIRAGUS Mediolanensis; cui difficilem ac maxime arduam adamantis caelandi artem (1) tanquam inventori famigeratissimo tribuit, multorum Scriptorum fretus testimonio, spectatissimus MARIETTUS. Sed ABRAHAM GORLAEUS hanc gloriam tribuit Iacobo Trecio his verbis, quae minime praetereunda censui: (2) *Nec ullum fuit lapidis pretiosi genus, modo aut scalpro, aut caelo corrupti posset, quod antiquis illis luxuriae magistris intactum sit relictum.* Soli adamanti ob indomitam, ut credebatur, duritatem parcitum; sed hunc quomodo vitiaret aetas etiam nostra reperit, primusque huius inventi author celebratur Mediolanensis quidam Iacobus Treccia, qui Philippi Hispaniarum Regis gentilitia insignia adamanti summa arte insculpsit. GORLAEI opinionem secutus est Cl. Philippus Baro de Stosch (3). Sed pro CLEMENTE BIRAGO huius mirabilis opificii inventore militant ac pugnant CLUSIUS Physicus & Botanicus praestantissimus (4), qui eum Matriti se cognovisse adfirmat, dum erudite peregrinarentur anno CIC. ID. LXIV. & PAULUS LOMATIUS eidem coaevus (5), qui de hoc eius invento scripserunt, & fortasse nullum dubitandi locum relinquunt, etsi de opificii elegantia non constet. Verum expendenda accuratius tempora, & Scriptorum adlata testimonia, nempe quo praesertim anno haec contigerint. Adamanti inscalpsit CLEMENS BIRAGUS imaginem Caroli Hi-

P p p spa-

(1) De arte scalpendi adamantes, qui adamante domantur ac vincuntur, vide egregiam Dissert. Glyptogr. Cap. XXVII.

(2) In Proloquio ad Daftylothecam suam mihi pag. 10. edit. CIC. IO. CI.

(3) Vide in Praefat. ad Gemmas ant. cael. Scalptor. nom. insign. pag. 16.

(4) Adfertur Clusii epistola in Historia Domini de Thou T. XV. pag. 321.

(5) In Libro cui titulus: *Idea del Tempio della Pittura*, pag. 152.

spaniarum Regii Infantis, quam hic Princeps veluti pinguis amoris sui mittendam decreverat Annae Archiduchissae filiae Imperat. Caesaris Maximiliani II. nuptiali connubio sibi iungendae; cuius iussu idem Artifex adamanti inscalpsit regia Hispanorum Regum stemmata gentilitia, quibus idem Regius Infans pro sphragismate ad obsignandum uteretur. Quanquam tam mirabilis inventi gloriam non denegem CLEMENTI BIRAGO, tamen erit fortasse aliquis, qui existimet alterum alteri in his operibus vel consilio, vel manu opem tulisse; quum utrumque patriae & gloriae amor arctissimo necessitudinis vinculo coniungeret, atque in eadem Aula summo in honore simul versarentur, & augustum Genium Principum, quibus serviebant, sibi demereri certarent. Pugnandum nunc a me esset pro Florentinorum Opificium Gemmariorum gloria, qui & ipsi de primatu certant, sibique hanc palmam vindicant. Nam indubitatum est, adamantem pro nuptiali anulo, quem in Florentinis officinis inscalpi iussit Franciscus I. traditum ab eo esse anno CIC. ID. LXV. Reginae Ioannae Sponsae suae; quia vero multis Insignibus simul iunctis insculptum est, tantum opus non videtur tam brevi temporis spatio absolvvi potuisse; adeoque saltem anno CIC. ID. LXI. vel LXII. incoepsum fuisse; quare vel aequo marte pro utrisque stabit victoria, vel palma parvo aliquot mensium spatio concludetur, utrisque tribuenda. Haec certamina aliis felicioribus auspiciis & monumentis proferendis dirimenda relinquimus.

FRANCISCUS TORTORINUS, & IULIANUS  
TAVERNIUS Mediolanenses, Saec. XVI.

Ex dictis adparet, quam ferax fuerit summorum inge-

geniorum, praestantiumque Artificum clara Metropolis Mediolanum. His addendi egregii Gemmarum Scalptores, Sculptoresque multorum vasculorum e montana crystallo, qui ea ferme tempestate claruerunt, FRANCISUS TORTORINUS, & IULIANUS TAVERNIUS, qui editis operibus aeternitatem nominis sunt consequuti. (1)

### HANNIBAL FONTANA Mediolanensis, Saec. XVI.

Praestantissimarum Artium, praesertim Picturae & Sculpturae, fontem praecipuum, quin etiam parentem esse Graphices scientiam, iam apud omnes in competo est, & pluribus invictissimis argumentis ac rationibus adstruit, ostenditque evidenter celeberrimus Georgius Eques Vasarius in Praefatione laudatissima sui Operis. In Sculptoria arte ut ceteris emineret HANNIBAL FONTANA Mediolanensis diu multumque adlaboravit, qui aeo suo inter praeceilentissimos Statuarios habitus est; de primatu vero & gloria in sculpidis marmoreis anaglyphis, ac simulacris cum Stoldo Laurentio Florentino certavit, simulque pulcherrimis operibus ornarunt Ecclesiam recenter exstructam S. Mariae S. Celsi apud Mediolanenses laudatissimam, apud quos obiit anno CIC. ID. LXXXVII. aetatis suae quadragesimo septimo, in qua Ecclesia tumulatus est. Excelluit etiam in signis ex aere fundendis; sed studia, quibus primum litavit, fuere Achates, Sardae, Smaragdi, Saphyri, aliisque pretiosi lapilli, in quibus incidendis quantum in Graphice studii, quantumque laboris & lucubrationum insumpsisset, perspicue ostendit. In crystallinis tabulis incidendis peritissimum fuisse ostendit vir egregius RAPHAEL BORGHINIUS Florentinus in suo de Pictura

(1) De his consulendus Petrus Mariettus in laudato suo Opere.

Eura & Sculptura limatissimo Tra&gt;tatu , cui titulum fecit *il Riposo* , e quo hoc ipsum elogium proferimus (1). Memorantur inter eius eximia opera Vascula duo e crystallo montana , quorum altero incidit quatuor anni tempestates , figuris dimidiis palmi partem aequantibus , interpositis duobus Gorgonum capitibus ; in altero vero ovalis formae , Iasonis historiam aureum vellus acquirentis expressit . Inter alia laudatissima opera ab eo crystallinis tabulis quadratis incisa , iure ac merito celebrantur duae arculae : in priore sex erant thematibus ex Historiis veteris Testamenti desumptis tabulae . I. Adam & Eva esu vetiti pomi peccantes , & circa eos multa animalia . II. Noe cum arca . III. Moses a Deo legem accipiens cum populo Israelitico . IV. Abraham filium immolans . V. David Goliath necans . VI. Transmigratio Hebraeorum e Babylonica servitute . At in maximo crystallino eiusdem arculae bipalmari operculo ovalis figurae , mundi creationem faberrime inscalpsit , figuris dimidiis palmi magnitudinem aequantibus . Hanc arculam sex aureorum millibus sibi comparavit Guillelmus Elector , Vindelicorum Princeps , huiusmodi elegantiarum aestimator & cultor cupidissimus . Alteram arculam ornavit duodecimi Herculis laboribus , crystallinis tabulis in ea insertis ; quae insignia opera , quam ipse excelleret ingenio in inventione , quanta scientia in dispositione , quanta in caelaturis peritia , & miro magisterio polleret , perspicue ostendunt , atque abunde testantur . Ex his intelligi potest , quot alia praecclara opera edidisset , si tam celeri morte , quae magnos homines frequenter rapere solet , interceptus non fuisset .

## CAPUT

---

(1) Vide Lib. IV. pag. 461. edit. Florent. ann. 1730. veter. edit. num. 565.

## C A P U T X V.

*De Veneta Glyptographica Schola, qui in ea florueret  
Gemmarii Veneti Scalptores recensentur.*

**V**Enetae Scholae Glyptographicae nomine omnes Urbes praeclarissimas, quae Venetorum Reipublicae sapientissimo iustissimoque parent imperio, a me comprehenduntur, quae summos quovis tempore Artifices pepererunt. Si non alii recenseri possent, nisi *Nicolaus Avantius*, & *Iacobus* eius Frater Veronenses, *Valerius Bellius Vicentinus*, & *Nassarii* Veronenses, & *Alexander Cæsarius*, ut multi credunt, Patavinus; hi soli immortales Opifices, qui celeberrimis operibus non solum Regum & Principum manus, verum etiam Daëtyliotheas, & Musea inlustrarunt, satis superque sufficerent, ut Venetum Caelum toto terrarum orbe amplissimis laudibus celebraretur. Verum & alii non pauci in hac mea Historia Glyptographica celebrantur, qui caelandi artes ad exquisitiorem absolutioremque præstantiam evexere, uti videbimus; quibus & inlustres Brixienses, per celebres Opifices, addendi sunt, quos hi qui ante me scripserunt, silentio praeterierunt, vel ignorarunt; nec alii profecto Gemmarii Scalptores derunt, si ad hanc Historiam paucis abhinc annis auctam, magis magisque ornandam atque locupletandam erudit homines, de litteris atque egregiis artibus optimè meriti, sedulam operam navare voluerint. Minime dubito, adhuc multos praeclaros Scalptores superesse nobis ignotos, qui ad vitam scriptis revocandi sunt, quod votis flagrantissimis opto, ac percupio.

Illud etiam ad laudem Veneti nominis adnotandum

Qqq est,

est , adhuc in ipsa florentissima Metropoli , bonarum artium domicilio , vivere inlustres Scalptores , adeoque per tria fere saecula Glyptographicas Artes perennare ; quod tribuendum est amplissimis ac nobilissimis Viris , qui Maiorum more & exemplis sapientiam , virtutem , merita maximis semper praemiis aluerunt , excitarunt , atque etiam mirifice exornarunt .

### VALERIUS BELLUS Vicetinus, Saec. XVI.

Quemadmodum ferro ferrum acuitur , ita & doctorum hominum , ac praestantium Artificum ingenia , si aemulationis ignibus succensi exardescant , ardua adgre- diuntur , studio , cura , labore mira operantur . Habent enim litterae & artes sua certamina ; nec desunt de glo- ria certantibus laudum praemia , palmae , coronae , ho- nores , qui eos toto orbe celeberrimos & immortales constituant . Quum in gemmis , praeferim vero in crystallis scalpendis , inter se certarent duo Artifices , scalptorum omnium quotquot fuere ac sunt famosissimi , VALERIUS Vicetinus & Ioannes a Castro Bononien- si , ad summum gloriae & praestantiae fastigium Gly- ptographicam artem , praeerunte fulgentissima cum face aemula virtute , perduxerunt . Obstupescunt cultores ha- rum elegantiarum dum conspicunt aliquod opus VA- LERII BELLII tanta cum elegantia exquisitoque iudicio absolutum ; multoque magis obstupescerent , si inumerata opera omnia , quae incredibili patientia , elegantia , fa- cilitate , diligentia , ad exemplum veterum monumen- torum perfecit , ante oculos suos proposita contempla- rentur . VASARIUS eum multis laudibus ornat ( 1 ) , il- lud-

---

( 1 ) Scribit eius Vitam , quam vide in Parte Tertia Vol. I. pag. 285. & seqq. qua oc- casione primus omnium de Gemmaris Scalptoribus differuit .

Iudque unum in eo desideratum fuisse adfirmat, ut quemadmodum natura eum in caelaturis vel minimis, vel maximis incomparabilem effinxerat, ita etiam in Graphice praestantissimum effecisset, quo praesidio longe antiquos Scalptores superasset; quandoquidem eos proxime omnium peritissimus vel aemulatus est, vel aequavit. Inter splendidiora eius opera, primum memoranda est Gemma illa eximia, nempe Achates Orientalis existanti opificio inscalptus, in quo Faustinam Augustam expressit, quam protuli ex Daetlylotheaca Zanettiana Tab. XXII. quae quam sagax eius ingenium, quam mira ars scalpendi facilitate felix in eo fuerit, perspicue ostendit. Si vero ad eius opera crystallis incisa animum vertamus, profecto insignis est arcula illa crystallo incisis pluribus sacris historiis, quae exhibent veneranda Iesu Christi Vitae & vivificae Passionis Mysteria, quae quum apud me ex archetypis gypso & aere excepta existent, perlubet ea breviter declarare, quum a VASARIO generice, non vero peculiari descriptione laudentur; quibus exprimendis **VALERIUS** aliorum egregiorum Pictorum delineationibus usus videtur, quum absolutissimo artis magisterio, summa diligentia, & incomparabili elegancia crystallina haec emblemata omnia, inversa caelatura, ut existentes adpareant figurae, elaborata sint. Maiores quadratae sex tabulae exhibit, primum Christi Nativitatem, quem quinque Pastores cum donis adcedentes adorant; mox Christi adparitionem Gentibus, quem Magi venerantur. In epistilio aedis, nomen eius ita inscriptum: **VALERIUS VICETINUS**. Salvatoris sequitur presentatio in templo, cuius forma rotunda est, & idem Artificis nomen in eo scriptum. Mox Christi baptismus: Adultera ad Christum adducta, qui digito inter-

terra scribit. In proxima templi fronte scriptum eiusdem Artificis nomen. In altera Christus ementes & vendentes de templo flagellis armatus eiiciens: in templo BELLII nomen scriptum. In minoribus sex crystallinis tabulis, quae ornant quatuor facies arculae circa operculum, haec mysteria sculpta spectantur. Dominica Coena, & lotio pedum; Christus in horto ad Patrem orans; Iudee proditoris facinus; Dominus noster ad columnam ligatus & flagellatus; deinde ad Pilatum ductus & traditus ad crucifigendum; idem crucifixus; at in maiore crystallo, qua operculum in medio ornatur, figura sex angulis dispertita, Redemptore de cruce deposito, ad sepulcrum proximum delatio cadaveris exhibetur, addita in exergo stupendi operis hac epigraphe: **VALERIUS DE BELLIIS VICETINUS FECIT.** Hanc historiam, quae altitudine & latitudine aequat uncias quinque, claudant & coronant quatuor Evangelistae, sedentes, sculpti cum quatuor hieroglyphicis animalibus. Arcula haec, quam Clemens VII. dono dedit Francisco I. quum eius Neptis Aurelianensium Duci nupsit, pro qua **VALERIO BELLIO** aureorum scutatorum millia duo dedit, in Mediceo Imperiali Thesauro adservatur una cum pluribus crystallinis Vasculis ab eo exquisito opificio caelatis. In altero emblemate orbicularis figurae, latitudine aequantis uncias tres, sculptae Mulieres adeuntes Sepulcrum Domini, quas Angelus adloquitur, & post nomen **VALERII** expressus annus **MDXXXIII.**

Exstat etiam apud me inscalpti toreumatis e crystallo montana ectypum e gypso, latitudinis unciarum sex, trium vero cum dimidia altitudinis, in quo Christus Lazarum quatriduanum e sepulcro ad vitam revo-

cat,

cat. Duodecim figurae mira omnes dispositione caelatae sunt. In sinistro sepulcri latere haec epigraphe : **VALERIUS DE BELLIS VI. F.** In altero crystallino toreumate, cuius ectypum servo, Delphicum Oraculum consulunt octo viri, sedente Scriba ad verba excipienda parato; ad aram adstat Pythia Sacerdos cum viris. In basi simulaci scriptum : **VALE. VI. F.E.**

Alterum **VALERII** eximum toreuma crystallo inscalptum vidi penes Franciscum Ricoverium Florentinum, qui hisce deliciis mirifice deletabatur, in quo quinque Venatores equis insidentes pugnant, & leonem aetigrem insectantibus canibus interimere hastis & contis nituntur. In exergo **VALERIUS** Vicetinus nomen suum inscrisit. Nihil dicam de crystallina Cruce, quam divino opere, ut ait **VASARIUS**, inscalpsit iubente **CLEMENTE VII.** deque altera Cruce cum duobus candelabris operosissimis, quam sibi fieri iussit **PAULUS III.** Pont. Max. quae a **VASARIO** describuntur, & a Cl. **VICTORIO** multis observationibus expenduntur (1); innumeraque facebo alia opera, praesertim insigniora Graecorum & Romanorum numismata; quae suo incredibili studio & miro opificio multiplicavit; neque ab hisce laboribus abstinuit etiam in longiore senecta; nam annos natus septuaginta supra octo obiit anno **CID. ID. XLVI.** relieta filia, quae & ipsa in Glyptographica arte multa elegantissime inscalpsit.

**NICOLAUS & IACOBUS AVANTII** Veronenses,  
Saec. XVI.

Veronam Athenarum aemulam, atque etiam ei parem, minime absurdum, si quis dicat, existimo, quum  
Rrr in-

---

(1) *Dissert. Glyptograp. Cap. XXV.* pag. 78. & 88.

instauratis in Italia optimis litteris & artibus, viros in his omni laude praestantissimos se habuisse, eosque aliorum beneficio, & patriae gloriae natos se protulisse, atque etiam nunc proferre gloriari iure ac merito possit. Inter primos egregios Gemmarum Scalptores Veronenses a VASARIO recensetur NICOLAUS AVANTIUS, qui in ea inlustri urbe Scholam aperuit; mox Romam profectus, in qua prisorum Opificum opera regium theatrum ac sedem sibi constituisse fatendum est, in ea dum privatim Gemmas anaglyphico opere, & Sardas, & alios pretiosos lapillos insculperet, tantam adeptus est nominis gloriam, ut eius caelatura ad varios Principes deferrentur, qui hisce deliciis magnopere delectabantur. Nemo est qui nesciat, quam difficile sit figuras insculpere in lapide Cyaneo, quem vulgus *lapislazzulo* adpellat: in eo tamen AVANTIUS sculpsit Salvatoris Domini nostri Nativitatem, compluribus figuris prae nobile opus & singulare, quod emit Ducissa Urbini. Illud etiam quod eius auget gloriam, memorandum est, ex eius Schola & Galeatii Mondellae prodiisse Matthaeum Nassarium, de quo paullo post dicam, qui elegantioris opificii dignitatem valde perfecit & amplificavit. NICOLAI AVANTII eximum opus, inter rariora censendum, adfertur in Dactyliotheca Zanettiana a me observationibus inlustrata Tab. II. in qua spectanda exhibetur imago Alexandri Magni Macedonum Regis, Achillis specie, pulcherrimis armis induti, ad quem Heroam ipse maternum genus, Velleio teste, (1) referebat; qua singulari Gemma anaglyptice exsculpta nil elegantius & nobilius cerni potest. Memorat VASARIUS

Pi-

(1) Hist. Lib. I. num. VI.

Pictorem (1) sua aetate celebrem IACOBUM AVANTIUM, qui, ubi differit de Pictoribus Venetis & Lombardis, eum nunc patria Bononiensem, nunc Mediolanensem scribit; in Indice vero rerum notabilium, Veronensem adpellat. Eum quoque egregium Gemmarum Scalptorem fuisse narrat, & coniungit cum Caspare & Hieronymo Miseroniis. De hoc Scalptore, qui vel pater vel frater fuit NICOLAI AVANTII Veronensis, nihil scripsere Auctor Dissert. Glyptogr. & MARIETTUS. Si tempora, ad quae respicit VASARIUS, animadvertisimus, eum potius NICOLAI AVANTII patrem & praceptorum fuisse crediderim.

### GALEATIUS MONDELLA Veronensis, Saec. XVI.

De Artium splendore & gloria optime meriti censendi sunt non solum hi, qui in iisdem supra ceteros praezellunt, verum & illi qui in tradendis docendisque magisteriis ac modis praestantes discipulos & alumnos educarunt. Utraque laude fulget GALEATIUS MONDELLA Veronensis, qui, utpote in Graphice peritissimus, pretiosos inscalpsit complures lapillos, & inter discentes suos habuit Matthaeum Nassarium, qui eum & Nicolaum Avantium longe superavit. Hi egregii Scalptores Gemmarii, quum in dies se proficere in Glyptographice viderent, minime ausi sunt in Gemmis nomen suum inscribere; quod nostra tempestate tam frequenter factum cernimus, ut qui minus idonei sunt, & in caelaturaे opificiis parum versati, temere id facere, & saepe quidem numero, non erubescant. Sunt etiam Scalptores non pauci adeo lucri cupidi, ut vel suis

(1) Nelle Vite dei Pittori &c. in Par. II. Vol. I. pag. 518. & 523. ubi scribit: *E nell'intaglio Iacopo d'Avanzo Milanese, o Gaspero, e Girolamo Miseroni: leggesi Miseroni.*

suis operibus, vel antiquioribus nomen Graecorum Caelatorum incident; in quo scribendo plerumque valde errant, & monstra confingunt, ut alibi ostendimus. Plurimorum Opificum, qui in scalpendis lapillis excelluere Saeculo XVI. & XVII. in meis Cimeliis exstant e॒typa e sulphure elegantissima, olim in Andreiniis, in quibus si eorum nomen indicaretur, eorum operum descriptionem heic adtexerem; resque esset pulcherrima scire non tantum eorum nomina, verum etiam quae ex eorum manibus prodierint opera elegantissima. VASARII curis & laboribus vivunt tot eximii Scalptores Gemmarii, quos ipse laudavit; complures vero nondum nobis noti sunt, quod de his Scriptores, qui ea aetate vivebant, filuere.

Illustriss. SCIPIO Marchio MAFFEUS (1) Hieronymum Veronensem nominat inter laudatissimos Gemmarios Lithographos, fratrem praelaudati GALEATII MONDELLAE, quem nec Auctor Dissertationis Glyptographicae, nec Petrus Mariettus recensent.

### MATTHAEUS NASSARIUS Veronensis, Saec. XVI.

Valerio Vicetino, & Ioanni Bernardio a Castro Bononiensi coaevus fuit MATTHAEUS NASSARIUS, vulgo *del Nassaro*, Veronensis, qui cum ipsis recensendus est inter primos, qui artis Glyptographicae fores aperuit, & in scalpendis lapillis pretiosis, crystallisque veneres omnes, & qualis quantaque adhibenda esset solertia, studium, diligentia, suorum opificiorum venustate & prae-

(1) In Par. III. Cap. VI. *Verona illustrata*, pag. 193. ita scribit: *Non per tanto nelle raccolte di Ritratti d'uomini illustri veggiamo tra quei del buon secolo, insieme co' primi Pittori, e con alquanti eccellenti e dotti Musici, Matteo del Nassaro, Gerolamo, e Galeazzo Mondella, Giacopo Caralio, Niccold Avanzi, perchè furono eccellenti Intagliatori di Gemme,*

praestantia, summa cum laude ostendit (1). Fuit enim, ut adnotat VASARIUS (2), in Graphice praestantissimarum artium duce & parente excellentissimus, tamque mirabili ingenio praeditus, ut fidibus canere, & Galliarum Regem Franciscum I. oblectare, eique placere quam maxime potuerit. Praestantes Magistros Nicolaum Avantium, & Galeatum Mondellam superavit. Inter egregia ab eo inscalpta opera memoratur a VASARIO Iaspis viridis, sanguineis inspersus guttis, in quo humani generis Reparatorem e cruce depositum tanta solertia & artis magisterio inscalpsit, ut sanguis e vulneribus Christi manans vividus cerneretur; quo opere rarissimo, laudatissimoque, soluto ei pretio, potita est Isabella Estensis Princeps. Multis Gemmis admirando opificio exscisis, adiit Galliarum memoratum Regem Magnanimum Franciscum I. qui eius virtutem non solum laudibus, sed & praeemiis honorificentissimis honestavit. BENVENUTUS CELLINIUS Florentinus, qui solus, si gemmis scalpendis operam dedisset, cum eo de gloria primoque honore certare poterat, eum laudat, & in eadem professione sua praestantissimum, dum ipse apud eumdem Regem versaretur, adpellat (3). Ea tempestate consuetudo illa invaluerat, ut Principes Viri, Optimates, & Proceres nobilissimi non solum baltheos, & cingulos, & torques, verum & capitis operimenta pretiosissimis inscalptis lapidibus, ac gemmis extanti opificio faberrime caelatis, condecorarent. Haec igitur ornamenta plurima Parisiis perfecit MATTHAEUS, quae

Sfs plu-

(1) De eo scribit Ill. Marchio Scipio Maffei in Par. II. Cap. VI. pag. 193. *Verna illustrata.*

(2) In Par. II. Volum. I. pag. 288. & 289.

(3) In Vita sua, quam Italice scripsit, pag. 200. quamvis erraverit Typographus, qui eum *Messer Mattia del Nasaro* appellat.

plurimi aestimabantur. Venerem cum Cupidine exquisita arte effinxit, cuius ectypum e sulphure, eximum opus, apud me est. Deianiram, seu mavis Iolem, Herculeis spoliis gestientem pulcherrimo Chalcedonio, forte fortuna in flumine invento, veluti singulare suae artis miraculum perbelle aptatis coloribus, opus tanto Rege dignum, perfecit, eidemque Fautori suo beneficentissimo exhibuit. Primus, ni fallor, inter recentiores aurea signa, quae perfecit, lapillis a se incisis dedit, quibus portatilem sacram tabulam pro ara Sacelli regii effinxit & ornavit. In patriam reversum iterum apud se ad civit Rex, monetisque suis cudendis praefecit, & praemiis regia liberalitate eum ornavit. Alia praestantissimi huius Artificis opera memorat VASARIUS, quem adeat eruditus Lector; eumque meritis laudibus ornat Celeberrimus SCIPIO Marchio MAFFEIUS (1). Si validis uti possem coniecturis, eius opus esse crederem insignissimum opus, quod nuper observavi in regio Florentino Cimeliarchio, in Gemma Heliotropio ovalis figurae utrinque excisa, latitudinis fere unciarum quatuor, in qua divino opere insculpta est Infantum Bethelemiticorum nex, pluribus admirandis nexibus, ac figuris ornata, & B. Virgo Maria asello vecta Puerum Iesum deferens in Aegyptum, comitante Sponso Iosepho Sanctissimo. Verum deest nomen Artificis, dum matres omnes, & parvuli inter furentes milites ululare, fugere, flere, & loqui videntur. Hoc opus facile donatum est a Maria Medicea Galliarum Regina.

Alterum omnino certum atque indubitatum immortalis NASSARII opus ex Sardonyche insigni adfertur a MARIETTO Tab. CVII. in Vol. II. in quo sculpta creditur

---

(1) In sua *Verona illustrata*, Par. II. Cap. VI. Col. 193.

ditur Constantini Imp. pugna & celeberrima victoria. Nam in volitante vexillo nomen suum ita insculpsit Artifex praestantissimus: O.P. N.S. nimirum *Opus Nassarii Scalptoris*, sive *Sculptoris*. Huius praestantiae & raritatis opus aerumnosissimum, qualis, quantusque fuerit NASSARIUS Veronensis, perspicue ostendit. Adfertur etiam ab eodem Cl. MARIETTO Tab. CXVIII. imago admirabili opificio Achati Chalc. inscalpta Francisci I. Christianissimi Galliarum Regis, nudo capite, cum thorace & paludamento, a quo inclito Maecenate ad tantum gloriae fastigium NASSARIUS evectus est.

**CLAUDUS, & BRUGIASORZI** Veronenses, & alii  
Discipuli MATTHAEI NASSARII Veronensis,  
Saec. XVI.

Solent plerumque praestantes Artifices cumulandis pecuniis dediti, vel quieti suae & commodis nimium indulgentes, neminem docere, atque instituere, ut sibi consulant, & curis omnibus vacent; quod quidem ipsi naturae repugnat, & divinis consiliis, legibus, ac ciyibus institutis maxime adversatur, quae scientiam sine invidia communicandam docent. Maximis laudibus celebrandus est Matthaeus Nassarius Veronensis, qui exemplo suorum Magistrorum alios egregiae indolis iuvenes concives suos scalpendi peritiam docuit, & suos alumnos fecit, qui a Vasario nominantur; inter quos primus cum laude recensetur quidam Veronensis Auffex, qui, quod curibus laboraret, claudus *il zoppo* appellabatur. Peritum quoque discipulum fecit alterum Veronensem, fratrem Dominici BRUGIASORZI (1), ac præterea

---

(1) Vasarius loco citato pag. 290, scribit *Domenico Bruscia Sorzi*. Lat. *urens mures*. At Auctor Dissert. Glyptogr. scribit pag. 80. Cap. XXV. *Frater Dominici Brugia Sforzii*, scribit, nescio quo auctore.

terea duos eius nepotes, aliosque plures Italos & Gallos homines. Fuit Matthaeus vir liberalis, ingenuus, comis, non divitiarum, sed gloriae, & famae nominis cupidissimus; cuius non ultima laus est placuisse magnopere augusto Genio Francisci I. Galliarum Regis, quo defuncto, & ipse Parisiis mortuus est post annum CIC. XLVII. relictis filiis, qui valde ei dissimiles fuere.

IOANNES IACOBUS CARALIUS Veronensis,  
Saec. XVI.

Romae floruit, operumque suorum fama non Italiam tantum, sed etiam Poloniae amplissimum regnum implevit IOANNES IACOBUS CARALIUS Veronensis. VASARIUS de eo non meminit in Vita Valerii Vicentini, in qua sibi notos Gemmarios Scalptores commendat; sed ibi multis eum laudibus celebrat, nimirum in Vita Marci Antonii Bononiensis (1) Chalcographi sua aetate praestantissimi; in quo imitando, dum viriculo aereis tabulis incideret, omnem adhibuit industriam, omnique ingenii & solertiae conatu eius peritiam aemulatus est CARALIUS. VASARIUS aeneas ab eo complures egregio opificio incisas tabulas enumerat, quas, ne instituti nostri limites praetergrediamur, praetermittimus. Direpta Urbe, paullo post, quum ingenio maxime polleret, & maiora suae virtutis & praestantiae monumenta relinquere cuperet, totum se dedit scalpendis Gemmis anaglypho, & diaglypho opere; nec solum gemmis, verum etiam crystallis, ac tandem in Architecturae

---

(1) Loco superius memorato. Sed Cl. Scipio Marchio Maffeiis eum tantum nominat, & Iacobum Caralium adpellat, praetermissio priore nomine, nempe Joannis, Veronae Illustr. Parte III. col. 193.

rae operibus mirifice excelluit apud Poloniarum Regem, cuius liberalitate honores, & magna praemia consecutus est; tantumque regiis muneribus profecit, ut in Parmensi ditione ingentem auri summam, ut ex ea lucrum in senectute, reversus in patriam, perciperet, conlocaverit. Amplissimo elogio ita eum celebrat Vafarius, ut fatendum sit, nemini in Gemmis utroque opificio tum extanti, tum cavato sculpidis secundum fuisse; quem CARALIUM minor a MARIETTO silentio praeteritum, de quo pauca Cl. VICTORIUS (1) adnotavit.

### LUDOVICUS ANICHINIUS Ferrarensis, Saec. XVI.

Dum hoc aureo saeculo in Glyptographica arte in Italia plures excellebant Opifices, supra reliquos eminuit LUDOVICUS ANICHINIUS (2) patria Ferrarensis, qui Venetiis vixit, atque in augusta Urbe, sapientiae, optimarumque artium domicilio, praeclara edidit suae artis & scientiae exempla circa annum CIC. ID. XL. quem suis laudibus ad caelum evexit PETRUS ARRETTINUS (3) & GEORGIUS VASARIUS (4), qui eum facile cognovit, atque eius opera contemplatus in lapillis mira subtilitate caelatura, & ingenii solertia minimis insculpidis adeo excelluisse adfirmat, ut omnium mentes in admirationem & laudes rapuerit. MARIETTUS adnotat eum & in cudendis illustrium Virorum numismatis praestantissimum fuisse, nullo adlato huiusmodi eius artificii auctore, vel teste. De his enim filet VA-

T t t

SA-

(1) Dissert. Glyptogr. Cap. XXV. pag. 80. locum tamen & elogium Vafarii non indicavit.

(2) Perperam ab aliis scriptum legitur *Nichinius* pro *Anichinius*.

(3) Vide eiusdem Petri Arretini Epistol. Tom. IV. pag. 181.

(4) Vol. I. Par. III. pag. 291.

SARIUS, gemmas tantum minimis figuris ab eo exquisito artificio inscalptas memorans; neque Vir Cl. RODULPHINUS VENUTUS memorat Pontificia Numismata ab eo perfecta; etsi non ita facile negari possit, ANICHINIUM, qui miro artificio Gemmas perfecit, & Numismata perficere non potuisse; nam & alios Gemmarios utraque laude celebres ea tempestate & Nummographos fuisse ex hac Historia perspicue compertum est. Nec VASARIUS, nec MARIETTUS, nec alii, qui post eum scripsere, gemmas pretiosiores ab ANICHINIO incisas enumerant; neque e qua Schola prodierit, quove tempore vixerit, declarant. Sed quum PETRI ARRETTINI laudes promeruerit, eidem coaevum fuisse dubio procul est, atque eo tempore tunc maxime flouruisse, quo scripta est ab eo epistola superius memorata, quae mihi ad manum non est; neque, ut arbitror, a veritate aberravero, si coniiciam, regnantibus Clemente VII. P. M. & Carolo V. Caesare.

Inter alios Gemmarum Scalptores aeo suo Romae celebres, quos commemorat CAMILLUS LEONARDUS Pisaurensis in suo *Speculo Lapidum* (1), laudat FRANCISCUM NICHINUM Ferrariensem, qui, ut observat Auctor Dissertationis Glyptographicae (2), vel frater est Ludovici Anichinii iam laudati, vel fortasse idem ipse, perperam a LEONARDO nominatus, de quo alii viderint.

ALEXANDER CAESARIUS, ut fama fert, Patavinus, Saec. XVI.

Quemadmodum Graecia antiqua Pyrgotele summo Scal-

(1) Venet. Edit. anno MDXVI. & iterum Parisiis MDCX. Opus vero, Sacrae Congregationis ab Indice nuncupatae Decreto, iure, meritoque damnatum.

(2) Cap. XXV. pag. 81.

Scalptoriae artis magistro superbiit; ita & Italia ALEXANDRO CAESARIO, sive DE CAESARIBUS, veluti Pyrgotele altero, qui veterum praestantium Scalptorum gloriam, si non aequavit, certe artis ingenio & conatu admirabili aemulatus est, operumque fama nominis immortalitatem sibi peperit multis laudibus celebrandam. Ut enim Phocionis Atheniensis imaginem anaglypho opere Sardonychi insculpsit Pyrgoteles, eidem summo viro coaevus, quae in Stoschiano egregio Opere adfertur Tab. LVI. in qua & nomen suum inscrispit; ita & ALEXANDER ad eius exemplum Achati Sardonychi adsimili opere eamdem imaginem exsculpdit; eo tamen discrimine, ut Pyrgoteles caput Phocionis ad dexteram Gemmae partem expresserit, pallio te<sup>c</sup>to sinistro humero; ALEXANDER vero collo tenus sine pectore effinxerit, ad laevam gemmae partem verso eius capite, opificio plane mansuetiore, ac molliore, sed dignitatis & gravitatis pleno. VASARIUS postquam plurimos Gemmarios Opifices laudavit, ut ad ALEXANDRUM venit, meritorum, eorumque operum iudex peritissimus, eum reliquos omnes praetergressum adfirmat elegantia operum, praestantia, diligentia, ac venustate absolutissima, omnemque artium encyclopaediam, ut ita dicam, exquisitissime eum calluisse memorat. Adcedit Michaelis Angeli Bonarrotii oraculum, qui dum contemplatur numismata ab ALEXANDRO mira arte absoluta, ac praesertim illud in honorem PAULLI III. P. M. cuius effigies viva videtur, postica vero exhibet Alexandrum Magnum pedibus summi Sacerdotis Ierosolymitani pro volutum, eumque adorantem, exclamasse ait VASARIUS (1), postremam venisse artis horam, videlicet non plus ultra,

---

(1) Primi Vol. Par. III. pag. 291. Flor. Edit.

ultra, quum ipse ALEXANDER ad supremos elegantiae & perfectionis terminos pervenisset. Numisma describitur & adfertur a Cel. BONANNIO S. I. (1), a Clariss. RODULPHINO VENUTO illustratur Num. XXXI. pag. 85. & qua occasione sit cusum adnotatur. Interdum Graecorum Artificum more nomen suum ita inscripsit : ΑΛΕΞΑΝΔΡΟΣ. ΕΠΟΙΕΙ. Sed quod ad Historiam nostram pertinet, tanta ALEXANDER CAESARIUS polluit arte, iudicio, praestantia in Gemmis five diaglyphico, five anaglyphico opere scalpendis, ut cognomento *Magister Graecus* ab omnibus appellatus fuerit. Quo vero auctore MARIETTUS proferat, eum in Graecia natum fuisse, mente non adsequor, atque idcirco ait cognominatum Magistrum Graecum. Verum, quae Italis ingeniis debetur laus, minime deneganda est ; nam eum fuisse *Alexandrum Bassianum Patavinum* tradunt Viri Cl. MOLINETIUS (2), & VENUTUS loco citato. Cognomentum de *Caesaribus* accepisse autumo fortassis ab illustri familia de Caesaribus, cuius auspiciis & liberalitate his artibus a teneris unguiculis operam dedit, atque in his valde praecelluit. Complures Gemmas ab eo inscalptas, sculptasque exstanti opere laudat VASARIUS, inter quas hae potissimum primas tenebant, in quarum altera sculptus leo cum puerō, in altera vero femina nuda ; in Sarda incisum caput Henrici II. Regis Christianissimi, quam imaginem iubente Cardinali Farnesio absolverat (3) ; quod vero artis miraculum censebatur, erat Phocionis Atheniensis caput Achati Sardonychi, ut diximus,

(1) Numism. Pontif. Rom. num. 33. pag. 199.

(2) In Praefat. ad Histor. Pontificum Rom. per Numismata.

(3) Mariettus memorat alteram Sardam, sed exstanti opere sculptam cum eadem imagine Henrici II. Christianiss. Regis, in qua etiam inscalptum litteris graecis Alexandri nomen, quod opus ait servatum in Cimelii Croatianis.

mus, exscalptum; quo opere nobilissimo superbit Da-  
Etyliotheaca Antonii Mariae Zanettii Veneti V.C. quod  
a me descriptum vide Tab. III. pag. 5. (1)

Praeclara alia non pauca de hoc praestantissimo Ar-  
tifice adnotantur a Cl. VENUTO (2), quae quum praet-  
ermissa a VASARIO, ignota fuerint praelaudato MARIET-  
TO, valde gratum, ut opinor, eruditis erit, si adfe-  
rantur: "Ad hanc spectat aetatem Alexander Cæsari,  
" cognomento Graecus, inter optimos quosque Cusores  
" Scalptoresque merito numerandus; quum, Vasario  
" iudice, vel ea quae artis minima sunt, summa dili-  
" gentia perfecerit. Excudit numismata, formas signa-  
" vit, lapillos incidit. Auctorem hunc indicat ac pro-  
" bat numisma illud Paulli III. cuius anterior pars  
" Paullum exhibit, ac designat epigraphe: PAVLVS  
" III. PONT. MAX. posterior vero Templum, Sacer-  
" dotem, Magnumque Alexandrum flexis genibus, lit-  
" teris appositis: ΑΛΕΞΑΝΔΡΟΣ. ΕΠΟΙΕΙ. Nec in numis-  
" matum dumtaxat, sed etiam in nummorum cuden-  
" dorum usum formas effinxit; quippe Monetariae Of-  
" ficinae diu curam gessit in Urbe. Praecipua vero,  
" ac admiratione plane digna est Alexandri solertia in  
" lapillis incidendis, ac dexteritas summa. Lapillos vo-  
" camus minutiores quosdam ac pretiosos lapides, quos  
" a coloris diversitate, & imaginum structura dissimi-  
" li, peculiari nomine, vernaculo sermone appellamus.  
" Si enim color subobscurus (*rubrus*) sit, & imago la-  
" pidi incisa, Corniolam (*Corniola*) nominamus; sin  
" autem & alijs sit color, & figura promineat, bar-

V v u                   ,, baro

(1) Gemmae antiquae Antonii Mariae Zanettii Hier. F. Ant. Franc. Gorius Nqis Latini  
nis illustravit Venetiis MDCCCL. in fol.

(2) In Praefat. pag. XXI. ad Numismata Romanor. Pontificum praestantiora Rom. edie.  
MDCCXLIV. in 4.

„ baro nomine Cameum dicimus, Italice *Cameo*. Utri.  
 „ que lapidi sculpendo ALEXANDER incubuit, & usque  
 „ adeo excelluit, ut prodigii simile videatur lapillus  
 „ (*Cameo*), in quo caput eminet Phocionis Athenien-  
 „ sis. Pari elegantia, instante Cardinali Farnesio, ca-  
 „ put Henrici Galliae Regis corniolae, quae Iulii Ro-  
 „ mani magnitudinem aequat, insculpsit. Ad eius ma-  
 „ gisterii nobilitatem accedit gemina effigies, altera  
 „ Petri Aloysii Castrensis Ducis, altera Cardinalis Far-  
 „ nefii; quorum postrema caput habet aureum, a-  
 „ ream vero ex argento. “

### IOANNES CAVINIUS Patavinus, Saec. XVI.

Ferunt IOANNEM CAVINIUM, vulgo nuncupatum il  
*Padovanino*, quum in Graphice magnopere excelleret,  
 primum in scalpendis Gemmis operam dedisse; sed labo-  
 rum suorum diuturnitate pertaesus, cūdendis numisma-  
 tis totus postea incubuit, quae omnium aetatis suae Ar-  
 tificum praestantissima habentur, & multo studio con-  
 quiruntur. Ioannes Baptista Pasqualius Venetus, Typo-  
 graphus laudatissimus, haec quae a docto Viro acce-  
 pit, mecum communicavit, quae nunc primum pervul-  
 gantur. “ IOANNES CAVINIUS Patavinus aurea, argen-  
 „ tea, aereaque cudit Numismata omnium peritissimus  
 „ saeculo decimo sexto. Clarissimorum Virorum Ima-  
 „ gines affabre expressit, Caesarum riora numismata  
 „ imitatus est, aē restituit antiquis adeo similia, ut  
 „ vix, nisi a peritissimis, distingui possint, ac suspe-  
 „ ñta haberit nitorem propter & elegantiam. Amicissi-  
 „ mus fuit Alexandri Bassiani viri eruditissimi, bona-  
 „ rumque artium patroni. Eo præcipue curante duo-  
 „ decim Caesarum imagines suis numismatibus recudit,  
 „ sui.

„ siue amoris ergo in elegantissimo numismate Bas-  
 „ siani & propriam imaginem posteritati mandavit .  
 „ Obiit Patavii anno M.DLXX. Non. Septembr. Se-  
 „ pultus est in Ecclesia S. Ioannis in Viridario . Lapi-  
 „ di hoc inscriptum Epitaphium .

## IOAN. CAVINIO

VIRO INTEGERRIMO PATRI DE SE OPT. MERIT.  
 QUI ANTIQUORUM OPERA MAX. JUDICIO COLUIT  
 ET PRISCORUM PRAESERTIM CAESARUM  
 MULTORUMQUE AETATIS SUAE VIRORUM  
 CLARISS. IMAGINES CUDENDO EXPRESSIT  
 CAMILLUS FIL. IV. CON. OB SUAM IN EUM  
 PIETATEM SIBIQUE AC SUIS OMNIBUS P. C.

In Museo Clar. Comitis de Lazara , quod in The-  
 saurum Christianissimi Galliarum Regis migravit , ser-  
 vabantur formae Cavinianae ad cedula numismata ,  
 quas Rex dono dedit Patribus S. Genevieveae . Ab ipsis  
 editum est Volumen , in quo eadem numismata cum  
 antica & postica parte delineata repräsentantur . Ex-  
 stant in variis Museis numismata maximae formae &  
 magnitudinis , quae plurima sunt , & aliis enumeranda  
 ac describenda relinquo .

ANDREAS RICCIUS , sive CRISPUS , Patavinus .

Multa cum laude memorandus est ANDREAS Riccius ,  
 seu CRISPUS , a capitis crispa coma ita dictus , Patavi-  
 nus aeris fusor , qui etiam Caelator excellens fuit , ac  
 Statuarius .

IO.

**IO. ANTONIUS CARAFFA, PAULUS ZOPPIUS,  
& SERAPHINUS, Brixenses, Saec. XV. & XVI.**

Dum haec scriberem, forte fortuna incidit in manus meas liber singularis Octavii Rossii Brixiani, cuius titulus: *Elogi Historici di Bresciani Illustri Teatro ec. (1)* in quo in fine laudantur Pictores, Sculptores, & Caelatores egregii, qui in ea celeberrima Urbe floruerunt; quae nunc plena operibus, scriptis, aedificiis sacris munificentissimi, ac sapientissimi S.R.E. Cardinalis Bibliothecarii Angelii Mariae Quirini inter Italicas Urbes paeclarissima est, toto orbe celeberrima, ac nemini secundâ. Inter eximios Opifices, qui Gemmariis adenser possunt, hi potissimum eminent, IOANNES ANTONIUS CARAFFA, SERAPHINUS, & PAULUS ZOPPIUS. De singulis ea quae ad nos pertinent nunc adnotanda. IOANNES ANTONIUS CARAFFA (2) primus in ea urbe circa annum **CID. CCCC. LXX.** crystallinorum Vasculorum fabricandorum auctor fuit, quae tam egregio opificio perfecit, ut a Venetorum Republica aditus, stipendia in eo paeclarissimo scientiarum & artium domicilio meruerit. Siquidem crystallina eius opera auri summa tanti vendebantur, quanti pendebant. Nihil enim rarum erat vel ex gemmis, vel ex floribus a natura produetum, quod ipse pereleganter non imitaretur, & accurate anaglyphico opere in vasculis non effingeret. Flagitantibus Nobilibus Avogadris vas magnum e crystallo exstruxit, in quo existenti opere sculpsit complures Nymphas in aquis fluminis inter se conludentes sub arborum umbris. Ferunt eius in Vasculis vitreis & crystallinis caelandis tan-

---

(1) Italice scriptus est, Brixiae editus in quarta forma anno MDCXX. Vide pag. 502.

(2) Vide ibidem pag. 514.

tantam fuisse praestantiam, ut veneno eum extinctum in ipso iuventae flore suspicio oborta sit.

Aureo saeculo, nempe circa annum CIC. IC. XXX. in minimis figuris pingendis, praesertim in libris exquisitissimis picturis ornandis celebris fuit PAULUS ZOPPIUS (1). Hic in crystallino praegrandi lebete pinxit Brixiensem depopulationem a Gallis irruentibus acceptam, in qua ad vivum pietate ora Domini de Fois, & aliorum Ducum, hominumque in eo facinore illustrium. In hoc admirando opere absolvendo duobus annis studio & ingenio insudavit; quod cum in itinere secum duceret, ut Magnificentissimo Venetorum Duci Gritto dono offerret & dedicaret, fractum est; quapropter maximo dolore perculsus apud Desentianum repente interiit.

Initio eiusdem aurei Saeculi XVI. in omnibus sculpturis & caelaturis mirabile quoque fuisse SERAPHINI Brixiensis ingenium praelaudatus Rossi sibit (2); quapropter & in Gemmis caelandis non minimam laudem consecutum arbitramur. Nam opera e chalybe ornabat aureis & argenteis ornamentis, figuris, emblematis, quae instar gemmarum inserta maximi pretii habebantur. Caroli V. Caesaris arma operosissima fecit, galeam, thoracem, brachialia, tibalia: Francisco I. Galliarum Regi obtulit gladium triumphalem, vulgo Stocco, mira arte a se fabricatum, & insitis aureis & argenteis emblematis adeo ornatum, ac perelegans, ut ab eo aureum torquem & insignia Equestris Ordinis pro meritis acceperit. Senecta oppressus in patria sua semper cum laude victurus obiit.

---

(1) Vide ibidem pag. 508.

(2) Vide ibidem pag. 509.

H I S T O R I A  
IOANNES MARIA FABRIS Venetus , Saec. XVIII.

Dum hanc Historiam Glyptographicam scriberem ;  
rogavi praelaudatum Ioanem Baptistam Pasqualium , ut  
praestantes hac aetate Gemmarios Scalptores , qui apud  
Venetos florent , mihi enumeraret ; a quo & haec mo-  
numenta ad egregium IOANNEM MARIAM FABRIS perti-  
nentia accepi , quae operae pretium me facturum duxi ,  
si ipsis verbis vernaculo sermone ad me scriptis lau-  
darem : “ Incisore di Gemme in Venezia evvi GIAM-  
„ MARIA FABRIS Veneto , scolare nel Disegno delli  
„ Sigg.<sup>ri</sup> Giambatista Dancin , e Giuseppe Camerata  
„ Pittori Veneziani : poscia passò egli nella pubblica  
„ Accademia sotto la direzione del Sig. Giambatista  
„ Piazzetta celebre Pittore . Apprese il modo solamen-  
„ te d' incidere nella Città di Vienna dal Sig. Giaco-  
„ mo Valder di Trasburgo , e da altro vecchio Ale-  
„ manno , stipendiato dall' Imperatore Giuseppe . Ritor-  
„ nato poi di fresca età alla sua patria , cominciò e  
„ proseguì da se medesimo a intagliar gioie , e scol-  
„ pire Cammei . Alcune delle opere più singolari di  
„ questo valente Incisore son passate in alcune Datti-  
„ lioteche e Musei ; altre a Soggetti , dai quali non  
„ gli è permesso di farle palesi . Si sa di alcune po-  
„ che , tra le quali un Dionisio inciso in Corniola per  
„ S. E. il Sig. Conte di Sculemburgh , fu Maresciallo  
„ della Serenissima Repubblica di Venezia ; altra si-  
„ milmente per il N. H. Signor Conte Giovanni An-  
„ gheran Patrizio Veneto , testa di Giulia di Tito ;  
„ altra , cioè Pallade , in Corniola per il N. H. Sig. An-  
„ drea Barbaro Patrizio Veneto ; altra , Mercurio alato ,  
„ in Topazio Paiesco per il Sargente Generale Straticò ;  
„ altra

„ altra in Corniola , testa di Cibele turrita , per il Sig.  
 „ Gregorio Lavizari , Nobile di Como , e Cittadino  
 „ Veneto ; altra in Corniola , di un Alessandro cornuto ,  
 „ a imitazione più dell' altre dell' antico , per il Sig.  
 „ Giovanni Loris Mercante Veneto ; un Cicerone in  
 „ Sardonica macchiata a fasce , per il Sig. Francesco  
 „ Lazzarò Cittadino Veneto . Tra i Cammei più bel-  
 „ li del medesimo , si accenna una Testa cognita di un  
 „ Giovine con capelli sparsi pel N. H. Sig. Bortolo  
 „ Vitturi : altro con Ottone Imperatore senza corona  
 „ in capo , che esiste in Venezia nelle mani d' un Mi-  
 „ nistro estero : altro d' una Matidia , ch' è nelle mani  
 „ d' un Veneto Patrizio . Ne ha fatti altri per com-  
 „ missione di alcuni Viaggiatori , e particolarmente per  
 „ il Sig. Antonio Gallo di Bologna . "

### IACOBUS GASPARINIUS Venetus , Saec. XVIII.

Per celebre est nomen , totaque Europa laudatum IACOBI GASPARINII Veneti , qui in crystallinis operibus  
 incidendis sculpensque praestantioribus palmam pree-  
 ripuit . De eo haec ad me scripsit memoratus Pasqua-  
 lius . " Incisore più celebre di cristalli è Giacomo Ga-  
 sparini Veneto . Imparò egli il disegno di figure  
 dal Sig. Piazzetta , e di ornati dal Sig. Carpofo-  
 Stuccatore . Tra le opere più particolari e pregiabi-  
 li di questo Autore , si annovera il Ritratto della  
 Imperatrice Regina d' Ungheria e di Boemia , che  
 fu mandato a Vienna : alcune sottocoppe , tondi , e  
 tutto il fornimento da tavola , con figure incise ,  
 armi , blasoni , ornati di perfetto disegno per il Prin-  
 cipe Odescalchi Romano , d' immenso valore . Altri  
 bicchieri , belliconi , e coperchi , e tazze incise con  
 figu-

„ figure , ornati , ed iscrizioni per il Principe Statolder d' Ollanda , di sommo valore : altri simili con geroglifici , figure , mari , e paesi per commissione avuta di Londra ; altri simili per alcuni Cavalieri esteri , e Principi capitati a Venezia ; come pure per alcuni Patrizj Veneti ; ed ha parimente somma abilità in incidere specchj , e molti di questi ne ha incisi . “

### LAURENTIUS MASINIUS Venetus, Saec. XVIII.

In imitandis antiquorum Scalptorum insignioribus exemplis multam obtinet hac aetate laudem LAURENTIUS MASINIUS , qui & Romae & Florentiae diu moratus est ; verum dum haec scribo , Venetas reversus , Gemmis scalpendis adsiduo labore incumbit . Non paucas gemmas ab eo scalptas vidi Florentiae penes egregium Aurifricem Anularium Liborium Cagliatum , qui eas mihi ostendit . Si in suis caelaturis diutius studio immorari vellet , maiora praestare posset ; sed quia cum paupertate eius peritia luctatur , celerrime opera sua conficit ; invenitque rotam omnium maximam , qua quidquid alii faciunt integra die , ipse unica tantum hora absolvit ; hinc est quod Gemmas a se inscalptas exiguo pretio vendit , & ita vivit ingenio , quo absolutiora & praestantiora praestare potest , si quis liberatus cum eo agat .

CAPUT

## C A P U T X V I .

*De Gallica Schola Glyptographica, eius clari Scalptores  
Gemmarii memorantur.*

**I**N Gallico Orbe ac Coelo semper multis laudibus, ubique etiam gentium, praedicabitur non solum Magnus, sed etiam Maximus Rex FRANCISCUS I. Christianissimus, qui tum liberalia studia, tum artes revocavit, restituitque, & sapientia ac liberalitate sua favit, auxit, atque in florentissimo, opulentissimoque Regno suo quammaxime amplificavit. Plena sunt eius laudibus egregiorum Scriptorum volumina, qui eum Maecenatem, & Fautorem inclytum magnanimumque celebrant Litteratorum omnium, & Poetarum; inter quos eius delicium eminet noster Aloysius Alamannius Patricius Florentinus, inter Pictores Leonardus Vinci, inter Aurifices & Gemmarios Benvenutus Cellinius, & Anichinius, aliquique ex nostris, & hi etiam summi Glyptographici Artifices, qui nunc a me recensentur. Incomparabilis hic Rex mentis altitudine, perspicaci solertia, sapientiaque, quum antiquis, & recentioribus praestantium Opificum ingeniis, & exquisitoribus operibus summopere delebetaretur, & optima quaeque rete pernosceret; aestimaretque, brevi temporis spatio regiam Aulam suam monumentis hisce aeternae suae gloriae, sapientiae, & eruditionis implevit, & in omnibus summis Galliarum Principibus valde excitavit; adeo ut hodie florentissimum Regnum ad summae gloriae apicem evectum admireremur: cuius gloriae Fundator omnium maximus, omni aevo memorandus, summisque praeconiis celebrandus est LUDOVICUS XIV. Rex

Y y y Chri-

Christianissimus , qui artes omnes , & studia absolutissimas reddidit favore regiae suae magnificentiae , & incredibilis liberalitatis , qua in omnium ore est , vivit , vivetque semper , nullis omnino , licet maximis , laudibus aequandus . Harum omnium laudum aemulus nunc feliciter regnat , vigilatque Rex Invictissimus , ac Potentissimus LUDOVICUS XV. quo auspice , favente , ac praesidia omnia ad augendum amplificandumque clararum artium , & litterarum decus suppeditante , insignes florent Gemmarii Opifices , quorum nomina , & eximia opera , quae mihi innotuere , nunc recensentur . Ea semper fuit Gallici Orbis laus , ut ingenia maxima tum in liberalibus disciplinis , tum in praestantioribus artibus semper floruerint ; quod etiam tribuendum illis Regiis Academiis , in quibus viri longe doctissimi , & probatissimi , spe praemiorum quae regia liberalitate adsidue dantur , ad omnia praestanda , quae aeternitate digna sunt , excitantur ; & cumulatissime recreantur .

### COLDOREUS Gallus , Saec. XVII.

Floruit eximus hic Scalptor Gemmarius sub Ludovico XIII. & Henrico IV. Christianissimis Regibus , cuius imaginem opere tum anaglyphico , tum diaglyphico exquisitissime elaboravit , insigni artis nobilitate ac magisterio . Credibile est integras quoque figuras eodem opificio , & , ut solebat , delicatiore caelatura , expressisse , quae vel non existant , vel ignorantur . Profecto in vultibus exhibendis eum nemini secundum fuisse testatur MARIETTUS . Fama est eum ab Elisabeth Regina in Britanniam admitem , cuius imaginem existenti opere admirando , quod in Crozatianis Cimeliis spe-

cta-

Etatum est, in Achate Onyche sculpsit; quapropter a Britannis magno in pretio eius scalpti lapilli habitu sunt, & certatim conquisiti.

Hunc suspicatur Mariettus ipsum esse IULIANUM de Fontenay, cognomento ab omnibus, reiecto proprio nomine, *Coldore* adpellatum, qui magno in honore fuit apud Henricum IV. Galliarum Regem, cui munus scalpendi Gemmas suas (1), & in regio Palatio mansionem dedit, eumque inter domesticos Cubicularios suos adlegit, & tamquam praceptorum peritissimum suorum Scalptorum Gemmariorum officinis in Museo suo praefecit; cuius suspicionis suae non paucas rationes, & quidem non leves, adfert; quem adeat Lector.

### N. R E Y Gallus, Saec. XVIII.

Ineunte saeculo XVIII. Romae anularibus gemmis scalpendis dedisse operam REY Gallum, narrat Auctor Dissertationis Glyptographicae (2), qui numisma eximi operis ab eo aere coronario fusum cum imagine Emmanuelis Theodosii Cardinalis Bullionii adfert, argento tenuissimo ita braeteatum, totumque viriculo summa diligentia perpolitum, ut conspicientibus omnino cusum videatur. Ex gemmis praecipua cum laude ab eo describitur Smaragdus, in quo imaginem D. Caroli Albanii Clementis XI. Fratris filii egregio labore artisque nobilitate insculpsit. Parent laudem adeptus est inscalpta signatoria gemma insigniis gentilitiis Mar-

chion-

(1) Laudatur in patentibus Litteris, in quibus data a Rege Christianissimo Privilegia Artificibus recensentur, datis ad diem XXII. Decembr. an. MDCVIII.

(2) Cap. XXV. pag. 90. 91. & 92.

chionis Castris Sancti Viti , Hieronymi Theoduli Patricii Romani distincta & decorata.

**FRANCISCUS IULIANUS BARRIER**  
Gallus , Saec. XVIII.

Natura ipsa avida laudis & gloriae sibi mirum BARRIER ingenium effinxit , qui invito patre , a quo Aurariae arti suae , & encausticae picturae destinabatur , sui ipsius praceptor adeo in Gemmis scalpendis utroque opificio excelluit , ut regius Gemmarius Opifex factus nominis immortalitatem feliciter sit adsecutus . Sculpta ab eo spectantur complura capita , figure , animalia , necnon illustrium Virorum imagines , inter quas illae probatissimae habentur Marchionis Rangonii pro Serenissimo Mutinae Duce ad Regem Christianissimum Oratoris , & Domini de Fontenelle . Obitum suum IV. Eidus Maias anno CIC. ID. CC. XLVI. aetatis suae LXVI. multis laudibus honestavit .

**IACOBUS GUAY Marsiliensis , Saec. XVIII.**

Parisiis celebre est nomen Regii Scalptoris IACOBI GUAY , qui nunc vivit , floretque , Opificum Gemmariorum decus & ornamentum . Graphices praceptoribus ab eximio Pictore Boucher instructus , relictis Aurariae artibus , & patris Marsiliensi solo , Glyptographicum tantum Parisiis magisterio incubuit . Quum insignem Gemmarum Crozatianam Syllogen vidisset , summa discendi proficiendique cupiditate incensus Italiam perlungavit , Florentiae vero anno CIC. ID. CC. XLII. diu moratus , Gemmarum Thesaurum sedulo contemplatus est , ac praefantiora tum antiquorum , tum neotericorum Artificum opera accuratissime expendit . Mox Ro-

mam

mam petiit, ubi sede iussu Regis Christianissimi in Palatio Accademiae accepta, ita tempus omne distribuit, ut & gemmis incidendis, & Museorum tota Urbe rarioribus monumentis perlustrandis operam daret. Singula artis miracula, quae conspexerat, adsidua meditatione recogitans infixa animo conservabat; quapropter antiqua capita & protomas, inter quas Antinoi caput Sardae, alterum eiusdem Antinoi signum artis miraculum, egregio opere inscalpsit, in imitandis antiquis Graecis Opificibus felicissimus. Parisios redux se in Glyptographicis opificiis magis magisque acuit ac perfecit. In imaginibus sculpidis nulli secundus, effigiem vivo ore ac pene voce D. de Crebillon expressit; mox puerulos & feminas, & alia multa opera elaborata absolvit, quae, ut brevitati consulam, praetermitto. In effigie D. Marchionissae de Pompadur summo atque incredibili studio, auxiliante Venere ipsa cum Gratiis, existanti opere singulari Gemmae exsculpsit; sed, quod aliqui non probarunt, in minore, quam opus erat, tanto capiti area, in qua oportebat, ut latius exsplenderet, atque emineret. Christianissimum Galliarum Regem Ludovicum XV. Sardae in triumphali currus vetum, ad pedes sedente Regio Delphino, exquisitissima arte inscalpsit. Sed nihil praestantius, absolutius nihil Triumpho Fontenoyensi, quo ostendo, iubente Rege, Sculptror regius declaratus est, & ab eo tum aedibus ad Museum, tum regiae Accademiae Pictorum & Sculptorum adscriptus est; quod decus expressit in Gemma, quam eidem Regiae Accademiae dono dedit sub emblemate Genii Graphices, cui Apollo suaे laureae partem impertit.

H I S T O R I A  
IOANNES BAPTISTA CERTAIN  
Gallus, Saec. XVIII.

Adhuc vivit Parisiis egregius hic Scalptor, qui aemulatione certavit cum filio Mauritii Belgae. Bacchicam pompam inscalptam in anulari Gemma illa celeberrima, quae antea fuerat divini Michaelis Angeli Bonarrotii, quam Magnus Ludovicus XIV. Rex Christianissimus in digitis suis inseruit, egregiis conatibus, quibus difficultates superavit, accurate expressit. Non ingenii vires, sed proposita operum schemata ei defuere.

C A P U T   X V I I .

*De Glyptographica Schola Alemannica, eiusque  
claris Scalptoribus Gemmariis.*

**I**Mperatorum, Regum, & Principum, qui in Germanico Orbe tanquam sidera lucidissima micant ac splendent, non recensembo nomina in hoc ipso Capitis XVII. vestibulo, quum in his quae a me mox dicuntur, meritis laudibus non fraudentur, quorum auspiciis, favore, & liberalitate auctae ornataeque sint Glyptographicae artes, quod perspicue apud omnes in confessu est. Quemadmodum enim terra nisi Solis radiis illustretur, & opportunis imbribus irrigetur, squalorem induit, ac sterilescit; ita etiam disciplinae omnes, & pulcherrimae artes, quae a Graphice ortae sunt, nisi maximorum Principum liberalitate, beneficentia, amore, ac per vigili studio recreentur, profecto fordescunt, & gloriae auras, & praestantiae favores non sentientes, veluti faces quaedam vento non agitatae extin-

stinguuntur. Hinc Alemanniam cernimus ope & praefidio magnanimorum Principum Gemmarios Artifices ingenio & patientia prae ceteris incomparabiles semper florentissimos, ac praestantissimos produxisse, & adhuc producere, qui ad honoris & gloriae fastigium pervenire; quorum nomina illustria nunc recensemus: atque utinam omnia nobis nota, dum scribimus, exstitissent!

**CASPAR LECHMANUS, MISERONIUS, eiusque  
filii DIONYSIUS & FERDINANDUS  
EUSEBIUS, Saec. XVII.**

In confesso est, Regum & Principum favore ali, mirumque in modum florere optima studia & artes, si praestantes Viros honoribus & praemiis liberalissimis ornent, atque honestent. Laudatur Rodulphus II. Imperator gloriosissimus, qui pulchrorum operum amore mirifice delectatus est, eaque de re praecellentes Opifices ad se aditos ad Glyptographicen & Toreuticen in suis regnis excendam excitavit. In Museo Vindobonensi Caesareo plurima pretiosa adservantur Vascula e crystallo, Achate, & Iaspide, quae tum pulchritudine, tum superatis arte multis periculis, inusitato quodam opificio exsplendescunt. His elaborandis tunc operam dabant, & praestantiores censebantur, **CASPAR LECHMANUS, & MISERONIUS**, a quibus in Bohemicis officinis exempla petita, quae hodie multa in laude sunt. **MISERONIUS** (ni tamen scriendum sit Misuronius, e qua familia celebres Glyptographos prodiisse Caspareni & Hieronymum Mediolanenses diximus) Antiquarii Caesarei eximum decus adsecutus est. Eidem in Glyptographice successit optimus filius DIONYSIUS, qui ius suu Mathiae Caesaris exscisis multis gemmis, aliisque e pre-

pretiosis lapidibus perfectis operibus, Musea Vindebo-  
nensia & Pragensia ornavit. DIONYSII filius FERDINAN-  
DUS EUSEBIUS, titulis & honoribus aulicis auctus a  
Leopoldo Imperatore, demandata sibi munera accurate  
implevit (1).

**CHRISTOPHORUS SCHWAIGERUS**  
Alemannus, Saec. XVI. & XVII.

Stemmata & Insignia in Gemmis inscalpsisse CHRIS-  
TOPHORUM SCHWAIGERUM, non ex eius caelaturis, sed  
ex eius Icone, quam pinxit Ioannes Van-Ach, aeri  
vero incidit anno CIC. IC. C. Lucas Kilian, colligit  
PETRUS MARIETTUS. In subiecto elogio, Latinis ver-  
sibus expresso, cum Pyrgotele propter caelandi peri-  
tiā comparatur; quod Poetico oestro tribuendum est.

**PHILIPPUS CHRISTOPHORUS BECKERUS**  
Alemannus, Saec. XVIII.

De hoc Gemmario Artifice plura adnotat PETRUS  
MARIETTUS, e quo pauca haec decerpimus. Primum  
Aurariae operam dedit, sed quum Viennam Austriae  
petiisset, Glyptographicen in ea didicit a Seidlitzio  
Caelatore famigeratissimo. Imperator Caesar Iosephus  
apud se in honore habuit; mox, eo vita functo, Ca-  
rolus VI. magnorum ingeniorum munificus conqui-  
sitor & Fautor, cudendorum numismatum suorum pro-  
vinciam ei demandavit, & nobilitatis insigniis deco-  
ravit. Russianam regiam Aulam petiit, ubi Magni  
Petri I. Czaris sphragisma obsignatorium incidit, &  
restitutis in eo regno monetariis officinis, iisdem cu-  
den-

(1) Vide Petrum Mariettum, a quo haec accepimus.

dendis praefuit , multis & magnificis honoribus ab eo Principe ornatus , qui ei advenienti , dum pranderet , ferculum adferri , eique adponi iussit . Eas potissimum Gemmas exquisito labore & laudabili nitidoque opificio inscalpsit ; quibus epistolae & chartae obsignantur ; quae emblemata quam perdifficilia sint , nemo est qui nesciat ; nam in his Principum Virorum Stemmatu praesertim apud Alemannos valde laboriosa , ad omnes Heraldicae scientiae regulas accurate exprimi debent ; inter quas obsignatorium Liriae Ducis sigillum maxime laudatur . Gemmis exstanti opere exsculpidis operam dedisse ferrunt ; diaglyphico vero opere gemmis inscalpsit effigies Caesaris Augusti Caroli VI. & Augustae Elisabeth eius Coniugis ; nec non in Iaspide Inclutum a Sabaudia Principem Eugenium effinxit . Obiit Viennae Austriae VIII. Eidus Maias anno CIC. IC. CC. XLIII.

**SPANENBERGERUS** Norimbergensis , **CONRADUS MULLERUS** , & **IOANNES CONRADUS** eius Filius , Alemanni , Saec. XVIII.

Norimbergae multos annos in Glyptographica se exercuit egregius **SPANENBERGERUS** , qui eam quoque docuit , & discipulos habuit , inter quos memoratur **CONRADUS MULLERUS** . **IOANNES MULLERUS** , eiusdem **CONRADI** filius , institutiones secutus est celebris Beckeri , de quo diximus ; nam quum scalpendis in lapillis , & gemmis , Inlustrium Familiarum Insigniis , & Stemmatibus , studio , arte , ac diligentia praecelleret , patre suo vita functo anno CIC. IC. CC. XXXIII. reliquo patrio solo Strasbourg , Lutetiam Parisiorum se contulit , ut facilius studiis suis & utilitati consuleret , ubi nunc honestissimo utitur domicilio .

Aaaa CHRI-

**CHRISTOPHORUS DORSCHIUS, & SUSANNA  
DORSCHIA F. Norimbergenses, Saec. XVIII.**

In Gemmis scalpendis adsiduo labore, quoad vixit, praesertim in Regum ac Principum Imaginibus, ut solebat, accurate expressis, insudavit **CHRISTOPHORUS DORSCHIUS** Norimbergensis, qui hoc saeculo floruit ab anno **CIC. ID. CC.** ad annum **CIC. ID. CC. XXXII.** quo fato functus est **XVI. Kal. Novembres**, aetatis suae anno quinquagesimo sexto. Praeceptorem habuit patrem suum, qui si in Italicis, non vero in Alemannicis Scholis se perfecisset, maiorem profecto laudem, ac sui nominis celebritatem sibi conquirere potuisset. Erat enim ingenio valde perspicaci, & ad aerumnas dedito.

A patre optimo egregie in Glyptographice erudita est eius filia **SUSANNA**, matrimonio iuncta Ioanni Iustino Presler, Moderatori Patriae Academiae Pictorum, quae hac tempestate in Gemmis utroque opificio scalpendis cum imitatione antiquorum exemplarium, & multa diligentiae laude dat operam; de quibus horum **Artificum** dotibus multa accepi in familiaribus colloquiis cum Clariss. Barone de Stosch. Insigniora **DORSCHIUS** collegit antiquorum **Artificum** egypta, quae in domesticis Cimeliis servat nunc eius filia. Idem etiam **Chalcographus** egregius, qui aereas Tabulas omnes incidit, quae exhibentur in **Gemmarum Thesauro** Ioan. Martini ab Ebermayer, quem Commentariis inlustravit **Cl. Io. Iacobus Bayerus Med. Doct. in Academia Altorfina Professor**, prodiitque Norimbergae anno **CIC. ID. CC. XX.**

LAU-

LAURENTIUS NATTER Norimbergensis,  
Saec. XVIII.

Inter Gemmarios Scalptores probatissimos , qui nostro aevo florent , recensendus est LAURENTIUS NATTER , civis Norimbergensis , vigore animi , solertia , peritia & elegantia in suis caelaturis nemini secundus . Praeceptorem habuit Oxe Helveticum , de quo dicemus , quem longe superavit . Anno circiter CIC. IC. CC. XXXII. Florentiam appulit , & in hac Urbe , in qua artes omnes maxime florent , per triennium moram fecit ; quo tempore quum insigniora Graecorum opera Gemmis exscisa sedula cura , multaque meditatione sedulo contemplaretur , & sulphurea etypha suppeditante Ill. Barone de Stosch , eius monitis ac praceptoris in dies magis magisque proficeret , tantam nominis claritatem adeptus est , ut inscalptae ab eo Gemmae ab omnibus magno studio cuperentur , conquirerenturque . Solus Franciscus Ninghius Florentinus eius virtuti , & aemulationi obstitit . Ne autem tam praeclaro Opifici cedere videretur , imaginem , ut ille fecerat , Ioannis Gastonis Magni Ducis Etruriae in Achate Sardonyche diligenter inscalpsit . Sardae inscalpsit imagines Marchionis Ludovici Tempi , & Martelliae eius Coniugis letissimae , ut eorum nuptias ingenii sui monumento aliquo honestaret . Achati Sardonychi pulcherrimo Veneres omnes & Gratias circumfudit , in quo exquisito opificio effinxit imaginem Nobilissimae Feminae Vallavoniae Suarez della Conca , eximia forma celebris ac spectatissimae . Persimili lapillo sculpsit etiam Philippi Baronis L. de Stosch caput , & in eo nomen suum graeca epigraphe inscripsit . Exstant etiam in meis Ci-

me-

meliis alia eiusdem NATTER, quem probe novi, egre-  
gia opera, quibus, cum cerneret antiquis operibus,  
quae frequenter in suis Gemmis imitabatur, & refere-  
bat, valde proxima esse, nomen suum vel latina vel  
graeca epigraphe ita exprimebat: NATTER. & NATTHP  
ΕΠ. hoc est: *Natter faciebat*, more Scalptorum antiquo-  
rum. Primus Iuliam Titi Vespasiani, & Marciae Fur-  
nillae filiam anulari gemmae sculpsit ad typum illius,  
quae maximi moduli est, & in celeberrimo S. Diony-  
sii Thesauro Parisiis adservatur, & nomen suum latino  
titulo adiecit. Sed p[ro]ae ceteris eius sphragismatis mul-  
tis laudibus celebratur imago gemmae anulari insculpta  
Eminentissimi S. R. E. Cardinalis Alexandri Albani,  
in qua nomen suum inscripsit: NATTHP ΕΠΟΙΕΙ. Amethy-  
sto etiam egregio opere insculpsit iuvenilem imaginem,  
quam Lutetiam Parisiorum detulit D. Abbas de Ro-  
thelin, quam etiam laudat PETRUS MARIETTUS. Tiberii,  
Apollinis, & Sabinae capita e praecellentissimis antiquis  
Scalptorum imaginibus exceptit opificio elegantissimo ac  
felicissimo. Haec quae laudavi & alia multa eximia  
suae artis monumenta intra triennium Florentiae absolvit;  
mox laudibus & praemiis excitatus complurium  
Optimatum Britannorum, Londinum petiit, & adhuc  
ibidem, ut fertur, summo in honore semper victurus  
floret.

MARCUS TUSCHERUS Norimbergensis,  
Saec. XVIII.

Naturae & Artis prodigia fere omnia si quis MAR-  
CI TUSCHERI ingenium nostra aetate, Deo divina sua  
munera effusiore liberalitate non raro largiente, com-  
plexum esse dixerit, neque adulatio[n]is, neque menda-

cii culpae obnoxius censendus erit. Id probe sciunt & testantur, qui eum nondum impletum aetatis suae trigesimum annum tum Romae, tum Florentiae conspererunt, ejusque familiaritate frui potuerunt, inter quos me quoque animo lubens connumero. Nihil est in praeclaris artibus, quae a Graphice pendent, vel noble, vel arduum, vel stupendum, quod ipse, alter veluti Prometheus, non sit feliciter adsequutus: egregius Plastes, eximus Pictor, Architectus probatissimus, mirabilis Chalcographus, novorum operum Artis inventor, antiquorum imitator sagacissimus; demum quum laudis & gloriae ardore & cupiditate flagraret incredibili, ne cui cederet, summam quoque in operibus Glyptographicis peritiam, nullo adhibito praceptor, sed tantum observato Florentiae amico suo dulcissimo Laurentio Natter, dum iisdem operam daret, ostendere voluit; quae licet pauca sint, eius tamen igneam animi vim, eumque antiquorum Artificum aemulatorem praestantissimum fuisse demonstrant. Dum Florentiae degeret, non raro his studiis operam dantem eum vidi, & summa cum animi voluptate conveni frequenter. Ad tantam ingenii & artium gloriam eum educavit Clar. Philippus Stoschius, apud quem hospes Florentiae complurium annorum spatio mansit; quo auspice immensum propemodum antiquorum operum pulcherrimorum thesaurum selectissimum sibi quotidie referatum propositumque felici eventu contemplatus est. De tabulis ab eo pictis, de chartis calamo ex atramento delineatis, de plasticis, atque architectonicis operibus eius nihil dico. Chalcographico stilo mira fecit; non spe multae pecuniae, quam contempsit, sed amicitiae, & gloriae potissimum mercede contentus.

B b b

Ex

Ex his pauca enumerare lubet : nempe prospectum Vesuvii montis cinerem & ignem vomentis, quem eo ipso in loco aereae tabulae incidit , cuius apographum in Vol. I. mearum Symbolarum Decadis II. Romanae editionis, adiectis eius laudibus, protuli ; Catrossianam Villam valde celebrem Venutorum Patriciorum Cortonensis ; Nuptiarum ritus & pompam dum Sponsa Sponsi domum ingreditur ; non paucas Tabulas numismatum Syracusanorum, & Urbium Siciliae, vel editas , vel edendas in praeclaro Opere Cl. Viri P. D. Iosephi de Pancratiis Nobilis Cortonensis, Academiae Etruscae, & Columbariae Socii , quibus Litteratis Coetibus & ipse TUSCHERUS virtutis & honoris causa adscriptus est ; quae omnia & alia non pauca aereis tabulis peritissime delineavit & incidit, antiquorum operum imitator accuratissimus . Sed omnes ingenii sui vires , & studiorum suorum praestantiam in ea aerea Tabula maxima ostendit , in qua , praeter sexcentas confluentium spectatorum figuras , incidit triumphalem Arcum in celebrando , excipiendoque Francisco III. Lotharingio , Etruriae Magno Duce , Pio , Felice , Augusto , in eius adventu , in qua nihil est quod desideres . Hanc Tabulam longitudine superantem duos Romanos pedes antiquos Florentiae delineavit , Londini vero aere inscalpsit . Haec Tabula , quam Francisco Magno Etruriae Duci , nunc Imperatori Caesari Clementissimo semper Augusto dedicavit , hac epigraphe , eiusque regiis Insigniis ornata ab eo est : FRANCISCO III. Lotharingiae Barri & Magno Etruriae Duci Regi Hierusalem Inclito Pio Clementi Propagatori Ampliatorique egregiarum Artium hanc Scenographiam Arcus Triumphalis ante Portam Divi Galli Florentiae ad solemnem eius Ingressum solide erecti anno Sal. CIC. IC. CC. XXXIX.

**XXXIX.** ex Archetypo a se delineatam aereque incisam dedicat votet ac consecrat Marcus Tuscherus Noricus Pictor & Architectus perenne devotissimi obsequii testimonium Londini M DCC XLIII. Huius Tabulae perpaucis impressis editisque exemplaribus, quae amicis suis carissimis, & mihi quoque ex Dania dono misit, Tabulam ipsam, ut maxime rarissimam redderet, in alium usum statim convertit. Post hunc annum, eius nominis fama magis magisque ubique percrebrente, ab inclyto Daniae Rege aditus est, ut sumtuosissimum in regiis nuptiis celebrandis tum in principe sede, tum in augusto palatio adparatum excogitaret, omnibusque ornamentis praeesset. Ibi antiqua omnia monumenta, quae in Aegypto & ultra in suis itineribus Regis iussu & sumtibus egregius Vir Norden viderat, in regiis tabulis accuratissime delineavit & incidit. Regius publicorum operum Praefectus, & Machinarius magnis cum praemiis perhonorifice declaratus est.

Venio nunc ad eius opera Glyptographica. Imaginem suam non in aerea tantum, verum etiam in duobus lapillis, Sarda, & Berylo, alteram Romae anno CIC. ID. CC. XXXIII. alteram mox Florentiae faberlime inscalpsit. In priore nomen suum Graece ΜΑΡΚΟΣ inscrispsit. Quantum quoque artis studio, & magnitudine ingenii sui valeret, ut ostenderet, Minervam Salutiferam ad fidem archetypae Gemmae Dactyliothecae Ottobonianaे omnium operosissimae, quam Aspasius insignis Gemmarius Scalptor effinxit (1), minore loci spatio accuratissime expressit; maiora ac longe plura facturus, si praepropera mors eum in hoc ipso gloriae curri-

(1) Hanc vide in Stoschiano Opere Gemmarum cum Artificum nomine, Tab. XIII.

curriculo aetate florentem non rapuisset, cuius obitum nuper magno cum moerore audivimus.

HENRICUS ENGELHART, Saec. XVIII.

Laudatur hic Artifex, natione Alemannus, a SANDRATO in *Acad. Pict. Erud.* pag. 219. & 343. qui eius aetate operam gemmis scalpendis dabat; quamvis MARIETTUS suspicetur propter familiaritatem, quam cum eo habebat, ea laude ornatum. Idem Scriptor laudat etiam DANIELEM, qui in sigillis & anulis obsignatoriis stemmata gentilitia insculpebat.

## C A P U T X V I I I .

*De Scholis Glyptographicis Hispanicis, Britannicis, Danicis, Scoticis, Suevicis, Prussicis, aliisque transmarinis, corumque celebrioribus Scalptoribus Gemmariis.*

ETSI sero apud nobilissimas transmarinas Nationes Gemmarii Artifices Glyptographicas Artes ad summum excellentiae apicem evexerint; haud tamen sine temeritatis nota negari potest, eas praeclaros Opifices iactare posse, qui merito summa cum laude in his Historicis meis Fastis enumerari possint. Illud mihi iamdiu observatum est, opulentissima Regna perpacuis superbiisse Gemmariis Caelatoribus, quia subiecti Regibus cives nimia divitiarum copia abundarent: quum econtra Italicarum Urbium Artifices praeclaris studiis a pueris imbuti, quum pluribus commodis destituti, pecunia rerum omnium arbitra carerent, eo industria, studio, labore, ingenii aciem, & virium nervos omnes con-

contenderunt , ut sibi & gloriam & opes nominis celebritate , operumque praestantia sibi compararent ; quod divino confilio factum arbitror , ut semper indigentes in studiis adsidue versarentur , & suis ingenii , & artis monumentis praecellentissimis patriam , nationem , orbem universum locupletarent . Illud etiam adcedit , quod maximis gravissimisque bellis adsidue detenti Invictissimi Reges ad augendum litterarum & artium omnium splendorem nonnisi in beato pacis otio & quiete animum , liberalitatem , & munificentiam converterunt . Hinc videmus , ubi Hispaniarum Reges ad omnes artium elegantias degustandas , excitandasque prinos se ostenderunt , ac valde studiosos , statim tanquam e pratris flores benigno rore conspersos praestantes Litteratos Viros & Artifices omnis generis ortos esse , & caput ad sidera , quae in ipsos radiabant , extulisse . Sub Potentissimo Rege Hispaniarum nunc valde floret Regia Scientiarum & Bonarum Artium Accademia , cuius subsellia implent Viri longe doctissimi , qui iam multos ingenii fructus donarunt . In Britannico Orbe praestantissimi nunc florent Artifices , quod ipsi maximis praemiis ornentur atque ditentur . Testantur collectae Antiquitates Palmyrenae , opus immortale , & maxima gloria plenum ; testatur illa summorum Procerum Accademia , quae praemiis adficit eos omnes sive Litteratos , sive Artifices , qui gloriam & ipsis Maecenatibus , & sibi pariunt sempiternam .

Sileo magnanimi Daniae Regis inclyta gesta , quae nullis laudibus aequare possum , qui universa Aegypto perlustrata , antiquisque omnibus monumentis antiquorum Aegyptiorum diligentissime delineatis , ea publico bono aereis tabulis incisis proferri & publicari iussit .

Cccc

Apud

Apud omnes testatissima sunt praemia proposita a Scotorum Principibus, a Suetiae quoque Regibus, quum ipsa Regina, cui Zanettianam Daetyleothecam Auctoris nomine dedicavi, miro insignium Gemmarum amore teneatur, & his deliciis antiquae eruditionis Museum possideat refertissimum. Silentio potius quam meritis laudibus recolo famosissimum Prussiarum Regis nomen augustum, qui, quum ipse optimis disciplinis, & studiis omnis eruditionis sit instructissimus, tum litteras, tum artes omnes revocavit, & ad veterem gloriam adspirare exemplo suo mirifice cogit: quae omnia ex mox dicendis aliquo modo elucescent.

### IACOBUS THRONUS, Saec. XVI.

Nunc primum meis curis in lucem prodit nomen IACOBI THRONI, qui circa annum CIC.LVI. in adamante eximia arte incidit Insignia Mariae Britanniae & Hiberniae Reginae, uxor Philippi II. Catholici Hispaniarum Regis. Huius patria me latet.

ANONYMUS EBRAEUS cum praelaudato THRONO coniungendus, de quo omnes Scriptores, qui de Glyptographica scripsere, silent. Hic adamantem tabulatum, ut aiunt, *in tavola*, ovalis figurae, atque insignis magnitudinis, exquisito opificio inscalpsit, in quo insignia Regis Prussiae cum quatuor gentilitiis Stemmatibus spectantur; pro quo decem millia numorum, nempe Tolleris, accepit; sed in eo effingendo tantum industriae, laboris, & solertiae insumsit, ut mox caecus evaserit; cuius nomen & patriam adhuc ignoramus. Haec mecum Clarissimus Baro de Stosch perhumaniter communicavit.

THO-

## THOMAS SIMON Anglus, Saec. XVII.

Antiquis Caelatoribus , Gemmarumque Scalptoribus proximus habitus est THOMAS SIMON Anglus , qui tempore Cromuelis summa artis & ingenii laude apud Britannos floruit . Imagines Virorum Illustrium in lapillis inscalpsit , atque etiam anaglyptico opere exprefsit ; inter quas illae magnam ei nominis famam peperere , quae exhibent vultus Olivarii Cromuelis , & Domini Clarendonii primi inter Ministros Regni Caroli II. Regis Britanniae ; quarum gemmarum ectypa exstant in Cimeliothecis Stoschianis . In formis incidit etiam aere cudenda Numismata , quae inter consummatissima eius opera celebrantur . Hunc nec Auctor Dissertationis Glyptographicae , nec Mariettus nominarunt .

MAURITIUS, atque eius Filius, Belgae,  
Saec. XVIII.

Ex Belgio Rohanum migravit , & domicilio sibi parato , regnante Ludovico XIII. Galliarum Rege , in Gemmarum sculptura non mediocrem laudem sibi paravit MAURITIUS. In Glyptographice filium suum erudit , qui complura edidit opera , quae laudata sunt ; sed mox Rohano relieto Hagam Comitum se contulit , ubi octogenarius obiit anno CIC. IC. CC. XXXII. quem diu Parisiis Gemmis scalpendis operam dedisset .

N. REISEN Danus , & CAROLUS CHRISTIANUS  
eius Filius , eiusque Discipuli , CLAUS,  
SMART , SEATON , Saec. XVIII.

REISEN Danum inter egregios Lithographos recentes

set **MARIETTUS**, qui quem in Dania ortus esset, sequutus Guillelmum Regem, cui erat addictus, Londonum se contulit, ubi constituto domicilio suo gemmis scalpendis sedulus incubuit. **CAROLUM CHRISTIANUM** filium suum erudivit, & Glyptographicae abdita & difficultia suis exemplis monstravit; quibus adeo profecit, ut parentem longe superaverit: nam praestitit iudicio valde exquisito, propria, facili, ac celeri in caelando peritia ac sagacitate, quibus dotibus inter primos Anglos Scalptores Gemmarios connumerari, & quidem magna cum laude, potuit. Is celeri fato, annis circiter quadraginta natus, interceptus est circa annum **CIC. IC. CC. XXV.** Tam brevi tamen vitae curriculo complura opera elaborata reliquit; inter quae memoratur imago **Caroli XIII.** Suecorum Regis, in qua, praeter mollem quamdam subtilitatem, nihil est quod desideres. Obstabat enim, ut caelamina sua absolutiora redderet perficeretque, innata quaedam in eo celeritudo, quae ab ingenii vi, & mira in tractandis officiis facilitate sponte promanabat.

Inter alumnos, quos hic mirabilis Scalptor ex Britanis habuit, instructior habitus est **CLAUS**, qui demens obiit anno **CIC. IC. CC. XXXIX.** Alter est **SMART**, qui celeritate, qua in gemmis scalpendis usus est, omnium oculos admiratione complevit, sed negligentiae crimen non evitavit, qui Parisios se contulit circa annum **CIC. IC. CC. XXII.**

**SEATONUS** Scotus nunc Londini primarius Lithographus habetur, cuius opera glyptographica consummatisima sunt, quum in iisdem poliendis elaborandisque nec laboribus, nec diurno studio parcat; sed in rebus omnibus ne quid nimis servandum est; quum interdum labor

labor exquisitior vigorem artis, & nativam dignitatem enervet. Imagines Clarissimorum Virorum Gemmis faberrime infcalpsit, nempe Pope Poetae celeberrimi, Iones Architecti, quem alterum Palladium censem, & Equitis Magni Ioannis Newton; quas solutis ingentibus impendiis dedit, praeter omnium laudes cumulatissimas, & favorem paene incredibilem, quae ita oriuntur, ut magnum ex unica favilla incendum.

N. OXE, Helveticus, Saec. XVIII.

Nunc primum a me memoratur, & egregiis exterris Gemmarum Scalptoribus adcensemetur N. OXE Helveticus, cuius nomen ut clarescat, debetur eximio Natter, qui eum praceptorum habuit, quod mihi Cl. Stoschius patefecit. Si, ut monet Horatius, *fortes creantur fortibus & bonis*; in artibus quoque fatendum est, saepenumero ab egregiis Opificibus egregios prodire Opifices, qui frequentius & Magistros probatissimos antecellunt.

AARON VOLFF natione Iudeus,  
Brandenburgensis, Saec. XVIII.

Huius Artificis non uno nomine laudabilis cum meminisset Cl. Stoschius me praesente in familiaribus colloquiis, omnem curam adhibui, ut de eo quae optabam rescirem. Quum Senis eum modo degere audivissem, rogavi eruditissimum Virum, fama nominis & editorum operum clarum, Ioannem Antonium Pec-  
cium, Equitem Ordinis D. Stephani, Patricium Senensem, qui hoc, quod sequitur breviarium operum eius, ab eo obtinuit; quod subiicio: " ARON VOLFF figlio  
„ di Iacob Volff Ebreo, Brandemburghese, Vassallo

Dddd di S.M.


„ di S. M. Prussiana , nato nella Città di Sandau ,  
„ Provincia di Mandinburgh nella Marca Vecchia , ora  
„ d' anni trentasei incirca , Incisore di Gemme ; nelle  
„ quali esso lavora sigilli , armi , figure , ritratti , e Cam-  
„ mei , e qualunque altro lavoro , che in pietre pre-  
„ ziose possa farsi ; come anche è Professore di buli-  
„ no da operarsi in qualsivoglia metallo , tanto d'in-  
„ taglio , come di bassorilievo . Il medesimo è stato  
„ allievo di Michel Vais , della Città di Dessau , Vaf-  
„ fallo di S. A. il Duca di Dessau . Il detto Aron ha  
„ avuto l' onore di servire molti Principi Reali nella  
„ Germania , e nell' Italia , spezialmente a S. M. il Re  
„ delle due Sicilie in Napoli , come in Roma a varj  
„ Principi e Cardinali . Niuno allievo ha fatto , men-  
„ tre ha camminato molto il mondo , e ne' luoghi di  
„ esso ha fatto poca dimora ; e la maggior dimora  
„ che abbia fatto è stata in Napoli , ove le prime sue  
„ operazioni sono state incider Gemme ; ed il primo  
„ lavoro , che ivi facesse , fu per il Sig. Principe de  
„ Salis , Duca di Mont' Allegro , Primo Ministro di  
„ S. Maestà , e fu una Sardonica Orientale , in cui  
„ dall' antico incise una Leda col Cigno , e due Cor-  
„ niole , una con Arme del medesimo , e in un' altra  
„ v' incise un Cesare Augusto . Il secondo lavoro fu l'  
„ Arme di S. M. in Zaffiro bianco ; il terzo lavoro  
„ fu per il Sig. Principe Pignatelli in un raro Gra-  
„ nato , in cui incise l' Arme di esso ; il quarto fu per  
„ il Sig. Duca di Maddalona , per cui in Corniola  
„ scolpì l' Arme , ed un Ercole in Plasma . Altro la-  
„ voro fece al Sig. Principe delli Tarcini Vicerè di  
„ Napoli , per cui fece l' Arme in Calcedonio ; e mol-  
„ ti altri lavori ha fatti al Sig. Principe della Riccia

tanto

„ tanto in Gemme , che in bulino ; e così parimente  
„ per il Sig. Principe della Villina sì d' Arme , come  
„ di Cammei diversi . In simiglianti lavori servì il  
„ Sig. Duca di Fori , ed il Sig. Principe di Tarsia ,  
„ a cui incise due Corniole , una con Corona , ed al-  
„ tra con sua Arme , oltre a diversi lavori di bulino ;  
„ talchè pochi Principi e Signori di rango Napoleta-  
„ ni son privi delle sue operazioni sì d' incisione di  
„ Gemme , che d' intagli di bulino ; ed ancora si son  
„ prevaluti de' suoi lavori molti delli Generali e Uf-  
„ fiziali di Milizia , dei quali , e dei lavori per essi  
„ fatti non si ricorda . Ebbe ancora l'onore di fare in  
„ Livorno i primi Sigilli per S. M. C. quando fece  
„ l' ingresso come Granduca di Toscana , e questi fece  
„ in acciaio , e parimente nella Toscana , e ora nella  
„ Città di Siena , dove dimora , va continuando tali  
„ lavori , e fatiche da molti ricercate .

F I N I S.





P-A-Novelli del.

G-B-Bryfalon inc.

NOMINA VETERUM GEMMARIORUM,  
**QUORUM IN HISTORIA GLYPTOGRAPHICA**  
 MENTIO INJECTA EST.

|                    |         |                                 |      |
|--------------------|---------|---------------------------------|------|
| A.                 |         | CRITONIUS Q. DASSUS. pag. 46    |      |
| ABASCANTUS         | pag. 23 | CRONIUS                         | 7    |
| ADMON              | 1       | D.                              |      |
| AETION             | 2       | DIPHILUS                        | 8    |
| AGATHANGELUS       | ibi.    | DIOSCORIDES                     | 7    |
| AGATHEMERUS        | ibi.    | E.                              |      |
| AGATHOPUS          | ibi.    | EPITYNCHANUS                    | 8    |
| AGEXANDER          | ibi.    | EVELPISTUS                      | 25   |
| ALLION             | ibi.    | EVODIUS                         | 9    |
| AMPHION            | 42      | EUTYCHES                        | ibi. |
| AMPHOTERUS         | 3       | F.                              |      |
| ANTEROS            | 3       | FELIX <i>Calpurnius Severus</i> | ibi. |
| ANTIOCHUS          | ibi.    | G.                              |      |
| APOLLODOTUS        | ibi.    | GELLIUS                         | 26   |
| APOLLONIDES        | ibi.    | H.                              |      |
| ASPASIUS           | ibi.    | HEJUS                           | 10   |
| ATHANASIUS         | 4       | HELLEN                          | 10   |
| AULUS              | ibi.    | HORUS                           | 26   |
| AXEOCHUS           | 5       | HYLLUS                          | 10   |
| B.                 |         | HYLLUS DIOSCORIDIS              | ibi. |
| C.                 |         | L.                              |      |
| CAECIDIUS          | 42      | LAMIRUS                         | 54   |
| CAEKAS             | 5       | LOLLIUS                         | ibi. |
| CLEON              | ibi.    | LUCIUS                          | 11   |
| CLODIUS            | 43      | M.                              |      |
| CNAEUS             | 5       | MENANDER                        | 55   |
| COINIUS            | 6       | MILESIUS                        | 11   |
| CORNELIUS          | 45      | MITHRIDATE                      | ibi. |
| CRITONIUS P. HILUS | ibi.    |                                 |      |

HIST. GLYPT.

Eeee

|               | R.                          |
|---------------|-----------------------------|
| MNESARCHUS    | pag. 55                     |
| MYCON         | 12 RAPILUS SERAPO           |
| MYRTON        | ibi. pag. 62                |
|               | S.                          |
|               | SALLUSTIUS ACCEPTUS 65      |
| N.            |                             |
| NERO          | 55 SATUREJUS 66             |
| NICEPHORUS    | 26 SCYLAX 15                |
| NICOMACHUS    | 12 SEGULIUS <i>Alex.</i> 69 |
| O             |                             |
| ONESA         | SELEUCUS 15. 69             |
| P.            |                             |
| PAGUS         | 13 SICINIUS PRIAMUS 70      |
| PAMPHILUS     | SIDON ibi.                  |
| PEIGMON       | SOLON 16                    |
| PEMALION      | 57 SOSOCLES ibi.            |
| PERGAMUS      | 13 SOSTRATUS ibi.           |
| PHARNACES     | ibi. SOTRATUS 17            |
| PHILODAMUS    | 58 STEFANUS 29              |
| PHILEMON      |                             |
| PHILETIMUS    | 13 TARSUS ibi.              |
| PHILOCALUS    | 59 TAMYRIS 18               |
| PLOTARCHUS    | 13 TEUCER 17                |
| POLYCLETUS    | 27 TRYPHON 18               |
| PROTOGENES    |                             |
| PYRGOTELES    | 28 VETTIUS 77               |
|               |                             |
| Q.            |                             |
| QUINTUS ALEXA | 14. 69 XENOCRATES X.        |
| QUINTILLUS    | ibi. ZEUXIS 77              |
|               |                             |
|               | ibi. ZOSIMUS 78             |
|               | Z.                          |



C A T A L O G U S  
LITHOGRAPHORUM SEQUIORIS AEVI

QUI IN HISTORIA COMMENDANTUR.

~~REPERTORIUM~~

|                          |                                         |          |
|--------------------------|-----------------------------------------|----------|
| <b>ADONIUS . . . . .</b> | <i>Romanus</i>                          | pag. 213 |
| <b>ANICHINUS,</b>        | <i>Ludovicus, Ferrariensis</i>          | 257      |
| <b>AVANTIUS,</b>         | <i>Nicolaus, et Jacobus, Veronenses</i> | 249      |
| <b>AUTELIUS,</b>         | <i>Jacobus, Florentinus</i>             | 266      |

B.

|                      |                                           |     |
|----------------------|-------------------------------------------|-----|
| <b>BARRIER,</b>      | <i>Franciscus Julianus, Gallus</i>        | 272 |
| <b>BECKERUS,</b>     | <i>Philippus Christophorus, Alemannus</i> | 276 |
| <b>BELLIUS,</b>      | <i>Valerius, Vicentinus</i>               | 247 |
| <b>BERNABE'</b> ,    | <i>Felix, Florentinus</i>                 | 192 |
| <b>BERNARDUS,</b>    | <i>Joannes, a Castro Bononiensis</i>      | 226 |
| <b>BERNARDINUS</b>   |                                           | 144 |
| <b>BIRAGUS,</b>      | <i>Clemens, Mediolanensis</i>             | 240 |
| <b>BORGOGNONUS,</b>  | <i>Andreas</i>                            | 171 |
| <b>BORCHIGIANUS,</b> | <i>Franciscus, Florentinus</i>            | 197 |
| <b>BRUGIASORZI,</b>  | <i>Dominicus, Veronensis</i>              | 255 |

C.

|                            |                                                    |     |
|----------------------------|----------------------------------------------------|-----|
| <b>CAESARIUS,</b>          | <i>Alexander, Patavinus</i>                        | 258 |
| <b>CARADOSSUS,</b>         | <i>dictus FOPPA, Ticinenis</i>                     | 208 |
| <b>CARAFA,</b>             | <i>Joannes Antonius, Brixensis</i>                 | 264 |
| <b>CARALIUS,</b>           | <i>Jo: Jacobus, Veronensis</i>                     | 256 |
| <b>CARRIONI,</b>           | <i>Jo: Bapt. et Jo: Stephanus, Mediolanenses</i>   | 157 |
| <b>CAVINUS,</b>            | <i>Joannes, Patavinus</i>                          | 262 |
| <b>CASTRUCCIUS,</b>        | <i>Michael, Florentinus</i>                        | 167 |
| <b>CERTAIN,</b>            | <i>Jo: Baptista, Gallus</i>                        | 274 |
| <b>CLAUS . . . . .</b>     | <i>Danus</i>                                       | 287 |
| <b>CONSTANTIUS,</b>        | <i>Jo: Pater, et Carolus et Thomas Fil. Romani</i> | 219 |
| <b>COLDOREUS . . . . .</b> | <i>Gallus</i>                                      | 270 |

HIST. GLYPT.

Eeee 2

|                            |                        |          |
|----------------------------|------------------------|----------|
| DEWEBER, Laurentius Maria, | <i>Florentinus</i>     | Pag. 197 |
| DOMINICUS, il Romano       |                        | 158      |
| DOMINICUS, dei Camei,      | <i>Mediolanensis</i>   | 225      |
| DONDONIUS, Antonius,       | <i>Buxetanus</i>       | 212      |
| DONINUS. . . . .           | <i>Parmensis</i>       | 208      |
| DORSCHIUS, Christophorus,  | <i>Norimbergensis.</i> | 278      |

## E.

|                      |                |     |
|----------------------|----------------|-----|
| ENGELHART, Henricus, | <i>Alemani</i> | 284 |
|----------------------|----------------|-----|

## F.

|                        |                      |     |
|------------------------|----------------------|-----|
| FAREIT. . . . .        | <i>Anglus</i>        | 215 |
| FERVCCIUS, Franciscus, | <i>Florentinus</i>   | 153 |
| FONTANA, Hannibal,     | <i>Mediolanensis</i> | 243 |
| FRANCIA, Franciscus,   | <i>Bononiensis</i>   | 230 |

## G,

|                          |                        |                   |     |
|--------------------------|------------------------|-------------------|-----|
| GAFFURII, Christophorus, | <i>et Bernardinus,</i> | <i>Florentini</i> | 165 |
| GASPARINIUS, Jacobus,    | <i>Venetus</i>         |                   | 267 |
| GHINGIUS, Franciscus,    | <i>Florentinus</i>     |                   | 178 |
| GRAAFT, Godefridus,      | <i>Hanseaticus</i>     |                   | 223 |
| GUAY, Jacobus,           | <i>Massiliensis</i>    |                   | 272 |

## I.

|                          |                    |     |
|--------------------------|--------------------|-----|
| IOANNES, delle Corniole, | <i>Florentinus</i> | 133 |
| IOANNES Maria. . . . .   | <i>Mantuanus</i>   | 206 |

## L.

|                     |                      |     |
|---------------------|----------------------|-----|
| LANDIUS, Dominicus, | <i>Lucensis</i>      | 221 |
| LECMANNUS, Caspar,  | <i>Alemani</i>       | 275 |
| LEONARDUS. . . . .  | <i>Mediolanensis</i> | 206 |

## M.

|                             |                  |     |
|-----------------------------|------------------|-----|
| MARMITTAE, Pater et Filius, | <i>Parmensis</i> | 205 |
|-----------------------------|------------------|-----|

## C A T A L O G U S.

ccxcvij

|                                                              |          |
|--------------------------------------------------------------|----------|
| MASINIUS, Laurentius, <i>Venetus</i>                         | pag. 268 |
| MAURITIUS, <i>Belga</i>                                      | 287      |
| MICHELETTUS . . . . . <i>Florentinus</i>                     | 209      |
| MICHELINUS . . . . . <i>Romanus</i>                          | 204      |
| MISERONII, Pater, Dionysius et Ferdinandus Fil. <i>Galli</i> | 275      |
| MISURONII, Caspar, et Hieronymus, <i>Mediolanensis</i>       | 160      |
| MOCHIUS, Antonius, <i>Florentinus</i>                        | 167      |
| MONDELLA, Galeatius, <i>Veronensis</i>                       | 251      |
| MONETA, Marcus Actius, <i>Bononiensis</i>                    | 234      |
| MULLERUS, Conradus, et Jo: Filius, <i>Alemanni</i>           | 277      |

## N.

|                                                          |     |
|----------------------------------------------------------|-----|
| NANNES, Fil. Prosperi dalle Corniole, <i>Florentinus</i> | 143 |
| NASSARIUS, Mathaeus, <i>Veronensis</i>                   | 252 |
| NATALIS, Flaminius, <i>Leidenfis</i>                     | 213 |
| NATTER, Laurentius, <i>Norimbergensis</i>                | 279 |

## O.

|                              |     |
|------------------------------|-----|
| OXE . . . . <i>Helverius</i> | 289 |
|------------------------------|-----|

## P.

|                                                   |     |
|---------------------------------------------------|-----|
| PASSAGLIA, Stephanus,                             | 197 |
| PASTORINUS . . . . . <i>Senensis</i>              | 154 |
| PERICIOLIUS, Antonius, <i>Senensis</i>            | 167 |
| PETRUS MARIA . . . . . <i>Pisciensis</i>          | 139 |
| PIHELER, sive PICHLER Antonius, <i>Tirolensis</i> | 223 |
| POLI, Dominicus, <i>Florentinus</i>               | 140 |
| POZZI, Joannes, <i>Romanus</i>                    | 222 |

## R.

|                                            |     |
|--------------------------------------------|-----|
| REISEN, Pater, et Carolus Fil. <i>Dani</i> | 287 |
| REY . . . . . <i>Gallus</i>                | 271 |
| RICCIUS, Andreas, <i>Patavinus</i>         | 263 |
| ROSSI, Jo: Antonius, <i>Mediolanensis</i>  | 155 |
| ROSSI, Hieronymus, <i>Liburnensis</i>      | 223 |

## ccxcvij C A T A L O G U S.

ROSSI, (de) Propertia, *Mutinensis*

230

## S-

|                                                                     |          |
|---------------------------------------------------------------------|----------|
| SANTACRUCIUS, Franciscus, <i>Urbinas</i>                            | pag. 210 |
| SCHWAIGERUS, Christophorus, <i>Alemannus</i>                        | 276      |
| SEATON. . . . . <i>Danus</i>                                        | 277      |
| SERAFINUS. . . . . <i>Brixienfis</i>                                | 264      |
| SILVESTER. . . . . <i>Ravennas</i>                                  | 207      |
| SIMON, Thomas, <i>Anglus</i>                                        | 287      |
| SIRIES, Ludovicus, <i>Gallus</i>                                    | 187      |
| SIRLETUS, Flavius Pater, Franciscus et Raymundus Fil. <i>Romani</i> | 217      |
| SMART. . . . . <i>Danus</i>                                         | 287      |
| SPANENBERGERUS. . . . . <i>Norimbergensis</i>                       | 277      |

## T.

|                                                   |     |
|---------------------------------------------------|-----|
| TAGLIACARNE, Jacobus, <i>Genuensis</i>            | 206 |
| TAVERNIUS, Julianus, <i>Mediolanensis</i>         | 212 |
| THRONUS, Jacobus,                                 | 286 |
| TORRICELLIUS, Bartholomaeus, <i>Faefulanus</i>    | 166 |
| TORRICELLIUS, Cajetanus, <i>Florentinus</i>       | 172 |
| TORRICELLIUS, Joseph, <i>Florentinus</i>          | 195 |
| TORRICELLIUS, Joseph Antonius, <i>Florentinus</i> | 174 |
| TORTORINUS, Franciscus, <i>Mediolanensis</i>      | 242 |
| TRECIUS, Jacobus, <i>Mediolanensis</i>            | 235 |
| TUSCHER, Marcus, <i>Norimbergensis</i>            | 280 |

## V. et W.

|                                         |     |
|-----------------------------------------|-----|
| VAGHUS, Thomas, <i>Mutinensis</i>       | 232 |
| VALDER, Gerardus, <i>Belga</i>          | 170 |
| WOLF, Antonius, <i>Brandenburgensis</i> | 289 |

## Z.

|                                    |     |
|------------------------------------|-----|
| ZOPPIUS, Paulus, <i>Brixienfis</i> | 261 |
|------------------------------------|-----|

## E R R A T A.

In Prae loquium ad Da&gt;tyliothecam pag. xv. lin. 17. aureusque *lege argenteusque*.

BIBLIOTECA DE CATALUNYA



1001192107



Biblioteca  
de Catalunya

C - MUHAD  
1001192107

Top. MURad  
19-Fel.

■ Generalitat de Catalunya  
■ Departament de Cultura

Digitized by Google









